





42533/B

lot 59-246  
SP3

part 9







75603

JOSEPHI QUARIN,

SACRÆ CÆS. REG. APOST. MAJEST. CONSIL. ET  
ARCHIATRI, IN NOSOCOM. FRATR. MISERIC.  
PHYSICI PRIMARI ET VARIARUM ACAD.  
MEMBRI.

DE CURANDIS  
**FEBRIBUS**  
E T  
INFLAMMATIONIBUS  
COMMENTATIO.



VIENNÆ,  
APUD RUDOLPHUM GRÆFFERUM, 1781.

THE CLERICAL  
FEBRIBUS

THE CLERICAL



ILLUSTRISSIMO VIRO  
THOMÆ IGNATIO  
LIBERO BARONI

DE

P O E C K,

SACRÆ CÆSAREÆ APOSTOLICÆ  
MAJESTATIS  
A C O N S I L I I S  
REG. INFERIOR. AUSTRIÆ  
CANCELLARIO  
ORDINIS REGII S. STEPHANI  
E Q U I T I  
A V U N C U L O S U O

HAS PAGINAS DEDICAT

*Devotus Autor.*

Τῆς ὑγείας πλείστην ἐπιμέλειαν ἔχομεν. Isocr.

ad Demon.

*P R Æ F A T I O.*

**D**ivenditis, quos de ratione  
medendarum febrium &  
inflammationum conscripseram,  
libellis, novamque editionem ur-  
gente bibliopola eo lubentius ma-  
num poliendo operi admovi, quod  
exploratum mihi erat, omnibus  
id artis peritis, unum si demas,  
(a) probatum fuisse. Sed quæ  
materies duos in tomulos disper-  
tita prius erat, eam nunc uno com-  
plexus sum propterea, quod per-  
sæpe similis sit utrique morbo me-  
den-


---

(a) Joh. Clemens Tode. Medic. Chirurg. Bibliothek  
zweyt. B. dritt. St. S. 45. Dritt. B. dritt. St. S.



## P R Æ F A T I O.

dendi ratio. Accessere tamen additamenta quædam, at non copiosa admodum, nam & prolixus esse metuebam & observationes, quæ quidem insignem aliquam utilitatem adferre possent, diu quamvis, multumque vestiganti paucae fane occurrunt; at illas, quas de morbis chronicis vulgaturum me receperam, animadversiones propediem editurus sum, ne citius in lucem prodirent, amplissima praxis, morbi, quibuscum conflictabar & varia, eaque longiora aliquando itinera in causa fuere.



## INDEX

# INDEX CAPITUM.

---

## CAPUT I.

Pag.

*De Febris in genere.* 1

## CAPUT II.

*De Synocho non putrida.* 9

## CAPUT III.

*De Febre ardente.* 25

## CAPUT IV.

*De Febre putrida.* 48

## CAPUT V.

*De Febre maligna.* 86

## CAPUT VI.

*De Miliaribus.* 96

CA-

# I N D E X.

## CAPUT VII.

	Pag.
<i>De Petechiis.</i>	108

## CAPUT VIII.

<i>De Variolis.</i>	114
---------------------	-----

## CAPUT IX.

<i>De Morbillis.</i>	130
----------------------	-----

## CAPUT X.

<i>De Erysipelate.</i>	138
------------------------	-----

## CAPUT XI.

<i>De Scarlatina.</i>	147
-----------------------	-----

## CAPUT XII.

<i>De Febris intermittentibus.</i>	152
------------------------------------	-----

## CAPUT XIII.

<i>De Inflammatione in genere.</i>	190
------------------------------------	-----

CA.

# I N D E X.

## CAPUT XIV.

	Pag.
<i>De Phrenitide.</i>	210

## CAPUT XV.

<i>De Angina inflammatoria.</i>	223
<i>Scirrhusa.</i>	241
<i>paralytodea.</i>	245
<i>putrida.</i>	247
<i>aquosa.</i>	259

## CAPUT XVI.

<i>De Pleuritide.</i>	263
-----------------------	-----

## CAPUT XVII.

<i>De Peripneumonia.</i>	293
<i>putrida.</i>	326
<i>notha.</i>	331

## CAPUT XVIII.

<i>De Paraphrenitide, Mediastini &amp; Pericardi inflammatione.</i>	336
---	-----

CA.

I N D E X.

CAPUT XIX.

	Pag.
<i>De Hepatitide.</i>	340

CAPUT XX.

<i>De Gastritide.</i>	361
-----------------------	-----

CAPUT XXI.

<i>De Colica inflammatoria.</i>	359
<i>flatulenta</i>	
<i>biliosa.</i>	

CAPUT XXII.

<i>De Ileo.</i>	384
-----------------	-----

CAPUT XXIII.

<i>De Nephritide.</i>	405
-----------------------	-----

CAPUT XXIV.

<i>De Rheumatismo.</i>	415
<i>Formulæ.</i>	435

CAPUT





CAPUT I.  
DE  
FEBRIBUS IN GENERE.

---

Celerior sanguinis motus cum læsione  
functionis febris audit.

Constat quidem, sæpius in ægris ma-  
ligna febre laborantibus pulsum ita sano-  
rum similem observari, ut non raro vel  
etiam doctissimi Medici decipiantur (a).  
Sic Cel. Tralles monet, quod interdum  
posito pessimæ indolis contagio adeo ple-  
narie, adeo subito vires motrices extin-  
guan-

---

(a) Prosper Alpinus Lib. IV. cap. V. pag. 169. de  
præfagienda vita & morte ægrotantium.

quantur, ut ne quidem febris sensibili & manifestæ excitandæ sufficiant, ægerque moriatur citius, quam motus circulatorius in vere febrilem assurgat.

Cum vero nemo signum pathognomicum febris dederit, & Clar. viri, ut Sauvages, Lieutaud, &c. characterem febrium in viribus pulsus aucti collocent, cum Illustr. van Swieten iudico, nihil absurdi implicare febris definitionem, quæ a pulsus velocitate cum læsa functione desumitur. Uberius circa hæc differit Clar. Platnerus filius (a).

Quæ cordis contractionem augment, ut functio inde lædatur, febrim producant.

Talia sunt innumera: aer nimis calidus, frigidus, alimenta & quantitate & qualitate peccantia, animi pathemata, &c.

Nonnunquam ut in constitutionibus epidemicis, ignotum febrim faciens aëri inhæret, quod Hippocrates sub nomine τὸ Θερμὸν comprehendit.

Abit

---

(a) Briefe eines Arztes über den menschlichen Körper: Thl. II.

Abit febris in sanitatem, in morbum alium & in mortem.

Lætus in sanitatem exitus est, si illud irritans, febrim producens ita subigatur, vel demulceatur, ut cum humoribus sanis per vasa moveatur, vel denique, dum solvitur, evacuetur, aut via insensibili, nempe per transpirationem, aut per evacuationes sensibiles, alvum, urinam, sudorem, hæmorrhagiam, &c. quæ criticæ dicuntur.

In alium morbum transit, si febris non adeo valida sit, ut partes vitales, aut admodum obstruantur, aut destruantur, materies tamen morbi non satis evacuetur; quare ad alias partes transfertur, & obstructions, inflammationes, suppurationes, abscessus, hydropes, cachexias generat.

Morte terminatur febris, si validissimo ejus motu, aut acrimonia humorum inducta vasa encephali, vel pulmonum, hepatis, &c. valde obstruantur, aut destruantur.

Febre omnia moventur, propelluntur, subtilissima exprimuntur, crassa inspissantur, cruda coquuntur, cocta evacuantur; quare febris non solum ut morbus est considerata, verum etiam, prout Sydenha-

mus notavit, ut naturæ instrumentum, quo impura a puris separat.

Hinc nonnunquam mitiganda, nonnunquam augenda, aut sibi relinquenda, ut in sequentibus patebit.

Noscitur, ut monui, sanguinis auctus motus ex pulsu, qui in viris potissimum tardior est, sed major, ac in feminis.

Gravidæ celeriores pulsum, & primis mensibus variabilem habent.

Crebrior quoque pulsus in hominibus minoris staturæ, & in infantibus notatur; his simul mollior, senibus durior est.

In phlegmaticis omni minuto secundo pulsus ferit. In cholericis 70, & plures ictus minuti spatio numerantur.

Ad vespertas semper frequentior pulsus, & post pastum 10, aut 12 vicibus intra minutum arteria crebrius ferit, ac ante refectionem.

Prognosis est diversa: quo gravior causa irritans, eo gravior morbus.

Symptomatum vehementia, ætas, temperamentum, vires ægri, constitutio epidemica diversam faciunt prognosim. Sic phthifici, gravidæ accedente febre plus periclitantur.



Indicationes vitales in omnibus febribus primæ sunt, & omni febris tempore considerandæ; si vires langueant, erigendæ: si excedant, minuendæ sunt; denique obstructum est resolvendum, acre irritans demulcendum, crudum coquendum, coctum evacuandum, Symptomata mitiganda.

Ridenda, & damnanda versipellis illa medicina, quæ mox capiti, mox pectori, aut alvo medens non modo nihil medetur, sed plurimum nocet.

Neque monente Gaubio singulis, sed urgentibus Symptomatibus medelam opponere oportet, effecta enim morbi hoc, hujusve causa succisis sponte cessant, quæ nonnunquam adeo diversa sunt, & opposita, ut contraria omnino indicent.

De febribus agam frequentius occurrentibus, licet plurimæ aliæ apud Auctores, ut Cel. Sauvages febrium divisiones legantur.

Sed idem Cl. Vir (a) monet, quod in actuali Medicinæ statu parvi referat ad

A 3

pra-

---

(a) Nosolog. methodic. Tom. II, Part. I. pag. 273.



praxim, non solum species, sed etiam diversa genera febrium ab invicem accurate distinguere.

Freindius asserit, quod multi maximi ingenii viri, non juxta attendentes, symptomata pro ipsis morbis curare tentent, adeoque plures fingant, quam natura morbos, & monente Tissot (a) enormis ille febrium catalogus medicinæ progressibus obstitit quidem, nullatenus vero favente Cœlo numerum morborum auxit.

Febres sunt epidemicæ, seu populo communes; endemicæ, regioni propriæ; sporadicæ, hunc vel illum invadentes; topicæ, fixam aliquam partem occupantes.

Sunt febres acutæ, quæ cito terminantur, & lentæ, quæ tarde admodum decurrunt; febres continuæ, quæ nullam apyrexiam habent, & febres intermittentes, ubi tempus est inter paroxysmos, quo ægri a febre liberi sunt.

Continuæ aliquæ, quæ continentes dicuntur, nullam remissionem regularem ha-

---

(a) De febre biliosa Lausanensi pag. 27.

habent, ut Ephemera, Synochus non putris, febris putrida; febres remittentes, licet nunquam cessent, certo tamen tempore exacerbantur, ut febris ardens.

Sunt demum febres malignæ; de harum natura, & indole plurimum dissentiunt Medici.

Mihi febris maligna audit, quæ invadit cum subita virium prostratione, cujus symptomata non consonant pernicipiei morbi, quasi clancularias vitæ struerent insidias, nec respondent signis externis, sic ut calor longe mitior adsit, sitis vix ulla, & pulsus debilis, inæqualis, sæpe quasi evanescens sub digito tangentis Medici observetur, (a) Pulchre eas describit Clar. Schroederus, (b) quod reperiantur continuæ cum incertis horroribus, pervigilio, sopore, tremoribus, urina pallida, subsultu tendinum, motibus convulsivis, floccorum lectione, &c. summo plerumque cum periculo, etiamsi causæ perturbati sy-

A 4

ste-

---

(a) Lieutard, Sauvages, Swieten.

(b) Opuscul. medic. Tom. I. pag. 173.

stematis nervosi evidentiores nullas detegas, febresque interdum nec ad putridas, nec ad biliosas, nec ad inflammatorias referre queas.

Conspiciuntur & febres exanthematibus stipatæ, in quibus vel pustulæ ultra superficiem cutis prominentes, aut papulæ eandem exasperantes, aut maculæ alieno eam ipsam colore defædantes nascuntur.

Intermittentes, seu perfectam apyrexiam habentes, dividuntur in quotidianam, tertianam, quartanam, quintanam, quam semel mihi videre licuit. Sunt quoque tertianæ, ac quartanæ duplicatæ & triplicatæ.

Denique sunt hæmitritæ, seu semitertianæ, quo nomine Celsus illas febres tertianas seu simplices, seu duplicatas vocat, quæ productis admodum paroxysmis continuas remittentes referunt. Galenus vero hæmitritæam appellat febrim, ex quotidiana protracta, & tertiana intermittente factam. Denique febris continua cum tertiana sociata quibusdam ad hæmitritæas refertur, quam vero alii rectius Tritæam, seu Tritæophiam nominant.

CAPUT

---

## CAPUT II.

DE

### SYNOCHO NON PUTRIDA.

---

**E**phemera in Nosocomio vix occurrit, cum spatio 24 horarum terminetur, unde nomen obtinuit.

Causa levis est, ut major ventriculi repletio, transpiratio impedita. Morbus hic diæta, quiete, potu tenui, largiori curatur.

Ephemera per plures dies protracta Synochus non putris audit.

Causæ sunt ac ephemeræ, sed graviores, ut potus spirituosus, consuetæ evacuationes intermissæ, & hæmorrhagiæ suppressæ, &c.

Ad debellandam Synochum non putridam efficaciora requiruntur auxilia. Si pulsus plenior, durior, major faciei oculorumque rubor, vehementior calor, & pectoris oppressio notetur, maxime si mor-



bus ab hæmorrhagiis consuetis suppressis originem ducat, sanguis mittendus, donec pulsus fiat mollior, calorque minuatur.

Sanguinis detrahendi copiam, aut numerum venæ sectionum determinat ætas, temperamentum, vires, consuetudo.

Juvenes, plethorici, & feminæ communiter largiorem ferunt phlebotomiam.

Ubi alia copiosa evacuatio, ut diarrhæa febris juncta est, minori copia sanguis mittendus.

Parcior quoque venæ sectio instituenda in hysteriis, hypochondriacis, male nutritis, in infantibus & ætate admodum protractis; sed & in his non tam annos numerare, quam vires ægrotantis æstimare debet Medicus.

Macilentis potissimum plus sanguinis detrahendum, cum his sanguis, plenioribus vero magis caro abundet.

Morbi vernaes, hinc & hæ febres multo facilius venæ sectionem admittunt, quam autumnales, dum priores plus de inflammatorio, ultimæ de putrido participant.

Notante Huxhamo amplior convenit phlebotomia sicco cælo, quam humido.

Caven-



Cavendum tamen ab ea venæ sectione in morbis acutis, quæ febrim nimis cito jugulat, cum hæc requiratur, ut impura a puris secernantur, & e corpore excernantur.

Tissot exempla 20 & plurium venæ sectionum intra duos dies institutarum refert; monet autem, quod licet natura quandoque restiterit ictui huic lethali, ignorantiam tamen Chirurgorum, & Medicorum probaverit.

Ubi magnam copiam sanguinis detrahere oportet, aut parva incisio facienda est, aut apertura venæ digito comprimi potest, ne nimio impetu cruor effluat, hoc modo longe largiorem sanguinis missionem ferunt ægri.

Si amarities oris, nausea, vomendi conatus, ructus ova putrida redolentes, oppressio ad scrobiculum cordis notentur, maxime ubi morbus ex nimia ventriculi repletionem, quod ex relatione ægri noscitur, originem duxit, acida, aquosa, nitrata exhibenda ad materiem acrem corrigendam, his mox non proficientibus, vomitorium necessarium. Haud alio utique modo expurganda est, notante Huxhamo, colluvies  
sto-

stomachi biliosa multorum sæpe morborum origo & fomes, & Illustr. van Swieten docet, quod, si nausea a quovis assumpto, quantumvis grato augeatur, nihil supersit, quam ut vomitorio dato sursum expellatur.

Neque tardandum esse in vomitorio exhibendo vult Valcarengi, (a) dum ait: confert maxime, ut cito & affatim noxia e ventriculo eliminetur materies, quæ cum paulatim exit, majorem diuturnioremque molestiam ægris adferre solet.

Scrupulus Ipecacuanhæ cum grano tartari emetici optime satisfacit. Multi a paucis Ipecacuanhæ granis eundem effectum, ac a maxima dosi expectant, sed id a cortice præcipue sperandum, cujus granis vj majorem virtutem inesse, ac xxx. aliis Parisini notant: hinc Zimmermanus (b) monet, quod parva Ipecacuanhæ dosis non semper sufficiat.

Tartarus emeticus additur ad viscidum bilioso forte junctum attenuandum, ejiciendum

(a) De præcipuis febribus specimen practicum pag. 93.

(b) Von der Ruhr unter dem Volke S. 31.

dumque , cum ut supra laudatus Zimmermann observat , sola Ipecacuancha in pituita repleto , hinc minus sensibili , ac difficilius irritabili stomacho sufficientem effectum non præstet. Cel. Murray (a) granum unum , vel alterum tartari emetici scrupulo Ipecacuanhæ stimuli causa feliciter junxit , si saburra tenacior vexabat.

Pessimus mos est , sola aqua calida emesim excitare , ingens hujus requiritur quantitas , hinc sæpe ventriculus grave pondus excutere nequit , inde ejus debilitas , & pessima mala oriuntur.

Post quemlibet vomitum aqua tepida haurienda , facilius sic vomunt ægri , & facilius materia ad vomitum disponitur.

Ubi venæ sectio indicatur , vomitorio præmittenda.

In herniosis , gibbosis , gravidis , hæmoptoicis , phthificis , admodum cacochymicis , inflammatione , obstructione , suppuratione cujusdam visceris laborantibus vomitorii loco purgantia antiphlogistica ex

ta-

---

(a) Apparatus Medicaminum Tom. I. pag. 528.

tamarindis, cassia, cremore tartari propinanda; (Nro. 1. 2. 3.) ab omnibus fortioribus purgantibus abstinendum; quia illa, quæ copiosas evacuationes faciunt, perspirationem impediunt, quod a levioribus non timendum, quæ corpus vix mutant observante Sanctorio.

Aqua laxativa Dispensatorii Viennensis ad Uncias quinque, vel sex egregium est purgans antiphlogisticum, sed non nimis diu asservata esse debet, cum ace scat.

In gravidis tamen necessitas est leve vomitorium exhibendi, si os valde amarum, ingens anxietas ad præcordia, perpetua nausea, vomituritiones observentur.

Dum in Synocho non putrida alvus pauca, magnus dolor capitis, abdominis & lumborum ægrum vexat, clystma convenit, (Nro. 4) quod nec nimis calidum aut frigidum applicandum, & cavendum, ne, dum sudanti admodum ægro injicitur, hic nimium refrigerium patiatur.

Si vomitorii necessitas, & æger diuturna antea laboravit alvi obstructione, enema prius dandum, sic emollito abdomine corpus simul ad alvi excretionem disponi-

ni-



nitur, & minus periculum est, ut humores tanta vi ad superiora ferantur.

Diu jejnantibus sæpe appetitus perit, nausea & febris oritur a bile acriore facta, quæ in jejunio homine constanter in ventriculum fluit. (a) In his a purgantibus abstinendum est, sed diluentia bilis acrimoniam corrigentia, & corpus leniter repletia conveniunt, ut cremor hordei cum succo citri, acetosa juri carniū incocta, panatela, fructus horæi; si vero nausea pertinax sit, ferum lactis tamarindinatum exhibere convenit.

Evacuatis primis viis remedia conveniunt, sanguinem attenuantia, & absque augmento velocitatis solventia, simulque putredini resistentia, cum humores aut spissitudine, aut acrimonia peccent, hinc diluentia aquosa, acida, nitrata conducunt, unde plurimæ formulæ ex decocto hordei, aceto, succo citri, oxymelle, syrupis ex fructibus horæis paratis, cum sale polychresto, arcano duplicato, nitro locum habent. (Nro 5. 6.).

Hor-

---

(a) Morgagnius Advers. III. pag. 66.

Hordeum aliquid glutinosi lentoris aquæ addit, ne nimis cito per urinam, aut sudores dilabatur; oxymel & succi ex fructibus horæis, & syrupi nimium sanguinis lentorem dividunt, saponacea sua vi oleum aquæ miscibile reddunt, & dum spontanea degeneratione in acidum abeunt, putredini resistunt, sitimque tollunt.

Nitrum, quod densitatem phlogisticam corrigit, calorem minuit, & viribus corporis nostri sine augmento velocitatis facile subigitur, prioribus remediis jungendum est.

Ubi lauta vita prægressa, appetitus minor, alvus segnior est, salia media ad dr. iv. vi. de die sumpta pulcherrimos effectus præstant, quod a solis diluentibus & acidis vix exspectandum; solvunt enim, faciuntque, ut ægri bis, aut ter de die cum euphoria alvum deponant, sic glutinosum bilioso junctum attenuatur, & cum hærente adhuc fere semper saburra in primis viis evacuatur, simul humorum copia minuitur. Homines enim lautè viventes, corpus non exercentes, plura alimenta ingerunt, hinc necesse est, ut plus saburræ in primis

primis viis , plusque sanguinis & humorum nascatur.

Sal mirabile Glauberi tartaro vitriolato , sali polychresto , arcano duplicato præponitur , cum facilius in aqua solvatur & ob minorem amaritiam ægris minus displiceat.

Multis præcipue Italis consuetum est, fordes in primis viis hærentes rhabarbarinis expurgare, sed cum Clar. Geoffroy observavi, calorem pharmaco hoc sumpto augeri : Septalius mediolanensis Medicus in febribus æstuosis ob eandem rationem rhei usum improbavit.

Pro potu inservire potest decoctum hordei cum oxymelle, & pauco nitro, (Nro. 6.) vel potus ille, qui Italis limonada vocatur & ex succo citri aqua diluto, saccharo ad gratiam edulcorato conficitur; cavendum, ne ut pro sanis parari solet, conciliandæ suavitatis gratia saccharum ad cortices citri affricum addatur, continet enim cortex citri magnam quantitatem olei essentialis, quod saccharo junctum eleosacchari forma ingestum motum humorum augeat & bilem incendit.

B

Emulsa

Emulsa ex feminibus melonum, cucumerum, amygdalis profunt; (Nro. 7.) in his enim olei virtus, qua inviscat & obtundit omnem acrimoniam, manet & futuræ ranciditatis metus abest.

Potus pauca copia, sed sæpius dandus, sic melius sanguini miscetur; neque ita facile ex corpore expellitur, caveaturque, ne a nimis distento ventriculo anxietas, nausea, vomitus oriatur.

Synochus non putris ex transpiratione suppressa orta, quod communiter accidit, dum majorem calorem subitum frigus excipit, & quod ex relatione ægri patet, interne theata diluentia, leniter diaphoretica, solventia, ut mixturam, (Nro. 8. 9.) decoctum graminis, infusum florum sambuci cum nitro, melle & oxymelle largiter hauriendum poscit, pediluvia tepida, & alvo obstructa clysmata necessaria sunt.

Pulsus durus, plenus, magnus calor, faciei rubor, &c. venæ sectionem subito indicat, & refrigerantia (Nro. 4. 5. 6.) superius dicta in usum vocanda sunt.

Nimius cubiculi calor, stragulorum pondus, medicamenta stimulantia evitanda,

ne



ne sanguis in nimium motum urgeatur & levis synochus non putrida in gravem morbum inflammatorium mutetur.

Diæta in synocho non putrida sit tenuis ex panatella, cremore hordei, & quia Austriaci adeo juribus carniū assueti sunt, iis concedi debent, cum a multo tempore consueta, etiam si deteriora fuerint, insuetis minus turbare soleant. Succus citri addendus, ut proclivitas in putredinem corrigatur.

A jussulis pinque supernatans sollicite auferendum, ne debilem ventriculum offendat cito rancescens hoc oleum.

Fructus horæi, cerasa, prunellæ, pruna, poma borstorfiana alvum movent & ob gratum acorem sitim, caloremque minuunt; dum cocta sunt, minus flatus generant.

Cubiculum sit moderate calidum, hinc æstate aperiendum, transitus tamen aëris per rimam angustam, aut per fenestras vel portas oppositas ad lectum ægri vitandus. In thermometro Bianchiano seu Reaumuriano temperies aëris pro ægrotis (chaleur des chambres des malades) male figitur ad gradum 17<sup>mum</sup>, qui in Faren-

haitiano 70<sup>mo</sup> correspondet. Optimus gradus caloris est, qui in thermometro Farenhaitiano inter 60<sup>mum</sup> & 63<sup>tium</sup> habetur

Monendi ægri, ne stragulis plumis repletissimis (quæ in Austria consueta sunt) corpus tegatur.

Terminatur hæc febris tertia, quarta, septima die. Rarius hanc excurrit. Nonnunquam ubi a nimia ventriculi repletione malum ortum, saburra per emeticum excussa sine alia evacuatione notabiliore febris cessat.

Inde videtur necessitas vomitorium hic Viennæ non ratione climatis, sed vivendi generis, ubi plurimæ febres nimiae repletioni stomachi maxime per carnes originem debent. Hinc Baglivius monuit, quod aliter in morbis curandis tractandi sint Itali sub adusto climate & sobrie viventes, aliter Galli, Hispani, Germani, alique suique utentes aëris temperie & suo quique victus genere.

Sollicite semper inquirere in causam morbi debet Medicus, & teste Illustr. van Swieten (a), non melior in medicina ca-

non

---

(a) Tem. I. pag. 58.

nōn est, quam ille, quod in curandis morbis semper ad causam primam, unde omnia reliqua fluxerunt, sit respiciendum, ex hoc fundamento sola certa & valida auxilia deduci possunt.

Crises sunt variæ per urinam, alvum, sudorem, diarrhæam: aphthæ quandoque diebus criticis prodeunt, & a van Swieten (b) inter imperfectas crises numerantur; mihi eas cum febre nunquam videre contigit, nisi elapso anno, ubi in gravissimis febribus potius summam humorum ad putredinem dispositionem, quam crisim notabant.

Diarrhæam præcedunt nonnunquam borborygmi, tormina, murmura & commotiones ventris, hypochondria elevata, dolor lumborum. Autumno crebrior est crisis per alvum.

Ante hæmorrhagiam narium notatur rubedo oculorum, temporum gravitas, visus hebetudo, acutus occipitis dolor, lacrymæ involuntariæ, narium pruritus, quandoque pulsus dicrotus, ubi in diastole arteria bis ferit digitum tangentis, antequam systole sequatur.

Sanguineis, laute pastis, vel ubi morbus a consuetis hæmorrhagiis suppressis, abusu spirituosorum ortus, frequentior est narium hæmorrhagia.

In subjectis carnem mollem & humidam habentibus, & ubi febris ex impedita transpiratione, sudor quandoque morbum tollit, tunc urina est parcior, cutis mollis, corpus æquali vapore calet, pulsus mollis, undosus.

Criticam per urinam evacuationem præcedunt gravitas hypochondriorum, lumborum, circa pudenda ardoris quidam sensus, aucta urinæ quantitas. Tempestate frigidior, & ubi morbus ex transpiratione suppressa natus, frequentior hæc crisis.

Criticas has esse evacuationes docet levamen, sic testante Hippocrate: Si talia purgentur, qualia purgare oportet, confert & facile ferunt.

Accidunt autem crises in morbis acutis diebus potissimum quaternariis, ut 4<sup>to</sup>, 7<sup>mo</sup>, 14<sup>to</sup>, &c.

In nostris regionibus non videntur ita occurrere crises, ut veteres observarunt, ob cœli nostri naturam, vitam in-

tem-



temperantem, exhibita pharmaca, & crebriores institutas venæ sectiones.

Prout febris minuitur, ita successive cibi augeri possunt.

Dum febris integre abest & carnes teneræ concedendæ.

Assuetis etiam plus nutrimenti dandum. Sic Ill. van Swieten historiam strenui potatoris habet, qui venæ sectione, victu tenuissimo, & dilutissimo potu ad extrema fere redactus vini rhenani poculo, & jure carnum refocillatis viribus brevi a periculoso morbo evasit.

Senes facillime jejunium ferunt; secundo ætate consistentes; minime adolescentes, omnium minime autem ex his, qui inter hos sunt alacriores.

Reconvalescentes sæpius, sed parcius comedant, facile digerenda, nec variæ speciei alimenta.


Cœna sit parca tum quia reconvalescentes ad vespertas ut plurimum pejus valent, tum quia somnus inde turbatur.

Crebriores sed parvæ refectiões conveniunt.

Potus quantitas Successive minuenda, ne aut ventriculus nimis debilitetur, aut tumere incipiant ægri.

Post febres continuas alvus sæpius tardior est, ita ut per duas, aut tres dies eam non excernant; si nullum inde incommodum, nil movendum; si vero dolor capitis, anxietas, tensio abdominis sequatur, clyisma applicandum.

Lectus brevi deferendus est, quia & sanus ei affixus inde debilitatur.



---

 CAPUT III.

DE

 FEBRE ARDENTE.
 

---

**F**ebris ardens est continua remittens cum ardore digitum fere tangentis urente, siti inexplibili, siccitate corporis, dolore capitis, respiratione difficiliore, urina pauciore & rubra, pulsu duriore, ac pleniore.

Viri, juvenes, fibra stricta & rigida gaudentes, aromaticis spirituosus abutentes; in aëre calido & sicco viventes; corpus nimium exercentes, vel & ii, quibus consuetæ hæmorrhagiæ suppressæ sunt, ut plurimum hoc morbo corripuntur.

Differt ardens ab hæmitritæa symptomatum intensitate, & quod frigus non habeat tempore exacerbationis, sed æstus majorem.

Morbus est periculosus; ubi lingua, fauces humectantur, alvus libera, urina minus colorata, æquabilis calor per totum

corpus ad extrema usque diffusus deprehenditur, spes optima est valetudinis recuperandæ, cum vasa pervia & humores meabiles significet; si autem urina tenuis & alba, summus calor circa vitalia cum extremorum frigore; si parotis non suppuret, neque alia superveniât evacuatio; si sanguinis sputum, aut urinæ cruentæ mictus, deliria ferocissima, respiratio admodum difficilis, convulsiones accedant, aut ægri floccos carpant, summa morbi lethalitas.

Cura a venæ sectione largiore incipienda, donec pulsus fiat mollior, calorque minuatur. Si venæ sectione facta iterum exorbitet febrilis impetus, denuo sanguis educendus.

Nonnunquam pulsus nec adeo magnus, nec durus deprehenditur, rubor tamen faciei, anhelosior respiratio, vitæ genus prægressum, hæmorrhagiæ suppressæ, &c. suadent vires non deficere, sed corpus ab humoribus obrutum esse, hinc vena tundenda; ut vero Medicus securus sit, pulsui alterius brachii digitus applicandus est, dum e vena ægroti sanguis mittitur. Si pulsus sit parvus, tremulus, intermittens, desistendum;



dum; si vero infurgat, sanguinis missione pergendum, cum hac in acutorum principio neglecta in subsequentibus febris stadiis nullo modo compensari possit testante Huxhamo.

Hæmorrhoidibus tumentibus hirudines applicandæ sunt.

Si saburra in ventriculo hæreat, emetico ejicienda est.

In ardentis fervore medicamenta conveniunt, quæ (ratione habita temperamenti, virium, &c.) sæpius de die alvum movent. (Nro. 2. 5.)

Præterea indicantur, diluentia & sanguinis phlogisticam densitatem sine augmento velocitatis attenuantia; hinc decoctum hordei, acetosæ, acetum, succus citri, nitrum, oxymel largiter ingerenda: (Nro. 4. 5. 6. 10.) cum in cadaveribus febre ardente defunctorum sanguis multus, crassus & ater in arteriis, paucissimus in venis reperiatur.

Pro potu sint emulsa tenuia cum paucis nitro, limonada, serum lactis, lac ebullitatum, acetum aqua dilutum.

Æstivo

Æstivo tempore succi recentium fructuum horæorum aqua diluti exhiberi possunt. (Nro. 11. 12.) Hi enim grati sunt, sitim, calorem minuunt, saponacea sua vi aquam oleo miscibilem reddunt, & efficiunt, ne subito iterum de corpore diffletur. Nonnulli Medici timent & damnant usum succorum ex fructibus horæis expressorum, sed hi ipsi sine metu eosdem saccharo in formam syrupi redactos præscribunt.

Ubi alvus adstricta, decoctum hordei cum cremore tartari acidum redditum optime pro potu inservit.

Contra immanem capitis dolorem epithemata ex pane fecalino cum aceto conducunt. Ubi facies rubet & venæ inflatæ sunt, cum successu hirudines pone aures applicantur.

Ad calorem minuendum, sanguinemque a superioribus derivandum sinapismi (Nro. 13.) plantis pedum apponendi, quidum ficci, renovandi.

Laudatur in ardentibus, ut crura aquæ tepidæ immergantur, & pedibus cataplasmata emollientia adhibeantur; talis autem  
meden-

medendi modus, etiamsi rationi maxime congruus, rarissime tentatur, & Medicum, qui hujusmodi auxilia præceperat, se ludibrio exposuisse intempestivo Clar. Winttingham (a) vidisse contigit.

Eidem scopo inserviunt clysmata, quæ simul ex intestinis feces in loco tam calido facile putrescentes eluunt, & dum oscula vasorum reabsorbentium intrant, sanguinem diluunt & attenuant, hinc etiamsi alvus libera, ubi magnus admodum calor deprehenditur, quotidie injici possunt, nisi vires nimium fractæ sint.

Amarities oris, nausea, quæ diluentibus & acidis brevi non corrigitur, vomitorium petit; sæpissime enim in his febribus putridi quidpiam in primis viis hæret. Sic Illustr. van Swieten notat, ad finem ætatis vel in autumno raras esse febres inflammatoriam tantum naturam habentes, sed jam quidquam de bilioso participantes; hinc vomitorio neglecto deliria, anxietates, convulsiones sequuntur, licet id, quod vomitu

---

(a) Notationes & observationes in Rich. Mead. Monita, & Præcepta medica, pag. 31.

vomitū ejicitur, nec mole valde spectabile, nec pravis qualitatibus insigne sit.

Si deliria ferocia, clysmata omni trihorio aut quadrihorio injicienda, sinapismi acriores (Nro. 14.) applicandi, abstinendum a vesicatoriis, inde enim febris major, calorque auctus spectatur; eam ob rationem Illustr. van Swieten (a) cantharidum usum minime tutum esse dicit; ubi valida febris & calor magnus urget.

Si usu remediorum antiphlogisticorum, prægressis depletionibus, & evacuationibus debitis febris pergat, vires langueant, cortex peruvianus, maxime ubi manifestæ & regulares exacerbationes, in usum vocandus, qui remissionis tempore exhibendus.

Vires corticis præpollentes in febribus continuis æque ac in inintermittentibus profligandis Mortono (b) jam innotescabant.

Extracti forma magis arridet; (Nro. 15.) in substantia datus non raro nauseam, anxie-

---

(a) Tom. III. pag. 47.

(b) Opera medica. pag. 55.



anxietatem, sensum ponderis in ventriculo, amaritiem oris, majoremque calorem, alvi obstructionem generat, ubi ab extracto crebriores alvi dejectiones nigricantes, extracto similes cernuntur.

Sydenhamus jam nonnunquam tincturam corticis pulveri præferebat, quia ab hoc constrictionem metuebat.

Quandoque a Pharmacopæis addito sale tartari extractum paratur, ut labori, tempori, & carbonibus parcant, quia citius partes corticis solubiles ope salis tartari in aqua solvuntur, sed remedium inde nascitur ad debellandum hunc morbum, ubi tantus motus humorum, & calor, magis noxium. quam proficuum.

Decoctum corticis peruviani (Nro. 16.) cum aceto, succo citri, sale polychresto (nisi diarrhæa adsit) syrupo ribium, aut rubi idæi edulcoratum, pulcherrime prodest. Cel. Vogel efficacius id vult, ac extractum. Certe observata medica nos docent gangrænam proserpsisse cortice peruviano & in extracto & in substantia propinato, quæ sistebatur decocto ejusdem.

Cum

Cum multi turbidum abhorreant corticis peruviani decoctum, Baumé infusum frigidum oculo gratum paravit. Infudit unciam dimidiam corticis in lagena sedecim aquæ unciis: infusum hoc per aliquot dies reliquit, id sæpius de die agitavit, tandem aquam hoc modo læte rubentem, ac ex fulvo coloratam per chartam emporeticam filtravit, ac ita porrexit, aut etiam pro extracto sicco sensim sine ebullitione evaporavit.

Hæc methodus pro parando extracto, ut Baumé voluit, exiguæ virtutis videtur. Rogavi expertissimum Professore Jac. de Well, ut periculum faceret. Infudit quantitatem a Baumé determinatam cum eadem præscripta copia aquæ, permisit infusum per 4. dies; aqua erat levissime colorata saporis leviter amaricantis, hac decantata, novam aquam affudit, idque tertia vice repetiit; tandem corticem residuum cum aqua nova decoxit, & obtinuit decoctum turbulentum saporis subadstringentis, simulque amarissimi, cum sapore infusi plane non comparandi.

Præ-

Prætendit Baumé duabus infusionibus omne solubile ex cortice ita extraxisse, ut cortex tali modo extractus, ac dein in recenti aqua decoctus ei parum, aut nihil tribuerit. Clar. Wellius contrarium observavit. Erat enim hujus infusum debile; decoctum vero ita frigide extracti corticis forte, præstans & sapidum valde: apparet itaque, quod aqua frigida infusus cortex nil minus, quam omnibus suis partibus solubilibus spoliatur,

Multo efficacior est infusio calida; infudi enim unciam unam corticis peruviani selecti & pulverisati unciis sexdecim, & in loco moderate calido per triginta horas reliqui, decantata infusio bene quidem, sed non profunde colorata erat, attamen corticis sapore & odore optime imprægnata, ut aqua omnem substantiam efficaciorẽ inde extraxisse videretur, nam restans cortex per duas dein horas in aqua decoctus, ei vix quidquam præter colorem rubrum tribuit.

Admodum nauseosis extracti, aut decocti loco sal corticis peruviani dictus exhiberi potest, quæ pars magis resinosa est,

C                      primam

primam in solutione formans cuticulam, dum leni calore humidum illud evaporatur.

Hinc majori puritate ab extracto differre videtur, & drachma una magis efficax, ac binæ aut tres extracti habentur. Anno 1759. hoc remedio aliis non proficientibus discipulum olim meum egregium Nosocomii Pazmaniani Physicum Henricum Collin hoc morbo decumbentem sanavi.

Corticis peruviani dosim determinant vires ægri, magnitudo morbi, constitutio epidemica. Uncia semis extracti suffiebat, sed & sæpe ad unciam j. nichthemeri spatio ascendendum erat.

Nec credendum, cum cortex adeo præstans remedium in hydrope, cachexia, fluore albo, passione hysterica, debilitate systematis nervosi sit, eum sanguinem densare; decoctum corticis peruviani sanguini mixtum eum rubicundiores & fluidiores facit testante Schwenkio, & multorum cortice utentium sanguis facile secedebat, nec inflammatorius erat.

Quamdiu vero pulsus satis durus est, etiamsi venæ sectiones sint institutæ, primæ  
viæ



viæ purgatæ & vires admodum prostratæ cortex non prodest, imo morbum auget.

Tentavi jam anno 1753, antequam corticis usum in similibus febribus per Clar. Pringle edoctus fuerim, cum remissionem regularem viderim, venæ sectione facta & purgatis primis viis, morbum subito cortice jugulare, sed febres longiores, crises tardiores, imperfectas, & crebriores recidivas secutas dolui.

Supra laudatus Pringle (a) nec effectum sperat a cortice in gangræna, ubi vasa nimium plena, & dum sanguis crusta inflammatoria tectus est.

In ardentibus tamen, in quas intermittentes transiere, mox ab initio remissionis tempore cortex, aliis antiphlogisticis junctus, summo cum effectu præscribitur.

Communiter in hisce febribus delirium maniodes junctum est, nonnunquam tamen asaphodes notatur, pulsus tunc est debilis, celer, inæqualis, adsunt subsultus tendinum, tremores, oculi caliginosi, con-

C 2

vulsio.

---

(a) Observations on the Diseases of the Army.

pag. 343.

vulsiones. In hoc pessimo statu moscham (Nro. 17.) omni trihorio, aut quadrihorio (continuato simul corticis & diluentium usu, nisi ægri bibere recusent) summo cum effectu exhibui, sequebatur ut plurimum sudor moschum redolens, levans.

In hysterisis & hypochondriacis, qui mochi odorem non ferunt, levis camphoræ dosis: infusum serpentariæ, (Nro. 18. 19.) aut spiritus cornu cervi cum essentia castorei (Nro. 20.) substitui potest.

Contra vigilias erectus corporis situs, regimen frigidius, alvus liberior, & lintheum aceto & aqua rosarum madidum capiti impositum temporibus admotum pulchrum effectum facit.

Abstinentum ab opio, quod nunnulli suadent, ut impetus naturæ ferocior inde compefcatur. Vigiliæ enim perseverantes crebrius leve inflammationis initium in encephalo notant, quod per opium facile augetur, cum ab eodem sumpto humores magis ad caput ferantur. Opii actio similis est ac vini, quod certe nemo in arte peritus commendabit, ubi inflammationis metus, & nemo eodem ferociorem naturæ im-

petum compescet. In febre ardente ab opii parcissima dosi exhibita perturbationes capitis ac leve delirium vidit Fridericus Hoffmannus. Clar. Pringle docet opiata manifeste nocere, si vigiliæ a febre pendent. Testatur quoque Clar. Gorter, quod motus acceleratus in febribus ardentibus non solum non compescatur opio, sed temulentia & furor inducatur.

Crisis est varia per hæmorrhagiam narium, alvum, sudorem, parotides & quandoque hæmorrhoides.

Nunquam benigna resolutione morbus hic solvitur; cum parvi tantum morbi solvantur, magni vero judicentur.

Hæmorrhagia narium [magnum nomen inter criticas evacuationes meretur in febre ardente. Præcedunt signa in capite de febre continua simplici dicta, oportet autem ut copiosus sanguis per nares effluat.

Si sanguis sit crassus & ater, guttatim erumpens, vas aqua calida repletum narium supponendum, ut per vaporem hunc vasis laxatis cruori effluendo copia fiat.

Si nimia sit hæmorrhagia, quod ex ingentis sanguinis profluentis copia, pallo-



re, venis confidentibus, pulsu vacillante & debili noscitur, acetum aqua mixtum naribus externe applicatum conducit.

Hæmorrhagiam narium nimis profusam & die critico advenientem jam damnavit Hippocrates, hinc si tam valida sit, ut periculum in mora adesse videretur exhausto fere jam corpore, nunquam fefellit Illustr. van Swieten vitrioli albi meracissima solutio, (Nro. 21.) si nempe turunda hac madida naribus immitteretur, curando, ut quam profundissime ingrediatur nares. Hoc fit, si calamus linteo carpto obvolvatur solutione vitrioli imbuto, dein immitatur hac lege, ut primo perpendiculariter intrudatur ad pollicis dimidii plus minusve longitudinem, ac si quis per narium foramina versus fauces protrudere vellet, dein elevetur prudenter calamus relicto linteo carpto. Nisi tali cum cautela hoc fiat, raro ad locum affectum vitrioli solutio pervenit. Relinquitur autem hæc turunda ibi, donec post unum, alterumve diem sponte elabatur.

Parotides, vel & tumores glandularum inguinalium in hoc morbo apparent, quibus cataplasmata applicanda suadentur; sed  
empla-



emplastra gummosa . ut diachylum cum gummatibus , de galbano crocatum dispensator. Viennens. his præferuntur; cum refrigeratis cataplasmatibus parotides facile repelli possint. Statim ac pus formatum judicatur, aperiendæ sunt, frustra expectatur fluctuatio puris, ac tumoris molli- ties, cum pus adeo tenax, ut tumores in- tegre maturi satis duri sint. Si abscessus diutius clausi relinquantur, in vehementi hoc morbo pus subito acre fit, sanguinem intrat, & nonnunquam periculum præsen- taneum, dum ad partes nobiliores fertur, nonnunquam febrim lentam creat.

Abscessu aperto, si pus album non fœ- tidum, specillum non tingens conspiciatur, si febris minuatur, bonum, si vero sanio- sum prodeat cum fractis admodum viribus, pulsu inæquali, intermittente, pessimum.

Ubi parotides subito disparent sine subsequente alia evacuatione, malum; sed & parotides suppurantes non certam salu- tem notant; Hippocrates jam binos ægros notat, qui suppuratis licet parotidibus, perierunt. Ballonius recte monet, paroti- des perniciosas esse, quoties febris cessa-

tionem non adferunt. Imo fere semper lethales sunt, nisi paullatim tumor corripatur, neque coma aut spirandi difficultas invadat.

Sputa crassa, mobilia lubrica testante Illustr. van Swieten cum reliquis evacuationibus in ardente quidem concurrunt, raro tamen vel nunquam iudicium his solis absolvitur.

Si tussis ægros corripit, præter nominata superius remedia, pro ratione symptomatum & virium vitæ simul dari potest decoctum althææ cum oxymelle; (Nro. 22.) si sputa crassa sint, & tenacia, unc. j. oxymell. scillæ, aut altera addenda.

Ubi vero stertor accedit, sputa non prodeunt, ita ut metus suffocationis sit, kermes minerale propinandum, quod ad granum omni bihorio aut trihorio dandum. (Nro. 23.) A levi hac dosi vix vomitus, aut diarrhœa orietur. Si vero excitentur, duo grana massæ pillularum de styrace aut cynoglossi tali pulveri jungenda, donec vomitus aut diarrhœa minuantur, dein iterum kermes minerale solum exhibendum. Non multum ab opio metuendum est, in illo enim statu, ubi sputa & tenacia & crassa apparent, febris admodum mitigata est, nec amplius ferocior ille naturæ impetus spectatur.

Urina cum sedimento lateritio potius pro crisis nuncio, quam critica evacuatione habenda; quo enim sediminis citior & diuturnior depositio, eo perfectior crisis.

Notat Boerhaavius, quod febris ardens critice cum rigore solvatur, sed bene monet Illustr. van Swieten, quod quamvis criticus talis rigor solutam & mobilem jam morbi materiem denotet, in febre ardente, tamen hæc raro vel nunquam tales habeat dotes, ut sanis assimilata humoribus cum illis fluere possit per vasa absque ulla notabili functionum perturbatione, adeoque critica evacuatio fere semper talem rigorem sequi solet: itaque febris ardens solvitur quidem cum rigore, raro tamen vel nunquam hoc solo sanatur.

Cavendum, ubi similis rigor sequitur a calefacientibus, hic enim potissimum, ut monui, evacuationis futuræ nuncius est, cum materiem peccantem mobiliorem significet, inde attritus minor & minutus caloris sensus nascitur. Post similem criticum rigorem restituto libero humorum motu per vasa, brevi sequitur æquabilis per universum corpus calor, hinc facile distin-

guitur a pessimo rigore, quem extremorum frigus excipit, dum immeabilis redditus sanguis ad extrema usque corporis propelli nequit. Hinc Hippocrates docuit, quod si rigor incidat fractis jam viribus, omnino funestus sit & ægri moriantur.

Si diarrhœa cum levamine fiat, critica est & sibi relinquenda; si vero vires debilitentur, facies collabatur, pulsus inæqualis, aut admodum debilis reddatur, cohibenda est, a nitro, salibus, melle abstinendum; extracti corticis peruviani loco substantia ejus danda, cum ab extracto, ut superius monui, potissimum alvus crebrior sequatur, mixtura ex bolo armena & gummi arabico (Nro. 24.) omni bihorio aut trihorio ad unc. j. exhibenda simul tamen pro diversitate superius notatorum symptomatum decoctum corticis peruviani, camphora, &c. propinanda. Vesicantia furis applicata levamen ferunt.

Laudatur contra nimiam diarrhœam radix salep, (Nro. 25.) sed tute huic substitui potest late in Austria crescens orchis morio Linnæi, cujus radix in aqua una alterave ebullitione decocta, ab exteriori cortice



cortice mundata, filo suspensa & in aëre exsiccata, dura, ac semipellucida instar gummi tragacanthi evadens, in aqua dein tota solubilis, eamque glutinosam reddens. (Nro. 26. 27.)

Prodest & in vehementiore diarrhœa infusum ex floribus rhœados & sambuci paratum; oportet, ut flores sambuci sicci sumantur, cum recentes testante Vogel alvum moveant.

Nonnunquam in febre ardente pulsu forti & duro in mollem & parvum mutato diarrhœa debilitans fractis jam admodum viribus accedit & a quolibet potu assumpto augetur, tunc ad adstringentia confugiendum, & drachma semis aut scrupuli duo succi inspissati catechu, aut pulveris corticis simarubæ mixturæ cum cortice addenda, cum hæc diarrhœa minus ab acrimonia, quam a relaxatione dependeat, quæ facile oritur per potum perpetuo assumptum, per tot clysmata injecta, per ipsum majorem affluxum humorum jam in principio morbi a materia acri in primis viis hærente & intestina irritante generatum.

Urgente admodum necessitate opium per vices exhibendum.

℞. Opii pur. gr. jβ.  
 Sacchar. albi drach. ij.  
 Aq. fl. rhæad. unc. iβ.

M.

Sumat omni bihorio cochlear, donec alvi fluxus minuatur, cavendum enim est, ne subito sistatur.

Si post medicamenta adstringentia aut paregorica diarrhœa suppressa anxietas, respiratio difficilis oriatur, abdomen infletur, enema emolliens (Nro. 28.) ex decocto althææ, aut lacte injiciendum, extractum corticis peruviani propinandum, donec alvus imminutis iterum symptomatibus secedat, alias enim gangræna subito & morbo & vitæ finem imponit.

Ad curam plurimum facit moderatus aëris calor, hinc ut ægri non plus justo incallescant, oportet, ut potius supra culcitram, quam lectum plumis refertum decumbant.

Celsus jam monuit, quod febre ardente laborans amplo conclavi tenendus sit, quo purum & multum aërem trahere possit, & Galenus docuit, quod in morbis, ubi nimius calor, cavendum, ne a turba ingredientium hominum domus calefiat.

Hinc æstate, ubi calidus & siccus aër, non solum portæ & fenestræ aperiendæ, ita tamen, ut transitus aëris per has oppositas ad lectum ægri impediatur, sed & aqua frigida cum sale ammoniaco, nitro in pavementum & ad parietes respergi potest, sic gratum & tutum refrigerium conciliatur. Rami florentis sambuci aut fraxini, salicis, betulæ, populi, rosarum, oxyacanthæ, viburni aquæ immersi eandem absorbent & expirant, aëremque ficiorem corrigunt.

Eodem scopo inserviunt lintea salis ammoniaci aut nitri muria madida in cubilibus suspensa.

Malus Viennæ mos est, omni anni tempore & in omni fere morbo juscula tepida, aut infusa theata affatim exhibere, inde enim & æstuante per febrim ardentem ægro calor magis augetur, & decumbentes non refocillantur, sed sudoribus diffluunt, hinc præponenda frigidiuscula, acidula. Cavendum a gelido potu, licet enim gelidam quandoque profuisse in febribus noscamus, minime tamen optime monente Illustr. van Swieten ex rarioribus illis casibus concludi potest, illum semper febricitantem

tantibus exhibendum esse, non magis, quam si haleces salitos, lardum & similia quis commendare vellet in victu febricitantium, quia quandoque his assumptis febres curatæ fuerunt, dum summo appetitu hæc desiderarent ægri & invitis etiam Medicis assumerent. Optime dicit Cleghorn (a), vituperandos esse eos Medicos, qui frigidum potum ægrotis negant, dum cum appetunt, damnandos vero esse eos, qui, ut Itali, & Siculi Medici potum glaciale concedunt, nisi eo jam sani assueti sint ægri.

Pro pauperibus est serum lactis ebullitum omni pinguedine butyracea orbum, acidulum. Si tamen nimia diarrhœa inde oriatur, quod sæpius vidi, abstinendum.

Non raro post febres ardentes, maxime ubi sputa copiosa apparebant, corpus exhauritur & respiratio ad motum difficilior cum sputis purulentis notatur; equitatio, aura ruralis, decoctum ex cortice peruviano & lichene Islandico (Nro. 29.) interposito lactis usu cum moderato corporis exercitio pulchre profunt.

Post

---


(2) Observations on the diseases in Minorca. pag. 190.



Post febres continuas ægri sudoribus quandoque diffuunt, efficax admodum est salviæ (Nro. 30.) infusum aquosum, aut vinosum; si inde, ut quandoque notavi, calor major, aut fitis oriatur, cortex peruvianus, aut decoctum corticis peruviani cum spiritu vitrioli & guttis quibusdam liquoris anodini mineralis utiliter propinabitur.

Surditas post febres ardentes remansens aut sponte cedit, aut emplastro ex galbano cum camphora nuchæ imposito tollitur.

Malo consilio reconvalescentibus ex ardentibus & reliquis febribus continuis purgans exhibetur, si de nullo symptomate conquerantur.



---

**CAPUT IV.**

DE

**FEBRE PUTRIDA.**

---

**F**ebrem putridam nonnunquam per aliquot dies præcedit languor, somnus inquietus, appetitus prostratus, dolor capitis, lumborum, spiritus foetens, urina pessime olens, sequitur febris, quæ remittit; iterum exacerbatur sine typo, pulsus ab initio celer, parvus, mutatur dein in fortiores & si inflammatorii quidquam junctum est, in duriores, lingua est alba, anima foetens, os amarum, crebrius nausea, vomendi conatus, aut ipse vomitus ægros vexat. Urina est pauca, cutis interdum sicca, alvus constipata, quandoque crebriores dejectiones, sudor copiosus, sed sine levamine notantur.

Nascitur febris putrida ab abusu car-  
nium, piscium, maxime non recentium,  
contagio, constitutione epidemica, inun-  
datio-

dationibus, aquisque effusis putrescentibus, retento perspirabili; hoc enim putrescentis indolis est & ad intestina plerumque refluens; quare pluviosa & tepida tempestate febris putrida frequentius occurrit, licet frigida quandoque hyeme grassetur.

A solo victu malo putrida epidemia pessima oriri potest; dum in obsidione Bre-dana fame pressi incolæ impuro victu uterentur, sævissima pestis grassabatur, interim regius exercitus, qui hanc urbem obsidebat, omnibus ad vitam necessariis instructus a dira hac lue immunis erat. Et observatis constat, quod tempore belli in legionibus, ubi milites accuratius nutriebantur & purius servabantur, multo rariores febres putridæ occurrerent.

Putridissimæ febris quoque causa est atmosphæra stagnans frequentia hominum polluta, quæ mox valde rancet; hinc in carceribus & nosocomiis, ubi plurimi homines congesti sunt, aër longiore mora pestiferus fieri potest; sic in penultimo bello, dum turba militum noviter lectorum cubiculis arctioribus includebatur pessima febris putrida plurimos e medio tollens oriebatur.

D

Quan-

Quandoque putridæ præcaventur, si castra sæpius mutari possint, si magni ignes in iis accendantur, si tentoria succensi sulphuris fumo crebrius purgentur. Bonum quoque foret acetum aqua dilutum præcipue æstuante Sirio militibus præbere; si vero aceti copia non sit, aqua, cui quidquam spiritus vitrioli instillatur, conducit.

Diversæ indolis febres putridæ occurrunt; nonnunquam putrido inflammatorii quidquam junctum est, quod ex pulsu duriore, facie magis rubra & venis plus inflatis noscitur, sanguineis, laute pastis, bibulis non raro id accidit, vel ubi in initio morbi ventriculum & vires languentes per vinum aut aromatica erigere student ægri.

Non raro putrida materia solummodo in primis viis hæret, maxime in principio morbi, aut ubi hic a nimia repletione ventriculi per carnes vel pisces semiputridos ortum duxit; his pulsus non admodum debilis, vires non adeo fractæ, color faciei minus luridus, os vero amarum, oppressio ad scrobiculum cordis, ructus foetentes sunt.

Sed



Sed & hærente adhuc fomite in primis viis putridum jam in massam sanguinis duci potest, tunc pulsus celer, inæqualis, debilis, cum oppressione ad scrobiculum cordis, sudor & urina foetidior deprehenduntur.

Putrida ex contagio, constitutione epidemica, usu aquarum putrescentium non raro primo sanguinem afficit, dein putridum exinde secernitur, & ad primas vias fertur. Sic Hoffmannus monet, quod febres ipsæ bilem generent.

Noscitur hic morbus ex causis nunc dictis prægressis; pulsus in initio debilis & celer est, vires plurimum prostratæ, sudor copiosus, alvus crebra, serosa, morbum non levans, petechiæ brevi erumpunt sine levamine, lingua plumbei coloris, facies lurida, deliria, tremores subito se jungunt, oculi sunt turbidi, & licet ægri non appetant, nausea tamen & vomendi conatus minores observantur, ac ubi sordes in ventriculo collectæ hærent.

Quandoque morbo putrido jam adulto status inflammatorius accedit, maxime ubi primæ viæ initio morbi evacuatae non

fuerunt; hinc bilis putrida febre acrior red-  
dita partes erodit & inflammat.

In hoc statu pulsus celer, parvus, sub-  
durus tangitur, ac si tenue filum ferreum  
per arteriam ductum esset; lingua est sum-  
me arida, genæ rubent, deliria, meteorif-  
mus, singultus & convulsiones accedunt,  
ægri aut potum respuunt, aut ab eodem  
anguntur; non raro medicamenta & potu-  
lenta vomitu rejiciunt, ut plurimum diarr-  
hœa ichorosa ægros e medio tollit.

Prognosis in febre putrida est varia;  
quandoque, ubi fomes malî in primis viis  
hæret, emetico dato cito terminatur mor-  
bus; sic Tissot (a) dicit: Emesis febrim  
sæpe omnino jugulat.

Nonnunquam per sex septimanas du-  
rat morbus, maxime, si ab initio primæ  
viæ non satis purgatæ fuerunt.

Transcunt hæ febres in intermittentes,  
obstructiones viscerum & icterum; sæpe in  
ipsis febribus biliosis ægri, ut in ictero fla-  
vescunt, quod nec bonum nec malum sig-  
num. Pringle cadaver aperuit similis de-  
fun-

---

(a) Pag. 16. de febre biliosa.

functi, & nihil calculosi, nihil obstructi in cystide, aut ductibus biliosis invenit.

Post evacuationes primarum viarum morbus per aliquot dies in eodem statu manet; si hypochondria mollia, æqualia, non dolentia, decubitus sanorum similis, respiratio facilis, mens conscia, pulsus æqualis, salus sperari potest: si pulsus in celerem, parvum, inæqualem mutetur, abdomen inflatur, deliria, subsultus tendinum, convulsiones, singultus (qui tamen nimiae ingurgitationi quandoque originem debet) accedant, si ægri floccos carpant, excrementa inscie deponant, si pustulæ purpureæ vel lividæ corpus deturpent, hypochondria tensa & inflata sint, æger fere moritur.

Status inflammatorius principio febris putridæ junctus, quem vita lauta prægressa, pulsus plenior & durior notat, venæ sectionem postulat, minori tamen quantitate sanguis detrahendus, ac in febre ardente.

In putrida sine statu inflammatorio venæ sectio non convenit, imo ab hac morbus aut lethalis evadit, aut in longum pro-

trahitur & languor diuturnus, cachexia, &c. sequuntur. Vidi pessimo consilio institutas venæ sectiones ob calorem externum & acerbum capitis dolorem in putrida decumbentibus, quorum pulsus parvus & debilis, lingua spurca erat; hæc enim mala monente jam Hollerio purgantibus sunt tollenda. Per magna certe circumspeditione opus est notante Huxham & Pringle, ne in dignoscendis phlebotomiæ indicantibus decipiamur, cum orgasmus putridi & dissoluti sanguinis aliquando plethoram & inflammatoriam diathesim simulentur, ut exercitationes etiam viri subinde fallantur.

Indicationes in febribus putridis sunt, materiam peccantem corrigere & evacuare. Ubi fomes morbi in primis viis latet, mixtura ex salibus mediis cum succo citri danda, (Nro. 5.) quia materies hæc sæpe instar glutinis spissa est, ita ut subito ejici non possit.

Illustr. van Swieten notat post fervidissimam æstatem febres biliosas epidemicas cum molesta nausea & vomitu fuisse, in quibus statim vomitorium propinatum non levabat, ubi autem per unum alterum-



ve diem diluentia & solventia data fuerant, sponte sæpe vomitu excutiebatur corrupta bilis instar glutinis fere spissa, vel leni vomitorio secunda vice exhibito facile expellebatur.

Die una aut altera adhibitis frustra diluentibus & solventibus, vel ubi ingens nausea, aut vomitus spontanei, subito Ipecacuanha cum tartaro emetico propinanda.

Sola Ipecacuanha minus satisfacit, tum quia, ut jam in capite de febribus continuis monui, glutinosum bilioso junctum ejicere non valet, tum quia alvum adstrictam potissimum relinquit, quæ tamen in hoc morbo perpetuo aperta servanda.

Nonnunquam necessitas urget, repetendi vomitorium, maxime ubi digestiva exhibita non fuerunt. Impossibile fere est, diluentibus solis & acidis putridam hanc materiam corrigere.

Vidi ægros febre putrida decumbentes immaniter sitiisse, potum tamen respuisse omnem, quia & a gratissimis acidiusculis nausea augebatur. Metus quoque est, ne fordes putridæ, dum intestina transeunt, per vasa bibula absorbeantur, in massam

humorum ferantur, & eam malignitate sua imbuant, hinc Illustr. van Swieten docet, quod in continuis autumnalibus post fervidissimas æstates ab accensa bile natis in initio purgans, aut emeticum conveniat, quia alias hæc materia mora & calore ipso acrior reddita dein vomitum, vel putridissimam diarrhœam causat, funestam sæpe, dum morbi progressu fractis viribus validas tales evacuationes ægri ferre nequeunt; addit, quod a vomitorio illico magnum percipiant levamen, febris dein placide pergat, & sine molestis symptomatibus cursum suum absolvat.

Tota difficultas in eo consistit, ut bene distinguatur, an causa inflammatoria adsit, nec ne; pulsus durities, dolor acutus in regione ventriculi ad assumpta quælibet auctus, tempus anni, vita prægressa, & constitutio epidemica lucem dant.

Monet optime Cl. Unzer (a) inflammationem ventriculi rariorem esse, ac creditur, & dolorem ad scrobiculum cordis,  
an-

---

(a) Der Arzt, eine medicinische Wochenschrift. Fünfter Band. S. 621.

anxietates, &c. subito evanescere post vomitorium.

Cavendum, ne Medici a tussi stomachali in hoc morbo frequentius occurrente terrefacti, vomitorium negligent, timentes inflammationem in pectore hærere.

Noscitur hæc tussis ex ore amaro, anxietate ad præcordia, nausea, lingua spurca, vita prægressa, constitutione epidemica; abest magna durities pulsus, nec inspirando dolorem in pectore animadvertunt ægri; verum oppressionem in regione ventriculi & irritationem in eodem loco, quam tussis sequitur, sentiunt.

Mire certe corpus nostrum a bile circa præcordia hærente turbari potest; Galenus jam notavit convulsiones inde nasci subito cessantes bile per vomitum ejecta; refert sapius laudatus Illustr. van Swieten se ab optimo Boërhaavio edoctum fuisse, frequentem fatis delirii in febribus causam esse fordes circa præcordia collectas, invenit id verissimum, dum unico vomitorio dato excussa hac faburra plures illico respuerunt.

Per vomitum præterea concutiuntur viscera abdominalia; hinc materies impacta solvitur, evacuationibus apta redditur, & obstructions febribus autumnalibus communes impediuntur.

Ex dictis patebit, pessime errare illos Medicos, qui febrem putridam solis diluentibus & acidis debellare student, saburra in primis viis hærente.

In gravibus putridis observante Zimmermanno (a) evacuatio nunquam soli naturæ est relinquenda & longe melius evacuat ars, quam natura.

Purgantia antiphlogistica non ejusdem sunt efficaciam ac vomitorium; Imo notante Thom. Glass, (b) vitanda est alvi purgatio, ubi os amarum, inferiora algida, aliave accidentia humores corruptos in ventriculum concurrentes ostendunt; nam sursum per os his proximus exitus est. Sic Tissotus observavit unicam emesim sæpissime præstitisse, quod non attigerant repetitæ alvi dejectiones.

Si

(a) Von der Ruhr unter dem Volke. S. 26.

(b) Commentarii duodecim de Febribus, Pag. 79.



Si autem vomitorium ob rationes in capite de Syncho non putrida adductas exhibere non liceat, purgantia antiphlogistica locum habent, ut tamarindi, cremor tartari, sal mirabile Glauberi, &c.

Neque timendum est in putridis alvo liquidiore in principio stipatis purgantia per epicrasim exhibere; si enim solis diluentibus morbus impugnetur, brevi alvi excretiones minuuntur, abdomen increfcit, deliria & cetera pessima mala succedunt.

Diarrhoea larga, excrementa omnino aquosa in principio putridarum infausti sunt ominis, notant enim humorum colliquationem, hinc mox ad largam acidorum mineralium dosim & viribus admodum fractis, ad corticem peruvianum recurrendum est.

Nonnulli Medici finita operatione emetici paregoricum exhibent ad tumultus inde natos compescendos; sed nocet opium, ubi natura evacuatione eget, in hac febre etiam post vomitum alvus liberior requiritur, tum ut putridum in intestinis jam forsitan hærens evacuetur, tum ut materies impacta per actionem emetici mota, soluta & ad intestina lata eliminetur,

Opio

Opio sumpto febris augetur, fudor excitatur nocivus in initio morbi, corpus ad putredinem magis disponitur; ab opio enim assumpto mortui citissime putrescebant.

Neque paregorica in decursu morbi ad quietem ægris conciliandam conveniunt, damnavit eorum usum in febre biliosa Pringle. Tralles (a) in pessimæ indolis epidemia simili febri putridæ epidemicæ nostras terras anno 1772 debellanti, quæ post pluvias diuturnas, fluviorum & piscinarum exundationes, aëremque inde squalidis effluviis inquinatum, annonæque caritatem oriebatur, & in illa, quam e castris & præliis reduces milites attulerant, omnia remedia opium habentia reliquit & vinum aqua dilutum cum spiritu vitrioli, infusum rutæ & decoctum corticis peruviani felicissime exhibuit.

Purgatis primis viis medicamenta diluentia, putredini resistentia, alvum apertam servantia largiter exhibenda, hinc mixtura (Nro. 5.) omni bihorio aut trihorio propinanda.

Si

---

(a) Tom. II. pag. 183.

Si vero per crebriores dejectiones, vires magis magisque prosternerentur, pulsus debiliior fieret, a salibus abstinendum, alvum enim ita moderari oportet, ut ex altera parte virium ruina, ex altera maligni humoris intra corpus retentio impediatur.

Multi Medici in initio omnium febrium acutarum mixturam sic dictam Hoffmanianam præscribunt; sumunt communiter aquæ uncias iv. vel v., aceti destillati unc. semis, lapidum cancrorum drach. j. vel drachmam unam semis, syrupi unc. semis. Portio hæc aceti non sufficit ad saturandam, five solvendam totam lapidis cancrorum quantitatem, ut inde fiat sal medius terreus; solvet ergo acetum inde partem reliquo intacto manente; hinc mixtura est ex lapidibus cancrorum partim aceto saturatis, partim crudis minime in hoc morbo conveniens; portio lapidum cancrorum aceto non saturata putredinem magis promoveret, ut Pringliana observata docent, parte lapidum cancrorum, quæ aceto saturatur, diaphoresin & diuresin excitare credunt. Verum Galenus jam monuit, in principio morbi crisin non fieri. Forte

adeo

adeo frequenter hæc mixtura præscribitur, quod Medici aliquid agere velint, ne videantur nihil egisse, interim maximo cum ægrorum detrimento id fit, dum eo tempore, quo hoc remedium propinatur, remedia efficacia negliguntur.

Ubi alvus adstricta, tensio abdominis, &c. præter mixturam salinam, vel decoctum tamarindorum clysmata (Nro. 31.) injicienda.

Si status inflammatorius febris putridæ jungatur, indoles morbi testante Clar. Schröder (a) est periculosissima, cum inflammatio remedia sæpius postulet a putredine contra indicata, ut venæ sectionem, temperantia, &c. & putredo medicamenta requirat, quæ inflammatio non admittit, ut corticem peruvianum, cardiaca. Similibus pro potu limonada, acetum aqua dilutum, lac ebutyratum ab omni pinguedine orbatum convenit.

Serum lactis in febre putrida graviore non sat efficax videtur, notavit Tissot, quod eo assumpto ægris post aliquot horas

ructus

---

(a) Opuscul. medic. Tom. II. pag. 180.



ruetus nidorosi moti fuerint. Hinc ubi magna dispositio ad putredinem, acida mineralia, aqua ad gratam aciditatem diluta, largissima copia exhibenda sunt, hæc enim putredini potenter resistunt & atoniam, perpetuam fere putredinis comitem, semper noxiam corrigunt.

Dum icterus febri putridæ accedebat, serum lactis cum spiritu vitrioli ad fortiorrem aciditatem paratum egregie profuit.

Si debitis evacuationibus prægressis, diluentibus, acidis exhibitis, febris pergat, vires minuantur, ad corticem peruvianum confugiendum, cum putredini adeo adversetur. Pringle foetorem in carne jam putrida abegit & ei iterum firmitatem cortice conciliavit.

Neque expectandum est, donec æger per aliquot horas sine notabili febre sit, calor enim in putrida non ex attritu, ut in febribus inflammatoriis & intermittentibus, quod pulsus monstrat, sed potius a dispositione in putredinem pendere videtur. Observata certe nos docent, thermometrum in cadavere febre putrida ante mediam

diam horam defuncti 96 gradus caloris adhuc notasse.

Nonnunquam constitutio epidemica putridarum, ut anno 1772 observatur, in quibus evacuato fomite ex primis viis, subito cortex peruvianus pluribus ægris exhibendus erat, licet lingua adhuc spurca & urina admodum colorata notaretur; cortice enim tardius exhibito morbus remedia omnia eludens ægros e medio tulit; necessitatem corticis docuit pulsus parvus & celer, vires maxime prostratæ, remissiones aut nullæ aut brevissimæ.

Addidi in simili casu salia media cortici peruviano, ut alvum quotidie aliquoties exonerarent ægri. Cortice vires erigebantur, febris minuebatur, putredo corrigebatur, salibus putridum, in ventriculo & intestinis jam hærens, evacuabatur.

Variat corticis peruviani dosis ratione vehementiæ morbi, virium, constitutionis epidemicæ, &c.

Nonnunquam unc. semis nichemeri spatio sufficit, nonnunquam ad unciam ascendendum est, sæpe uncia duæ aut tres ad morbum integre debellandum efficaces

notantur, quandoque vj. xij. unciaë necessariae erant ad ægros a febre integre liberandos.

Si inter corticis usum ægri angantur, febris augeatur, respiratio difficilior fiat, signum est, putridum adhuc in primis viis hærere, hinc hæ prius purgandæ & a cortice tamdiu abstinendum est.

Cavendum a cortice nimis mature exhibito; sic Illustr. van Swieten meminit febris continuæ remittentis autumnalis epidemicæ, cum anxietate, colore icteritio, flavedine in adnata tunica oculorum; si in hac, antequam obstaculum illud in hepate solutum fuisset, cortex propinabatur, post diuturnos languores putridissima dissenteria oborta e medio tulit plurimos.

Nisi alvus admodum libera dr. j. salis polychresti aut altera mixturæ cum cortice addenda, neque metuendum, corticis vim inde frangi, ut in intermittentibus notatur, dum ægris copiosior est alvus; magis enim in febre putrida cortex ut putredinem arcens, atoniam corrigens, quam ut febrim fugans remedium agit; salium similium cum cortice connubium (nisi alvus jam admodum

E

libe-

libera) summe necessarium est, licet enim & initio morbi per remedia evacuantia & diluentia materies putris ex primis viis eliminata fuerit, potest tamen in ipso decursu morbi putridum ex humoribus secerni & ad intestina ferri.

Inter corticis usum largiter acida mineralia continuanda. Habui nonnullos, qui nichemeri spatio unc. semis, drach. vj., imo unciam aqua dilutam hauriebant.

Ridendi Medici, qui decem, quindecim guttas spiritus vitrioli libræ uni aut alteri aquæ admiscent, non memores moniti Celeberr. Hoffmanni, quod proportio esse debeat inter causæ morbificæ magnitudinem & inter virium medicatarum efficaciam.

Optime acida mineralia, ob diversam in diversis pharmacopæis aciditatem, vel ad gratiam, vel fortiolem acorem præscribuntur, (Nro. 32. 33.)

Ut ægri majorem dosim acidorum mineralium sumere valeant, nonnulli Medici magnam quantitatem spiritus vitrioli cum gummi tragacanthi præscribunt. Sed sana suadet ratio, ideo infringere, aut obtundere vires alicujus medicamenti, ut id  
dein



dein in majori quantitate propinari valeat? venena demulcentibus involuta vim deleteriam perdunt, hinc & acida inviscantibus obruta vim salutiferam amittere videntur.

Major itaque effectus a minori portione spiritus vitrioli aqua diluti saccharo vel syrupo edulcorati sperandus erit, quam a majori ejus dosi mucilagine gummi traga canthi involuti.

Ab acidis mineralibus in principio morbi exhibitis sæpe anxietates & nausea augentur, nisi vomitorio antea sordes e ventriculo eliminentur.

Si vires admodum collabantur, pulsus debilis & mollis fiat, vinum rhenanum aut austriacum ad uncias duas, tres mixturæ cum cortice addendum.

Ægris, qui sudoribus diffluunt, & quorum pulsus mollis & debilis est, profuit, si duæ parres olei vitrioli & una pars spiritus vini multa aqua diluta propinentur.

Deliria accedentia, facies rubra, oculi feroces, sinapismos plantis pedum applicandos, vesicatoriis longe anteponendos postulant.

Valcarenghi notat, quod a cantharidibus putredo augeatur, & Illustr. van Swieten docet, vesicantia non adeo tute adhiberi posse, ubi humores dissoluti, acres, in putredinem vergentes & magnus humorum motus adest.

In ægris soporosis cum pulsu debili, parvo, intermittente, inæquali, tremoribus, oculis caliginosis, deliriis obscuris, vesicantia felicius in usum vocantur; cum tunc malum magis in nervis & liquido nerveo, quam in massa sanguinis hæcere videatur.

Dum vesicantia indicantur convenit plura & repetitis vicibus apponere, quam ea aut nimis diu relinquere, aut majori cantharidum copia nimis acria reddere, sic dolores, stranguriæ & pessimæ exulcerationes evitantur.

In stranguria post vesicantia apposita emulsa largiter haurienda.

Pessimum signum est, dum humor e vesicatorio eductus, foetet. Anno 1758. in constitutione epidemica plurima loca, quibus vesicatoria applicabantur, gangræna afficiebantur, larga tunc corticis peruviani

in

in substantia quantitas necessaria erat, externe fomenta ex antisepticiis herbis cum cortice peruviano in usum vocabantur; (Nro. 34.) nonnunquam china china digestivo mixta summe profuit.

• Potens remedium antisepticum est cortex peruvianus cum alumine externe applicatus.

Ubi in febre putrida vermes aut per os aut per alvum egerebantur, mixturæ cum cortice peruviano drach. semis, aut scrup. ij. radicis valerianæ cum successu addidi.

Si tremores, subsultus tendinum, convulsiones observentur, præter acida corticem peruvianum, vinum austriacum, & remedia penetrantia & excitantia danda sunt.

Inter tot millia acute decumbentium experientia didici: ægris, quorum pulsus parvus, debilis, sed æqualis & mollis erat, camphoram & serpentariam profuisse; iis vero, qui pulsum tremulum, inæqualem, intermittentem, sed mollem habebant, spiritum cornu cervi cum essentia castorei majoris opis fuisse.

Quamprimum vero pulsus leviter durus erat, moschus solus levamen tulit; hic

E 3

enim,

enim, quin stimulum augeat, vel permanentem faciat, nervis amicus est.

A mixtura ex spiritu cornu cervi & essentia castorei plurimis ægris sanitas restituebatur.

Optime monet Illustr. van Swieten, (a) quod majori cum fiducia nunc utamur salibus alcalinis, postquam per experimenta Cel. Pringle constitit, putredinem per hos sales non promoveri, uti antea credebatur.

Castoreum contra tremores laudat Forrestus (a) & merito ad inordinatos spirituum motus compescendos commendatur.

Ubi vero usu mixturæ hujus (Nro. 20.) pulsas parum durior evadit, quod rarissime observavi, moschus substituendus est.

Nonnulli ægri camphoram non ferunt. Ego ipse ante plures annos febre putrida laborans (a qua per Illustr. Facultatis Medicæ Præsidentem & Archiattrorum Comitem Lib. Bar. de Störck liberatus fui) a levi camphoræ dosi sumpta semper convellebar.

Pu-

---

(a) Tom. IV. pag. 223.

(b) Lib. 10. Observatione 99.



Publicæ gratitudinis testimonium erga virum hunc Celeberrimum hoc loco adducere liceat. An. 1772 febrim putridam adeo vehementem contraxi, ut universa fere civitas (quem immeritum licet favorem gratissimo ad cineres usque servabo animo) jam mortem meam doleret, per præfatum Virum cortice, vesicantibus, serpentaria, &c. ex orci faucibus ereptus fui.

Hoffmannus a scrupulo vel dimidia drachma camphoræ nec majorem æstum, nec pulsum adauctum, sed potius manifestum refrigerium, præsertim circa præcordia observasse scribit; imo addit, quod uncia spiritus vini ingesta, vel unicus haustus vini generosi plus caloris corpori inferat, quam duæ drachmæ camphoræ.

Multi Medici autoritate hac firmati duas, tres camphoræ drachmas intra nocturnum nonnunquam sumendas volunt, & felices inde effectus recensent.

Ego nec Cel. Hoffmanni, nec aliorum Clarorum practitorum fidem & observata denegare cupio; fateri solum debeo, me nunquam ultra decem, quindecim, ad sum-

mum viginti grana nichthemero præscripsisse.

Vidi enim in multis, quibus camphora majori dosi exhibita fuit, pulsum celerimum, faciem ruberrimam, oculos torvos, inflammatos, convulsiones & phrenitidem lethalem secutam fuisse.

Verosimilius itaque cum Cel. Professore Cranz (a), qui camphoræ vires admodum calefacientes & stimulantibus censet, eam ad ij. vel iij. tantum grana exhibendam judico, ubi materies morbi diffiliari potest; nocivam autem, ubi inflammatio partem adurit. Ejusdem mentis est Clar. Vogei (b), dum ait: refrigerandi autem scopo nunquam quemquam vidi assumpsisse camphoram, nam si quis velit drachmam dimidiam spiritus vini camphorati per duo saltem minuta horæ ore continere, idque eo colluere, certe non de calore tunc conqueretur, sed de ardore igneo & urente, ipsum halitum reddente igneum. Celeber. Tralles, qui olim virtutem refrigerantem

cam-

---

(a) *Materia medica & chirurgica*. Tom. I. pag. 191.

(b) *Historia materiæ medicæ*. pag. 314.

camphoræ credidit, contrarium in proprio corpore dein expertus fuit (a). Geofroy (b) monet, quod a nimio camphoræ usu gravitas capitis, vigiliæ & dispositio ad inflammationes nascantur.

Neque obest Clar. Muzelii observatum, qui maniacis & melancholicis quotidie unciam dimidiam exhibuit absque ulla pulsus, aut morbi mutatione; constat enim, similes ægros sæpissime nec a fortissimis drasticeis, nec ab ingenti spirituosorum copia, nec a magna opii dosi mutari, nemo tamen inde drasticeis vim purgantem, spirituosus inebriantem & calefacientem, & opio virtutem paregoricam negabit. Ii ipsi, qui olim camphoram ingenti illa dosi exhibebant, nunc eam aut vix, aut moderate præscribunt.

Quandoque a materia putrida acerrima, ex massa humorum secreta & ad primas vias delata, hæ inflammantur, pulsus antea satis mollis (ut superius notavi) in parvum, durum mutatur, respiratio fit diffi-

E 5

cilior,

---

(a) *Histor. choler.* pag. 75.

(b) *Traité de la matiere médicale.* Tom IV. pag. 39.

cilior, genæ magis rubent, deliria incrementum & æger post summas anxietates moritur.

In pessima hac febris putridæ indole cortex peruvianus vix levaminis quidquam fert, imo symptomata ex usu ejusdem augeri videntur. Sola salus in sero lactis cum spiritu vitrioli parato, (Nro. 35.) atque prudenti moschi usu expectanda.

Si morbus oriatur ex fomite putrido, mox in massam humorum delato, ut a contagio, vel ex effluviis putridis, febris nascitur periculosissima; subito maligna. Incipit cum maxima prostratione virium, sopore; pulsus est celer, parvus, brevi inæqualis, undosus, intermittens, oculi sunt turbidi, accedit tremor, convulsiones, &c.

In hac febris putridæ specie venæ sectio ægrum necaret.

Si putrescens simul in ventriculo materia, mox vomitorium exhibendum, materies enim putrida cum saliva & alimentis deglutita in ventriculum delata adeo subtilis esse videtur, ut moram diu non patiatur, sed subito massam humorum intret.

Neque



Neque tamen in omni putrida ex contagio orta, ut quidam suadent, emeticum est dandum; infectio enim & per inspirationem & inhalationem fieri valet, cum nitrothemeri spatio plus, quam libram inhalemus.

Pessimus quoque error foret, abs necessitate purgantia propinare, dum fractis adeo viribus facile inde diarrhœa colliquativa, convulsiones, &c. sequuntur.

Acida mineralia largissima dosi in usum vocanda, brevi quoque ad corticem peruvianum descendendum, vires vino austriaco, vel rhenano erigendæ. Sopor, aut delirium, materiem morbiferam a superioribus per vesicantia derivandam indicat.

Tremor, subsultus tendinum, convulsiones accedentes, medicamenta ex camphora, spiritu cornu cervi, moscho (Nro. 17. 18. 19. 20.) pro diversitate pulsus indicant.

Solvitur febris putrida variis viis. Si non adeo gravis sit, nonnunquam vomitu terminatur, arte, vel quod rarissimum, natura producto.

Hæmorrhagia sola morbum vix tollit, potest tamen cum euphoria fieri, si satis cito

cito accidat & putrido inflammatorium junctum sit.

Ubi malo provecto supervenit & sanguis tenuis nec facile, ubi frigescit, coeuns vehementer erumpit, humores a putrido fomite solutissimos significat & lethali-  
tatem morbi notat; in hoc statu acidorum mineralium, corticisque dosis augenda & a stimulantibus abstinendum est. Spiritus nitri dulcis aut liquor anodinus mineralis exigua copia prioribus remediis jungi potest.

Externa quoque auxilia contra hæmorrhagiam narium in capite de febre ardente dicta in usum vocanda.

Sudor criticus æqualis esse debet, qui enim circa caput, faciem & cervicem solum oritur, in gravibus mortem, in mitioribus morbi longitudinem notat.

In principio morbi vix quidquam boni a sudore expectandum, nisi forte in constitutionibus epidemicis, ubi materies morbi adeo tenuis, ut cum primo sudore diffundi possit.

Frequentius in initio putridarum sudor copiosus sordibus in primis viis hærentibus  
origi-

originem debet & excussa per emeticum saburra, aut purgante dato evanescit.

Cavendum itaque, ne regimine calido aut medicamentis stimulantibus sudor exprimatur.

Sudore critico apparente corpus moderate tegendum est, acidiuscula diluentia perpetuo ingerenda; arcenda aura frigida, aut aër per rimas angustas intrans, ægrum alluens.

Sudores critici nimii, nisi calido regimine urgeantur, rarissimi sunt; si tamen occurrant, ut æger exinde debilitaretur, abstersio corporis, aër frigidiusculus sensim & cum prudentia admissus, largus corticis peruviani & acidorum mineralium usus facile hos compescet.

Diarrhœa in febre putrida frequenter critica est. Damnavit quidem Hippocrates alvi fluxus impense graveolentes, colliquativos, sed rarissime in febre putrida alvus cocta occurrit, & experientia constat, alvum summe putrem & graveolentem in vigore morbi criticam fuisse.

Noscitur critica diarrhœa ex levamine morbi, si enim talia purgentur, qualia  
opor-

oportet, confert & facile ferunt. Abstinendum tunc a salibus mediis, aliis vero remediis superius nominatis pro diversitate symptomatum strenue pergendum.

Si adeo crebræ alvi dejectiones, ut pulsus parvus, debilis, inæqualis fiat, vires admodum minuantur, morbus est periculosissimus, difficillimus sanatu, quia, quæ diarrhœam domant, febrim augent & si dejectiones non impediuntur, pereunt ægri.

Similis diarrhœa originem sæpissime debet vomitorio ab initio morbi neglecto.

Remedia in hoc statu requiruntur, quæ & putredini resistunt & nimiam partium laxitatem impediunt. Primo loco bolus armena in auxilium vocanda. (Nro. 33.)

Pro potu infusum ex floribus sambuci & rhæados spiritu sulphuris acidum redditum exhibendum est, vel & decoctum salep, aut orchidis cum spiritu vitrioli.

Si pulsus sit mollis, extracti loco cortex peruvianus in substantia propinandus, qui putredinem corrigit & roborat, hinc utrique superius notatæ indicationi satisfacit.



Soleo pulverem chinchinæ subtilissime pulverisatum exhibere, cum minus nauseosus & vix stomacho molestus sit. Sed circa pulverisationem corticis monente Bergio (a) observandum, quod primus, leviorque pulvis abjiciendus sit, quippe qui plerumque nonnisi epidermide corticis, lichenibusque annexis constat.

Urgente necessitate ad adstringentia recurrendum, cortex simarubæ, succus catechu ad scrup. ij. vel dr. j. mixturæ addendus; hic enim & simul adstringit & putredini resistit.

His omnibus non proficientibus laudanum liquidum, sed prudenti manu propinandum.

Si diarrhœa minuta abdomen infletur, anxietas, respiratio difficilis oriat, ab adstringentibus abstinere, alvum clysmate emolliente (Nro. 28.) eluere, cortice & acidis mineralibus strenue pergere oportet. Ventre inde non detumente rheum prædictis pharmacis addendum est.

Pessi-

---

(a) Materia medica. pag 106. Tom. I.

Pessimum signum est, dum cum alvo liberiore abdomen tumet & inflatur; significat enim summam fomitis putredinem & viscerum debilitatem. In similibus crebrius petechiæ malo omine conspiciuntur, hinc Boërhaavius monuit, quod ubi pustulæ purpureæ vel lividæ corpus deturpant, hypochondria tensa & inflata sunt, æger fere moritur.

Sanavi nonnullos fomentis abdomini impositis ex mentha, rore marino, &c. vino incoctis; curandum, ut lintea bene exprimantur, & ne nimis calida applicentur, vel frigefacta relinquantur. Clysmata ex decocto corticis & chamomillæ (Nro. 36.) injiciebantur, interne mixtura ex cortice peruviano additis binis scrupulis vel dr. j. liquoris anodini mineralis exhibebatur.

Ægris debilissimis vinum rubrum aqua dilutum concedebatur.

Rarissime critica per urinam evacuatio in febre putrida occurrit, sæpissime tamen ut crisis nūncia apparet.

Nonnunquam mingendi difficultas accedit ab horizontali decubitu & lætus vidit anonymus Autor in febre nosocomica medio-

mediolanensi, cum jam chirurgus cathetere instructus accederet, ægros in positione verticali collocatos statim ac abunde mingere potuisse (a). Nonnunquam in eadem epidemia involuntaria fiebat urinæ excretio, modica pro ratione potus cum abdomine tenso; manum regioni hypogastricæ attente apponere fas erat; si tumor vesicæ figuram referebat, si pressione nonnihil urinæ effluebat, catheteris experimentum instituire oportuit, magna siquidem urinæ copiaeducta fuit, licet ægrotantes itentidem, attamen involuntarie lotium antea dimitterent (b).

Non raro parotides, abscessus varii in febre putrida nascuntur, quibus facile gangræna succedit, nisi cortice peruviano in & externe adhibito impediatur.

Post febrem putridam nonnunquam sudor debilitans manet, laudatur tunc merito ulterior corticis usus.

Ob.

---

(a) Pag. 41. de febre nosocomica mediolanensi.

(b) Pag. 5.

Observavit Cel. Werlhoff, quod cortex morborum acutorum reliquiis extirpandis & restituendæ transpirationi insensibili utiliter adhibeatur, egregium naturæ robur addat, & lentæ tabificæque ægritudinis metum & periculi reversiones recidere soleat.

Tumores pedum œdematosi fugata febre ægros interdum vexant, si nulla viscerum abdominalium obstructorum signa adsint, lenes frictiones pedum cum pannis laneis fumo succini, aut benzoës imbutis conveniunt, pedes altius reponendi sunt & fasciis spiritu menthæ & aceto rutæ irroratis in dies (prout tumor minuitur) magis constringendi.

Interna remedia ex cortice peruviano & marte (Nro. 37. 38.) juvant, cum symptoma hoc debilitati originem debeat.

Abstinendum ab omni purgante, quod pessime noceret.

Si vero obstructions viscerum adessent præter frictiones redeuntibus magis viribus infusa ex absynthio, (Nro. 39.) centaury minore, &c. vinosa aut aquosa locum habent.

Ap.



Appetitus languens cortice peruviano, amaricantibus & si alvus adstricta sit, salibus mediis erigendus, cavendum a spirituosiss.

Aëris puritas & renovatio non satis commendanda in febre putrida, secus æger putridas suas exhalationes inspirat, aër magis calefit, qui calefactus & exhalationibus repletus elasticitatem perdit, hinc somnus impeditur, æger debilitatur, ad sudores ut plurimum nocivos disponitur. Experientia docuit Clar. Pringle, putredinem multo rapidiorem esse in clauso, quam aperto aëre.

Acetum patulis vasis igni imponendum, sic in vapores resolutum putredinem aëris corrigit. Vasa, quæ excrementa aut urinam recipiunt, subito evacuanda sunt & bene eluenda.

Observata docuere, quod vapor acetii, pulveris pyrii nec profuerint ad mortalitatem febrium putridarum corrigendam, nisi cautum fuerit, ne multi ægri in eadem domo decumbant & aëris renovatio fiat. Hinc patet, quam difficilis putridarum cura in nosocomiis sit, quæ potissimum locan-

tur inter alia & fortassis altiora ædificia, unde nec novus sed jam particulis peregrinis inquinatus aër accedit, impurus vero diu remanet. Sæpe etiam fieri solet, ut æger in eodem, quo alius pessimo putrido morbo extinctus est, locetur lecto, unde etsi linteamina nova & pura imponantur, non fieri potest, quin halitus perversi in stragulis occulti noceant.

Indusia & lintea spurca renovanda; timendum enim, ne per vasa absorbentia putridum illud in corpus iterum ingeratur. Cautela tamen opus est, dum exanthemata prodeunt, aut æger admodum sudat.

Si perpetuis sudoribus æger diffluat, lintea sicca leviter calefacta sub indusio madido corpori apponenda & dein subito, ut aura frigidior caveatur, indusium ab homine sano portatum, calore lecti tepidum redditum, induendum.

De diætâ ea notanda, quæ prioribus capitibus dicta fuerunt.

Multi ex penuria putridam contraxere, iis toto decursu morbi jura carniû tenuia succo citri addito largissime ingerenda erant ad corpus nutriendum & vires

con-

conservandas; morbi enim, qui ab inanitione fiunt, repletionem curandi sunt.

Si in putrida gelidum potum expeterent ægri omnem alium fastidientes, minime absolum videtur illum concedere, cum in putrida, ubi sanguis in dissolutionem tendit, minus ejus coagula metuenda sint: cavendum tamen, ne simul & semel ingentem copiam ingurgitent monente Illustr. van Swieten.

Ii, qui inserviunt putrida decumbentibus, utantur acidis, aceto & sale bene conditis, nec jejuni ægros accedant, cum his vehementior sit inspiratio observante Hoffmanno & aër ad interiora plenius admittatur; idem notat, quod grassantibus populariter morbis ab aëris constitutione calida & humida tenuis diæta & moderatus boni vini usus incolumes fervet; vinum enim erigit, mœrorem pellit & timorem, qui in epidemiis semper major observatur. Nam animi affectus tristes non tantum nocent, quatenus ab illis absque alia causa prægressa febris excitatur, verum etiam corpus sic disponi-

nitur, ut ab aliis causis facilius affici possit (a).

---

## CAPUT V.

DE

## FEBRE MALIGNA.

---

**F**ebbris maligna noscitur ex subita & summa prostratione virium, pulsus quandoque est celerior, quandoque naturali tardior, sed semper debilis, accedunt frequenter animi deliquia, somnolentia, subsultus tendinum, tremores, urinæ communiter pallidæ nonnunquam sedimentum deponunt, sæpe sine eo conspiciuntur, non raro materia quædam levis furfuri similis per totam urinam inæqualiter dispersa est. Lingua muco albicante obsidetur & ægri quandoque pituitam inspidam vomunt. Calor  
vix

---

(a) Swieten. Tom. II. pag. 127.



vix solet tribus vel quatuor gradibus naturalem excedere.

Causæ hujus morbi sunt fructus crudi, fatui, panis ex frumento corrupto, aër nebulosus, frigidiusculus, contagium. Frequenter inter milites grassatur maligna, dum sub diu cubare, vapores ex terra exhalantes & pluvias excipere coguntur, dum vestimenta madefacta siccis permutandi non est locus & dum eos terror, metus & mortis formido percelit.

Triplex occurrit maligna: una ubi inflammatorii quidquam junctum est, altera, in qua putredo malignitati accedit; & tertia, quæ forte in sero, forte in nervis hæret.

Prima species vix possibilis videtur, cum notante Huxhamo, inflammatoria ab oscillatione vasorum & sanguine densiore oriatur; lenta autem & nervosa effectus sit vasorum nimis laxorum & sanguinis inertis atque tenuis.

Reperiuntur tamen, subjungit supra laudatus Huxham, varii morbi, præcipue illi contagio excitati, qui utrisque sunt communes: similis certe anno 1770 grassabatur.

Incipiebat morbus cum calore, tussicula, genis rubentibus, respiratione difficili, sopore, prostratione virium, pulsus non admodum plenus, sed celer & solito durior erat, urina fere naturalis. Plures in eadem domo fere semper hac febre corripiebantur, inter pauperes præcipue grassabatur. Perpetuæ aëris vicissitudines præcedebant & magna tam per pluvias, quam per nives pluribus mensibus humiditas.

Sanguis pauca quantitate detrahendus erat, conveniunt enim potius repetitæ, quam largiores phlebotomiæ.

Cruor eductus levissima crusta obductus conspiciebatur, venæ sectione neglecta pulsus in parvum, subdurum mutabatur, ac si filum æneum per arteriam ductum esset, accedebant subsultus tendinum, convulsiones, deliria ferocia, respiratio summe anxia & ægri stertorosi moriebantur.

Præmissa venæ sectione exhibui sequens decoctum:

R. Flor.

R. Flor. Verbasc.

— Sambuc. aa unc. j.

Infund. per  $\frac{1}{2}$ . hor. partem in aqua font.  
fervid. colat. lib. j. Adde

Succi citri dr. vj.

Syrup. 5. Rad. aper. unc. jß.

Sumat omni bihor. unc. ij.

Pro potu erat decoctum hordei cum  
oxymelle.

Quarta aut quinta ut plurimum die  
sputa pauca, sed exscreatu difficilia prodie-  
bant, hinc unc. j. oxymel. scillitici deco-  
cto addenda erat.

Nonnunquam secunda aut tertia jam  
die tremores ingentes, subsultus tendinum  
cum pulsu celeri, undoso & gravi sopore  
accedebant; quare quatuor, nonnunquam  
quinque vesicantia applicanda erant.

Camphora moderata dosi cum successu  
propinabatur, majori data sudorem, calo-  
rem, linguæ siccitatem, sine levamine au-  
gebat.

Raro sola camphora sufficiebat, sed mixtura (Nro. 20.) jungenda erat; hinc omni trihorio aut quadrihorio cochlear mixturæ exhibebatur, donec pulsus æqualior, fortior, mens magis serena & symptomata minuta notarentur.

Urina tunc erat magis colorata cum levi mucoso sedimento.

Judicabatur morbus per æquabilem, copiosum sudorem, sed & simul largius erat urinæ profluvium.

Ubi ægri calido regimine morbi initio vexabantur, ubi plures homines etiam si sani in eodem cubiculo degebant, vel ubi ingruente morbo jam quidquam putridi in ventriculo hærebat, febris putrida accedebat & petechiæ sine levamine erumpabant; cortex peruvianus, acida mineralia, ut in capite de putrida dictum fuit, exhibenda erant.

Ceterum in maligna simplici acida & refrigerantia locum non habent; hinc monet Freindius, (a) quod diversa sit insania, qua insaniunt nonnulli, quorum in  
acido

---

(a) Comment. de Febr. III.



acido posita est omnis curatio, quique spem nullam nisi in aceto, aut pomorum agrestium succo collocant, quasi, quia nefas est ægrotum comburere, ideo protinus frigore enecare oporteat.

Nonnulli satis cito sanabantur, quidam longo tempore ad perfectam sanationem usque decumbebant, paucissimi in morbo hoc atrocissimo methodo relata tractati moriebantur.

Si putrida malignæ juncta est, nausea, anxietas ad præcordia, abdomen tensius notatur, urina magis colorata est & sudores foetidissimi.

Remediis cardiacis & putredini resistentibus, ut in capite de febre putrida dictum, morbus debellandus.

In tertia febris malignæ specie, dum morbus a contagio ortus, miasma salivæ mixtum in ventriculum delatum nonnunquam appetitum prostratum, nauseam, vomendi conatus causat, subito emeticum convenit, ne diathesis inflammatoria in ventriculo oriatur, vel miasma massam humorum ingrediatur.

Non-

Nonnunquam vomitus sine signis aut inflammationis, aut latentis in ventriculo saburræ agros vexat, prodest tunc infusum menthæ; si non sufficiat, emplastrum de labdano cum camphora regioni ventriculi applicandum; urgente admodum necessitate dr. j. electuarii diascordii omni trihorio aut quadrihorio exhibenda, donec vomitus minuatur.

Venæ sectio in febre maligna nocet pessime, nec clysmatibus in hoc morbo locus est.

Plurimum profunt vesicantia, raro duo sufficiunt; ubi magnus sopor, utiliter nuchæ apponuntur.

Diluentia aquosa sola non juvant, sed talia requiruntur, quæ stimulant & lentorem illum forte nervis inhærentem corrigunt. Infusum menthæ & florum sambuci syrupo de duabus edulcoratum sæpius sumendum.

Ubi tremores, subsultus tendinum, convulsiones, &c. camphora, spiritus cornu cervi, moschus, serpentaria in auxilium vocanda.

Cortex peruvianus in febre maligna non multum opis fert, si pulsus admodum celer, undosus, inæqualis; prodest tamen ad finem morbi spiritui Mindereri junctus, ubi post usum remediorum pulsus in æqualem quidem, sed parvum & sano tardior rem mutatur.

Incerta est ad mortem & ad salutem dies.

Signa, quæ sanitatem sperare faciunt, sunt: majus robur pulsus, urina magis tinctora, caput liberius.

Quandoque hic morbus sine evacuatione notabiliore terminatur.

Parotides, miliaria, urina sæpius hanc morbi speciem levant, sæpissime vero sudor æquabilis.

Diarrhoea in febre maligna rarissime critica est, hinc & initio morbi, ubi nulla signa saburræ in ventriculo latitantis, sed maxima debilitas, compesci debet, & ad finem morbi justo etiam tempore eveniens, si paulo largior sit, moderanda, optime monente Tralles & Pringle, cum vires ad mortem usque emungat; hinc laudano liquido, vel electuario diascordii prudenti manu

manu dato compescenda est. Diarrhœa minuta sudor levans ut plurimum sequitur.

Hæmorrhagia malignarum periculosissima est. Wepferus contra eam ichthyocollam commendavit.

Prodest cortex peruvianus, liquor anodinus mineralis cum spiritu vitrioli.

Externe ea conveniunt, quæ in capite de febre ardente recensita fuerunt.

Aëris puritas non satis commendanda, hinc acetum candentibus prunis imponendum & tempore admodum humido spiritus vini accendi potest.

Cavendum ne corpus nimis stragulis obruatur; cavendum quoque, ne ægri lecto eximantur & erecti sedere cogantur, quia vires cordis, optime notante Pringle, nimis debiles sunt, quam ut sanguinem aliter, ac in situ horizontali ad cerebrum ferant.


Victus ex hordeo, panatella propinandus & præcipue, si æger appetat, moderatus usus vini rhenani, aut austriaci concedi potest.

Tremor fugata jam febre nonnunquam remanet a debilitate & inanitione; hinc  
nutri-



nutrientia, roborantia, ut cortex peruvianus, vina oleosa, frictiones, exercitia corporis suadenda.

Sudor quoque absente jam febre ægrum vexat; tollitur infuso salviæ vinoso, spirituosos, cortice & si vires admittant, equitatione & exercitio corporis.



---

CAPUT VI.  
DE  
MILIARIBUS.

---

**M**iliaria alia rubra sunt, alba alia; hæc plerumque graviores comitantur morbum, sed & rubra periculosa esse possunt testante Allionio.

Sæpe alba & rubra mixta conspiciuntur, nonnunquam confluunt, hæc potissimum peioris indolis.

Miliaria sunt sporadica, epidemica & quandoque in paludosis locis endemica.

Frequenter in febribus catarrhalibus spectantur, crebrius puerperas infestant, modo gravioribus, modo levioribus stipantur symptomatibus, sæpe exsiccantur, iterumque in eodem morbo apparent.

Præcedunt miliaria febris acuta, anxietas, dolor spinæ dorsi, oppressio pectoris, tussicula, dolores rheumatici, oculi  
lacry-

lacrymantes, urinæ quandoque sine sedimento, quandoque enurema deponunt.

Incerta est eruptionis dies, criticis 4<sup>a</sup>, 7<sup>a</sup>, 9<sup>a</sup>, 11<sup>a</sup>, 14<sup>a</sup>, 17<sup>a</sup>, &c. sed & aliis indiscriminatim diebus prodeunt.

In nosocomiis dies critici determinari vix possunt, optime noscunt Polyatri, qui quotidie pauperibus medicinam faciunt, quam difficile sit, ex vulgo morbi prægressi historiam expiscari.

Collum, jugulum, pectus primum occupant, rarissime faciem. Supra cutim in pustulas rubras vel albas semen milii & lentes subinde aquosas referentes elewantur, exsiccantur, furfuracee desquamantur, iterum redeunt, nonnunquam rumpuntur & humorem fundunt serosum.

Prognosis varia est; robusti, sanguinei rarius corripuntur miliaribus, sed & magis inde periclitantur, quam feminæ molles & viri laxi.

Quo copiosiora miliaria, eo potissimum periculosiora; morbum nonnunquam levant, nonnunquam nil mutant, hinc a multis Medicis critica, ab aliis symptoma-

tica morbo accidentalia dicuntur; paucis notabo, quæ mihi colligere licuit.

A fordibus in ventriculo hærentibus vomitorio non ejectis miliaria erumpunt. Illustr. van Swieten id notasse videtur, dum dicit, an non forte in febribus collectis circa præcordia fordibus quandoque exanthemata prodeunt. Certe mihi talia in morbis curandis occurrebant, quæ huic sententiæ favere videbantur, cum nempe sursum vel deorsum sponte vel arte deturbatis his fordibus evanescebant hæc exanthemata. Confirmat idem Zimmermann, (a) qui miliaria ut symptoma periculosum vidit, ubi in principio dissenteriae debita evacuantia in usum non vocata fuerunt.

Iis, qui calidiore regimine tractantur, frequentiora sunt miliaria, ubi diffatis subtilissimis crassiora ad vasa cutanea moventur, apparebat id, dum Fratres Misericordiae acuta decumbentes ex nimia sollicitudine sæpius ab assistentibus ejusdem ordinis stragulis plus tecti crebrius miliaribus laborabant,

ubi

---

(a) Von der Ruhr unter dem Volke. S. 26.



ubi reliqui Nosocomii ægri rarissime exanthemata habuerunt.

Illustris Sanchez, olim Augustissimæ Rufforum Imperatricis Archiater inter Germanos solos miliaria vidit, dum ipsis Russis eadem raro vel nunquam accidere observavit, adscribit id stragulis plumaceis, quibus priores cooperiuntur.

An non ideo frequentiora puerperis miliaria? dum omnis aura a feminis adstantibus arcetur, hinc, cum aquosis tepidis abutantur, materia facilius ad cutim disponitur.

Soli vero huic causæ exanthematum eruptionem adscribere, nec ratio, nec experientia suadet. Sic Celeb. Baldinger (a) notat rara fuisse in exercitu Regis Borussiae miliaria, licet calor cubiculi & remedia calida vexassent ægros.

Tralles assumpto opio in febribus exanthemata generari dicit: an non ab aucto inde humorum motu & impeditis evacuationibus.

G 2

Quan-

---

(a) Von den Krankheiten einer Armee. S. 159.

Quandoque epidemica constitutione prodeunt. Sic anno 1758 omnes fere acuta decumbentes hæc exanthemata habuerunt, licet primis viis purgatis, nec stragulis onerati, aut medicamentis calidis vexati ægri fuissent.

Stimulum certe in aëre nos ambiente latere posse mens est magni aphorismorum Boerhaavii Commentatoris.

An non quandoque talis constitutio ab infectis per aërem dispersis? suadent id Linnæi observata, licet omnia vel plurima exanthemata ab infectis nasci minime contendam.

Cum Cel. Cullen observavi, frequentiora miliaria iis esse, qui magnas sanguinis depletiones passi sunt. Forte quia Medici vires ægrorum nimium languentes medicamentis stimulantibus, sudoriferis & calido regimine non raro erigere student.

Erumpunt nonnunquam efflorescentiæ miliares moderato aëris regimine datis antiphlogisticis, evitatis stimulantibus, die critica, præcedente magna anxietate, inquieta corporis jactatione, anhelosa respiratio-

ratione, quæ apparentibus exanthematibus levantur.

Simul pulsus parvus in magnum, inæqualis in æqualem, cutis arida in madefcentem mutatur, oculi turbidi clariores redduntur, hinc secretio materiæ morbificæ & ejusdem per vasa cutanea excretio fieri videtur, prout id obtinere sæpius citatus Lib. Baro van Swieten meminit, dum Tomo 2do statuit, febrilia exanthemata frequentissime inde fieri, quod per febrim deponatur materia critica in vasa quædam obstructa dilatata vel rupta, & pag. 404 monet, quod in febribus malignis lenitas & levamen observetur, dum exanthemata erumpunt.

Prosper Alpinus quoque in immortalis suo de præfagienda vita & morte ægrotantium tractatu pustulas parvas milio similes malas quidem & exitiosas quandoque statuit, bonas tamen esse dicit, ubi natura præsertim critice excernit humores summe putridos & ubi cum signis coctionis apparent, annectit, ægroti enim ipsis erumpentibus maxime levantur.

Nec obſtare videtur, criticam non eſſe per miliaria evacuationem, quod aut ſudor aut urina cum ſedimento lateritio ſæpius juncta ſit. Frequenter enim occurrit, eos, qui diarrhœa judicantur, ſudare nonnunquam, & urinam talem deponere.

Confirmat id Aræteus, qui, poſtquam dixerat larga narium hæmorrhagia vel alvi dejectionibus morbum levare, addit, eſt etiam, quod in urinas convertitur, quibus autem omnia ſimul accidunt, ii celerrime ſublevantur.

Ex his forte apparet miliaria nonnunquam critica eſſe, quod maxime in febribus catarrhalibus & rheumaticis accidit.

Ipsi hujus ſententiæ adverſarii ab exanthematibus levamen ſperare videntur, dum corticem peruvianum ut remedium expulſionem exanthematum ſumma cum ægrorum euphoria promovens, ſuſtinens, maturans, perficiens laudant.

Pefſime tamen errare videntur ii Medici, qui exanthemata regimine calido & medicamentis ſtimulantibus extorquere ſtudent, hac enim methodo ſubtiliſſima diſſipantur, craſſiora in corpore remanent, ægri ſudo-



sudoribus diffuunt, febris accenditur. In simili casu, si miliaria erumpant, anxietas & cetera symptomata non minuuntur, verum augentur & deliria, phrenitis succedunt.

Arcendus tamen frigidior aër, cavendumque, ne ægri ex lecto eximantur, adversarii enim calidioris regiminis testantur, quod ægri miliaribus decumbentes debiles admodum sint, & ad minimam auram frigidam perceptam perniciose habeant, imo plures, dum ad necessaria corpus erigere gestiunt, animo linquntur.

Cura in miliaribus ea est ac in febribus, quæ sine his terminantur, decoctum hordei, succus citri, acetum, oxymel, syrupus ribium, rubi idæi &c. in usum vocanda.

Pessimum præjudicium nonnullorum animis infedit, cum in miliaribus odor vapidi aceti notetur, absorbentia exhibere & acidiusculorum, acidorumque usum interdiceret. Sitis ingens & appetitus, quo ægri ad acida feruntur, id non peccare, sed metum putredinis adesse docent, cadavera certe eorum, qui miliaribus pereunt, cito intolerabiliter foetent & intumescunt.

Hallerus (a), dum Leidæ paucis eadaveribus avide uteretur, observavit, musculos viscorem concepisse cum acido manifesto odore; solet autem acor, qui putredinem præcedit, ingratus esse, videtur enim in animali putrescente rancor corrupti olei se cum evoluto acido conjungere.

Ubi ingens calor, dolor capitis, rubor faciei, pulsus durus præsentibus etiam exanthematibus, venæ sectio instituenda.

Abrahamus Nehemias (b) Lusitanus jam voluit: ut post exanthematum eruptionem, præsertim si antea sanguis missus non fuerit, si adsit plenitudo, vena secetur, additque, denique in omni morbo, omni tempore, loco, ætate etiam puerili & senili, ut simul omnia complectar, ubicunque apparuerit sanguinis plenitudo cum virium robore, sanguis mittendus citra ullam exceptionem.

Ubi vires deficiunt, pulsus inæqualis, debilis, intermittens est, vinum austriacum,  
ve-

---

(a.) Supplem. II. pag. 35.

(b.) Methodus medendi universalis per sanguinis missionem & purgationem. Lib. II. cap. 2.

vesicantia, camphora, cortex peruvianus, &c. pro varietate symptomatum, ut in prioribus capitibus dictum, in auxilium vocanda.

Nonnunquam subito disparent miliaria, quod malum signum, nisi alia levans evacuatio accedat, secus anhelitus, dyspnœa, deliria, oppressio præcordiorum, subsultus tendinum, convulsiones & non raro mors sequitur.

Quo copiosiores pustulæ & prominentiores, eo majus iis subsidentibus periculum.

Retrocedunt miliaria ab excessu in esculentis & potulentis, calido nimis regimine, ab aura frigidior, diarrhœa copiosiore, hinc diversa requiruntur auxilia, ut miliaria iterum ad exteriora ducantur.

Pulsus durus, facies rubra, calor magnus venæ sectionem indicat, quandoque repetendam; maxime si exanthemata a spirituosius assumptis, aut lochiis suppressis originem duxerunt.

Sanguis eductus sæpe densissimus conspicitur, hinc patet, miliarium eruptionem soli putridæ sanguinis solutioni tribuendam non esse.

Antiphlogistica remedia ex radice graminis cum sale polychresto, oxymelle, succo citri, &c. in usum vocanda, corpus moderate tegendum, ab omnibus calidis stimulantibus remediis abstinendum.

Miliaria ut superius monui, excessu esculentorum retrocedunt, noscitur id ex relatione ægri, sensu ponderis ad scrobiculum cordis, ructibus male olentibus, nausea & vomendi conatu. Diluentia tentari possunt, si symptomata inde non minuantur, saburra in ventriculo hærens infuso Ipecacuanhæ ejicienda est. (Nro. 40.)


Si nullus in diæta error prægressus, nec latitantis in ventriculo saburræ adsint signa & miliaribus retrocedentibus vomitum ritio, aut vomitus sequatur, notat, materiam morbi ad ventriculum latam esse, pulsus parvus, inæqualis, undosus, vires admodum prostratæ, tremores, subsultus tendinum observantur, cavendum a vomitorio, sed vesicantia furis applicanda, theata tepida largiter exhibenda, camphora, moschus, essentia castorei, ut in capite de febre maligna dictum, in usum vocanda.



In convulsionibus post miliaria retrogressa ortis vix efficacius remedium ac moschus occurrit; qui, ut Huxhamus testatur, sine magno calore per cutim expellit, certe moscho assumpto potissimum æqualis, blandus & levans sequitur sudor, quem tranquillus excipit somnus.

Continuare simul oportet diluentia, corticem peruvianum, &c. pro varietate symptomatum.

Si disparentibus miliaribus, oborta largiore diarrhœa æger levetur, nihil mutandum est. Ubi vero debilitas, anxietas tremores, cetera gravia symptomata ægrum vexant; vesicantibus & internis remediis in prioribus capitibus nominatis diarrhœa sensim sensimque compescenda est.



---

**CAPUT VII.****DE****PETECHIIS.**

---

**A**liæ sunt rubræ, aliæ lividæ, demum & nigricantes, rarissimæ sed pessimæ ultimæ, malæ quoque lividæ, sed & rubræ periculosæ.

Nonnunquam purpureæ aut lividæ prodeuntes in rubras mutantur, nonnunquam quæ rubræ prodierunt, purpureæ & lividæ fiunt.

Epidemicæ & sporadicæ grassantur, quandoque miliaribus junctæ sunt, nonnunquam cum morbillis prodeunt & sæpe post eos spectantur.

Incerto erumpunt die ut miliaria, vires prostratas, pulsum debilem, deliria, soporem, sitim & potissimum continuam remittentem febrem comitem habent.

Collum, jugulum, pectus, abdomen, femora, raro pedes occupant; si in facie  
pro-

prodeant, periculo pleniores, dilatantur, non eminent, sine desquamatione abeunt, sensim disparent; similes sunt morsibus pulicum, ab his distinguuntur, quod stigmatibus careant, quæ in morsibus pulicum conspiciuntur, nonnullæ rotundæ & æquales sunt, aliæ diffusæ intra cutim latius procedunt, hæc species rarior, sed periculosior est.

Dum in febribus putridis primæ viæ non sufficienter purgantur, petechiæ sæpius apparent. Patet id ex medicamentis prægressis, nausea vel appetitu prostrato, abdomine magis inflato, alvo admodum fœtente, lingua spurca, urina jumentosa, anxietate ad scrobiculum cordis, sudore copioso non levante.

Sed & petechiæ erumpunt, ubi materies morbi primo sanguinem & humores afficit. In his ægris saburræ in primis viis latitantis signa absunt, petechiæ citius cernuntur; urina minus crassa & colorata est, sopor, subsultus tendinum, tremores brevi ægros vexant, sudor æquabilior, ut plurimum levans, sequitur.

Nonnunquam constitutioni epidemicæ, ambientis aëris calori & medicamentis stimulantibus originem debent: hinc frequentius petechiæ morbillos aut variolas comitantur, vel in locis humidis arctis grassantur, aut ubi multi ægri in aëre minus renovato decumbunt.

Petechias vix unquam críticas esse & experientia & ratio suadet, cum ceteris paribus, quo plures & copiosiores hæ eruptiones, eo morbus periculosior. Afferit tamen Magnificus Störck, se juvantes petechias vidisse.

Familiares militibus petechias esse, testatur Mindererus, (a) quod per pluvias madefacti cogantur in humidis vestibis dormire, optime ergo cautum erat, dum in exercitu nostro milites palliis muniebantur.

Frequentissime apparent petechiæ in febre putrida, rarius in maligna, rarissime in inflammatoria.

Cura differt pro ratione febris, quæ eas comitatur.

Pulsus

---

(a) Medicin. militar. pag. 375.



Pulsus durus, plenior (licet rarissime occurrat) venæ sectionem poscit. Sanguis tunc eductus crusta tenuissima tectus sæpius apparet. Cura in his eadem est ac in febre continua simplici.

Petechiæ in febre putrida apparentes largissimam quantitatem acidorum mineralium & corticis peruviani poscunt: observavit enim Huxhamus & alii Ccl. Autores: sanguinem in febribus petechialibus detractum vere foetidum fuisse.

Vires labefactæ vino austriaco & levi camphoræ dosi erigendæ, majorem enim sæpe non ferunt ægri. Sic egregius Carolus Strack (a) a xxiv. granis camphoræ de die ingestis febrim & morbum inde auctum vidit.

In petechiis cum febre putrida crebrior alvus animadvertentibus jam Wratislavienfibus timenda non est; imo ubi abdomen tumidum & inflatum, appetitus prostratus, nausea, lingua spurca animadvertitur, infuso tamarindorum, tinctura rhei,

---

(a) Observ. medic. de morbo cum petechiis.

rhei, sale polychresto alvus sollicitanda est, interposito acidorum mineralium & corticis peruviani usu. Minus tuta purgancia ex scammono & jalappa videntur, quæ tunc a quibusdam autoribus commendantur. Si vero prædicta symptomata absint, purgantia remedia vitanda videntur; optime Camerarius (a) asserit: petechiæ in certis epidemiis diarrhœa solvuntur, cave autem, ne ad omnes extendas, pluribus diarrhœa fatalis est.

Pro potu optime inservit serum lactis spiritu vitrioli ad fortiores aciditatem paratum.

Stimulantia & sudorifera in simili casu magis nociva quam proficua observantur.

Abdomine inflato præter remedia alvum leniter moventia clysmata ex infuso florum Chamomillæ profunt.

Si petechiæ cum febre maligna apparent, ubi malum in sero aut liquido nervo hæere videtur, remedia in capite de hisce febribus nominata conducunt.

Si

---

(2) *System. cautel. medic.* pag. 371.

Si pulsus parvus, debilis, sed satis æqualis, camphora prodest; ubi vero pulsus tremulus, undosus, mixtura (Nro. 20.) longe efficacior reperitur.

In febre maligna cum petechiis diarrhoea periculum portendit; hinc remediis in prioribus capitibus allatis brevi compesci debet.

Quæ in præcedentibus de diætâ & æris puritate dicta fuerunt, in febre petechiali quoque locum habent.



## CAPUT VIII.

DE

## VARIOLIS.

**O**mnis ætatis homines, frequentissime vero infantes variolis afficiuntur, ab iis immunis est fœtus sentiente Cotunio & Mauriceau exemplum narrat feminae, quæ quinto graviditatis mense graviter variolis decumbebat, absque quod infans minimum signum habuerit hujus morbi. Simile quid apud Olaum Borrichium legitur. Verum testatur Mead infantem in utero matris variolis laborasse & Cl. van Ipern uxor gravis, duos liberos variolis affectos absque omni incommodo curans, infantem sanum quidem, in quo tamen vestigia variolarum conspicerentur, peperit, paulo ante partum,



tum, ubi fœtus probabilius hoc morbo laboravit, anxia fuit (a).

Sporadicæ sunt & epidemicæ, hæ vernali tempore ingrediuntur, æstate maxime grassantur, minuuntur autumnò & vix hyeme apparent.

Occurrunt discretæ & confluentes, ubi pustulæ non sunt distinctæ, sed paulo post eruptionem in vesiculam rubram parum ultra superficiem cutis protuberantem conflunt. Hæ periculosiores censentur, sed confluentes nonnunquam minus negotii faciunt ac discretæ. Hinc a Clar. Mead in benignas & malignas dividuntur.

Præcedunt variolas lassitudo; dolor capitis, lumborum, horripilatio, anxietas ad præcordia, vomitus, celeritas pulsus, frigus, succedente calore, quem sudor excipit, febris minuitur, iterum augetur, sopor ut plurimum infantes vexat, ex quo quasi terrefacti sæpius evigilant, adulti communius insomnes sunt.

H 2

Ter-

---

(a) Comment. Scient. Harlem. Vol. XVIII. pag. 596.

Tertio vel quarto die primum in facie, mento, pectore, collo apparent maculæ rubræ, parum tamen elevatæ, ut accuratius digito examinatæ tangi possint. Conspicitur dein in medio earum punctum pelucidius, quo a morbillis distinguuntur. Augentur postmodum variolæ numero, elevantur in pustulas, fiunt latiores & demum dorsum, pedes, femora petunt.

Eruptio potissimum per tres aut quatuor dies contingit, per totidem circiter suppurantur, simili tempore immutatæ manent, eodem ordine exsiccantur & per squammas decidunt.

Pus primo est tenue, dein magis flavescunt pustulæ & circulo rubro circumscribuntur. Si paucæ sint, cutis intermedia naturalis est coloris; si copiosæ, rubet & tumet: hinc facies primo ita intumescit, ut oculi claudantur. Dum pustulæ in facie exsiccantur, ejus tumor minuitur & manus maxime suppurant & inflantur, ultimo demum pedes.

Hic est ordo variolarum benignarum, malignæ & citius erumpunt & suppuratio-  
nis

nis exsiccationisque tempus longius extenditur.

In adultis salivatio, in infantibus diarrhoea frequentissime accedunt.

In nonnullis febris & symptomata adeo levia sunt, ut morbus non animadvertatur, nisi variolis jam apparentibus.

Quandoque tarde admodum erumpunt ob summam debilitatem.

Sunt & variolæ, quæ verrucarum formam induunt nulla sequente suppuratione, sed una fere exsiccatione terminantur.

Prognosis est varia ratione constitutionis epidemicæ, ætatis, subjecti, symptomatum & variolarum ipsarum.

Nonnunquam epidemia admodum benigna est, non raro pessimæ speciei variolæ epidemicæ grassantur, infantes ut plurimum facilius curantur, quam ætate provecti: gravidæ & puerperæ majus incurrunt periculum, plus quoque periclitantur cachymici, scorbutici & venerei.

Quo variolæ citius prodeunt, eo periculosiores notantur, quandoque tamen, ut superius monui & malignarum tardior eruptio est ob summam ægrorum debilitatem;

tem; pulsus horum parvus, pallor faciei, totiusque corporis, sopor profundus & maxima virium prostratio animadvertitur.

Vomitibus continuus, inquietudo, ingens ad præcordia anxietas, vehementes lumborum, dorfi, abdominis dolores, urina tenuis malignas communiter nuntiavit variolas.

Convulsiones in infantibus leviores ante eruptionem nil sinistri notant, graviores & diuturniores ingentem febrem & copiosissimas variolas futuras indicant, timendæ maxime sunt convulsiones, ubi post eruptionem accedunt, vel si retrocedentibus variolis, aut suppurationis tempore sequantur.

Hæmorrhagia eruptionis tempore levamen fert; mala, quæ post eam spectantur. Infausti ominis est hæmoptoes & mictus cruentus.

Diarrhœa rarior est in discretis, sed periculosior observante Helvetio, ac in confluentibus, cum vires frangat & pustulas supprimat.

In benignis post eruptionem symptomata minuuntur; si vero calor, vomitus,

deli-



deliria, sopor continent, vel subsultus tendinum accedant, morbus est periculo plenus.

Quo pustulæ pauciores, plus elevatae, respiratio liberior, eo benignior morbus.

Pessimæ sunt variolæ depressæ, ex atro rubentes, nigricantes, in medio foveam impressam habentes. Periculosissimæ quoque crystallinæ, quarum pustulæ ichorea & glutinea materia repletæ sunt.

Purpureas maculas, variolis interspersas mortis fere semper prænuncias vidit Sydenhamus.

Cura varia est.

Admodum benignæ variolæ remediis non egent, sed diæta & dato ad finem morbi levi purgante curantur. In reliquis cura variat ratione symptomatum & virium.

Hinc si febris exorbitet, moderanda; si vires langueant, excitandæ, prout in capite de febribus in genere dictum fuit.

Certa signa variolarum ingruentium non habentur, licet febris, vomitus, dolor spinæ dorsi, constitutio epidemica suspicionem futurarum variolarum reddant, si constet ægrum iis nondum laborasse.

Plenitudo & durities pulsus venæ sectionem in omni morbi stadio indicat.

Pessimus error, ob solam suspicionem variolarum sanguinem mittere.

Signa latentis in ventriculo saburræ vomitorium poscunt, his absentibus emeticum non convenit, licet nausea & vomitus ægros vexent, cum symptomata hæc miasmatis varioloso originem debeant & medicamentis compesci non possint, sed diluentibus & eruptione tollantur.

Alvus clausa clysmate emolliente aperienda.

Magnus calor, dolor capitis sinapismos acriores postulant.

In initio variolarum medicamenta antiphlogistica, leniter alvum moventia ex aceto, succo citri, sale polychresto, nitro, syrupo rosarum solutivo conveniunt.

Pro potu limonada, syrupi aciduli aqua diluti vel decoctum hordei cum oxymelle propinandum.

Abstinendum ab omnibus stimulantibus, sic pessimo effectu a plebe myrrha in initio variolarum propinatur; cavendum quoque, ne stragulis onerentur ægri.

Ac-

Accidit tamen, licet rarius, ut in eruptione jam vires vitæ deficiant, quod pulsus debilis, vires summe prostratæ, urina pallida, sopor, stupor docent; abstinendum in his a clysmatibus, medicamentis refrigerantibus; verum vesicantia apponenda & remedia stimulantia ex serpentaria, camphora in usum vocanda. (Nro. 18. 19.)

Adultis vinum rhënanum, aut austriacum aqua dilutum pulchre prodest. Si primæ viæ oneratæ sint, vomitorium aut leve purgans ex tinctura aquosa rhei præmittendum.

Eruptione facta & in variolis discretis acida mineralia utilissima sunt. Cum auctores testentur, quod & benignæ variolæ sæpe sine manifesta causa in malignas mutantur & mors sequatur.

Efficacissime putredini resistunt acida mineralia, nec sufficiunt vegetabilia in gravioribus variolis. Sic Clar. Schwenke observavit, lac ebutyratum & succum citri in variolosis putridis nihil ex putrido ægri mutasse, sed in id brevi degenerasse.

Dosim acidorum mineralium magnitudo morbi & vehementia symptomatum de-

terminant. Sæpius drachma nichemeri spatio sufficiebat, sed & ad unciam semis & drachmas sex ascendendum erat.

Ufu horum urina copiosa & alvus liberior sequitur, præcavetur diarrhœa, quæ sæpius acribus fordibus in intestinis congestis aut ad intestina depositis originem debet.

Imminutis symptomatibus dosis acidorum mineralium minuenda.

Infantibus potum respuentibus spiritus vitrioli syrupo grato, ut rubi idæi, fragorum, &c. mistus cochleatim exhibitus nonnunquam arridet, quidam aqua dilutum, saccharo ad gratiam addito, instar limonadæ hauriunt.

In adultis & subiectis fibræ strictæ ferum lactis cum spiritu vitrioli ad fortiorem aciditatem paratum magnæ est utilitatis.

Quandoque per unum aut alterum diem alvus silet, si nullum inde incommodum percipiatur, nihil movendum est; ubi autem dolor capitis, major calor, sitis, abdomen tensum notantur, clysmâ emolliens injicere, mixturam cum salibus mediis exhibere oportet, donec alvus inde moveatur.

In



In stranguria tenues emulſiones ex amygdalis, feminibus melonum, ſyrupo althææ edulcoratæ profunt.

Si ægri viribus labantur, feces admodum foeteant, neque variolæ pure bene repleantur, vel ſi miſtus cruentus accedat, ad extractum vel decoctum corticis continuatis acidis mineralibus confugiendum. Miratus eſt Bergius (a), quod in variolis confluentibus cortex peruvianus ſalivationem nunquam inhibuerit. Convenit & brevi cortex peruvianus, ſi initio variolarum ſemiterteriana accedat aut hac laborantes iis corripiantur.

Puella quindecim annorum ingenti mœrore conſecta variolis corripiebatur, altero poſt eruptionem die puſtulæ cœruleo circumſcribebantur limbo, pulſus erat debiliſſimus, urina pallida, alvus libera, ſed nullus dolor, nulla anxietas vexabat ægram, variolæ confluebant in univerſo corpore, a minima preſſione, a mutato ſitu rumpebantur & tantam copiam ſeri limpidiſſimi fundebant,

---

(a) Mater. medic. Tom. I. pag. 110.

bant, ut lintea omnia madescerent; sexta die salivatio accedebat, & per os, anum & pudenda sanguinem coloris rosei excernebat, sequebantur subsultus tendinum, tremores, pulsus inæqualis, sopor; data fuit camphora, moschus & mixtura ex cortice, spiritu Mindereri, aqua melissæ, syrupo kermes; sed adhibitis omnibus incassum, perdurabat magna humorum colliquatio & undecima morbi die periit.

Alumen potens in dissolutione humorum auxilium propinare non audebam, ne salivatio supprimeretur; brevi altera occurrebat ejusdem ætatis puella similibus variolis decumbens, decrat tamen cœruleus ille pustulas ambiens limbus, pedes brevi gangræna occupabat. Externe fomenta antiseptica admovi, interne camphoram, corticem, spiritum Mindereri cum larga aluminis dosi adhibui, inde salivatio non supprimebatur, nec morbus in pejus ruebat; demum ob ingentem colliquationem dimidiam drachmam tincturæ martis prioribus pharmacis addidi, quibus integræ sanitati restituebatur; mansit tamen per longissimum  
tem-

tempus ulcus fœdum in naribus, quod demum plumbatis remediis sanabatur.

Nonnunquam pulsus in débilem, inæqualem mutatur, pallent ægri, soporosi decumbunt, tremoribus, subsultibus tendinum corripuntur; his vires per spiritum Mindereri, camphoram, moschum, vesicantia & calidius regimen erigendæ sunt.

Bene attendendum, ne, ubi manus admodum tument, pulsus pro parvo habeatur, licet fortior sit. Pulsu enim subduro licet debilitas magna adsit, remedia stimulantia, imo ipse cortex nocuus observatur.

Quandoque in variolis respiratio difficilis cum stertore, exscreatione difficili supervenit, decoctum ex radice graminis, althææ, floribus verbasci addito oxymelle scillitico & simplici sæpius hauriendum. In metu suffocationis levissima dosis kermes mineralis repetitis pro necessitate vicibus in usum vocanda, continuatis tamen pro diversitate symptomatum supra nominatis remediis.

Eadem methodus convenit in salivatione, ubi materies adeo crassa, ut suffocationis metus nascatur.

Diarr-

Diarrhœa nimia, quod pulsus & vires debiles docent, mixtura ex gummi arabico & laudano liquido moderanda.

Secus in hoc morbo opium non videtur convenire, cum sudores moveat, febrim incendat, ad putredinem disponat & humores acres in corpore retineat, salivationemque minuatur.

Vidit Tissot in confluentibus ægros somno caruisse per septem nichthemera, nec pejus se habuisse; alios excitari sæpius curavit, dum & a somno naturali salivatio supprimebatur.

Exsiccatīs variolis lenia purgantia danda, ut materies putrida, quæ in atroci hoc morbo nonnunquam in intestinis colligitur, evacuetur.

Variolæ parum flavescētes acutā forfice discindendæ sunt, spongia aqua & lacte tepido madida abstergendæ, & dum pure iterum replentur, denuo aperiendæ. Sic tensio & dolor minuitur, ægro quies conciliatur, atque ingentes febres & abscessus, qui ex resorpto in sanguinem pure nascuntur, præcaventur.



In variolis copiosis a pure effluente crusta formatur, totam sæpe faciem tegens, hæc lacte tepido humectanda est.

Aëris puritas toto morbi tempore imperanda, æstivo tempore siccitas & calor ramis sambuci aut fraxini aquæ immixtis, vel aspersione frigidæ in pavimenta corrigenda, nec plures variolosi in eodem cubiculo servandi, quia gravior inde redditur morbus testante Pringle.

Sed inconsultum videtur variolis aut sponte aut arte infectos rudiori aëri per dies exponere, id enim, quod sanos pessime afficere valet & ægros lædere solet; sic rheumatismos, pertinacem, siccam tussim licet non lethalem a nimis frigido regimine in inoculatis viderunt viri in arte exercitati.

Suppurationis tempore lintea & indufia mutanda sunt, ne in putridis sordibus decumbant ægri.

Victus ex panatella, cremore hordei, fructibus horæis coctis imperandus est.

Constat, ut opinor, ex prægressis curam variolarum ab initio antiphlogisticam esse, dein eam convenire, quæ in capite  
de

de febre putrida commendabatur ; nonnunquam tamen licet rarius, five in initio, five in progressu morbi, si malignitas variolis juncta sit, ea in auxilium vocanda, quæ de febribus malignis dicta sunt.

Magis enim toto morbi decursu ad vires & symptomata, quam ad stadia variolarum attendendum, ex quorum nimis sollicita indagatione confusa potius, quam simplex & tuta medela habetur.

In numerosissima, quam exerceo, praxi tredecim annorum spatio sex variolosos perdidici, inter hos duæ chirurgi cujusdam proles erant, quarum una confluentibus laborans morti jam vicina fuerat, dum vocatus essem; alterā, me per binos dies absente, a patre purgans acceperat, inde diarrhoea remediis non cedente periit.

Non hæc adduxi, ut opiner, me in sanandis variolis excellere, sed ut demonstrem, quod simplex medela aliarum febrium continuarum curandarum in variolosis curandis sufficiat, & memorem solummodo Medicum esse oporteat moniti Ill. van Swieten (a), ut omni cura inquirat  
in

---

(a) Tom. II. pag. 493.

in genium morbi, qui exanthemata comitatur.

Tentabatur hic Viennæ, ut in aliis Europæ locis, summo cum successu inoculatio. Inoculationis enim arcanum notante Tissot est, ut variolosum virus indatur corpori omni rigiditate, laxitate, obstructione, cacochymia, viru, omni demum labe vacuo, verbo corpori sano, sed non athletico.



## CAPUT IX.

DE

## MORBILLIS.

**O**mnis ætatis homines, crebrius vero teneræ, morbillis afficiuntur.

Sporadici sunt & epidemici: benigni & maligni.

Antecedunt morbillos horror, inappetentia, tusficula, sternutatio, anxietas, vomitus, oculi lacrymantes, sudor, sed non tam copiosus, ac in variolis.

In regularibus quarta die prodeunt, ut maculæ parvæ morfibus pulicum similes. Primo frontem & faciem, dein pectus, ventrem, brachia, crura, ac femora occupant. Elevantur in facie, quod potius tactu, quam visu distinguitur, coalescunt, & maculas variæ figuræ & molis formant. In reliquo corpore nonnisi asperitas cutisprehenditur.

In



In minus regularibus citius aut serius erumpunt, & nonnunquam primo in artubus & trunco apparent.

Minus colorati circa sextum diem in facie fiunt morbilli, tum in reliquo corpore maxime rubent.

Primo disparent in facie, dein per totum corpus: loca, quæ morbilli occupant, albicant, ac si farina conspersa forent, rupta cuticula, quæ squammularum forma decedit; licet quandoque non in squammulas abeant morbilli, sed insensibili modo bono ægrorum habitu evanescant.

Nonnunquam tempore epidemico febre morbillosa aut variolosa corripuntur ægri, quin exanthemata sequantur.

In benignis morbillis eruptione facta quandoque omnia mala symptomata cessant: nonnunquam vomitus non amplius ægros vexat; sed tussis, dyspnœa & inappetentia perseverat.

In prognosi variant, ideo Illustr. van Swieten monuit: quod non adeo magnum discrimen inferant morbilli, si exteriora saltem occupent, neque calido regimine tractentur; ubi vero delirium vel dyspnœa

suspicionem faciunt ad encephalon vel pulmonem simile malum hæere, anceps discrimen adesse.

Nonnunquam enim morbo jam finito tussis remanet & materia morbillosa sufficienter non evacuata ad pulmones fertur, tussim, inflammationem & phthisim sequentem producit.

Cura varia est ratione symptomatum, ægri, &c.

Benignissimi morbilli naturæ commissi sanantur. Sufficiunt diluentia, hordeata, emulsiones.

In morbillis gravioribus symptomatibus stipatis semper ad vires vitæ attendendum, ut languentes excitentur & nimie minuantur.

Venæ sectio instituenda five in principio, five in progressu, five in fine morbi, ubi plenitudo, durities pulsus, respiratio admodum impedita notantur.

Si signa latentis saburræ in ventriculo animadvertantur, vomitorium propinandum.

Anno 1772 morbilli & febres putridæ gravissimæ epidemicæ grassabantur. In multis, qui utroque morbo afficiebantur, vomito-

mitorium exhibendi & repetendi necessitas erat. Nullam inde noxam vidi, sed morbus uterque placide decurrebat.

Ob solum vomitum emeticum non est propinandum; quia vomitus spontaneus sine latente bile corrupta in ventriculo sola eruptione tollitur.

Si febris magna, neque diarrhœa ægrum vexet, mixtura ex salibus mediis & oxymelle prodest.

Acida ob tussim minus conveniunt.

In nimio calore sinapismi plantis pedum apponendi.

Remedium optimum est decoctum ex radice graminis, althææ oxymelle edulcoratum. Pro potu decoctum hordei cum oxymelle convenit.

In subiectis debilioribus, languentibus abstinendum a venæ sectionibus, clysmatibus & refrigerantibus. Hoffmannus ab intempestivo nitri usu tres puellōs a Medico necatos refert. Respiratio enim difficilis a retardata macularum eruptione pender, quæ tepidis, leniter diaphoreticis, ut infuso florum sambuci & calidiore regimine promovenda.

Pulsus parvus, debilis vesicantia poscit; his non proficientibus ad levem camphoræ dosim confugiendum.

Symptoma maxime ægros torquens tussis est. Ad hanc compescendam pro varietate causæ varia indicantur remedia.

Si admodum sicca sit, inspiratio vaporis aquæ calidæ sæpe juvat.

Ægris quorum vires constant, neque peculiaris acrimonia inest, sufficit decoctum ex resolventibus & emollientibus paratum. (Nro. 41.) Iisdem syrupus althææ per parva cochlearia exhiberi potest.

Oleosa vix arrident, cum in debili ventriculo facile rancescant.

Nonnunquam tussis a materia acri, ferrosa ad pectus nimium affluente dependet. Similium ægrorum oculi plus lacrymantur, in eruptione vehementior sternutatio notatur, serum acre ex naribus copiosius effluit & sputa, si prodeant, tenuia & aquosa deprehenduntur.

Demulcentia ex gummi arabico, (Nro. 42.) tragacanthi conveniunt. Prodest quoque decoctum salep & orchidis, maxime si alvus liquidior spectetur.

His



His non proficientibus opium per vi-  
ces exhibendum, donec tussis minuatur.

Diacodium, quod a plurimis ut opia-  
tum commendatur, vix sufficere videtur.  
Capita papaveris quidem (magis tamen im-  
matura) narcotici quid possidere dubium  
non est; hinc forte quoddam ex solis iis-  
dem capitibus bene saturatum decoctum vi  
sopiente pollere nemo inficias ibit, nostro  
attamen diacodio parum virtutis opiatae  
inesse inde patet. Ingrediuntur enim de-  
coctum pro nostro diacodio & filiquæ dul-  
ces & glycyrrhiza; imbutus igitur decocti  
latex horum corporum partibus solubilibus  
minorem copiam de papaveris capitibus as-  
sumere valet. Nam quo major est farrago  
rerum simul decoctarum, eo minus de sin-  
gulis extrahitur. Præterea diacodium con-  
stat ex una tertia parte hujus decocti &  
duabus tertiis partibus sacchari; hinc non  
mirum, si unciae uni syrupi aut nulla aut  
valde exigua vis narcotica insit. Ego ipse  
ante plures annos morbillis laborans quin-  
que uncis syrupi diacodii intra paucum  
tempus assumptis nec somnum, nec minu-

tam tussim observavi. Convenit tamen optime syrupus diacodii demulcendi scopo.

Non raro diarrhœa symptomatica morbillis accedit, quod vires fractæ & pulsus debilis notat : hæc remediis in superioribus capitibus notatis brevi compescenda est.

Quandoque subito disparent morbilli, & anxietas, oppressio pectoris & cetera gravissima symptomata nascuntur. In simili casu ea conveniunt, quæ in miliaribus retrocedentibus laudabantur.

Ubi morbilli pallescunt & exsiccantur, purgantia antiphlogistica propinanda.

Si convalescentes aut frigidiori aëri se exponant, aut carnibus abutantur, febris & peripneumonia succedit, quæ venæ sectionibus, emollientibus, resolventibus, salibus mediis curari debet.

Maculis prorsus disparentibus quandoque tussis remanet & in habitum degenerat. Hæc primo opio compescenda, dein diversis remediis pro diversitate ægrorum tollenda.

Si ægri habitus repletioris sint, parvæ venæ sectiones sæpius repetitæ & purgantia lenia profunt. Si stricti admodum tempera-

peramenti, serum lactis convenit. Si exhausti sint, ut tabis futuræ metus oriatur, lac cum aquis selteranis & aër ruralis commendanda. Ubi sputa purulenta, decoctum ex cortice peruviano & lichenie islandico lacte mistum pulchros sæpe effectus præstat.

Nonnunquam œdematosus tumor morbillis succedit, qui lenibus purgantibus, cortice peruviano, frictionibus & motu corporis curandus.

Quæ in prioribus capitibus de !diæta dicta fuerunt & hic locum habent.

Atmosphæra, in qua morbillofi decumbunt, temperata sit; frigidior enim minus convenit, & calidior æque, ac in aliis morbis exanthematicis nocua deprehenditur.

Cavendum, ne ægri luci exponantur & oculi inde damnum patiantur. His aqua rosarum cum lacte tepido nonnunquam instillanda, ne a sero acri inflammentur.

Quandoque oculi & post morbillos inflammati sunt. Cucurbitæ, pediluvia & vesicantia ad nucham in usum vocanda.

Reconvalescentes a morbillis aërem frigidum evitare debent.

## CAPUT X.

DE

## ERYSIPELATE.

**E**rysipelas est macula læte rubra, superficialis, cutim tendens, digito prementecedens & eo amoto iterum rediens, omnem corporis partem, crebrius faciem occupans, non raro palpebras ita afficiens, ut ægri eas deducere nequeant.

Sedes erysipelatis in reticulo Malpighii locatur, ex hac ratione superficialis est facile locum mutat, in resolutione dilatur & rubor hinc inde dividitur.

In vehementiore erysipelate parvæ vesiculæ conspiciuntur, iis similes, quæ a combustionibus fiunt.

Ex pustulis faciei ruptis humor viscosus effluit, crustam formans per plures dies manentem.

Quandoque tumores nascuntur magni, ichore, aut sero acri turgentes, quibus non  
cre-



crepantibus partes subjectæ exulcerantur & roduntur: hinc erysipelas in ulceratum & non ulceratum dividitur.

Notatur & frequens erysipelas habituale.

Nonnunquam sat levia symptomata hoc exanthema comitantur. Nonnunquam ingens dolor capitis, horror, calor & sitis morbum præcedit, qui per duos, aut tres dies increfcit; per unum aut alterum in maximo incremento hæret; dein minuitur & cutis desquamatione terminatur. Sed & erysipelas per decem, duodecim dies excurrit, sudore judicandum.

Causa erysipelatis videtur esse humor acer, biliosus, per sanguinem dispersus. Hinc aër humidus, pluviosus, affectus animi violenti erysipelatis generationi favent.

Prognosis diversa est. Erysipelas partium externarum raro discrimen habet, nisi retropellatur; si vero locum mutet & partes internas petat, phrenitis, lethargus, angina lethalis, &c. facile sequi possunt.

In senibus vehementius erysipelas timendum, malum est in vulneribus cranii & pessimum in asciticis.

Ery-

Erysipelas hydropi accedens malum; erysipelas mammarum externis irritantibus & inspissantibus tractatum non raro in supurationem aut scirrhum abit.

Si erysipelati nigredo quædam, aut pustulæ, aut mentis alienatio superveniat, teste Sorbait vix spei relinquitur locus.

Dum in erysipelate faciei ad sensum leviori magna inquietudo, deliria accedunt cum pulsu inæquali, ut plurimum morbus lethalis est, notat enim erysipelas magis in internis & nobilioribus partibus hære.

Cura varia est. Si febris magna, pulsus plenus, durus, venæ sectio instituenda & quandoque repetenda est. Sanguis eductus pleuriticorum similis crusta tectus sæpius conspicitur.

Signa latentis in ventriculo saburræ occurrentia emeticum poscunt.

Cavendum a vomitorio, ubi a retrocedente erysipelate nausea & vomitus oriuntur, quæ non saburræ, sed materiæ exanthematicæ ventriculum petenti originem debent.

Si calor, sitis ægrum vexent, medicamenta antiphlogistica, ex aceto, nitro, sale

sale polychresto, stibio diaphoretico abluto, roob sambuci, tamarindis sumenda, ut alvus aliquoties moveatur.

Crebriores purgationes præcipue in debilioribus, quorum pulsus parvus & celer est, morbum graviolem & longiorem reddunt.

De stibio diaphoretico non abluto diversa est Medicorum mens. Hic spernit, ut calcem inertem, fistularum tabacariarum terræ similem; alter ut medicamentum infidum damnat. Boerhaave calcem dicit inertem, nocuam: si iners, an nocua? si purgantia, ut Boerhaave sentit, admissa hac calce stimulum acquirunt, an tunc iners? Spielmann Boerhaavium a Vignano in hunc errorem seductum carpit, nec injuste ut opinor. Clariss. Trillerus (a) non spernit stibium diaphoreticum ablutum ut inertem calcem, sed quia cum tempore aculeos suos recuperare timet. An Wittenbergæ singulis decem, aut viginti annis paretur, ignoro. In nostris officinis omni anno

---

(a) Dispensat. Pharmac. univers. Tom. II. pag. 14.

anno semetad minimum confici debet, hinc tuto remedium hoc præscribi potest: & ideo stibio diaphoretico non abluto præferendum videtur; hoc enim meo judicio ob incertam salium præsentium naturam & quantitatem incertum, inconstans & impurum est remedium: & mirandum, cur Medici semper varianti mixtioni salium fidant, quorum nec certam quantitatem, nec naturam noscunt. Hi sales jam magis alcalescunt, prout stibium plus, minus calcinatur: cum acidis vegetabilibus misti odorem ingratisimum, sulphur volatile, aut aquam fortem redolentem eructant. Eandem ob rationem mixturæ (Nro. 8.) roob sambuci additi eam effervesce & nauscosam faciunt.

Pro potu diluentia, acidiuscula, ut decoctum hordei cum oxymelle, decoctum acetosæ, limonada largiter haurienda.

Cavendum, ne similes ægri sudoriferis, aut calido regimine vexentur.

Si morbus a transpiratione suppressa generetur, moderatus lecti calor & media commendanda, quæ transpir-



nem promovent, ut decoctum ex radice graminis, fœniculi, florum sambuci addito stibio diaphoretico & syrupo quinque radicum.

Prodest & infusum florum sambuci theati instar haustum: omnia enim ex sambuco parata maximæ in hoc morbo sunt efficaciam.

Abstinendum a validis sudoriferis & calefacientibus.

Si erysipelas locum mutet & partem nobiliorem petat, revellentia indicantur, vires vitæ exorbitantes venæ sectione, palneis pedum & remediis antiphlogisticis compescendæ, vires languentes vesicantibus & moderatâ camphoræ dosi erigendæ sunt.

Erysipelati epidemice sævienti cum pulsu debili, vomitu, ingenti capitis dolore, totius faciei tumore, crusta in sanatis, ut in variolis remanente, antiphlogistica methodus lethalis, sed alexipharmaca, cortex & vesicantia profuere.

Erysipelas habituale varia poscit remedia. Si ab humoribus biliosis malum oritur, ut plurimum levis obstructio hepatis notatur, quæ flavescente oculorum colore,  
lin-

lingua fordida noscitur; similibus ægris fructus horæi, serum lactis, succi ex taraxaco & acetosa profunt, interpositis nonnunquam purgantibus ex roob sambuci, tamarindis, cremore tartari, & salibus mediis.

Vitanda omnia calefacientia & spirituosæ.

Nonnulla subiecta adeo sensibilia sunt, ut ab æris mutationibus creberrime erysipellate corripiantur.

His in paroxysmo, ut monui, lenia diaphoretica conveniunt; extra paroxysmum corpus frictionibus, motu, cortice peruviano & martialibus roborandum. Caveant similes ægri ab aëre frigido, humido, per oppositas, aut angustas rimas intrante & a purgantibus; cum ab his transpiratio supprimatur.

Pro varietate erysipelatis varia remedia externe applicanda. In leviori malo sacculi sicci ex floribus sambuci, chamomillæ & pauca farina fabarum tosta sufficiunt.

Parte affecta multum splendente fomenta emollientia & leniter diluentia, ut flores sambuci lacti incocti profunt. No-

cerent sicca & terrea, quia partes indurantur & transpiratio materiæ morbificæ impeditur.

Parvæ vesiculæ humidum exsudent, quod ulcera generat, nisi absorbeatur. Hinc in simili casu terrea, ut pulvis ad erysipelas albus, vel ruber Dispensatorii Viennensis externe applicanda suadentur. Vesiculæ, aut tumores sero acri turgentes aperiendi & leviter exprimendi sunt, ne partes subiectæ rodantur.

Vitanda omnia resinosa, oleosa, pingua, quia ab his erysipelas retrocedens & gangræna sequens non raro observata fuit.

A quibusdam in erysipellate externe saturnina commendantur, sed sæpe pessimo cum successu corpori humano externe similia applicantur, prout uberius expertissimus Brambilla Augusti Imperatoris chirurgus notavit (a).

Suppuratio ex erysipellate ut plurimum lente procedit, minus laudabile pus exhibet, & facile in ulcera chronica vix sananda abit.

Noñ

---

(a) Rifflessioni Fisico - medico - chirurgiche. pag. 247

Non autem semper mala est ab erysipellate orta suppuratio, Clar. Strack (b) erysipelas singulare epidemicum observavit, quod, nisi suppuraverit, mortem attulit omniaque remedia, quæ ad exteriora illud evocarunt, salutaria, quæ autem solutionem præstiterunt, nociva fuerunt.

Si pars live scat & gangrænæ futuræ metus sit; interne cortex peruvianus, externe antiseptica ex ruta, scordio, cortice peruviano cum vino & aqua parata in auxilium vocanda.

Si in faciei erysipellate cutis in magnas, irregulares vesicas elevetur, vel pars parum live scere incipiat, mox cortex dandus & huic, si pulsus parvus, inæqualis, camphora jungenda est.



## CAPUT

---

(a) Act. Mogunt. Tom. I. pag. 321.



## CAPUT XI.

DE

## SCARLATINA.

**S**carlatina exeunte æstate frequentior & junioribus familiarior est.

Præcedunt eam virium prostratio subsequente horripilatione, anxietate, calore, febre. Tertia aut quarta die maculæ prodeunt rubræ, crebriores, latiores & multo magis rubentes ac illæ, quæ morbillos constituunt. Primo faciem, collum, pectus; dein dorsum, abdomen, artus occupant. Rubent partes affectæ, ac si vino rubro tinctæ forent. Permanent maculæ per aliquot dies: febris & rubedo octava aut nona die ut plurimum integre disparent. Maculis evanescentibus cuticula desquamatur. Nonnunquam secunda aut tertia vice redeunt.

Dividitur scarlatina in sporadicam & epidemicam, quæ maxime circa æquinoctium vernale grassatur & contagio contrahitur.

Distinguitur quoque in benignam & malignam, quam vomitus, anxietas, oppressio ad præcordia, ingens dolor capitis sopor comitantur: fauces interne rubent; inde respiratio celerior, laboriosior, deglutitio difficilis & neglecto morbo suffocatio.

In scarlatina sexta aut septima ab eruptione die in pedibus & manibus pustulæ nascuntur similes miliaribus, sed non nisi aërem continentes, a separatione & elevatione epidermidis dependentes, a quibus mole auctis decortitatio sequitur.

Ubius scarlatinam describit Clar. Plencicz & Rosenstein.

Prognosis variat: benigna vix remediis eget; verum moderato calore, diluentibus, theatis & post desquamationem leni cathartico facile curatur.

Abstinendum a remediis sudoriferis, vel nimis stragulis, quia & inde benignus morbus

morbus in periculosum & lethalem facile vertitur.

Si major calor, acetum, succus citri, decoctum hordei, oxymel, &c. conveniunt, quibus, præcipue si alvus fileat, sal polychrestum, mirabile Glauberi & nitrum addendum. Urgente necessitate sinapismi plantis pedum apponendi.

Scarlatina maligna majus minusve portendit periculum pro gravitate symptomatum. Hinc pulsus parvus & celer, respiratio & deglutitio difficillima, summa virium prostratio, &c. infaustam formant prognosim.

Remedia exhibenda, quæ a superioribus derivant, vires erigunt, putredini resistunt & symptomata minuunt.

Potentissimum medicamentum est cortex peruvianus varia forma propinandus.

Non raro ægri, præcipue infantes corticem respuunt, iis per enemata injiciendus.

Calore & siti admodum urgente acida mineralia ad gratam aciditatem cortici addi possunt.

Pulsus parvus, celer, deliria, tremores vesicantia, camphoram, spiritum cor-

nu cervi, moschum petunt, prout in superioribus capitibus de febre putrida, maligna notatum fuit.

Ubi deglutitio difficilis ob affectas fauces; injectiones ex aceto, aqua, melle injiciendæ, cataplasmata (Nro 43.) cum lacte collo applicanda sunt; urgentiori malo vesicantia & collo & nuchæ apponenda.

Non raro bene interim valentes ægri post duas aut tres septimanas fugata jam scarlatina viribus labuntur, & primo facies, dein totum corpus leucophlegmatico tumore turget, urinæ secernuntur paucæ loturæ carniū similes, nonnunquam sanguineæ.

Magis hæc accidunt hyemē quam æstate; infantibus quam adultioribus; maxime iis, qui citius libero exponebantur aëri. Si tumor leucophlegmaticus aptis non cedat remediis, serum ad nobiliores fertur partes & ægri comatosi, convulsi, apoplectici, aut suffocati pereunt.

Majus quoque periculum est, si febris leucophlegmatix juncta sit.

Frictiones transpiratio in lecto, decoctum juniperi (Nro. 44.) addito oxymelle scillitico & rhabarbarina (Nro. 45.) profunt.



profunt. His non juvantibus ea propinanda, quæ in capite de hydrope dicentur.

Pauca & hoc loco de febre urtica referam.

In hac pustulæ notantur pallido rubræ instar illarum, quæ a percussione cum urticis conspiciuntur. Pruritus, febrem remittentem quasi catarrhalem comitem habent.

Tertia, quarta die prodeunt; aliæ iterum subsequuntur cum desquamatione cutis,

Facillime transpiratione, diluentibus curantur. Nonnunquam tamen epidemice grassantur, pulmones afficiunt & decoctum ex radice graminis, althææ, infusum florum sambuci, vesicantia, &c. petunt, prout ex capitibus præmissis facile patet.



## CAPUT XII.

DE

FEBRIBUS  
INTERMITTENTIBUS.

**T**ria febrium intermittentium stadia sunt, frigoris, caloris & sudoris.

Communiter incipiunt latissitudine, pandiculatione, horripalitione, nausea, vomitu, dolore capitis, &c. Pulsus, qui debilis & parvus tempore frigoris fuerat, subsequente calore in pleniorē & fortiorē mutatur: augetur sitis: urina magis tingitur: demum sudore febris terminatur, evanescent symptomata remanente ut plurimum debilitate.

Febres intermittentes aliæ sunt vernales, autumnales aliæ. Priores a Februario in Augustum, ultimæ ab Augusto in Februarium dominantur, Sed & autumnales  
quan-

quandoque jam Junio mense occurrunt; nonnunquam vero circa Septembris finem aggrediuntur.

Distinguuntur & intermittentes apyrexia, seu tempore a paroxysmo libero, in quotidianam, tertianam, quartanam. Sunt quoque tertianæ & quartanæ duplicatæ & triplicatæ.

Quotidiana magis pueros & debiles vexat, crebrius tempore verno spectatur, pertinax est: primæ accessiones ut plurimum horis matutinis revertunt: rarior est quotidiana, sed tertiana duplex frequentius pro ea habetur. Riverius ex sexcentis ægris accessiones quotidie habentibus vix unum quotidiana laborare observavit. Differt quotidiana a tertiana duplici: quod hujus accessus alternis diebus, non vero singulis sibi mutuo respondeant. Hinc semper attendendum ad tempus invasionis, quia hoc intermittentes distinguit.

Tertiana subjecta juvenilia, temperamenti biliosi, corpora exercitata plus infestat: frigus intensum, strepitum dentium, calorem acrem & mordacem, majorem cephalalgiam sitimque comitem habet.

Quartanæ typus omnium intermittentium est maxime regularis: communiter pomeridie aggreditur: frigus est mitius, sed diuturnius; ac in tertiana: calor ut plurimum quinque aut sex horarum.

Præter febres intermittentes regulares occurrunt erraticæ, seu typum obscurum habentes, aut nullum ordinem sequentes.

Sunt & variæ febres larvatæ, pleuritidem, choleram, apoplexiam mentientes. Ut plurimum diæta mala prægressa est, de appetitu prostrato conqueruntur ægri, urinam jumentosam mingunt & eodem tempore multi aut febribus remittentibus, aut intermittentibus decumbunt. Sed quandoque vix noscendæ sunt, nisi quod symptomata certo iterum tempore redeant vehementer, quæ aut admodum mitia fuerunt, aut plane cessarunt. Similium febrium historiam descripsit egregius Lauter Physicus Laxenburgensis.

Causa proxima febris vix determinari potest. Bene monet Baglivius (in Parænesi ad Medicos de instituenda medendi methòdo popularibus accommodata) quod febris, si phœnomena spectemus, reliquis mor-



morbis sit notior, si constitutionem & causam, omnium ignotissimus.

Probabilis est sententia Illustr. van Swieten: eam in nervis & liquido nerveo hæerere.

Causæ remotæ & prædisponentes variæ sunt.

Autumnales sæpius bili putridæ in primis viis hærenti originem debent: nonnunquam gluten viscera obsidens febrem producit: non raro aër paludosus, animi pathemata, &c. febrim causant. Quartana frequentius a victu crudo, durior, vita sedentaria, frigore autumnali insueto, a scabie retropulsa oritur.

Prognosis variat ratione febris, temporis anni, constitutionis epidemicæ, ætatis & subjecti.

Vernales mites sæpe post septimum paroxysmum sponte cessant.

Autumnales nonnunquam remediis pertinacissime resistunt; frequentes habent recidivas, donec superveniente vere sine remedio solvantur. Hinc Celsus ait: quartana æstiva brevis, autumnalis fere longa est,

est, maxime quæ cœpit hyeme appropinquante.

Febres tempore humido & pluvioso difficilius curantur, quam sicco.

Quandoque intermittentes epidemicæ observantur, quæ post unum aut alterum paroxysmum jam interimunt.

Exhaustis, cacochymicis, gravidis, vel & illis, qui diuturno alio morbo laborarunt, febris sat mitis lethalis fieri valet.

Senes non raro pereunt in frigore quartanæ: ubi econtra Sydenhamus cum stupore vidit infantes tenellos in cunis per plures menses quartana laborasse, nec inde oppressos fuisse.

Inter intermittentes quartanæ sunt pertinacissimæ, hæ autumnino magnis viscerum obstructionibus stipatæ vix sanantur, sed perseverant ad veris accessum usque.

Antequam de cura intermittentium agam, notandum iterum occurrit Sydenhami effatum: febrim instrumentum naturæ esse, quo impura a puris separat & extra corpus excernit, hinc quandoque longius ferenda est, cum febre pertinacissimæ obstructiones & dispositiones ad morbos chroni-

ni-

nicos optime tollantur, dum solventissima remedia ad extrema vasa febrili motu ducuntur. Multi Galeno teste ab epilepsia liberati fuerunt; alii a lepra, varicibus, tumoribus lienis aliorumque viscerum per quartanam vindicabantur. Boërhaavius notat: homines longævos in flore ætatis quartana omnium intermittantium maxime diuturna laborasse.

Cura alia est in paroxysmo, alia extra paroxysmum,

In paroxysmo diluentia conveniunt, ut materies febrilis per varias vias: nempe alvum, urinam, sudorem, vomitum evacuari possit.

In frigore febrili tepida ad transpirationem promovendam haurienda sunt, ut infusum florum sambuci, decoctum quinque radicum aperientium.

Cavendum ab aromaticis, validius stimulantibus, cum inchoato frigore febrili major adsit calor, quam in eodem corpore sano. Van Swieten juvenem vidit tertiana verna laborantem, qui lethali pleuritide corripiebatur, dum quinque guttæ olei caryophyllorum cum saccharo diu tritæ

tritæ darentur ante paroxysmum ingruentem, ut frigus febrile calido hoc remedio tolleretur.

In calore febrili diluentia acidiuscula propinanda, ut decoctum hordei cum oxymelle, limonada; æstuante admodum ægro acida mineralia diluta & grata & utilissima sunt.

Potulenta crebrius, sed parca quantitate ingerere oportet: ne aut vomitus, aut anxietas a distento nimium ventriculo oriatur.

Debiliori ægro vinosa paroxysmo finito concedi possunt.

Lintea & indusia post sudorem mutanda, ne ab his humidis corpori applicatis horror iterum nascatur, aut excreta materia per vasa resorbentia denuo in sanguinem feratur.

Vomitus spontaneus paroxysmi tempore aquæ tepidæ haustu promovendus.

Cura extra paroxysmum differt ratione ætatis, temperamenti, causæ, symptomatum, constitutionis epidemicæ.

Febris causa cognita talia remedia danda, quæ eam corrigunt & destruunt.

Ama-



Amarities oris, nausea, &c. nisi contra indicans adsit, vomitorium requirunt tempore apyrexiae exhibendum.

Illustr. van Swieten (a) de febribus intermittentibus monet: bilem putridam, quæ in ventriculo & intestinis continetur, subito evacuandam esse, ne mora magis nociva fiat. Imo notat: quod sæpius vomitorium maxime in autumnalibus repetendum sit.

Cum successu aliquot drachmæ salium mediorum emetico præmittuntur; sic glutinosum inciditur & ad faciliorem evacuationem disponitur.

Profunt emetica in intermittentibus non solum ejiciendo nociva in ventriculo contenta, sed etiam stimulando & turbando materiem febrilem. Concutiuntur vomitu viscera abdominalia, inde his impacta facilius solvuntur & excutiuntur.

Ad emesum procurandam arridet solutio trium, aut quatuor granorum tartari emetici in libra aquæ per vices sumenda, donec sufficiens vomitus sequatur.

Si

---

(a) *Tom. II. pag 54.*

Si vomitorium contra indicatur, vel signa absint latitantis saburræ in ventriculo, appetitus tamen prostratus, abdomen tensum, vita lauta prægressa & alvus segnior observentur; purgantia substituere oportet.

Si major calor, fitis intensior, urina flava observentur, tamarindi, cremor tartari, aqua laxativa indicantur. Ceterum sal amarum, thermarum carolinarum, mirabilis Glauberi, pulvis cornachini convenit.

Clarissimus Trillerus (a) pessima mala a pulvere Cornachini exhibito recenset, quæ malignæ & nocivæ indoli antimonii diaphoretici dudum jam præparati adscribit.

Revocari huc possunt ea, quæ de antimonio diaphoretico non abluto in capite de erysipelate monui. Præterea certum fere est, ad vim purgantem scamonii augendam stibium diaphoreticum ablutum & cremorem tartari valde parum facere. Ratio horum pulverum scamonio admistorum in eo solum consistere videtur: ne scilicet partes

---

(a) Dispens. pharmac. universal. pag. 529.

partes scamonii sibi cohærere indeque tormina causare valeant. Hinc alii cremoris tartari & stibii loco pulverem cornu cervi in eundem finem scamonio admiscunt. Ceterum nil mali video in mistione priori propter stibium, cum præsertim hic pulvis, omni momento commiscendus, nunquam in majori paretur copia.

Nauseosis gratius & efficax est purgans, si octo, aut decem drachmæ salis Seignetti in binis libris juris carniū non saliti solvantur & per cyathos sumantur, donec æger purgetur.

Autumnales febres magis purgantia petunt, quam vernaes.

Cavendum a nimiis evacuationibus, præcipue in vernalibus; quia inde febres protrahuntur, hydropsque nascitur.

Vernales febres in juvenibus & sanguineis non raro mutantur in inflammatorias; hinc pulsu pleniore, duriore, respiratiōe difficiliore, maxime si abusus spirituosorum febrim præcessit, aut consuetæ sanguinis evacuationes intermissæ fuerunt, vena secanda est. Sed & in autumnalibus san-

guinis detractio necessaria, ubi mox dicta symptomata spectantur.

Evacuatis primis viis, si major calor; sitis vehementior, urina plus colorata; remedia antiphlogistica, ut succus citri, acetum cum sale polychresto, nitro indicantur.

Non raro, præcipue in autumnno, initium intermittentium similia symptomata habet, ac febris putrida; in his acida mineralia salibus mediis juncta profunt.

Levis quandoque hepatitidis species; post fervidiores æstates, febres autumnales comitatur; quod urina ex flavo rubra, flavescens oculorum color, sitis intensior, hypochondria tensa, maxime in regione dextra cum dolore fixo ejusdem lateris & alvus parcior docent; in hoc casu decocta solventia cum acidis & purgantibus antiphlogisticis imperanda. Hinc variæ formulæ ex taraxaco, radice graminis, cichorei, tamarindis, succo citri, aceto, crystallis tartari, sale mirabili Glauberi, &c. formari possunt (Nro. 46.). Pro potu decoctum hordei cum oxymelle, aut serum lactis convenit.

Clysmata



Clysmata ex emollientibus cum melle quoque injicienda.

Similis methodus & locum habet absentibus signis levioris inflammationis, ubi Urina flava & subflavescens oculorum color cacochymiam biliosam & hepatis infarctum notant.

Sollicite enim inquirendum in intermittentibus maxime quartanis, an non adsint viscerum obstructions: cum his praesentibus remedia solventia tamdiu continuare oporteat, donec hypochondria mollia & melior faciei color succedant.

Succus ex radice graminis & taraxaco recenti addito sale polychresto, aut terra foliata tartari efficacissimus est. Nam salia media & obstructions solvunt & primas vias a glutine liberant, quo fere semper obducuntur:

Paucissimos vidi, quorum ventriculus a salibus mediis offendebatur. Imo innumeros solis hisce remediis a febre intermitte absque recidiva liberavi.

Solventia remedia, tempore apyrexiae sumpta, febrili motu magis in vasa obstructa agunt & impactum solvunt. Debilibus

vero minus conveniunt, quia vires inde minuuntur & sudores nocivi augentur.

In indurationibus viscerum abdominalium & inunctiones ex unguento althææ suadendæ, maxime, dum infarctum colon tumens circa lienis regionem, ubi inflectitur, cum scirrhum mentitur.

Notabili tactui resistenti visceris duritiei utiliter emplastrum cicutæ apponitur.

Cavendum in magnis obstructionibus & indurationibus viscerum a fortibus purgantibus, his enim corpus debilitatur, subtilissimis humoribus privatur & jam impactum fere irresolubile redditur.

Nonnunquam pituita tenax primas vias occupat: docet id pallidus corporis habitus, urina pallida, vita sedentaria prægressa, victus ex alimentis crudioribus; habitatio in loco depresso & humidiores; ægri similes farinosa non ferunt, ab aromatibus levantur, gravitatem, frigus circa ventriculum & oppletionem ex assumptis majorem, quam in sanitate sentiunt. His extracta amaricantia cum gummi ferulaceis (Nro. 47.) apyrexia tempore conveniunt.

Intermittentes, dictis remediis non cedentes, fugandæ sunt; cum febre diu protræta corpus debilitetur, humores acriores redantur & iidem morbi ac a nimis cito sublata, nempe icterus, cachexia, hydrops sequantur.

Nullum remedium febrem citius & certius fugat cortice peruviano.

Observavit jam olim Cæsareus Archiater Longobardi, quod cortex gravidis, menstruantibus, hæmorrhoidariis tuto exhiberi possit, nec urinam, sudores, aut fluxus salutiferos tollat (a).

Cortex in pulvere, mixtura, (Nro. 48.) bolis (Nro. 49.) pro vario ægri lubitu præscribi potest.

Ad intermittentes fugandas longe efficaciorum corticem peruvianum reperii ac extractum vel decoctum. Mortonus experientia fretus affirmavit chinam chinam in substantia exhibitam certius vires suas exferre, quam si multa arte, aut igne torqueatur.

L 3

Si

---

(a) Michaeli Della Febbre. pag. 305.

Si ægri non respuant, optime mixturæ forma propinatur. A cortice enim vel in pulvere, vel in bolo non raro pondus vel oppressio in ventriculo percipitur. Forte quod notante Percival diu cortex in primis viis indissolubilis hæreat.

Cortici peruviano salia media jungo, nisi alvus liquida sit; cum a substantia corticis non raro pondus ad regionem ventriculi & alvus adeo adstricta sequantur, ut ægri vix scybala excernere valeant. Eam ob rationem Celeberr. Gaubius in pulvere antifebrili uncia corticis binas salis polychresti drachmas addidisse videtur.

Varia dosis corticis est. In quotidiana sex drachmæ, in tertiana uncia, in quartana uncia una semis tempore apyrexia exhibenda.

In febre, cujus paroxysmi adeo protracti, ut apyrexia brevissima & continuæ futuræ metus sit, ad finem paroxysmi, ubi maximus calor transiit, cortex sumendus.

Febre per dictam corticis peruviani quantitatem fugata ægro per binas apyrexias sequentes dimidia ejusdem remedii dosis exhibenda est ad recidivam præcavendam;  
ma-



maxime tempore humido & frigido, in subjectis senilibus, constitutionibus epidemicis.

Monet Illustr. van Swieten, ut æger qui quartana laboravit, jam per octo dies a morbo liber, corticem denuo sumat & dein tertia vice, ubi febrim non habuit, cortice utatur, cum character intermittensium, quo diutius inhæserit, eo difficilius deleatur (a). Et Sydenhamus & Mortonus jam curata tertiana chinam chinam continuendam voluerunt.

Solet in tertianis recidiva fieri aliquo secundæ hebdomadis die, in quotidianis & quartanis autem tertia hebdomade (b). Unde liquet, ad reversiones tutissime & certissime præcavendas corticem secunda, aut tertia quavis hebdomade exhibendum esse. In febribus obstinacioribus quandoque secunda, tertia, quarta repetitio faciendâ.

Febris intermittens sive sponte sua, sive regimine calido ad continuitatem ac-

L 4

ce-

---

(a) Tom. II. pag. 539.

(b) Werlhoff.

cedens, majorem corticis peruviani copiam requirit. Sic anno 1770, ubi talis epidemia regnabat, omnes fere recidivam passi sunt, nisi largissima corticis peruviani quantitate uterentur.

Clariss. Archiater Petersen in febribus epidemicis corticem in substantia ad libram unam mediam, in decocto ad libras duas semis exhibuit. Nullum enim incommodum oritur, si plus quam opus assumatur, peccatur vero, si justo minus, cum eo reversionibus occasio relinquatur (a).

Pessima mala ex intempestivo laudati remedii usu fiunt.

Quandoque vernaes intermittentes grassantur, venæ sectione & antiphlogisticis, ut superius monui, curandæ. Si in his cortex exhibeatur, antequam crusta inflammatoria sit resoluta, in continuas mutantur, vel recidivæ malis symptomatibus stipatæ sequuntur, observante Pringle (b).

Nos-

---

(a) Torti, Werlhoff.

(b) Observations on the diseases of the Army. p. 145

Noscuntur hæ febres pulsu duriore, dolore capitis vehementiore, respiratione crebriore & difficiliore, sitis est intensior, lingua minus fordida, facies & urina plus rubent, sanguis eductus non raro crusta tectus conspicitur.

Si inter corticis usum febre intermittente laborantes in albo oculorum flavescent, de anxietatibus & oppressionibus ad scrobiculum cordis conquerantur; solventibus pergendum, a cortice abstinendum, nisi summa ægri debilitas eum postulet; alias scirrhi viscerum, icterus, hydrops sequuntur.

Ubi vero in intervallis febris ictericus color evanescit, nulla anxietas, oppressio ad scrobiculum cordis, nullus abdominis tumor, aut durities persistat a solo cortice auxilium expectandum, ut icterus vere spasticus æque ac ipsa febris, cujus comes est, tollatur (a).

Sunt nonnullæ febres magno calore, aut siti stipatæ cum levibus deliriis, pulsu

L 5

celerri-

---

(a) Rahn, *Adversar. medic. practic.* Vol. I. pag.

celerrimo, post tertium aut quartum paroxysmum in continam abeuntes. Hæ brevi cortice fugandæ.

Subito quoque hic dandus est in febribus, ubi pulsus parvus, irregularis, somnolentia, vires admodum prostratæ notantur, maxime si epidemice grassantur. Zimmerman (b) tertianam observavit in loco ad paludem sito grassantem, quæ secundo paroxysmo magna oppressione pectoris & dolore capitis necabat.

Convenit brevi cortex in quartanis hæmorrhagia stipatis, ubi pulsus est debilis, nullus faciei rubor, &c. Imo quandoque lenia martialia admiscenda sunt, ut aucto robore hæmorrhagiæ sistantur, quibus facile hydrops succedit.

Anno 1770 tertianæ occurrebant cum amaritie oris, siti intensa, calore summo, levibusque in paroxysmo deliriis. Hæ febres, purgatis etiam si primis viis, cortice dato, oppressiones ad scrobiculum cordis, anxietates, languores causabant; neglecto  
cor-

---

(a) Von der Erfahrung. I. Thl. S. 204.



cortice brevi in continuas pessimas abierunt.

Optime profuit sequens methodus. Bile corrupta per emeticum aut purgans e corpore eliminata, mixturam ex aceto, succo citri cum salibus mediis exhibui; post tertium paroxysmum binas aut tres extracti corticis peruviani drachmas priori mixturæ addidi. Pauca hac corticis peruviani quantitate febris moderabatur, neque in continuam abibat & a salibus mediis alvus foetida crebrior educebatur. Lingua non fordida, urina minus colorata, nausea fugata, salium quantitas minuebatur & febris primum extracto, dein cortice in substantia exhibito penitus fugabatur.

In initio enim intermittentium magno calore stipatarum & de genio bilioso participantium extractum corticis magis convenit ob rationes in capite de synocho non putrida notatas.

Ante aliquot annos frequentes erant febres magna virium prostratione, pulsu celeri, parvo, horrore cum subsequente leni calore, lingua alba, appetitu exiguo, siti majore, sed non exorbitante, reniten-

tia

tia in hypochondrio dextro, sopore, tristitia stipatæ; accessus incerto tempore, quandoque bis de die redibant; urinas in poroxyfmo mingebant ægri aquosas, copiosissimas; post febrilem insultum lotium erat paucum, brunum cum nubecula suspensa, alvus a medicamentis salinis pessime olens facile movebatur. Dato decocto ex radice graminis, taraxaco cum liquore terræ foliatæ tartari morbus non mutabatur, sed brevi ad corticem cum remediis nervinis, ut spiritu Mindereri, melissa, quandoque camphora confugiendum erat; sub horum usu paroxyfmi fiebant regulares, mitiores; cortice neglecto morbus nascebatur periculo plenissimus. Diurnæ hæ febres mitiores redditæ solo cortice non superabantur, sed amaricantibus sat facile tollebantur.

Nonnunquam variam laryam febres intermittentes induunt & pleuritidem, choleram, apoplexiam mentiuntur. In simili casu, etiamsi febris non videatur adesse, neque urinæ lateritiæ sint, symptomata tamen gravia, quæ curata videbantur, iterum rede-

redeant: cortice peruviano subito debellanda sunt.

Liberior alvi fluxus inter corticis usum relinquendus est, si nullum inde incommodum nascatur & ægri levamen sentiant, cum hæ excretiones ad curationem citam & constantem multum faciant.

Si vero vires prosternantur, febris pertinaciter pergat, tunc uncia semis, aut una theriacæ Andromachi utiliter, ut scutum stomachicum apponitur. Effectu inde non succedente opio cortici peruviano juncto diarrhœa minuenda est.

Conveniunt & opiata cum cortice in febre a terrore & animi pathematibus causata, maxime in hypochondriacis & hysterics.

In febribus pertinacibus, ubi ventriculus debilis est, amara ut gentiana, trifolium fibrinum, centaurium minus, &c. cortici feliciter junguntur (a).

Non-

---

(a) Murray Apparatus Medicaminum. Tom. II.  
pag. 16.

Nonnulli contrajervam (a), serpentariam ante paroxysmum suadent; similia quandoque utilia sunt in locis paludosis, ubi ægri pallidi, inflati sunt habitus, pulsus extra paroxysmum lentus & parvus est; cavendum autem in epidemiis siti, calore, urina magis colorata stipatis, alias autumnales, facile in continuas mutantur.

Infantes & nonnulli ægri corticem respuunt, his elota prius per clyisma emolliens alvo in decocto (Nro. 50.) per enemata injiciendus, cum a substantia abdomen durum, inflatum, scybala durissima cum pertinaci alvi obstructione causentur.

Ubi ob vehementiam febris & inefficiam decocti ad substantiam corticis recurrendum, alvum diu clausam clysmate emolliente quandoque eluere & dein iterum enematibus ex cortice continuare oportet.

In suburbio sancti Leopoldi femina erat systematis nervosi admodum debilis; quæ accessu febrili putridarum simili corripieba-

---

(a) Ratti Materia medica. Tom. I. pag. 136.



piebatur cum nausca, vomitu pertinacissimo materiæ porraceæ, alvo adstricta, pulsu celerrimo & debilissimo. Medicamenta ex acidis antiphlogisticis & clysmata nullam ferebant opem. Altera die febris remittebat; sed vomitus sincerus pergebat. Tentavi frustra remedia ex mentha, melissa, vino: incassum externe emplastrum ex labdano, opio & camphora apponebatur.

Ob vomitum continuum, debilitatem summam, laudanum liquidum Sydenhami interne propinavi; verum & medicamenta & jura carniū subito ac in ventriculum pervenerunt materiæ porraceæ mista vomuit. Tertia die increſcebant symptomata, hemiplegia lateris sinistri accedebat, ita; ut & oculus in ea parte jam mortuorum similis fuisset: vesicantiæ furis & nuchæ apponebantur, abdomen & regio ventriculi infusis herbarum aromaticarum, ut rutæ, rarismarini, incassum fovebantur: sequenti die symptomata parum mitiora, pulsus debilissimus; sed minus celer, manebat tamen lingua balbutiens & immobilitas

litas lateris sinistri, urina plus tincta erat cum exiguo sedimento. Suspicabar febrim larvatam & corticem peruvianum in auxilium vocandum Medicis Clarissimis in consilium vocatis proposui. Unus ex his nil nisi malum hystericum accusans moschum proficuum credidit; sed & hunc subito cum multa materia porracea ejecit. Ob summum in mora periculum ad corticem peruvianum confugi. Cum nil per os assumere valeret, decoctum corticis cum binis drachmis pulveris ano omni trihorio injici curavi. Non rediit quidem majori vehementia paroxysmus; verum per tres dies symptomata in eodem statu permanserunt. Miratus tunc fueram a tanta corticis quantitate effectum voto non respondisse. Bona fortuna vesicam videram, qua ab obstetrice enemata applicabantur: suspicatus igitur inefficaciam remedii ortam fuisse ab instrumento, dum non satis vesicæ ope cortex peruvianus in intestina ingerebatur, hinc non sufficiens quantitas per vasa bibula, in intestino recto aliunde pauciora; absorbebatur. Syringam itaque vesicæ substitu-

stituendam jussi, inde brevi omnia symptomata evanescebant, & cortice peruviano dein per os assumpto integre a morbo hoc periculosissimo liberabatur.

Manens per tempus debilitas lateris sinistri & lingua balbutiens pilulis ex gummi ferulaceis, extracto martis, castoreo & balneo baadensi tollebatur.

Clysmatibus quoque ex cortice peruviano patrem prædictæ feminæ sexagenario majorem febre apoplectica larvata laborantem, omnia remedia respicientem curavi.

Si pusio mammis inhærens febre intermittente corripiatur, nutrix corticem ingerat.

Laudatur cortex cataplasomatis instar aqua mixtus intra lintheum tenue abdomini applicatus, sed inefficacem hanc methodum reperii; minus adhuc proderit, ut censente Pye corticis pulvis intra lintheum duplex confusus nudæ infantum cuti apponatur.

Nonnunquam febres grassantur, maxime in locis paludosis, cortici pertinacissime

M

resi-

resistentes & fugatæ brevi iterum revertentes: tunc loci mutatio ægris suadenda est.

Nil pejus, quam variis remediis decantatis febrim tollere. Rustici spiritum vini cum pipere contuso sumunt; sed inde febres continuæ & lethales ventriculi inflammationes causantur.

Ex usu aluminis & vitrioli consumptiones secutas: ex arsenico sumpto vomitus, febres lentas & mortem viderunt præstantissimi Medici. Ego ipse febrem quotidianam, quinque annis durantem, corpus depascentem, omnia remedia eludentem observavi a tinctura arsenici, quæ Lipsiæ ab agyrta propinabatur. Hinc benemonuit Celeb. Werlhoff, quod arsenicum nunquam dari possit a viro erudito & hominum amatore.

Multa adhuc alia, ut specifica in intermittentibus ab ignaris laudantur. Verum aut calefacientia sunt, quæ in continuam & inflammatoriam mutant: aut adstringentia, quæ obstructions viscerum & hydropes causant.

Non-



Nonnulli motu vehementissimo ante paroxysmum febrem fugare cupiunt; sed & inde intermittentes in continuas mutantur.

Non pauci severa abstinētia febrem tollere volunt pessimo sæpe cum successu; cum vires nimium frangantur, corpus exhauriatur & humores acriores reddantur. In quartanis malos effectus inde vidit Ill. van Swieten; imo concludit in quartanæ initio ne quidem tutam esse tenuem & exactam nimis diætā.

Laudantur a variis variā remedia specifica ad febres tollendas, ut cortex salicis Arnica, lignum Quassiae; optime vero monet Cel. Spielmann (a), quod Quassiae lignum respectu virtutis febrifugæ à cortice peruviano vincatur.

Corticem salicis iterum iterumque sed irritō connatu exhibuit Bergius (b).

M 2

Ar-

---

(a) Institutiones Mat. Med. pag. 225.

(b) Mat. Medic. Tom. I. pag. 788.

Arnicam, quam Berolinenses (a) contra fomites febris sæpius recidivantis commendant, in decocto & in pulvere frustra exhibuit quartana laborantibus idem Clar. Vir. Imo decoctum majorem in modum vexavit ægros. Ipsi, qui prædicta remedia laudant, plus fiduciæ in corticem peruvianum habere videntur, dum eundem prædictis pharmacis addunt, ubi ab iis febris non tollitur.

Neque ab uno, aut altero casu febris per quoddam remedium curatæ argumentum formari potest, specificam huic remedio virtutem inesse.

Varia enim ante inventum corticem solventia & amaricantia cum successu dabantur; imo nostris temporibus Rutti (b) quandoque intermittentes cortici resistentes infuso centaurii minoris, pulvere chamomeli nobilis, aut succo ejusdem ad duo aut tria cochlearia cum guttulis aliquot spiritus vitrioli curavit.

Quan-

---

(a) Decade prima pag. 61.

(b) Materia med. pag. 120, 217.

Quandoque intermittentes mihi occurrebant, quæ per corticem peruvianum brevi mitissimæ evadebant, mansit tamen levior aliquis recursus post magnam quantitatem prædicti remedii ingestam; in similibus nullo symptomate graviore urgente ab omni medicamento abstinui & sponte dein a febre liberabantur. Vidi inde confirmatum Cel. Torti (a) observatum, quod tam levis sæpe sæpius sit accessionum recursus, ut nonnunquam expediat febrilis fermenti reliquias ipsi effervescentiæ febrili duobus, aut tribus accessibus dissipandas relinquere.

Diæta alia est ratione febris, subjecti longitudinis morbi. Gravidæ, exhausti magis nutriendi sunt, uti & infantes & ætate admodum provecti.

Quotidianæ & tertianæ exquisitiorem petunt diætā: quo accessus longiores & frequentiores, eo pauciora alimenta concedenda.

---

(a) Therap. special. pag. 273.

Febricitantibus & ex febre reconvalescentibus pingua, fumo indurata, leguminosa & omnia, quæ crudiores chylum generant, interdicienda sunt, cum hæc & in sano febrem producere valeant.

Bene monet Pringle, ut febre intermittente laborantes a fructibus horæis abstineant.

Cibus non dandus tempore, quo paroxysmus expectatur.

Senibus, pituitosis, asuetis, si nullus febris continuæ metus, extra paroxysmum moderatus vini usus concedendus.

Somnus sit longior ad corpus refocilandum.

Exercitia moderata prosunt tempore apyrexiae ad assimilationem ingestorum & excretionem per alvum, urinam, transpirationem promovendas.

Cavendum a transpiratione suppressa, hinc corpus bene tegendum, aer nocturnus evitandus & loca paludosa fugienda.

Nonnunquam intermittentibus œdema accedit, quod satis facile levioribus frictionibus & usu roob sambuci, Juniperi, infuso.



fulforum amarificantium, & leviter stimulantium cedit (Nro. 51.)

Noscitur autem hoc œdema ex debilitate & non ex obstructionibus natum esse, ex viribus fractis paroxysmis vehementibus, albo oculorum non flavo, alvo libera & victu malo prægresso.

Per febres intermittentes diuturniores ægri debilitantur, ut & febre fugata multum langueant. His amaricantia, leviter, roborantia, victus eupeptus, vina generosiora commendanda.

Roborandi causa panem biscoctum vino austero madidum deglutiendum suadet Illustr. van Swieten; ne tam cito virtus vini delabatur.

Aër ruralis & equitatio plurimum quoque corpus firmant.

Debilibus recidiva intermittentium laborantibus calybs cum cortice jungendus, quod remedii genus apprime etiam sistit sudores illos glutinosos, quibus tales ægri diffuunt.

Ubi usu nominatorum robur debitum ægris non redit, ad vinum ex cortice peruviano, limatura martis paratum confugiendum.

dum. Ferrum enim, monente iterum Illustr. van Swieten, lenibus acidis solutum non tantum vi austera adstringente agit, sed sulphuris sui metallici, naturæ humanæ adeo amici, miro stimulo vires vitæ excitat.

Quibus vinosa displicent, pilulæ ex limatura martis, extracto corticis peruviani resinoso, mastiche, &c. præscribi possunt.

Quandoque sola ventriculi debilitas remanet. Ad tonum hujus restaurandum elixir antifebrile Disp. vien., essentia ex amaricantibus parata, ut absynthii ad drachmam dimidiam pro dosi sumpta, convenit. Si vero spirituosæ non ferant, elixir stomachicum Disp. vien., aut electuarium ex theriaca diatefferon, zinzibere condito prodest. (Nro. 52.)

Ubi præ inertia nullum fere ex chylopoeticis visceribus suo fungebatur officio, frictiones jejuno homine per totum abdomen factæ pannis asperis laneis mirabiles dederunt effectus; imprimis si penetrati fuerint fumo accensi succini, mastiches. (Nro. 53.)

Novi ante plures annos officialem, qui sumptis frustra aptissimis remediis suasu Ill. van Swieten frictionibus dictis curabatur.

Incipiendum semper a lenioribus.

Sudores post intermittentes remanentes tollendi sunt methodo in capite de synocho non putri memorata.

Pessimo olim more supperata per corticem febre purgantia exhibuere, alii iterum ob metum recidivæ omnia alvum moventia damnabant, si bene valeant a febre reconvalescentes, piaculum foret, corpus purgantibus turbare; sæpe vero post fugatam febrem copia humorum inertium colligitur in primis viis; renatus porro a febre nimius sæpe appetitus facile quid indigesti colligit, quod ni mature & blande expurgaretur, facile fomitem recidivæ præberet; sic in quadam febre intermittente epidemica ægris per duas, tresve septimanas ab omni febre liberis, lene purgans summo cum fructu dedit & aliquot vicibus repetiit van Swieten & ingentem inde copiam biliosæ saburræ expelli vidit; neglectis pur-

M 5                      ganti-

gantibus anorexia icterus, linguæ sordities, urina rubicunda redibant (a).

Sunt & aliæ febres ut rheumaticæ, hæmorrhoidales, &c. Sed de his in capitibus morborum, ad quos spectant, agam.

Pauca tantum de febre puerperarum differam. De hujus natura dissentiunt Authores, nonnulli eam ad inflammatorias, alii ad putridas; alii denique ad malignas referunt.

Rariores sunt puerperis febræ inflammatoriæ, nisi a rudi obstetricantis manu a frigidiore admissio aëre, aut spirituosio potu & inde suppressis lochiis oriantur, nascuntur nonnunquam, si gravidis, plethoricis, vegetis vinum generosum ad sustentandas vires ante partum præbeatur.

Crebrius animadvertuntur synochi simplices, quæ aut neglectæ, aut non debite tractatæ in putridas abeunt, præcipue si immundities lecti & linteaminum concurrat, vel amicæ puerperas copiosius invisent.

Deni-

---

(a) Rahn *Advers. medico practic.* Vol. I. pag.



Denique, quibus in gravitate abs necessitate largius venafecta, aut post partum sanguis eductus fuit, quæ calido regimine vexantur, aut quibus ob levem febrilem motum mixtura hoffmanniana, vel camphora propinatur, crebrius febribus exanthematicis laborant.

Præcaventur febres puerperarum diæta tenui, potibus diluentibus, leviter emollientibus, (nisi alia vetet ratio) alvo per elysmata aperta servata, munditiæ lecti, aëre cum prudentia renovato, evitatis animi pathematibus, nimia loquacitate & medicamentorum usu, dum rite valent.

Doloribus levioribus post partum sanguinis grumi ex utero educuntur, acerbiores cauta manu paregoricis mitigandi sunt; ubi vero puerperæ præcipue teneriores a medlocri opii dosi alto somno merguntur, de torpore, insolita gravitate capitis conqueruntur, si paululum delirent ab opio desistendum est (a).

Dum

---

(a) Tralles Usus opii salubris & noxius. Tom. IV. pag. 130.

Dum febris lactea exorbitat, sitis urget, calor major vexat, alvus filet, præter clysmata mixturam antiphlogisticam cum salibus mediis exhibere oportet, nec unquam ab his incommodum vidi.

Ubi febris puerperarum nata est, hæc ut aliæ inflammatoriæ, putridæ, aut mixtæ pro diversitate genii, symptomatum tractandæ sunt; id solum monendum restat, vesicantia cautius apponenda esse ob vim irritantem & urinarias vias penetrantem, & corticem peruvianum, ubi proclivitas in putredinem animadvertitur, purgato corpore sine mora indicari; neque meticulosum nimis Medicum in purgantibus exhibendis esse oportet, sic Fel. Platerus in gravi puerperæ febre cum convulsionibus leniter alvum cum levamine subduxit; vitanda vero sunt cathartica fortiora.

Hac methodo eâ felicitate usus sum, ut ex innumeris puerperis, quarum curam per 28 annos habui, paucæ febre puerperarum decubuerint & ex his unica ante biennium femina omnino intemperans a vivis eriperetur. In domo quoque regia obstetricia haunien-

si inter trecentas & triginta septem puerperas duæ febri puerperali correptæ fuerunt, quarum una succubuit, altera evasit, quod regimini frigido, debitæ munditie, peritæ domus obstetrici & simplici methodo adscribunt (a).



## CAPUT

---

(a) Societatis Medicæ Hauniensis Collectanea.  
Vol. I. pag. 373.

---

## CAPUT XIII.

DE

# INFLAMMATIONE IN GERE.

---

**D**efinitur inflammatio, quod sit tumor rubens, splendens, renitens cum calore, dolore fixo, pulsu duro & functione læsa partis adfectæ.

Non requiritur, ut hæc signa omnia adsint. Nam sæpe tumor inflammatæ partis non in conspectum venit. Quandoque doloris loco, ut in peripneumonia & hepatide, anxietas adest. Nonnunquam, ut in ophthalmia & quibusdam anginæ speciebus, nec pulsus durus, aut fortis tangitur. Imo in gravioribus inflammationibus neglectis, vel male curatis, pulsus parvus & debilis occurrit. Quandoque, sed rarissime, nullis signis inflammatio latens detegitur potuit: sic Celeberrimus Universitatis  
hujus



hujus Professor Antonius de Haen (a) casum habet ventriculi perquam inflammati & gangrænosæ, ubi ad mortem fere usque nec signa febris aut gangrænæ in pulsu, nec signa doloris in hoc viscere, nec signa alicujus in ejusdem functione defectus adparuerunt. Gravissima intestinorum inflammatio in cadavere inventa fuit, quæ acutissimo dolore ægrum affecit absque pulsu aucto & motu febrili (b). Et Morgagnius vehementissimæ enteritidis absque ullo dolore ægrum cruciantis meminit.

Verum hæ deceptiones (c) in febribus biliosis & putridis frequentiores sunt, quam in morbis venere inflammatoriis.

De causa inflammationis dissentiunt Auctores. Quidam a sola humorum tenacitate, quidam ex acrimonia quadam partes sensibiles irritante: alii ab utraque hac inflammationem produci existimant.

Boer-

---

(a) Ration. med. part. VI. pag. 263.

(b) Academ. natr. curios. Vol. III. Observ. 47.

(c) Selle Rôdiniéat. Pyretolog. methodic. pag. 108.

Boerhaavius causam proximam inflammationis stagnationem sanguinis in vasis arteriosis cum majori impetu humorum a tergo motorum statuit.

Alii volunt, quod sanguis per arterias transfudet & in cellulosa extravasetur, existimantes melius inde inflammationem ab acribus adplicatis explicari posse.

Probant suam sententiam ex suppuratione & gangræna, quæ in tunica cellulosa locum habet; ex injectionibus in vasa sanguinea per Clarissimum Meckel factis non in lymphatica, sed in cellulosa penetrantibus: ex animalibus motu ante mortem exercitatis, quorum aorta a sanguine transfudante inflammatur.

Uberius de his legi possunt Halleri Tomus primus Physiologiæ majoris, & Supplementa Ernesti Platneri in Institutiones chirurgicas parentis.

Crudelem illum sudorem sanguineum in cellulosa spatia pulmonis effusum vidit Illustris Hallerus (a).

Ob-

---

(a) Opuscul. patholog. observ. XIV. Histor. I.

Obstructio in ophthalmia autopfia demonstratur.

Forte utraque sententia locum habet; cum ipse Illustris Hallerus in malo inchoato arterias obstructas esse posse contendat: sed

Non nostrum inter vos tantas componere lites,  
quæ forte in curatione nullam diversitatem creant; cum ex utraque opinione remedia ad celeritatem sanguinis minuendam, cruoris firmitatem adtenuendam & acrimoniam corrigendam commendentur.

Obstructio illa vel effusio ab innumeris nasci potest: ut ab acribus ingestis, calore, motu vehementi, evacuationibus consuetis subpressis, vi externa &c.

Mediæ ætatis homines magis morbis inflammatoriis obnoxii sunt, quam infantes & senes.

Prognosis variat pro ratione ætatis, subjecti, epidemiæ.

Facilius enim ceteris paribus inflammatio in feminis & junioribus curatur: quam in adultis & duro labore fractis corporibus,

N

ob

ob canales mobiles & humores minus densos.

Gravidæ duplex periculum incurrunt morbi inflammatorii & abortus metuendi.

Phthificis inflammatio visceris nobilioris, ut pulmonum, hepatis, accedens fere lethalis.

In scorbuticis ne levis quidem inflammationiuncula, licet ab externis causis in cruribus nata, resolutione tollitur; sed fere semper in ulcerosam diathesin degenerat.

Idem etiam in aliis omnibus cacoehymis, quæ acrimoniam comitem habent, observavit van Swieten.

Si in morbis inflammatoriis celeritas pulsus cito minuatur, ceteris symptomatibus permanentibus certum periculum notat.

Inflammatio benigna resolutione, criticis evacuationibus, metastasi ad alias partes solvitur; vel in suppurationem, gangrænam, sphacelum, scirrhum abit.

Benigna resolutio tantum speranda in mitiori malo & humoribus blandis, &c.



Evacuationes criticæ sunt, quæ morbum levant & prægressa coctione adparent.

Ut plurimum ea via fiunt, per quam a visceribus in statu sano quædam excerni videmus. Hinc in hepatitide & intestinorum inflammatione diarrhœa, in nephritide urina, in peripneumonia sputa critica, &c. crebrius observantur.

Metastasis prævidetur: si nec benigna resolutione, nec critica evacuatione morbus solvatur; aliæ vero partes, ut inguina, parotides, &c. tumeant, rubeant, doleant.

Si enim ad partes nobiliores, ut hepar, lienem, &c. contingant: mors plerumque sequitur, nisi alia evacuatio succedat.

Malum in suppurationem abit, ubi inflammatio vehemens, sed non maxima, nec benigna resolutione, nec critica evacuatione solvitur.

Docent eam in parte nobiliore remissio symptomatum, horripilationes absque alia ratione manifesta succedentes, febricula, & si post dolorem acutum ponderis sensus in loco adfecto percipiatur,

Nonnunquam tamen acerbissimus dolor superest, licet locus suppurandus perfectissime maturuerit; quia pus collectum & autum quotidie cutim incumbentem distendit & sensim dilacerat.

Fluctuatio tumoris pressi, quæ ut signum suppurationis factæ statuitur, commode nec quidem in externis partibus percipi potest, nisi emineat tumor; dum enim in panniculo adiposo profunde inter musculos decurrente abscessus hæret, hoc signo non facile detegitur.

Aliquando a pure distento sic comprimuntur vasa cutanea, ut sublato vitali influxu & effluxu humorum pars gangrænescat, & sublividum colorem acquirat.

Collectio puris in loco clauso vomica audit.

Hæc diu relicta erosiones per vias varias, sinus, fistulas creat: vel resorpta febrim incendit.

De puris resorptione dubitat Clarissimus Platnerus junior, & eos errare credit, qui pus sanguinem in tumore quiescentem liquefactum & cum tunicæ adiposæ ipsorumque vasorum finibus exesis mistum, sta-

statuunt: sed ea mala, quæ a reducto pure duci solent, a materia purulenta ex sanguine excussa, & a viscerum officio suo exequendo imparium inertia & hebetudine quadam repetit.

Non negare cupio diathesin purulentam in sanguine existere, cum ex levi & angusto ulcere tanta quandoque puris copia emanare soleat, cui nec continendo, nec præparando illa vel tumoris vel ulceris angustia par esse poterat.

Pessima tamen mihi mala occurrerant, quæ resorpto puri originem debebant. Ideo & Celeberrimus Pringle abscessus in febribus continuis ortos brevi aperiendos suadet.

Vomica rupta majus vel minus periculum portendit pro ratione puris & pro diversitate partis, quam occupat.

Optimum est album, spissum, instar cremoris lactis, ad tactu pingue, inodorum. Quo magis ab his qualitatibus recedit, eo pejus.

Nonnunquam morbi acuti subito deponunt in quandam corporis partem copiam veri puris, licet nullum signum topicæ in-

flammationis aut suppurationis in ullo corporis loco observatum fuerit (a).

Gangræna sequitur, ubi inflammatio maxima, rubedo summa in purpureum vergens, calor urens & dolor magnus, continuo increscens, observatur.

Præsens nōscitur phænomenis inflammationis absque ratione subito ablati; debilitate; frigore extremorum.

Si pars visibilis sit: colore cinereo, fusco, livido, nigro; pustulis ichore subflavo, rubello, nigro refertur.

Licet in parte gangrænosa propriè nullus sensus sit, a partibus subpositis & ambientibus adhuc vivis & inflammatis non raro dolor oritur, qui pro bono signo habetur, si in toto ambitu partis jam gangrænosa rubor, dolor, calor, tensio, &c. inveniantur; modo non tam valida sint hæc symptomata, ut metus sit & hanc inflammationem in gangrænam tendere.

Novimus enim tunc vitam superstitem in reliquo corpore moliri separationem gangrænosi corrupti a vivis partibus vicinis.

Va-

---

(a) Van Swieten. Tom. III. pag. 340.



Variat periculum pro diversitate partis adfectæ, ætatis, temperamenti & virium ægri.

Si in parte gangrænosa omnis sensus motusque pereat & fœtor cadaverosus accedat: sphacelus adest.

In partibus externis cute tectis pars sphacelosa instar arefacti corii durefcit, in reliquis potius in tabem gangrænosam deliquescit.

Gangræna est incipiens mors partis, sphacelus perfecta mors.

Gangræna utplurimum panniculum adiposum, sphacelus cuncta ad ossa usque inficit.

Gangræna præcedit, sphacelus sequitur: nisi ab ossis corruptione, medullæ, vel periostei originem duxerit.

Omnis sphacelus periculum portendit, quod augetur pro ratione ætatis, temperamenti & partis, quam occupat.

Superiora petens, singultu, sudore frigido stipatus, pessimus.

Si inflammatio tumorem durum, indolentem relinquat, scirrhus dicitur, cuius utplurimum sedes glandulæ sunt: licet

etiam in aliis partibus tales præternaturales duri indolentes tumores observentur, & frequentissime scirrhi absque inflammatione prægressa nascantur.

Scirrhus per se est innocuus: sed dum mole augetur, vicina comprimendo, inflammationes, atrophias, sphacelos creat.

Scirrhus semper ægre sanatur, cum materies in glandulis collecta & inspissata extra circulationis limites quasi hæreat, neque impetus liquidi arteriosi directe adeo in hæc loca agere possit.

Inveteratus, & qui in glandulis magis compositis hæret, curatu difficilior.

Si in scirrho titillatio, pruritus, rubor, dolor urens, pungens; color ex rubro in purpureum, lividum mutetur; durties major, scabra, cum eminente apice; vasa sanguifera vicina tumentia, varicosa, crassa, atra animadvertantur: cancer dicitur. Licet & hic absque scirrho prægresso, ut in lingua, labio oris, quandoque nascatur, qui a nonnullis cancer fungosus dicitur.

Antea descriptus occultus audit. Ubi vero excoriata quasi epidermide denudatur  
&

& aperitur; tenuis, acer ichor transprimi-  
tur; apertus nuncupatur.

Dictis signis oecultus cancer in parti-  
bus corporis externis hærens satis cognosci  
potest: ubi autem in interioribus delitescit,  
difficilius hoc scitur.

Scirrhi prægressi signa, calor & dolor  
in iis locis, in quibus antea inertis tantum  
ponderis sensus percipiebatur, lucem in ob-  
scuris his casibus dant.

Prognosis est pessima. Cancer occul-  
tus, non admodum dolens ab hominibus  
temperanter viventibus diu absque graviori  
molestia ferri potest. Secus vicinæ partes  
adficiuntur, foetor cadaverosus, hæmorrha-  
giæ lethales, febres, convulsiones, mors  
sequuntur.

De cura generali inflammationis bre-  
vis ero: cum chirurgica viris in hac arte  
exercitatis relinquam; medica vero ex se-  
quentibus capitibus inflammatorum visce-  
rum abunde, ut opinor, pateant.

Indicationes sunt: ut impetus humo-  
rum exorbitans minuatur, a partibus nobi-  
lioribus derivetur, nimis torpens excitetur;

crassum incidatur, crudum coquatur & eorum evacuetur.

Impetus humorum minuetur & a partibus nobilioribus derivabitur, venæ sectionibus, hirudinibus, clysmatibus, fomentis, sinapismis, purgantibus antiphlogisticis.

Phlebotomia efficacissimum in inflammationibus est auxilium: partim ad humorum copiam minuendam, adtritum & impetum in locum obstructum minuendum: partim ut depletione facta, diluentia, solventia, eo validius vim suam exercere possint.

Optime vena secatur in loco parti inflammatae, maxime vicino.

Quæ capite II. de venæ sectionibus dicta fuerunt (a), huc revocanda sunt.

Morbi inflammatorii non solum felicissime per phlebotomiam debellantur: sed & futuri præcaventur in iis, qui dispositionem ad inflammationes: nempe vasa robusta

---

(a) Pag. 9. 10. 11.



sta & humores densos habent; qui spirituosiss abutuntur; aut ob negotia injuriis æris, motibus violentioribus se exponere coguntur.

In juvenibus enim & sanguineis, febribus acutis correptis, a sanguinis missione neglecta phrenitidem, inflammationem ventriculi & pulmonum lethalem vidit Fridericus Hoffmannus.

Verum Medici nomine indigni sunt, qui ob quemlibet dolorem, æstum & anxietatem, sanguinem detrahunt: inde Lommius (a), & van Swieten omne corporis robur solutum, ac hydropes; Sydenhamus manias; Tissot in hystericeis spasmos & convulsiones viderunt.

De venæ sectione repetita prophylactica Galenus optimum judicium tulit. Sæpius per annum venam secare non expedit, quippe cum sanguine e vena vitalis excernitur spiritus; eo autem copiosius absumpto, universa corporis moles refrigeratur, omnesque naturales operationes deterius perficiuntur.

Craßum

---

(a) De curandis febribus continuis. pag. 25.

Crassum in inflammatione incidetur & crudum coquetur per ea, quæ relaxant, solvunt, absque quod humorum impetum & velocitatem augeant.

Hinc varia remedia ex hordeo, avena, radice graminis, althææ, rob sambuci, melle, oxymelle, syrupis ex fructibus horæis paratis, cum largiori nitri dosi, parari possunt.

Ubi febrilis impetus languet, quod ex viribus, pulsu, habitu ægri patet: ab evacuationibus, multum refrigerantibus, abstinendum; sed ad vinosa, vesicantia, camphoram & moschum confugiendum.

Vesicantia optime monente Clarissimo Ludwig minime conveniunt in siccis corporibus, imprimis si spasmi vehementiores, vel inflammatorii motus universales adesse observentur.

Vesicas factas solummodo aperire oportet. Cavendum, ne epidermis auferatur; quia hoc dolores tantum auget & nihil ad sanationem contribuit.

In suppuratione motus nonnunquam augendus, nonnunquam minuendus.

Mode-

Moderamen adesse noscitur: si calor in loco inflammato sani caloris gradum quidem excedat, nec multum tamen; si dolor adsit, sed non summus; si tumor, rubor, in partibus conspicuis augeantur quidem, sed sensim.

Nullum universale suppurans est: sed prout vel augeri, vel minui debet motus humorum, diversam requirit medelam.

Sic in juvenibus, ubi nimius calor, cataplasmata ex lacte conveniunt. In melancholicis, senibus, aut frigidaë temperiei hominibus, stimulantia requiruntur: ut bulbi ceparum sub cineribus assatarum, gummi galbanum, ammoniacum.

Abscessu perfecte maturato puri exitus conciliandus.

Si manibus accessus detur, id vel ferro, vel caustico fieri potest.

Verum monet Illustris van Swieten, quod major dolor a caustico metuendus sit; cum longius tempus requirat & cum vehemens sæpe dolor sentiatur, dum eschara sensim a vivis partibus contiguis secedit. Major præterea cicatricis deformitas solet sequi post hujus adplicationem.

Aper-

Apertura abscessus plano plumaceolo tegenda est: ut pus collectum libere effluere possit, cavendo simul, ne fasciæ, vel emplastra premant orificium.

Vitandæ turundæ ex linteis carptis, quæ orificium obturando exitum collecto puri impediunt, quod dein in panniculo adiposo tam facile dilatabili sinuosas sæpe vias quærit. Locus demum mundandus & consolidandus.

Taceo gangrænam a frigore, senio, contusionibus magnorum nervorum, aut spinæ dorsi, ortam.

In gangræna, quæ inflammationes sequitur, primo examinandum, an vires exorbitent, aut deficient.

Si pulsus sit fortis, magnus, utcunque durus; calor vehemens, ad extrema corporis usque pertingens; si urina colorata, rubra fuerit, novimus magnas circulationis vires esse, quæ quandoque licet rarius venæ sectione minuendæ sunt.

Medicamenta conveniunt antiphlogistica ex aceto, succo citri &c. parata.

Si magna sitis urgeat, acida mineralia ad gratum acorem diluta pulchre prosunt.

Ubi



Ubi vires fractæ, pulsus debilis, talia danda, quæ spiritus excitant: ut vinum Rhenanum, Auftriacum, camphora, medicamenta ex melissa, mentha, ruta.

Secus indicatur in omni gangræna, ut vires firmentur, putridi ingressus in venas impediatur, putredo arceatur & coerceatur.

His tribus indicationibus cortex peruvianus satisfacit, ad unciam unam, duas nonnunquam tres nycthemero exhibendus.

Hampius medicus londinensis natione Germanus in epistola ad Werlhoffium scripsit, quod sphacelum sistat cortex, addit, quod idem medicamentum ad cancerum coercendum tentari possit.

Quomodo gangrænoso putrido limites circumscribendi sint & tentandum, ut mortuum a vivo separetur, ad chirurgica pertinet.

Quæ de gangræna dicta sunt, locum habent de sphacelo.

Partem extremam in os usque sphacelatam salva vita, una cum osse extirpandam vult Boërhaavius. Rarissimi enim casus sunt: ubi sponte sua partes sphacelatæ ceciderunt.

ceciderunt & natura sine ullo artis auxilio curam perfecit.

In schirrho recenti fomenta emollientia, leniter solventia, ex sapone veneto in lacte soluto, inunctiones mercuriales (cavendo tamen salitionem) tentari possunt.

Interne remedia ex sapone, gummi ferulaceis, cicuta sæpe profuerunt.

His non levantibus exstirpatio facienda, si locus, situs scirrhi, conditio, robur & valetudo ægri eam admittant.

Cavendum a suppurantibus, rodentibus, causticis, dissipantibus, ne carcinoma succedat.

Cancer non adcretus, solus in toto corpore juvenili, ceterumque sano illico exstirpandus.

Varia remedia in cancro quandoque cum successu adhibita fuerunt: ut cortex peruvianus, belladonna, cicuta. Ab hac cancos sæpe mitigatos, quandoque curatos Viri fide digni observarunt.

Monet quidem Hippocrates, quod melius sit cancos occultos habentes non curare, quod curati cito pereant, non curati vero longius tempus perdurent. Dii-  
tissime

tissime tamen decocto corticis peruviani cancro laborantes servavi; si sitis, calor urgebat, acida mineralia junxi; si magna debilitas vel sudor copiosus ægros vexabat, spir. vitrioli dulcem Disp. edimb. admiscui, ubi nullus febrilis impetus urgebat, pilulæ ex cortice peruviano, mastiche, extract, myrrhæ aquoso palliative profuerunt. Diarrhœa ingruente succo catechu & pauco laudano continuato corticis in substantia usu fatalem periodum retardavi.



## CAPUT XIV.

DE

## PHRENITIDE.

**D**elirium ferox & perpetuum cum febre continua acuta phrenitis est, inflammacionem cerebri & membranarum ejus pro causa proxima habens.

Leguntur quidem apud Willisium, Langrischium, Huxhamum exempla inflammati cerebri absque signis inflammationis; & Bonnetus, Margagnius in nonnullorum qui phrenitici habebantur, cadaveribus apertis non cerebrum inflammatum, sed vitia imi ventris reperiunt, plurimorum tamen phreniticorum cadavera corticem cerebri ruberrimum, meninges inflammatas, suppuratas, gangræna, aut sphacelo corruptas exhibuerunt.

Ubi primario cerebrum adficitur, phrenitis vera audit. Si vero, aliis partibus prius adfectis encephalon inflammetur phrenitis



nitis symptomatice oritur: ut a pleuritide, angina, morbillis, variolis, erysipellate, paraphrenitide &c. nonnunquam accidit.

Morbus a phrenitide diversus est: dum materies morbi aliis partibus adfixa delirium ferox creat: ut in febribus continuis a bile putrida circa præcordia hærente notatur, qua excussa ilico redit functionum cerebri integritas.

Quam magnus flexus abdomen inter & encephalon sit, patet, dum chronicæ lippitudines in pueris a duris mesenterii tumoribus, ex lumbricis cæcitas, ab ascaridibus nictalopia frequentissime occurrunt, nam affecto in abdomine nervo intercostali, vel pari vago facile irritatio transibit in illos capitis, & dolores spasmosque creabit, qui eo facilius contingent, ubi simul, ut plerumque fit, ob spasmos abdominales sanguinis ad capitis vasa major congestio oritur (a).

---

(a) Rahn. De miro inter caput & viscera abdominalis commercio. pag. 5.

Juvenibus, adultis, agilibus, mente mobilibus crebrior est phrenitis; vel & iis, qui dispositionem ad inflammationes, nempe vasa contracta, robusta, humores densos & acriores habent.

Qui jam antea phrenitide laborarunt, facilius ea iterum corripuntur. Horum pulsus major & celerior esse solet, corpus gracile, robustum & calidum.

In nonnullis, sæpius hunc morbum passis membranæ cerebri crassæ, duræ & quasi callosæ reperiiebantur.

Imprimis autem, notante van Swieten, proclivitas in phrenitidem observatur in morbis, in quibus inflammatoria quidem dispositio manifesta est: materia autem phlogistica non adeo pertinaciter parti cui-dam corporis fixa inhæret, sed potius vaga & mobilis videtur. Casum refert mulieris, cui oborta febre continua acutissimus dolor sinistram suram occupabat. Adplicuerunt lintea, spiritu vini madida parti dolenti; post bihorium dolore suræ evanidæ pessime delirabat & paulo post convulsa periit secundo morbi die.

Nimia mentis & corporis exercitatio, insolatio, consuetæ hæmorrhagiæ subpressæ, abusus spirituosorum; tempus anni calidissimum phrenitidem producere valent.

Inter animi pathemata ira maxime ei generandæ favet; dum inde sanguinem majori copia & impetu versus caput ferri novimus.

Cum phrenitis jam præsens difficillime sanationem admittat, signa illa probe considerata, quæ eam metuendam docent: ut vigiliæ, somnus turbatus, oculi rubentes, ingens dolor capitis cum sensu magni caloris, pulsationis, constitutio epidemica.

Præsens noscitur ex febre continua acuta cum delirio perpetuo & feroci. Licet & pessimæ phrenitidis species observentur; in quibus ægri obscure tantum delirant.

Oculi sunt truces & prominentes, respiratio rara & magna; lingua sicca; facies rubra, inflata.

Nonnunquam phrenitici admodum somnolenti, nonnunquam insomnes sunt.

In initio morbi pulsus est durus; sed eo profecto quandoque tremulus, undosus, inæqualis.

Phrenitis idiopathica, quæ in terris nostris rarissima est, summum periculum portendit. Prosper Alpinus similis meminit post tres, quatuor horas lethalis (a). Secus tertia, quarta, septima die necat sopore profundo, vel convulsionibus, raro hanc transgreditur.

Symptomata valde quoque periculosa; sed diutius potissimum protrahitur.

A leviori angina absque bonis signis evanescente lethalis sæpe oritur phrenitis.

Viri gravius laborant & ægrius evadunt, quam feminae, testante Home (b).

Mala est permutatio perpetua symptomatum; cum magis magisque sensorium commune turbari & malum ad alias partes propagari notet.

Alvus subpressa, urina pallida & tenuis sinistrum præfagiunt morbi eventum:  
quia

---

(a) De medicin. ægyptior. pag. 50.

(b) Princip. Medic. pag. 103.



quia acria, quæ excerni deberent, in corpore manent.

Sed & alvi fluxus in initio morbi timendus est; cum, testante van Swieten (a), si in morborum acutorum initio per sudorem, alvi fluxum, vel aliam quamcunque evacuationem dissipentur liquidissima, semper magnus metus sit infausi eventus; cum particulæ crassissimæ sanguinis, interposito liquido tenuiori, a mutuo contactu & concretionem impediuntur.

Pessimus est vomitus æruginosus; dentium stridor; floccorum collectio; feces albæ; sudor frigidus; convulsio; sputatio frequens in adstantes. Mali quoque omnis sopor ex delirio sine crisi.

Bonum signum; si dolor aliarum partium superveniat.

Phrenitis & in lethargum, coma, catochen terminatur.

In puerperis, ex lochiis retentis nata, frequentissime in maniam & fatuitatem perpetuam abit, observante van Swieten.

O 4

Levant

---

(a) Commentar. in Hermazan. Boërhaav. aphorisma.  
Tom. I. pag. 655.

Levant varices, hæmorrhoides, hæmorrhagiæ narium & alvi fluxus post phænomena coctionis sequentes; quia materiam morbosam ab encephalo revellunt, ac evacuant.

Solvitur & phrenitis per metastasin; rarissime per sudorem.

Urina cum sedimento cocto crisis signum est.

Constat ex prioribus signa quandoque esse, quæ phrenitidem futuram præfagiunt. Convenit tunc: ut subito ea omnia in auxilium vocentur, quæ impetum humorum minuunt & a superioribus derivant. Ut venæ sectio; hirudinum ad tempora, & si hæmorrhoides tumeant, ad anum applicatio. Caput est radendum; oxycratum fronti applicandum; clysmata, pediluvia & epispastica (Nro. 13.) ad partes inferiores in usum vocanda.

Ubi a lochiis retentis phrenitidis futuræ metus est, infessus supra aquam calidam prodest.

Corpus moderato frigore reficiendum & erectum tenendum: ne tanto impetu sanguis ad superiora feratur. Observamus enim

enim hominibus horizontali situ in lecto decumbentibus, caput tumere, & tumorem brevi evanescere, dum corpus iterum erigitur. Videmus & in plurimis ægris valide delirantibus increfcere delirium decubitu supino & paululum minui erecto corpore.

Remedia conveniunt antiphlogistica, diluentia, lenioribus purgantibus mixta: ut decoctum tamarindorum cum succo citri & salibus mediis (Nro. I.)

Phrenitide nata similia fere requiruntur auxilia, quæ cito & valide agunt: ne in viscere hoc nobili aut suppuratio, aut gangræna lethalis oriatur. Hinc venæ sectio larga & per amplum vulnus instituenda requiritur.

Suadent multi Auctores, ut arteria temporalis aperiatur; cum facile ad suppositam calvariam comprimi possit. Sed bene monet van Swieten: quod arteriotomia non videatur a venæ sectione differre; nisi quod prior celerius agat.

Difficillime sæpius hæmorrhagia sistitur & per compressionem plus mali, quam per depletionem boni nasci potest.

Attendendum: ne furibundi ægri facias solvant & hæmorrhagia lethalis inde sequatur.

Abstinendum ab omni detractiōe sanguinis pulsu jam tremulo & undoso.

Epispastica acriora (Nro. 14.) in phrenitide ad plantas pedum conveniunt. Abstinendum a vesicantibus. Monet Illustris van Swieten: ne talia inferioribus partibus adplicentur, quæ motum humorum per totum corpus acriori stimulo incitari possint.

Vidi præcipue in valde sensibilibus pessimos effectus, dum abrasis capillis vesicantia capiti apponebantur.

Ipse Cel. Cullen, qui (a) opinatur exiguam tantharidum particulam, quæ reformatur ex vesicatorio, crasi sanguinis mutandæ nequaquam esse parem; ideoque nec prodesse lentorem phlogisticum resolvendo, neque nocere sanguinis dissolutionem a putrida diathesi inductam augendo, tamen pag. 189 monet, quod vesicantia in nephritide vix locum habere possint, sed magnam circum-

spe-

---

(a) Primæ Lineæ Medic. Prax. traduc. a Cl. Beerensbroek pag. 83.



spec̃tionem postulent, ne cantharidum notabilis absorptio fiat.

Conveniunt vero vesicantia & ad furas & ad nucham, ubi pulsus debilis, inæqualis, intermittens tangitur.

Medicamenta indicantur, ut superius monui, quæ sanguinem diluunt, adtenuant, humorum molem & motum, eorumque impetum ad partes superiores imminuunt. Hinc variæ formulæ ex tamarindis, cremore, tartari, sale mirabili Glauberi, &c. aceto, succo citri, manna, syrupis ex fructibus horæis paratis, addito multo nitro, formari possunt, ut quasi diarrhœa inducatur.

Pro potu limonada, vel decoctum (Nro. 6. 54.) hordei cum aceto, nitro, melle, aut cremore tartari convenit.

In symptomatica phrenitide ad genium & epidemiam morbi attendendum est. Sic Sydenhamus observavit: venæ sectionem in quadam epidemia nullum juvamen tulisse, sed clysmata & spiritum vitrioli; in alia vero purgantia juvisse.

Celeb. Pringle & Home levem camphoræ dosim cum nitro in phrenitide commendant. Mihi vero, ubi pulsus undosus,  
tre-

tremulus, inæqualis, subsultus tendinum & convulsiones adsunt; moschus ad tria, aut quatuor grana omni trihorio, aut quadrihorio exhibitus præplacet, quod & nervis amicus sit & sine stimulo permanente vasa permeet.

Ubi vero pulsus æqualis, fortis, plenus, ab omnibus stimulantibus abstinendum.

Boërhaavius in phrenitide, diluentibus ac evacuantibus non cedente, opiatorum usum suadet.

Commendat & eadem Illustr. van Swieten, ubi malum mitescit: delirium tamen adhuc & noxiæ adeo vigiliæ in hoc morbo manent. A lenioribus autem anodinis incipiendum & sensim, si priora non suffecerint, ad fortiora progrediendum esse monet.

Cavendum quam maxime ab opio ad somnum conciliandum in initio, aut vigore phrenitidis. Ab eo enim alvi evacuatio adeo proficua subprimitur & sanguis majori copia ad caput fertur; hinc deliria, inflammatio facile augebuntur. Inde & Celeb. Gorter opium inter causas delirii numerat.

Post

Post phrenitidem nonnunquam mania, melancholia, amaurosis, surditas remanet, a debilitate & vasis adhuc dilatatis, erroreque loci obstructis.

In similibus affectibus nocent evacuationes. Aër ruralis; frictiones; vesicantia ad nucham, pone aures; victus eupeptus commendanda.

Quandoque malum est immedicabile, dum materies obstruens cum canalibus jam concreta est.

Aër frigidiusculus, sæpius renovatus in phreniticis necessarius est. Hinc æstivo tempore adpersio frigida in pavimenta; suspensio linteorum muria salis ammoniaci madidorum, plurimum prodest; vel si virentis sambuci, rosarum, &c. rami aquæ immergantur.


Omnia insolita & ingrata ab ægris removenda. Hinc alii in luce, alii in tenebris, prout has vel illam minus horrent, collocandi sunt.

Pessimus mos est columbas vivas lace-  
rare & capiti adplicare. Cum noxium fo-  
veant calorem & dum cito putrescunt, ef-  
fluvia

fluvia earum putrida, bibulis vasis absorpta facile febrim incendunt.

Vidit Illustr. van Swieten ophthalmia laborantem, cujus nuchæ lienem recens matati vituli applicarunt & per viginti quatuor horas reliquerunt, totus lien tepore corporis & humiditate resolutus fuerat in solidissimam putrilaginem, & locus, cui appositus fuerat, validæ inflammationis signa habebat.

Qui ob itinera, aut labores radiis solaribus se exponere coguntur, suadente Tissot, pileolis albis utantur, aut chartam albam pileo adfigant: ut radii solares reflectantur.





---

## CAPUT XV.

DE

### ANGINA INFLAMMATORIA.

---

**A**ngina inflammatoria est impedimentum & dolor ab inflammatione partium deglutioni vel respirationi inservientium supra pulmones & stomachum positarum: ut asperæ arteriæ, laryngis, pharyngis, musculorum ossis hyoidis, veli penduli palatini, uvulæ & frequentissime tonsillarum.

Epidemica est & sporadica; idiopathica & sympathica. Ultima a podagra, erysipelate, morbillis, ac variolis retrocedentibus sæpe nascitur.

Juvenes, sanguinei, collum nimium constringentes & observante Sydenhamo, rursi frequentius angina laborant.

Crebrius quoque hic morbus mares, quam feminas vexat.

Impedita transpiratio; subitæ frigoris & caloris vicissitudines; aër per rimas angustas, aut portas oppositas frigidus, præsertim collo illapsus; equitatio adversus ventum frigidum; cantus, vociferatio, tubarum inflatio; alimenta, medicamenta & venena acria; evacuationum consuetarum subpressio; constitutio epidemica anginam inducere valent.

Nonnullis dispositio particularis ad hunc morbum est, ita: ut omni anno eodem adficiantur.

Noscitur angina inflammatoria ex pulsu celeri, duro, siti, dolore faucium, urina rubra; &c.

Pro diversitate partium adfectarum diversa observantur symptomata.

Si pharynx sit inflammata, respiratio est sat commoda; deglutitio dolens, impossibilis; deglutienda per nares redeunt. Posterior pharyngis pars, vertebris colli incumbens, aperto ore conspici potest.

In larynge inflammato vox est acutissima, stridula; dolor ingens inter deglutendum, cum tunc larynx elevetur.

In-

Inflammati asperæ arteriæ signa externa nulla præbet, cum ore aperto & depressa lingua extremum tantum epiglottidis adpareat, glottis vero nunquam in conspectum veniat. Vox est acuta, clangosa, sibilans; inspiratio acute dolens; respiratio parva, frequens, summe laboriosa; pulsus ob circulationem sanguinis per pulmones difficilem mire & cito vacillans.

Bene monet Illustr. van Swieten (a): quod licet quis in distinguendis laryngis & asperæ arteriæ inflammationibus hallucinaretur, non adeo multum inde metuendum foret; cum ambæ hæ funestissimæ sint & eandem curationem requirant.

Si soli muscoli, elevando ossi hyoidi inservientes inflammantur, plerumque tantum in uno latere affectus talis hæret. Inspectis faucibus nullus sæpe tumor adparet; cum muscoli illi profundius recondantur.

Distin-

---

(a) Tom. II, pag. 659.

Distinguitur hæc anginae species a præcedentibus : quod respiratio satis libera maneat, neque acuta adeo & clangosa vox sit.

Tonsillæ, uvula, velum pendulum depressa lingua facile in conspectum veniunt. Excreatio iis inflammatis est frequens, mucosa, viscida; respiratio incommoda, difficilis, per nares nulla vel parva; dolor in aurem per tubam Eustachianam protensus.

Quandoque plures harum partium simul adfectæ sunt.

Sollicite monet van Swieten : quod ubi musculi veli palatini & uvulæ &c. inflammati sunt, sæpe non videatur rubedo, dum partem inspicimus; quia obducitur materia alba. Hinc cavendum: ne forte gravis hæc inflammatoria pro pituitosa habeatur.

Occurrit sæpe tumor palati, dum dentes superioris maxillæ carioli, vel radicibus suis alveolos pertundentes, membranam palatum osseum investientem irritant & inflammant.



Parotides & reliquæ salivales glandulæ tumentes frequentem satis anginæ causam faciunt.

Prognosis est diversa ob vehementiam mali, locum adfectum, conditionem ægri & constitutionem epidemicam.

Si inflammatio satis levis, humores blandi &c. benigna resolutio speranda est.

Solvitur & critice per hæmorrhagiam, alvum, metastasin &c.

Ceterum, ut omnes inflammationes, in suppurationem, gangrænam & scirrhum abit.

Ex inflammatione pharyngis ob defectum alimentorum humores acriores fiunt, febris incenditur; sed major est morbi duratio ante illatam mortem.

Summum discrimen ex larynge inflammato adest: ne a tumore subito suffocetur æger. Periculum magis augetur, quo propinquius malum glottidi est.

Asperæ arteriæ inflammatio subito homines e medio tollit, quod Sydenhamus paucis nonnunquam horis fieri monet. Rariores tamen sunt funestissimæ hæ anginæ.

Inflammatiō linguæ , maxime circa ejus radicem , nonnunquam suffocationem minuitur.

Ab uvula , tonsilla &c. inflammatis , nisi forte pessime tractentur , vix lethalitas timenda est ; cum extrorsum adtollī possint tonsillæ & versus oris cavum prominulæ inveniantur. Hinc minus periculum est , ut vicina laryngis apertura ab his tumoribus obturetur.

Quo plures partes simul inflammatæ , eo majus periculum.

Nonnunquam resolutione , aut suppuratione in una tonsilla facta , altera inflammatur.

Pessimam prognosin faciunt in angina , dum , impedito reditu cruoris in jugulares externas , tumor ingens vultus , oculi prominentes , sensus hebetes & stertor observantur.

Funeatissima est angina , quæ nec in faucibus , nec in cervice quidquam conspicuum exhibet.

Lethalis quoque , quæ per epigenesin ex aliis morbis inflammatoriis , vel acuta oritur. Angina enim venæ sectionem & pur-

purgantia copiosa requirit, quæ æger, a prægressis morbis debilior ferre nequit.

Bonum contra signum est, si collum & pectus rubeant; quia notat bona metastasi materiam inflammatoriam ad exteriora transire.

Remedia requiruntur ea, quæ humorum motum & copiam minuunt, atque a superioribus derivant.

Hinc venæ sectio audax, larga requiritur, recrudescente malo subito repetenda. Præstat enim, monente iterum van Swieten: ut exhaustus sanguine langueat aliquamdiu æger, quam ut miserrime suffocetur.

Multi commendant sectionem venarum raninarum; sed monet Huxham (a): quod venæ sub lingua non satis sanguinis fundant in vehementi angina. Ideo e brachio prius debitam quantitatem sanguinis mittendam vult.

Et Illustr. van Swieten sectionem venarum raninarum dissuadet: cum iis apertis

P 3

augea-

---

(a) Oper. Physic. Medic. Tom. I. pag. 212.

augeatur sanguinis celeritas per arterias his venis respondentes, quæ externæ carotidis rami sunt. Hinc videtur augeri debere sanguinis motus per truncum carotidis externæ & omnes ejus ramos, maxime per illos, qui in venas apertas evacuantur. Cum ergo in gravissimis anginis minimum tumoris inflammatorii augmentum sæpe sit lethale, periculum subest, si non prius in locis remotioribus larga venæ sectio instituat.

Monet Expertissimus Brambilla (a): ut venæ raninæ secundum longitudinem incidantur; secus hæmorrhagia vix compescenda oriri potest.

Revellendi scopo pediluvia & ubi morbus ex hæmorrhoidibus vel menstruis suppressis, infessus super aquam calidam conveniunt.

Partes externæ, ut collum, cervix cataplasmatibus emollientibus (Nro. 43.) perpetuo involvendæ.

In

---

(a) Chirurgisch • praktische Abhandlung von der Phlegma, und ihren Ausgängen. Pag. 111.



In casu graviore leviter irritantia, ut semen sinapi, ad dictas partes in usum vocari possunt.

Pringle (a) externe oleum cum spiritu cornu cervi panno laneo adplicandum vult.

Ubi hæc levamen non ferunt, factis depletionibus, ad vesicantia brachiis, collo adponenda, recurrendum.

Commendat & Huxham cucurbitas cruentas ad cervicem.

Vapor infusi florum sambuci, addita modica aceti quantitate, ubi loca inflammata directe adluere valet, multum prodest.

Laudantur gargarismata ex syrupo mororum, decocto hordei cum melle rosaceo & sale prunellæ.

Præponit vero Pringle decoctum ex ficibus cum aqua & lacte addito pauco spiritu salis ammoniaci, per quem saliva attenuatur & glandulæ ad liberiores secretionem disponuntur. Timet enim, ne

P 4

emun-

---

(a) Observations on the diseases of the army. Pag. 142.

emunctoria a gargarismatibus cum acidis fa-  
ctis constringantur.

Ubi uvula inflammatorio, vel erysipe-  
latofo tumore tumet, collutio mollis an-  
tiphlogistica subadstringens convenit (Nro.  
55.).

Omnis gargarizatio levis esse debet:  
ne partes inflammatae ruditer agitentur.

Si continuum & copiosum tenacis pi-  
tuitae stillicidium impediat: ut ore clauso  
aegri hæc continere nequeant; vel ubi ma-  
lum profundius hæret: injectiones similium  
per parvum siphonem sæpius repetendæ  
sunt, ut partium inflammatarum exsiccatio  
& ariditas impediantur.

Secus ab injectionibus per syringam  
abstinendum: cum notante Celeberrimo  
Vogel (a) per ejusmodi stimulum inflam-  
matio exasperetur.

Dum imminuta febre per venæ sectio-  
nem & apta remedia angina non levatur,  
nec signa suppurationis adsunt: scarificatio  
amyg-

---

(a) De cognosc. & curand. præcipuis corpor. human.  
zdefect, pag. 240.

amygdalarum instituenda, ut defluente inde sanguine levetur æger.

In casibus desperatis, ubi collum externe tumet, incisio profunda in tumorem a quibusdam laudatur.

Si æger deglutire valet, antiphlogistica, alvum moventia, conveniunt: ut aqua laxativa Dispensatorii Viennensis, serum lactis tamarindinum addito pauco nitro.

Pro potu serum lactis, emulsa (Nro. 7.); vel ubi ingens fitis vexat, acida mineralia, admodum diluta conveniunt, præcipue, ubi lingua, uvula &c. inflammantur; nam larynx ejusmodi meraca acida minime perferre valet.

Abstinentum a fortioribus acidis, aut salinis remediis: ne partes adfectæ, aut magis constriuantur, aut irritentur.

Omnia potulenta tepide sumenda: ne a frigido potu inflammatio valida in gangrænam mutetur.

Non raro per materiam inflammatoriam, aut per pituitam fauces occupantem & eas irritantem vomendi conatus, nausea &c. oriuntur. Cavendum tunc ab emeticis; cum & hæc in angina gravi inflammatoria

vix locum habeant, etiamsi signa latentis in ventriculo saburræ adessent.

Clysmata in angina inflammatoria necessaria sunt: acriora vero (Nro. 28.) & sæpius repetenda, ubi æger nihil deglutire valet, partim, ut revulsio fiat, partim, ut corpus depleatur.

In graviore asperæ arteriæ & laryngis inflammatione ægri suffocantur, nisi bronchotome ferventur, a qua abstinendum, monente van Swieten, ubi pulsus mollis, debilis, intermittens, inæqualis est & extrema frigent: ne ab ignaris & malevolis mors huic operationi imputetur.

Vana est etiam, testante Huxhamo (a), hæc operatio pulmonibus quoque inflammatis: quod ex pectoris obpressione, summa anxietate, perpetua orthopnoëa & suffocante quasi tussicula patet.

Bronchotomia tantum instituenda tumore inflammatorio, vel circa laringem, vel in parte superiori asperæ arteriæ hærente: ut infra locum adfectum sectio fieri possit.

Cogno-

---

(a) Tom. I. pag. 209.



Cognoscimus sedem mali ex sensu ægri: & licet aliquod circa hanc rem dubium maneret; præstaret tamen, monente sæpius laudato van Swieten, in angina certo lethali anceps experiri remedium, quam nullum.

Æger in loco parum calidiori post operationem decumbat: ne aër mox in pulmones veniens frigore suo magis noceat, cum minus caleseat, ac si per & nares transiret.

Post bronchotomiam, dum secunda, aut tertia die ob vulnus iterum febris supervenit, gargarismata non conveniunt; quia per concussam asperæ arteriæ gargarizando augeretur partium harum inflammatio.

Ut æger, qui deglutire non valet, nutriatur, clysmata injicienda sunt ex illis, quæ vix indigent actione viscerum chylopoeticorum: ut ex lacte, vel jure carniū (Nro. 56.).

Ultimo paucum nitrum, vel aliquot guttulæ acidi mineralis addendæ ad putredinem præcavendam.

Per

Per similia enemata corpus diutius sustineri posse & experientia & ratio suadet; cum constet non tantum in intestinis tenuibus, sed etiam in crassis vasa reabsorbentia & lactea dispersa esse.

Enemata quinque, aut sex uncias excedere non debent: ut ægri ea diutius retinere valeant.

Prius intestina crassa clysmate purgante eluenda sunt in eundem scopum.

Si angina nec benigna resolutione, nec critica evacuatione, aut metastasi solvatur; nec inflammatio adeo vehemens sit, ut gangræna sequatur: malum in suppurationem abit.

Noscitur id ex præcedentibus: manet febris cum sensu pulsationis; pulsus fit mollior; rubedo minuitur; dolor est obscurior; tumor mollior cum puncto ut plurimum albo dein adparente.

Dum indicia suppurationis adsunt: vaporibus, collutoriis, cataplasmatibus emollientissimis (Nro. 43.) strenue pergendum ad suppurationem promovendam & abscessum disponendum, ut antrorsum rumpatur; nam hujus retrorsum versus fauces ruptura  
peri-

periculum facit, ne pus in glottidem labatur cum suffocationis discrimine.

Si abscessus sponte, quod sæpe fit, non rumpatur, pharyngotomo aperiendus est.

Tempus incertum est. Raro perfecta maturatio nonam diem excurrit; nonnunquam vero quinta, sexta die & citius, ob suffocationis metum, aperiendus.

Rumpitur ut plurimum in os internum: nonnunquam, sed rarius, ut in tonsillis suppuratis, extrorsum in collo sic protuberat, ut ibi pertundi possit.

Quandoque abscessus non in parte validissime inflammata, sed in loco latente formatur: quod ex inquietudine; dolore faucium; horriplationibus, caloribus vagis; pulsu molliori, nonnunquam inæquali; sapore & odore ingrato noscitur.

Cogimur quandoque in angina suppuratoria, monente Illustr. van Swieten, instituere venæ sectionem, licet signa doceant abscessum jam formari; ne a tumore adfectarum partium tempore maturationis aucto, partes vicinas comprimendo, nova fiat inflammatio. Hinc corpus exhaustire

cogimur: ut omnia vasa inanita collabantur & sic suffocatio impediatur.

Si suppuratio fiat, & ob magnum tumorem metus suffocationis sit, bronchotomia quoque instituenda.

Abscessu aperto, continuanda adhuc gargarismata, foci emollientes: ut constanti suppuratione totum, quod resolvi non potest, consumatur.

Ad finem, ubi deglutitio & respiratio libera, febris abest, gargarismata (Nro. 57.) ex foliis rosarum rubrarum &c. conveniunt.

Nonnunquam pessima metastasis ad pectus fit.

Illustris van Swieten notat: quod nullus forte morbus inflammatorius ita volubilis sit, ac angina inflammatoria; dum subito evanescente dolore faucium stertor in pectore oritur, comitante quandoque dolore punctorio lateris respirationem impediante, quandoque absente omni dolore. Plurimi perierunt ex illis, quos tractavit, tertio, quarto, vel quinto die: licet adhibitis subito efficacissimis remediis. Pauci evaserunt & nonnisi cum multa molestia.

Pectus-



Pectori & collo talia adplicanda sunt, quæ sive irritando acribus stimulis, sive minuendo atmosphæræ pressionem, impetum & copiam humorum versus exteriora derivant.

In talibus metastasibus mihi rarissime occurrentibus emplastro vesicatorio parti æquali emplastri meliloti juncto universum fere pectus involvebam, decoctum (Nro. 58.) ex radice graminis, altææ, floribus sambuci cum oxymelle scillitico & simplici edulcoratum largiter exhibebam.

Stertore præsentem levem kermes mineralis dosin (Nro. 23.) sæpius repetitam & pulsu parvo non duro paucum camphoræ (Nro. 18.) propinabam.

Ubi in angina inflammatoria dolor maximus, febris acutissima, neque inter duos, aut tres dies, signa resolutionis, aut metastasis adparent, deglutitio vero & respiratio facilior fit, cum facie cadaverosa; frigore partium extremarum; pulsu parvo, debili, inæquali; fœtore ingente oris, gangræna vix medelam capiens sequitur.

Mani-

Manibus accessu dato partes adfectæ scarificandæ. Gargarizatio ex ruta, scordio, cum melle rosarum (Nro. 59.) & pauco spiritu salis; clysmata ex cortice peruviano (Nro. 50.) conveniunt.

Qui sæpius angina laborant, caveant a frigido aëre: collum, maxime noctu, tegant; ea, quæ humorum motum augent & ad fauces determinant, evitent, ut spirituosâ, vociferationem, cantum, &c.

Prophylactice hisce profunt gangarismata frigidiuscula ex salvia, foliis rosarum rubrarum cum pauco liquore anodyno minerali (Nro. 60.).



---

## ANGINA SCIRRHOSA.

---

**G**landulæ partes respirationis & deglutitionis obsidentes, tumidæ, duræ & indolentes scirrhosam anginam faciunt.

In malo recente frictiones, aceti vapor & emplastra laudantur.

His non proficientibus Boerhaavius commendat eorum exstirpationem, aut corrosionem cum prudentia factam.

Van Swieten exstirpationem cultro perficiendam vult; cum rodentia & cauteria, nisi simul & semel destruere possint totum scirrhum, periculosa sint.

Ubi exstirpatio fieri nequit, cauteria tumoribus adplicata fuerunt magno quidem cum discrimine, non tamen semper funesto cum successu.

Mitiora tentanda: ut oleum tartari per deliquium; spiritus salis marini dilutus, cum hic putredini efficacissime resistat & adeo facile irritabilis ipsius canceri malignitas spiritum salis marini dilutum ferre videatur,

Hæc rodentia penicillo ex linteo carpto excepta per cannulam cavam ad locum adfectum deducuntur: ne vicinæ partes lædantur.

Hoc facto mollissimis decoctis continuo ore detentis escharæ molliendæ, illisque deciduis rodentia denuo adplicanda. Sic alternatim pergendum, donec tollatur penitus tumor scirrhusus.

Post singulas rodentium adplicationes attente lustrandus locus, an in cancerum degenerare incipiat: tunc enim ab iis abstinendum esse prudentia suadet.

Raro sectio sola sufficit; sed requiritur post eandem inustio cauterio, ut Ruy-schius se experientia didicisse testatur.

Incurabilis angina est: ubi œsophagus aut in propria substantia scirrhusus factus, vel a tumoribus scirrhusis vicinis sensim angustatur & dein integre clauditur.

Prima hujus morbi signa sunt: quod solidi cibi cum difficultate quadam deglutiantur; ægri leve quoddam obstaculum sentiant in œsophago; deglutita paulisper morrentur, antequam in stomachum delabantur. Malo provectio nil deglutire valent;  
de-



deglutienda quandoque in œsophago ante obstaculum dilatato hærent, & cum mucos oris, faucium, evomuntur.

Credit Illustr. van Swieten malum hoc a spirituum fermentatorum ingurgitatione, a fervidorum potuum forbillatione oriri posse, dum liquida coagulantur, & solida corrugantur. Addit tamen: frequenter hunc morbum observatum fuisse, licet accurato examine nihil potuerit detegi, cui ejus origo tribui cum quadam verosimilitudine posset.

Varia idem Illustris Auctor adhibuit remedia, sed incassum: ut saponēs penetrabilissimos; emollientia; hydragoga fortissima; inunctiones mercuriales, emplastra ex gummi ferulaceis una cum mercurio, imo ipsam salivationem.

Tentari potest extractum cicutæ, gargarismata ex infuso ejusdem, ubi partem adfectam adluere valent. Vidi enim & viderunt mecum alii, usu hujus remedii, quod a veteribus jam solvendi scopo externe applicabatur, tumores scirrhosos fusos & sanatos.

In initio mali utiles forte forent hæ  
pilulæ :

R. Gumm. ammoniac. unc. β.

extract. cicut. dr. jβ.

kerm. mineral. gr. x.


M. exactissime & f. l. a. pil. gr. iij.

sumat ter de die quinque superbi-  
bendo vasculum infusi cicutæ.

Corpus nonnunquam terra foliata tar-  
tari & similibus purgandum ; sed

Interdum docta plus valet arte malum.

Sunt & aliæ anginæ species, quæ li-  
cet ad inflammatorias non pertineant : ta-  
men hoc loco pauca de iis notabo.



---

## ANGINA PARALYTODEA.

---

**E**lapso anno civem habui, cui post vertiginem prægressam mansit oculus sinister turbidus admodum, palpebra ejusdem lateris difficiliter elevatur & æger quamdam in deglutiendo difficultatem sensit. Nihil in faucibus conspiciebatur. Metuebam subito paralysem œsophagi. Infausta prognosis brevi confirmabatur; dum deglutitio post binas a principio morbi horas aboliebatur.

Omnia & a me & ab aliis præstantissimis Medicis in consilium vocatis, frustra exhibebantur: & ægre febre & deliriis levioribus accedentibus, miserrime periit.

In simili angina suasit olim Willisus: ut virgula e pinna cetacea parata, in summitate spongiam adfixam habens œsophago immitteretur statim post cibum & potum adsumptum, ut via fiat, qua in ventriculum descendere possent. Hac methodo

ægrum per sexdecim annos sic pabulum quotidie fumentem conservavit adhuc viventem, dum hæc scriberet.

Post febres continuas & intermittentes longiores, evacuationibus justo copiosioribus institutis, angina nascitur cum pallore, siccitate & tenuitate faucium, facie hippocratica, nervos & musculos resolutos notans, hinc mortem præfagiens.

Replentia, corroborantia indicantur; sed raro proficua, dum ægri vix quidquam deglutire valent.

Injici possunt clysmata nutrientia, roborantia, interpositis nonnunquam enematibus ex decocto corticis peruviani.

℞. Cortic. peruvian. unc. jβ.

coq. per  $\frac{1}{2}$  horam in iij. juris  
carnium.

Nitr. pur. scrup. j.

Injiciantur ano omni bihor. unc. jv.

In angina paralytodea a nimia venere nuce[m] indicam & nuce[s] juglandes conditas cum syrupo cinnamomi utiliter quandoque adhi-



adhibuit amicus olim optimus Josephus Baader, anterioris Austriæ Protomedicus & Facultatis Medicæ Friburgensis Director.

---

## ANGINA PUTRIDA.

---

**O**ccurrebat mihi, licet rarius, angina putrida, qualem Huxhamus describit.

Similis Viennam olim devastasse videtur, & licet ab hac dira lue nos immunes clementia supremi Numinis futuros sperem; describam tamen eandem brevissime: ut si forte occurreret, subito justa ejus haberetur idea. Pessimæ enim illæ febres putridæ, quæ grassabantur anno 772 & 773, non raro deglutitione difficili adgrediebantur, anginam mentiebantur, quæ vomitoriis neglectis, venæ sectionibus largioribus ab imperitis tractata, plurimos e medio tollebat.

Anginam putrido malignam, cujus accuratam ideam indefessus morborum epide-

micorum observator Huxhamus nobis exhibet, præcedebat æstas humida, frigida, sæpius procellosa: & licet Junio, Julio, Augusto fervidi admodum observarentur dies; atmosphæra tamen gravis & humida erat.

His mensibus nullæ grassabantur epidemiæ: dein morbus sequebatur dirissimus, qui incipiebat cum rigore; immobilitate colli; horrore & æstu alternantibus; dolore capitis; plerumque cum faucium rautate & ægritudine; ingenti præcordiorum obpressione; vomitu frequenti; alvi dejectionibus; pulsu quandoque celeri, parvo & tremulo, quandoque tardo & repente; urina pallida, tenui & cruda, nonnunquam profunde tincta, turbida fero simili.

Morbus, qui interdum levis adparebat, noctu admodum increfcebat; tonsillæ, parotides & glandulæ maxillares inflammatae intumescebant, fauces floridissime rubentes maculis albidis, cinereis, hinc illinc dispersis obsidebantur; crusta ulcerum nonnunquam satis valide partes exedebat.

Cutis calida, sicca & aspera; rarissima in sudorem proclivitas.

Ulcerum crustæ colorem induebant obscuriorem & partes vicinæ in lividum vergebant, respiratio reddebatur difficilior. Accedebat stertor, vox rauca, similis illi, quæ a venereis ulceribus in faucibus oritur. Ægri circa quartum, aut quintum diem magnam copiam purulenti muçi, nonnunquam sanguine tincti, quandoque materiam prorsus lividam exscreabant. Nonnullis ex naribus valde inflammatis & excoriatis continuo destillabat materia saniosa omnia corrodens. Hujus ex ore & naribus effluxus subitanea subpressio plures jugulabat infantes.

A materia hac deglutita anus, nares, intestina excoriabantur; vehementia tormina & diarrhœa sequebantur: ab ipsa hac acri materia trachea corrodebatur & membranæ ejus internæ frusta, cum plurimo sanguine & corrupta materia exspuebantur: & ægroti per insigne tempus languescentes, tabidi; aut a materia illa, subito ad pulmones delata, peripneumonicis similes moriebantur. Eruptiones cutaneæ insignes ad-

parebant coloris coccinei: sæpius pustulæ valde eminebant; sæpius parvæ erant, melius tactu, quam visu percipiendæ. Quibusdam ab eruptione anxietas, vomitus &c. minuebantur, maxime, ubi cita & mitis eruptio, & ubi copiosior cutis desquammatio. Ubi vero exanthemata obscurum, aut lividum colorem induebant, aut subito recedebant; urina limpida reddebatur; convulsiones, œdematosus corporis tumor; inflatio colli cum facie cadaverosa; singultus accedebant: mors præ foribus erat. Summus morbi gradus quinto, aut sexto die, tardior adultioribus; crisis vix ante undecimum, aut duodecimum diem & tunc satis imperfecta.

Adultiores nonnulli secunda, aut tertia die moriebantur phrenitici, comatosi, peripneumonici, materia ad encephalon, vel pulmones delata. Nonnulli a tussi laboriosa hæmoptoici, hectici, per varias hebdomadas languescentes, moriebantur.

Moderatus sudor tertia, aut quarta die accidens; mutatio pulsus in firmum & æqualem; crustæ faucium mitiori ratione secedentes, fundo earum florido & puro adparente; respiratio lentior & liberior; oculis



lis restitutus vigor, faustam formabant prognosin & morbus sudore continuato, urina turbida, subsidente, farinosa judicabatur cum expectoratione copiosa & larga cutis desquamatione.

Testante Huxhamo in angina maligna venæ sectio non juvat: imo, ubi pulsus plenus quidem, sed repens, tardus & inæqualis, magna spirituum & virium prostratio, perpetua anxietas, præcordiorum oppressio; torvi, languentes & quasi lachrymantes oculi, morbum lethalem facit.

Plethoricis tamen, & ubi summa difficultas spirandi erat, in morbi principio parva profuit venæ sectio; nocebat largior, maxime, ubi cruor non cohærebat.

Licet sanguis primo emissus tenui, albidus, aut plumbei coloris satis tenaci cute tegebatur; reliquus tamen sub hac cruor viridescens & molle quasi gelatinæ genus constituebat cum crasso, nigro crassamento vix ullo modo cohærente.

Hinc patet: quam graviter errent illi, qui ob solam adparentem in sanguine crustam venæ sectionem, aut largiorem instituunt, aut eam repetunt.

In

In febre epidemica putrida, duobus annis pessime in Austria grassante, nonnulli ob ingentes capitis dolores pulsu nec pleniore nec fortiori phlebotomiam imperabant; sed inde nullum levamen secutum fuit: imo sanguine plus justo educto, subsultus tendinum, deliria & convulsiones brevi accedebant.

Curam incipiebat Huxhamus, ubi alvus adstricta, clysinata cum lacte, saccharo & sale.

Ubi dejectiones crebriores, pauca grana rhabarbari tostii cum speciebus e scordio, decocto albo: & si diarrhoea erat profusior, decoctum Fracastorii Fulleri, ad cochlear unum, aut alterum exhibitum, laudat Huxhamus.

Vomitibus &c. præcipue in adultis lenemeticum poscebat: inde faucium dolor minuebatur.

Infantibus cum oxymelle scillitico, essentia antimonii &c. emesin excitavit: alias magna tenacis mucii copia illos prorsus suffocabat.

Mox mixturam ex sale absinthii, sale volatili cornu cervi cum succo limoniorum,  
aqua

aqua alexiteria simplici præscripsit, miscebat pulverem contrajervæ cum parva myrrhæ & croci quantitate. Ubi febris insigniter increfcebat, aliquot nitri grana & adultis unum aut alterum granum camphoræ addebat, si ferebant.

Secundo, aut tertio die præter priora tincturam corticis suam alexipharmacam propinabat, quam substantiæ præponit; cum magis exanthematum eruptionem promoveat, & multo minus sudoris exortum impediat: qui ubi moderatus & æqualiter diffusus tertio, quarto, quinto die, vel & tardius accedens criticus erat, quod urina antea tenuis, limpida, jam in concoctam cum largo sedimento argillaceo vel pallide lateritio mutata, notabat.

Promovebat hunc sudorem decocto hordei, avenæ &c. sudor in ipsis & infantibus valde olebat & foetidus erat.

Adultis vitrioli elixirium, aut tincturam corticis peruviani exhibuit, quod gratum antiputredinosum & alexipharmacum est, constans infuso ex malis aurantiis Hispaniensibus tostis, vino rubro clarificato & aqua parato.

Garga-

Gargarismata crebra ex decocto ficum, florum rosarum rubrarum utilia erant.

Myrrham, mel in vino austero; mucilaginem seminum cydoniorum cum syrupo rubi idæi, paucum tincturæ myrrhæ per se & spiritum vitrioli interdum cochleatim sumebant ægri, imprimis post gargarisma adplicatum.

Magnum & promptum levamen ferebat vapor ex floribus rosarum rubrarum, camomillæ, myrrha & camphora aceto coctis, spiritu adtractis.

Tumoribus colli, paroditum, cataplasmata acria & vesicatoria adplicabantur; abdomini tumido & tenso, ubi urina subprimebatur, fomenta ex emollientibus & carminativis, in lacte & aqua coctis, cum sale & saccharo adhibebat: alvum adstrictam rhabarbaro, vel eluctuario lenitivo purgabat; signis coctionis prægressis corticem in substantia propinavit; abstinuit vero, ubi abdomen valde tumidum, constipatum erat. Præfert decoctum corticis, quod multo minorem pectoris obpressionem faciat.

Licet



Licet in initio morbi non convenissent purgantia, ad finem tamen lenia cathartica necessaria erant: ut putrida colluvies ex intestinis evacuetur, ex qua febris protrahitur, appetitus prostermitur, abdomen tumidum fit & insignes glandularum obstructiones sequuntur.

Ante mortem hæmorrhagiæ, foetor cadaverosus & totum corpus livore cadaveroso insigniter intumuit. Credit Huxhamus (a): hoc a majori dependere aëris copia in sanguine ab intestino motu, calore & putredine exorta.

Notat & Tissot anginam epidemicam plus de putrido, quam inflammatorio participantem, in qua vomitoria laudat & venæ sectiones damnat, nisi inflammatorii quid junctum sit.

Gravida in sextum mensem intolerabili capitis dolore corripiebatur cum levi deglutionis impedimento, pulsus erat celer, respiratio anxiosa, sitis magna, appetitus prostratus, alvus adstricta, urina straminea,  
facies

---

(a) Tem. III. pag. 122.

facies coloris lateritii, fauces inspectæ solito plus rubebant. Apponebantur sinapismi, sanguis ad novem uncias detrahebatur, qui nec inflammatorius, nec dissolutus erat; mixtura ex sale mirabili Glauberi, syrupo ribesiorum alvum fœtentem, sed sine levamine movebat. Brevi symptomata omnia incresebant, fauces profunde rubræ maculas albescentes exhibuerunt, quæ brevi gangrænosæ fiebant; accedebat strepitus inter loquendum & tussiendo, fitis ingens; ut spatio decem horarum quadraginta libras potulentorum hauriret. Quandoque delirabat ægra, quandoque comatosa decubuit; demum tussiendo magnas portiones membranaceas carnis emortuæ escharis similes, materia puri analogâ obductas eduxit; ad vesperras augebantur omnia symptomata, calor ad tactum urens, anxietas summa, animi deliquia, strangulationis sensus circa laryngem, pulsus debilis, celerrimus, miro modo vacillans & respirationis difficultas mortem omni momento minabantur.

Ob irritabilitatem ægræ, calorem ingentem vesicantia non apponebantur, quæ in simili morbo merito improbat Wintringham,

ham, nec ferre poterat decumbens gargarismata, aut collutoria antiseptica, quæ suasi. In hoc ancipiti statu intra nichtemerum tres uncias cum dimidia corticis peruviani in decocto per plures dies sumpsit; præterea hausit largiter spiritum vitrioli cum syrupo althææ aqua dilutum; in maxima debilitate aqua melissæ cum spiritu cornu cervi succinato propinabatur. His effectum est, ut symptomata successive minuerentur; continuavit tamen longo tempore febricula lenta, quæ demum diuturno corticis usui cessit & ægra justo tempore sanam enixa est prolem, quæ cum matre hodiedum integra gaudet sanitate.

Confirmantur his ea, quæ in capitibus de febribus notavi (a).

Nempe occurrere febres putridas cum diathesi phlogistica: in his venæ sectionem parciorem tamen, ac in febre inflammatoria convenire; sanguinis missionem vero nocere in putrida sine statu inflammatorio.

Patet

---

(a) Tom. III. [pag. 53..

Patet & ex his summa vomitoriorum necessitas, ubi putridum in ventriculo hæret.

Monui quoque extractum aut decoctum corticis non raro præferendum esse substantiæ ejusdem.

Confirmatur quoque exanthemata nonnunquam critica esse: dum cessantibus, vel saltem plurimum imminutis symptomatibus fiunt: hinc & stimulantibus, ut camphoræ, serpentariæ quandoque locum esse.

Damnat quidem Huxhamus salium volatilium alcalinorum usum & credit inde oleum camino addi. Observavi tamen summam eorum utilitatem; ubi pulsus tremulus, inæqualis, intermittens & mollis erat.

Spiritus cornu cervi efficaciam in febre - putrido maligna jam longe ante Anglos Medici nostri in Styria observarunt (a).

## ANGINA.

---

(2) Ephemerid. natur. curiosor. Ann. I. Decur. III.  
Anno 1694.



---

## ANGINA AQUOSA.

---

**A**ngina aquosa vel œdematosa est: dum a tumore albo, aquoso, frigido, absque inflammationis comitantis signis deglutitio, vel respiratio impeditur.

Leucophlegmatici, pallidi, debiles hac anginae specie corripuntur. Uvula tunc plerumque elongata pellucida fere & non raro tonsillæ aggesto humore aquosourgent.

Dolor magnus non observatur, nisi forte a distractione partium per hos tumores facta.

Agitur enim hic tantum de lymphaticis tumoribus, qui in cavis naturalibus faucium ab aggestionc & accumulatione liquidi dilatatis hærent.

Tales in tunica cellulosa musculos horumque fibras investiente, atque in folliculis secretoriis fieri possunt.

Omnia; quæ exitum lymphæ liberum impediunt, anginam hanc inducere valent, ut compressio venarum ab atheromate, steatomate & similibus tumoribus.

Obstructio nata in ipso folliculo glandulæ per pituitam, calculum, gypseam materiem; frigus subito admissum anginam similem generare potest, dum meatibus excretoriis a frigore constrictis per vasa adferentia tutius recondita liquidum adducitur.

Sed & sola nimis debilis humorum circumactio, ut in chloroticis anginæ hujus causa est.

Minus discrimen ab aquosa, quam ab inflammatoria angina. Prognosis tamen differt ratione causæ & loci adfecti.

Facilior enim cura, ubi a pituita obstructa emissaria sunt, quam a calculo: & majus periculum, si tales tumores circa laryngem hæreant, quam si pharyngem, aut tonsillas occupent.

Cura varia est. Cavendum: ne uvula inflammata pro relaxata habeatur & alumine aut vitriolo tangatur.

Nimum

Nimium elongata linguæ incubens polline piperis inspergi potest, aut adstringentia gargarismata adhibenda sunt. His nihil proficientibus amputanda est, & hæmorrhagia si fiat stiptico mediante spatula admoto sistenda.

Popularis enim cura per suspensionem corporis, elevato capite ægri, non abs periculo est, notante Clarissimo Zacharia Vogel (a).

Ubi suffocationis metus, causticis, aut melius scalpello humoribus aquosis congestis via concilianda.

Antea autem talia tentanda, quæ aquosam colluviem de corpore dissipant: ut calor lecti, medicamenta aromatica, sudorifera (Nro. 61.) ex saffrafras, lignis fantalis, aristolochia &c.; diuretica ex junipero, millepedibus, scilla (Nro. 62.); fortiora purgantia (Nro. 63.) ex jalappa, scammonio, ut corpus subito depleatur, sic bibulæ venæ cito sæpe resorbent effu-

R 3

sam

---

(a) Beobachtungen XXXI. pag. 213.

• fam in cavis lympham depletis vasis majoribus.

Commendantur quoque ea, quæ a locis adfectis lympham derivant: talia sunt vesicantia collo, nuchæ, pone aures applicata; apophlegmatizonta ex mastiche, cera, radice pyretri, pipere, zingibere (Nro. 64.).

Iis, qui sæpius angina tali laborarunt, proderit fumus tabaci & aqua vitæ ore voluta.

Cavendum dein victu exsiccante, calefaciente, motu corporis: ne malum jam fugatum redeat.

Ubi debilior humorum circumactio anginam aquosam facit, ea conveniunt, quæ circulum eorum augment, magis tamen prophylactice, quam ad curam morbi præsentis & simul talia, quæ viscidum incidunt & adtenuant: ut pilulæ ex gummi ammoniaco, extracto martis, extracto enulæ (Nro. 65.). Quibus vinosæ arrident, vinum medicatum ex cortice peruviano, limatura martis &c. propinandum (Nro. 37.).

Motus, frictiones commendandæ.

Otium, aquosæ, pinguiæ, legumina, farinosæ evitanda.



---

## CAPUT XVI.

DE

### PLEURITIDE.

---

**D**olor punctorius ad inspirationum augmentus calore, tussi, pulsu duro & celeri stipatus pleuritis dicitur: licet non raro pulsus parvus & mollis tangatur, dum ob acerbitatem doloris in morbo vehementiori vix inspirare audent ægri.

Horror & lassitudo quandoque per unum aut alterum diem pleuritidem præcedunt.

Vix æstate occurrit, frequentius hyeme, frequentissime vere.

Crebrior est adultis, rarior senibus, rarissima infantibus.

Subiectis densis, gracilibus, sanguineis, exercitatis familiarior.

Testante Trillero rarius feminæ inde corripiuntur, sed pejus adficiuntur, ac viri.

R 4

Pleuri-

Pleuritis vernalis sæpius epidemica est, in regionibus montanis, frigidis, aquiloni magis expositis endemica.

Dividitur in idiopathicam, quæ mox thoracem adgreditur & sympathicam, quæ ex aliis morbis, ut arthritide &c. oritur.

Distinguitur in humidam, quæ cum sputis, & siccam, quæ absque iis occurrit.

Alia pleuram, huicque adnexam cellulosam telam potius occupat; alia partes integumentis viciniores, v. g. musculos intercostales & tunicam adiposam magis adficit: illam internam veram, hanc externam spuriam vocant.

In hac ultima symptomata mitiora sunt; & pulsus minus durus, ac tensus deprehenditur; dolor quoque ab adtactu & decubitu in locum adfectum augetur; & non raro in parte dolente tumor cum rubore conspicitur.

De fede mali disputant auctores.

Multi viri celeberrimi pleuram indolentem credunt: hinc morbum, quem pleuritidem nominamus, non in ea, sed in pulmonibus locum habere existimant.

Idem

Idem jam elapso sæculo 1646. Joannes Manelphus in decertatione de parte adfecta pleuritidis docuit.

Verosimilis est sententia: quod pleuritis oriatur quandoque a pleura, tunica pinguedinosa ipsi contigua & musculis incumbentibus; sæpe a sola externa pulmonum superficie; sæpius ab omnibus his simul inflammatis.

Nam sectiones cadaverum nunc solam pleuram inflammata, suppurata & sphacelo corrupta; nunc solos musculos intercostales; nunc has partes omnes simul inflammatas exhibuerunt (a).

Ipse Celeberrimus Morgagnius, qui pleuram inflammata sine dolore, aut sine dolore pungente esse docet, casum juvenis refert, qui in vita pectoris dolore laborans post mortem levem inflammationem pleuræ exhibuit.

Illustris Hallerus animadvertit (b), quod pulmones nec multos, nec magnos nervos

R 5

ha-

---

(a) Monro Account of the diseases in the British  
militari hospitals. p. 123.

(b) Phiscol. maj. Tom. III. p. 170.

habeant: quod in vivis animalibus in frustra discerpi possint, absque quod se multum moveant: & quod magnæ suppurationes pulmonum sine febre & doloribus observatæ fuerint.

Neque nimis sollicitum de loco esse oportet, cum cura eadem sit & ii, qui sedem pleuritidis in pulmone statuunt, dolorem vehementem non ab interna eorum substantia, sed ab extima membrana inflammata, quæ continuatio pleuræ est, derivent.

Certe sæpe & pulmo & pleura simul inflammantur, atque tunc morbus pleuro-peripneumonia audit.

Notavit Huxham (a): quod longe frequentius, quam vulgo putatur, invadant una, aut invalescenti pleuritidi peripneumonia quoque accedat.

Causæ pleuritidis sunt ea omnia, quæ inflammationem producere & ad has partes determinare valent: ut vasa rigida, humores densi; ær frigidus æstuanti corpori admissus, transpiratio impedita; spirituosorum

---

(a) Tom. I. pag. 89.



rum abusus; hæmorrhagiæ subpressæ; potus glaciatus, cum sanguis inde densetur & œsophagus in suo decursu truncis intercostalium arteriarum quarumdam satis propinquus sit.

Nonnulli, qui aliquoties pleuritide laborarunt, ob leviores etiam causas crebro iterum hoc morbo corripuntur. In similibus cadaveribus vasa intercostalia angustiora fuerunt, quandoque vena azygos mox sub aorta sita erat; hinc forte ab hac nimis comprimebatur.

Diagnosıs morbi, ut monui, habetur ex dolore punctorio in inspiratione aucto cum tussi, pulsu duro & celeri.

Dolor ut plurimum latera occupat, nonnunquam ad dorsum & scapulas pertingit.

Baglivius pleuritidum occultarum meminit, quas sequenti methodo magno ægroantium commodo detexit.

Iussit eos in dextrum vel sinistrum latus decumbere, decumbentibus imperabat, ut fortiter inspirent & tussiant, tuncque petebat ab illis, an dolorem, aut gravedinem persentiant: quod si adfirmarent, res manifesta erat.

Notan-

Notandum, quod obesis mollior & senibus durior pulsus sit.

Neceffe quoque, ut arteria utriusque manus exploretur. Sic Celeberrimus Zimmermannus minuti spatio in parte dextra quinquaginta quinque, in sinistra nonaginta duos ictus observavit. Pulsus lateris dextri admodum debilis, sinistri fortis erat (a).

Observavit Celeberrimus Pringle (b): quod in hysterisis & hypochondriacis ab extensione intestini coli per flatum aut excrementa dolor oriatur potissimum a pectore dorsum, vel ab una alteram petens partem, respirationem impediens, cum tussi crebra & parva. Absit tamen crusta lardacea & pulsus durities.

Commendat similibus laxantia carminativa, fomenta & vesicantia. Pessime vero venæ sectionem administrari monet.

Prognosis est diversa ratione subjecti, sexus, ætatis symptomatum.

Quo

---

(a) Von der Erfahr. in der Arzneykunst 1. Thl. p. 357.

(b) Pag. 191.

Quo plura loca inflammantur, eo periculosior morbus.

Pleuritis in principio mitis, dein valde fortis, ut plurimum lethalis.

Pleuritis recidiva vix curanda.

Ex abusu vini & spirituum fermentatorum nata sæpe jam tertio aut quarto die lethalis observata fuit.

Corpora densa & exercitata citius percutunt, quam mediocria teste Hippocrate.

In gravidis majus discrimen; tum quia ægrius venæ sectionem ferunt, tum quia iis diaphragma minus descendit, hinc petus magis dilatare debent. Non tamen absolute lethalis est, ut Hippocrates pronuntiavit.

Trillerus observavit sinistri lateris pleuritidem rariorem esse, sed diuturniorem & graviorem.

Sudor copiosus in pleuritide ante remissionem doloris periculosissimus.

Difficilius ut plurimum sanatur sicca, ac humida.

Pleuritis ut reliqui morbi graves aut in sanitatem, aut in morbum alium, aut in mortem abit.

Si

Si humores blandi, inflammatio non admodum magna, morbus recens: benigna resolutione solvitur.

Evacuationes criticæ per sputa, alvum hæmorrhagiam narium fiunt. Urina cum sedimento potius crisin comitatur.

Oportet, ut hæmorrhagia narium intra primum & quintum diem accidat. Senior, licet utilis sit, morbum protrahit.

Hæmorrhoides vix criticæ sunt, nisi ab iis subpressis pleuritis oriatur.

Dolor humeri, scapulæ, cum levamine manifesto doloris pleuritici morbum critique solvi notat. Certe nullum & gravissime decumbentem, cui id accidit, obiisse vidi.

Miliaria moderato regimine prodeuntia morbum quidem levant, crisin vero, ut Allonius voluit, non absolvunt, nisi in pleuritide catarrhosa.

Si inflammatio non admodum valida, ut gangræna sequatur; vehementior tamen, ut aut benigna resolutione, aut critica evacuatione tollatur: in suppurationem abit, cujus signa & diversi exitus in sequentibus dicentur.

Mor-



Morte terminatur pleuritis, dum aut ægri suffocantur, cum ob doloris acerbitatem vix respirent; vel gangræna supervenit, quæ metuenda, ubi dolor subito cessat, spirandi tamen difficultas & pectoris obpressio adhuc continuat, vel incrementum.

Nonnunquam vehemens gangræna inducitur, dum plebs flatus causam morbi supponens spirituosam exhibet.

Pulsus debilissimus; respiratio frigida; extremorum Algor, lethalia sunt. Hippocrates notavit; quod pleuritici pereant, quibus strepitus multus in pectore est, facies tristes, oculi icteritii, ac caliginosi.

Cura a venæ sectione larga ex vulnere amplo inchoanda; cum observata doceant, phlebotomiam unicam ad uncias quatuordecim, vel sexdecim institutam plus efficere, quam crebriores & parciore.

Consideranda tamen temperamentum, vires, ætas, consuetudo, vita prægressa &c. vid. capit. de febr.

Pleuritis symptomatice, ut ex arthritide, vel quæ in febribus a calidiori regimine oritur, non adeo largam requirit sanguinis

guinis missionem, ut & ea, quæ tempestate calida, ac humida occurrit.

Nec catameniorum, aut lochiorum fluxus venæ sectionem prohibent: si pulsus plenus & durus, respiratio difficilis, dolor in inspiratione acerbus.

Gravidæ tamen repetitam magis, quam largam ferunt venæ sectionem; sed in his plus respirationi, quam pulsui fidendum est.

In validiori pleuritide sanguis ad prima animi deliquii signa mittendus, quæ sunt: pallor in oculis, vultu, sudoris guttulæ in fronte, pulsus languidus. Vitandum autem animi deliquium; ne monente optime Aretæo, peripneumonia lethalis pleuritidi succedat.

Excipi possunt quædam epidemiæ, in quibus, ut Cleghorn observavit (a), quandoque bono cum successu phlebotomia ad animi deliquium usque celebratur.

Aegri

---

(a) Observations on the diseases in Minorca. pag. 269.

Aegri supine jacentes largiorem venæ sectionem facilius sine animi deliquio ferunt, quam sedentes.

Cum ob acerbitem doloris vix inspirare audeant, acetum calidum inter sanguinis missionem naribus subponendum, ut invitis etiam tussis excitetur.

Dolor post primam venæ sectionem recrudescens eam repetendam indicat.

Tempus, quo venæ sectio adhuc celebranda, incertum est; quamdiu enim dolor & febris urgent, neque critica evacuatio vel incipiens suppuratio adest, sanguis mittendus.

Prima efficacior in brachio lateris adfecti observatur, altera in parte opposita, tertia in pede administrari potest.

Non autem ob omnem dolorem sanguis mittendus, ne aut morbi chronici, aut hydrops succedant, vel mors sequatur; cum febris requiratur ad crisin perficiendam, obstruens resolvendum & extra corpus excernendum.

Multorum animis error infedit crustam lardaceam in sanguine adparentem

S                      ejus

ejus detractionem poscere ; sed huic soli  
fidendum non est.

Videmus nonnunquam primum sanguinem corio tectum , secundum , tertium , quartum eo carere , quintum iterum crusta densissima obductum esse. Huxhamus in paraphrenitide sanguinem corio obductum post centum uncias detractas vidit (a).

Van Swieten merito obscuram pellis hujus originem dicit (b).

Pleuritis utplurimum peior , si crusta inflammatoria absit.

Laudatur frictio partis adfectæ inter sanguinis missionem ; sed hæc in pleuritide spuria plus prodesse videtur , quam in vera.

Venæ sectione instituta pars dolens fovenda pannis laneis solutione ex uncia dimidia saponis veneti cum libra dimidia lactis & aquæ facta imbutis.

Utiliter & cataplasmata ex speciebus emollientibus & sapone in lacte coctis in usum vocantur.

Male

---

(a) Tom. I pag. 304.

(b) Tom. II. pag. 651.



Male commendantur vesicæ lacte, aut decocto emolliente repletæ, cum ab iis, observante Celeberrimo Baldinger (a), tantum calor siccus & pondus augeatur.

Cavendum a fomentis & cataplasmatibus, nimis calidis. Vidit inde Sarcone doloris augmentum (b).

Noctu pars dolens unguento althææ calido inungenda & dein emplastrum de labdano aut meliloto imponendum.

Ubi post sanguinis missiones & fomenta dolor acerbus continuat, emplastrum vesicatorium æquali portioni meliloti mixtum lateri dolenti adplicandum. Pulsu dein insurgente sanguis denuo mittendus.

Alvus segnis clysmate emolliente sollicitanda.

Medicamenta interna indicantur, quæ quin motum humorum augeant, solvunt & naturam disponunt, ut per varias vias crisin instituere valeat.

S 2

Effi-

---

(a) Von den Krankheiten einer Armee S. 167.

(b) Geschichte der epidemischen Krankheit in Neapel.  
Erst. Theil. S. 139.

Efficacissima est mixtura ex nitro, rob sambuci, ~~oxy~~melle simplici, aqua florum sambuci parata, addito pauco aceto (Nro. 8.)

Acida enim in pleuritide minus conveniunt, cum tussis ab iis excitetur.

Rob sambuci debet esse sanguineum, sapidum, acidulum, gratum. Verum momento Clarissimo Crantz raro sedulo in officinis paratur, sed nigrum, adustum & empyreumaticum habetur.

Usui prioris mixturæ & interponi potest decoctum ex radice graminis, althææ, melle edulcoratum (Nro. 66.)

Pro potu convenit decoctum hordei cum melle.

Ridicula sunt absorbentia exempli gratia pulvis pleuriticus Augustanorum, quæ forte spicula pungentia, ut Helmontius credidit, obtundere deberent. Hinc miror, quod Clarissimus Trillerus in absolutissimo de pleuritide tractatu (a) lapides cancrorum præscribat.

Nec

---

(a) Pag. 409.

Nec in hoc morbo mixturæ Hoffmannianæ locus est, quæ adeo frequenter & funesto cum effectu in inflammationibus exhibetur, ob rationes in capite de febr. putrida jam adductas.

In pleuritide & peripneumonia a vi externa arnica interne (Nro. 67.) & externe (Nro. 68.) adhiberi potest, quam Berolinenses ad diffusiones & stagnationes sanguinis extra sua vasa factas resolvendas, discutiendas & per diuresin, vel diaphoresin evacuandas commendant (a).

Monent, quod ægri post ejus usum se pejus valere conquerantur; sed id pro certo indicio habent existentis alicubi staseos sanguinis his motibus dissolvendi, ac resolvendi.

A leniori dosi hujus remedii incipien-  
dum, ne vomitum in hoc morbo periculo-  
sum excitet.

Forte *arnica* foliis lanceolatis homini-  
bus robustioris naturæ magis convenit,  
S 3 quam

(a) Actor. Berolin. Decur. I. volum. I. pag. 58.

Анно 1722.

quam illa, quæ folia ovata profert: quia in rupestribus locis succum magis acrem & minus aquosum trahit.

Clarissimo Gmelin visum est sibiricam plantam aliquanto vehementius effectum edere, quod in Germanis in Sibiria morantibus non raro experientia comprobatum vidit (a).

In initio morbi nonnunquam conatus vomendi notatur; cavendum tamen ab emetico.

Vitanda quoque in acerba pleuritide sunt opiata, quæ Huxham (b) in violentia doloris post sanguinis detractionem commendavit. Non raro enim dolori gangræna succedit & evigilans e somno æger sæpe subito moritur.

Optimi practici testantur, quod opiata caput tentent, febrilem æstum augeant respirationem difficiliorem & citatiorem reddant & pectoris purgationem impediant. Illustris van Swieten anodyna fortiora damnat & solum leviora suadet, ut infusum  
florum

---

(a) Flora Sibirica Tom. II. p. 153. Petropoli 1749.

(b) Tom. II. pag. 228.



florum papaveris rhœados. Vult autem : ne adeo magna copia pro dosi fumantur, sed omni media hora unciaë tres tepide hauriantur.

Concedi possunt aliquot drachmæ feminum papaveris, si amygdalis in emulsione mixtæ, quod sæpius in consiliis fit, ut anonydum proponantur; cum nulla in his feminibus vis narcotica observetur.

Occurrunt in Nosocomiis ægri, quorum pulsus jam ex pleno & duro in parvum mutatus est.

His pessime noceret venæ sectio. Celsus monuit sanguinis missionem remedium magni & recentis doloris esse, serum vero auxilium, si vetustior casus.

Vesicantia his satis fortia ad locum dolentem, dein ad artus adplicanda. Emplastro vesicatorio camphora misceri potest, tam ob stimulum augendum, quam gangrænam præcavendam.

In similibus ægris, præcipue ubi subsultus tendinum, pulsus tremulus, inæqualis, a nitro abstinendum; sed decoctum ex althæa, floribus sambuci cum moderata camphoræ dosi propinandum (Nro. 18.).

Ut plurimum decem, quindecim grana sufficiebant, raro ad viginti nichemero ascendendum erat.

Sed & ab hac dosi in numerosissimis qui anno 1774 pleuritide decumbebant, calorem vehementiorem sicciorem, respirationem laboriosiore, ruborem faciei intensiorem, deliria fortiora & cetera symptomata, quæ phrenitidis futuræ metum faciebant; cum multis aliis Medicis præsentibus in Nosocomio succedere vidi.

In his a camphora integre abstinendum. Ipsi enim hujus remedii fautores id nocuum declarant, ubi humores nimia tenacitate ad inflammatoriam vergente peccant, aut ubi anxietates sæpius redeuntes & plerumque cito disparentes calores sequuntur.

Notavi superius pleuritidem quandoque per sputum judicari.

Quod dolores lenit, optimum est.

Bene distinguendum a mucro catarrhoso, qui sæpe maxima quantitate sine levamine prodit, cum non evacuet materiem morbosam.

Non-

Nonnulli Medici negant crisin in pleura inflammata per sputa fieri, cum non credant viam inde patere. Verum & ii vix explicabunt, quomodo eadem crisis in inflammatione muscutorum intercostalium nascatur.

Observatis constat pulmonem contiguos sibi humores imbibere, illosque tussi rejicere. Galenus notavit mulsam in thoracis cavum injectam ex pulmone expui.

Optime animadvertit Clarissimus Selle (a): quod ubi pleura pulmonibus adnexa est, materies cocta facilius in pulmones ruere possit.

Fusius demonstrat Illustr. van Swieten (b), quomodo & qua via sputa in pleuritide morbum solvere possint.

Solis sputis fidendum non est.

Sputa cruenta sincera, venæ sectionem petunt: hæc vero ob ea sanguine striata instituta in summum periculum ægrum conjiceret.

S 5

Mul-

---

(a) Pag. 118.

(b) Tom. III. p. 28.

Multi in Nosocomio occurrebant sputa cocta, sed parva quantitate ejicientes, quibus tamen ob vehementiam febris & doloris phlebotomiam ad quinque vel sex uncias summo cum successu institui.

Si sputa cum facilitate prodeunt, nihil movendum, sed locus est remediis emollientibus, leniter solventibus, ut decocto ex radice graminis, althææ, verbasco, melle edulcorato. Decoctum hordei cum oxymelle largiter hauriendum.

Linctus ex oxymelle cum syrupo althææ paratus, per parva cochlearia sumptus, utilis est.

Oleosa vix arident, cum in debiliore ventriculo facile rancescentia febrim incendunt. Celeberrimus Zimmermannus oleum, ubi digestio læsa, ut summe nocuum damnat (a).

Concedenda forte iis, qui fibra admodum rigida gaudent, neque biliosi quidquam in primis viis habent. Hinc linctus ex oleo amygdalino, vel spermate ceti parari potest (Nro. 69.).

Sedu-

---

(a) Zreyter Theil S. 259.



Sedulo ad sperma ceti attendendum, cum sæpissime rancidum sit.

Si sputa tenacia, uncia una aut altera oxy mellis scillitici prioribus decoctis utiliter additur.

Illud vero in principio morbi exhibere minus tutum est, cum tussim augeat, partesque magis irritet.

Si levamen inde non sufficiens, habeatur decoctum ex binis partibus radicis althææ & parte una hyssopi paratum, oxymelle scillitico, syrupo althææ aut hyssopi edulcoratum præcipue in subjectis annosioribus prodest.

Kermes minerale ad granum unum vel duo omni bihorio, trihorio, aut quadrihorio exhibendum, ubi ex usu antea dictorum sputa minus libera.

Vomitus, aut diarrhœa inde sequens, massa pilularum de styrace aut de cynoglossa compescendus, ut in cap. de febr. ardent. dictum (a).

Vidi

---

(a) Pag. 40.

Vidi nonnunquam ab imperitis in arte Kermes minerale in principio morbi, antequam materies cocta esset, propinari; sed inflammatio, tussis, calor, obpressio pectoris pessime augebantur.

In senibus ubi febris jam mitis & sputa admodum glutinosa, aliquando majorem effectum observavi a gummi ammoniaco vitello ovi aut aceto scillitico soluto (Nro. 70.) quam a Kermes minerali.

Continuandus tamen decoctorum prius notatorum usus. Ubi sputa critica educuntur non convenit alvum per diem unum aut alterum silentem remediis movere, nisi abdomen inflatum & tumidulum notetur.

Si sputa in pleuritide subprimantur: ægri pessime anguntur & suffocationis periculum imminet; quare omni opera studendum est, ut iterum educantur.

Varia auxilia pro ratione causæ & symptomatum indicantur.

Si ab aëre frigidiori, vel spirituosorum abusu, si nova iterum incendatur febris & pulsus durus ac plenus esset: venæ sectio celebranda. Dein vesicantia suris adpo-

adponenda & decoctum emolliens cum floribus sambuci strenue hauriendum.

Pulsu vero debili inæquali præter decoctum emolliens cum floribus sambuci mox ad vesicantia & camphoram recurrendum; cui ultimæ, si aut sputa glutinosa prodire incipiant, aut levis in pectore strepitus notetur (a lethali illo stertore distinguendus) Kermes minerale jungendum (Nro. 71.).

Dum sputa ex animi pathematibus suppressa, neque magnus calor, aut pulsus incrementum oriatur, præter tepida paregoricum per vices sumendum.

Diarrhœa sputorum excretionem impediens compescenda.

Alvi fluxus, nisi biliosi quidquam simul in primis viis hæreat, in initio pleuritidis periculosus est; cum materies morbi nondum cocta sit.

Opportuno accedens tempore aliquando morbum solvit.

Critica talis alvus similis fere est sputis criticis & relinquenda.

Absti-

Abstinendum a nitro. Decocto emolliente pergendum, quod syrupo althææ edulcorandum; cum nonnullis a melle alvus solvatur.

Diarrhœam nimiam pulsus debilis & vires fractæ docent. Hæc bolo armena, gummi arabico, decocto orchidis minuenda, ut in capite de febr. ardent. monui (a).

Urgente necessitate, ad opium, sed cum prudentia recurrendum. Alvus enim in pleuritide, monente Huxhamo (b), ita moderanda, ne ab ea adstricta nimis augeatur febris: neque nimis fusa permitti debet, ne vires & spiritus deficiant.

Notavi superius urinam copiosam, crassam, stranguriosam, subrubram, cum albo sedimine morbum aut levare aut levaminis signum esse.

Occurrebat tamen mihi quandoque nimium urinæ profluvium, ita ut adsumptum potum longissime superaret. Urina, quæ excernebatur, vix tincta erat, sed limpida &

---

(a) Pag. 42.

(b) Tom. II. pag. 225.



& ægri summe debilitabantur. Cavebam a nitro, decoctum dabam ex verbasco cum floribus sambuci, rhœados, diacodio edulcoratum. Urgentiori malo vesicantia pedibus & brachio adponebantur.

Ad sputa tenacia & crassa promovenda oxymellis scillitici loco infusum hyssopi cum syrupo ejusdem præscribatur.

In magna debilitate decoctum ex cortice peruviano vel cum verbasco, vel cum hyssopo, pro diversitate sputorum, feliciter exhibebatur.

His non juvantibus opium per epicrasin propinabatur.

Ægri in lecto plumis repletissimo decumbentes super culcitram ponebantur; cavendo tamen frigidioris aëris accessum.

Si in pleuritide tumor ad aures vel crura oriatur: ea adplicanda, quæ de parotidibus in capite febr. ard. dicta fuerunt (a).

Erant

---

(a) Pag. 38. 39.

Erant anno 1773. multi pleuritici cum parotidibus. Adhibebantur incassum emollientia cum stimulantibus & irritantibus: tumor enim mole perpetuo augebatur, demum eodem modo tonsillæ adficiebantur, ut vicina comprimendo stertorem, respirationem difficillimam, soporem & mortem crearent.

Cum successu his ad parotides tumentes emplastrum ex quatuor partibus de ammoniaco & quinta vesicatorii adplicabatur imponendo desuper cataplasmata emollientia. Hac methodo tumor successive minuebatur, paucis suppurabatur, plurimis resolvebatur, ac crisis per sputa & sudorem sequebatur, quæ levissima camphoræ & Kermes mineralis dosi, decocto ex althæa & hyssopo cum oxymelle simplici & scillitico edulcorato promovebatur.

Ubi dolor scapulas, aut humerum petit: partes hæ fricandæ sunt & dein emplastro v. g. de labdano tegendæ.

Quandoque in pleuriticis maxime post venæ sectiones largiores institutas (licet alvus aut sputa critica sint) ægri valde debiles fiunt; pulsus celer & parvus, febris  
certo

certo tempore increfcens obfervatur. His vires deficere videntur, ut natura impura a puris feparet. & excernat, quare extractum corticis ad binas aut tres drachmas nychthemero remediis emollientibus & expectorantibus junctum exhibui, neque unquam inde malum effectum, aut fputa fubpreffa vidi.

Nec obelt corticem peruvianum in inflammationibus non convenire. Experimur quotidie fummum hujus remedii effectum in febre ardente, quæ inflammatio vasorum fere totius corporis eft, dum per evacuationem fanguinis & remedia diluentia ac adtenuata indoles ejus phlogiftica jam fere dempta eft.

A cortice iterum defiftendum, ubi vires & pulfus infurgunt.

Conftat ex prioribus pleuritidem non raro in fuppurationem abire: de qua uberius in cap. de peripneum.

Suppuratione formata, ubi abfceffus pure plenus turget, acerrimus nonnunquam fuccedit dolor a diftractis membranæ cum coërcentibus: abftinendum tunc eft a venæ fectione, fed omni arte moliendum, ut vo-

mica rumpatur, prout in cap. de peripneumon. dicetur.

Pus collectum nonnunquam, licet rarissime absorbetur & per sputa, alvum & urinam e corpore eliminatur.

Sic Aretæus observavit per alvum quandoque abscessus a pleuritide natos pus suum evacuare manente plerumque ægro superstite.

In similibus decocta emollientia cum melle continuanda & dein lac aqua dilutum propinandum.

Si febris urgeat cum magna ægri debilitate, ad decoctum corticis, agrimonix, virgæ aureæ cum lacte confugiendum.

Quandoque abscessus ad exteriora nascitur, qui aperiendus. Hinc bonum foret, monente Illustri van Swieten, in gravioris pleuritidis initio locum maxime dolentem emplastro notare, ut abscessu nato via ibi scalpello vel caustico parari possit, cum non semper pars magis elevata observetur.

Sed & cum successu ustio & sectio tentata fuerunt, licet nullus tumor aut rubor in externis thoracis partibus adessent;  
cum



cum inde nihil mali metuendum & multum boni sperari possit.

Rarius pus collectum metastasi ad alia loca corporis, ut ad aures, crura fertur.

Ubi dolor vel tumor partis cujusdam observatur, emollientibus & suppurantibus occurrendum est & per apertum brevi abscessum puri exitus conciliandus; non enim hic requiritur maturatio crudi inflammatorii in bonum pus, vel puri analoga materies; sed hæc alibi jam facta ad hæc loca tantum deponitur, hinc subito abscessus nascitur, licet cutis nullo modo mutata adpareat.

Locus apertus remediis suppurantibus leviter irritandus, ne statim iterum concreascet & occasio impediatur repurgationi sanguinis a materia morbosa.

Si in pleuritide valida nec signa critica evacuationis aut suppurationis occurrant, sed dolor minuatur, genæ rubeant, pulsus fiat debilis, sputa ichorosa accedant: gangræna oritur.

Contra hanc laudatur profunda costarum inustio, ut sopita vitalis vis & calor in parte resuscitetur, atque deciduis dein


escharis, patula fiat via versus exteriora ichori gangrænoſo.

Alii ſuadent lateri dolenti cucurbitam magnam & latam cum multa flamma adplicare, locum ſcarificare, ſale irritare. Altera die iterum cucurbitas adplicare.

Interne mixtura (Nro. 72.). ex camphora, extracto corticis, aqua meliffæ, infuſum ex floribus camomillæ, verbaſci tentari poſſent. Sed malum vix medelam capiet.

Quandoque pleuritis in ſchirrhum abit, aut pleura ad pulmonem adcreſcit, de quibus in ſequentibus.

Post pleuritides ſæpe pertinaces manent lateris dolores magis cedentes epiſpasticis, anodynis, Emplaſtro de labdano, cunino, quam venæ ſectiõni.



## CAPUT XVII.

DE

## PERIPNEUMONIA.

**D**ividitur in notham & inflammatoriam: hæc sporadica est, epidemica, idiopathica, vel sympathica.

Inflammatoria incipit cum horrore: pulsus initio morbi sat plenus & fortis, dein in mollem parvum, quandoque inæqualem mutatur; respiratio est calida, difficilis; decubitus sæpe in dorsum tantum possibilis; cum tussi; dolore gravativo pectoris; rubore genarum. Accedit sitis magna; urina pauca rubra; calor universi corporis &c.

Malum vel in arteria bronchiali, vel pulmonali hæret.

Vix operæ pretium est in differentiam hanc inquirere, cum cura eadem sit & inflammata una arteria malum brevi alteram ob innumeras anastomoses petat.

Gibbosi, vel quibus angustius pectus, frequentius peripneumonia laborant.

Quæ inflammationem produciunt & ad pulmones determinant, morbum hunc creant: ut exercitium pulmonum violentum, cantus, clamor, equitatio fortis in vento adverso, maxime vero aër frigidus æstuant corpore adtractus; nulla enim in nobis pars est, quæ ab atmosphæræ mutationibus frequentius validiusque adficiatur ac pulmones, cum continuo aërem trahere cogamur ad vitam sustentandam. Hanc ob rationem crebrius hyeme peripneumonia occurrit.

A colica flatulenta & spasmodica longius durante peripneumonia & pleuritis quandoque nascitur, dum libera diaphragmatis actio inde impeditur.

Cura difficilis est ob perpetuum pulmonum motum, tenerrimam & facile destruendam vasculorum structuram; tum quia topica adplicari non possunt & revulsio vix locum habet.

Augetur periculum pro diversitate subiecti, ætatis, symptomatum, epidemiæ &c.

Exper-



Expertissimus Brambilla peripneumoniæ epidemicæ meminit (a), anno 1751 regnantis, qua debiles, senes, valetudinarii rarius adficiebantur & ea correpti facile sanabantur; juvenes vero fere omnes peribant. Plurimi intra paucas horas moriebantur, licet venæ sectiones repetitæ, emollientia &c. tentata fuissent. In cadaveribus cor & arteriæ ejus sanguine crasso quasi lardaceo repletæ notabantur. Demum prophylactice juvenibus, plethoricis & sanis militibus semel, aut bis sanguis detrahebatur, sic a morbo liberi manserunt.

Maxime metuenda est utriusque lobi pulmonis inflammatio.

Tensio, gravitas, rubor genarum monstrant an in una, aut altera, vel utraque pulmonis parte hæreat.

In corpore molli, laxo & juniore faciliior cura.

Hippocrates observavit robustos & laboriosos frequentius inflammationibus pectoris adfici & fortius inde adfligi.

T. 4

Gra-

---

(a) Pag. 409.

Gravidæ ægrius decumbunt & peripneumoniâ phthificis supervenies fere lethalis est.

Ex angina, pleuritide valida & paraphrenitide vix medicabilis.

Lethalis peripneumonia hydropi pectoris, aut hic peripneumoniæ superveniens: quod sæpe subito fieri cum Celeberrimo Zimmermanno observavi (a).

Mali ominis est in principio peripneumoniæ sanguis floridus detractus, testante Huxhamo.

Crusta inflammatoria nihil sinistri designat: si tamen tenacitas insignior, color summe luteus, aut pallide plumbeus, periculum est; cum resolutio & adtenuatio difficulter fieri & ex diluentibus vix quidquam sperari possit observante eodem Huxhamo.

Malum quoque, si in sanguine fere in serum resoluta placenta hæreat carnis quasi firmitate & duritie prædita.

Coryza peripneumoniæ accedens timenda est; quia per tussim & sternutationem  
valide

---

(a) Erster Theil. pag. 263.

valide agitur inflammatus pulmo & impetus humorum in loco adfecto augetur.

Ingens quoque periculum, ubi respiratio tam difficilis, ut corpus in lecto erigere cogantur; hoc enim situ abdominalia viscera suo pondere deorsum ducunt diaphragma, sicque pectoris dilatationem augent. Hinc Hippocrates monuit: quod si in morbi vigore ægrotus velit residere, hoc in omnibus quidem acutis morbis malum fit, pessimum vero in peripneumonicis.

Pulsus debilis, inæqualis & intermit- tens, dolor subito remittens absque evacuatione, sanguis eductus spumofus, caligo oculorum, stupor frigidus, singultus, &c. infausi sunt ominis.

Urinam aquosam & eam, quæ post potum cito redditur, in pleuriticis & peripneumonicis malam pronunciavit Hippocrates.

Damnatur & ingratus in pectore strepitus cum tussi sicca & fervore, qui fit vel ab aëre muco collecto irretito, vel a vesiculis pulmonum siccitate crepitantibus, dum inspirando extenduntur.

Bene distinguendus a levi strepitu, qui educto sputo in trachea hærente brevi cessat.

Cognoscitur hic, monente Prospero Alpino (a), quod una adsint alia signa bona & nullum perniciosum illucescat: ut Hippocrati in Pisistrato visum. Stertorosum erat in faucibus, bene autem ferebat morbum, mente constabat, calor & stertor remisit, ac æger evasit.

Peripneumonia vel in sanitatem, vel in suppurationem, scirrhum, aut gangrænam abit.

Benigna resolutio in levi & recenti inflammatione tantum speranda.

Frequentissime sputo solvitur, dum materia phlogistica in cavum aëreum pulmonum exprimi videtur.

Optimum censetur, quod ab initio flavum, mucilaginosum cum striis sanguineis brevi in album mutatur respirationem & pulsum emendans.

Requi-

---

(a) De præfagienda vita & morte ægrotantium. p. 567.



Requiritur ut cum facilitate prodeat: ne per validam tussim inflammatus pulmo pessime irritetur.

Copia sputorum materiæ morbosæ respondere debet. Idcirco Hippocrates metuebat, ubi in peripneumoniis siccis pauca concocta educebant ægri.

Inutile est album, viscidum & rotundum; quia nihil materiæ morbosæ continet, sed tantum muco bronchia lubricante inspissato & in pulmonis cellulis in rotundam figuram compacto constat.

Malum est cruentum, valde spumosum nigrum, æruginosum, amurcosum, carnosum. Observatum tamen fuit lividum & carnosum, quandoque morbum judicasse.

Sputa, croco quasi tincta, mala sunt; cum aut sanguinem putredine dissolvi, aut liquidam tantum vel serosam partem transprimi notent.

Frequentissime crisis, ut notavi, in peripneumonicis per sputa contingit. Quandoque tamen materies morbi circulantibus humoribus miscetur & per alvum, aut urinam expellitur.

Urina

Urina critica, aut crisin concomitans, est crassa, copiosa, hypostatica, levans, cum sedimine rubro, sensim albescente.

Urina similis ab initio morbi in summa cruditate malum portendit; post septimum diem salutaris quidem est, sed morbum diuturniorem indicat.

Laudatur alvus biliosa ob materiem flavi coloris ita dicta.

Hanc criticam esse, docet levamen; cum colorem sæpe ob alia adhuc admixta non semper bene distinguere liceat.

Illustris van Swieten hæmorrhagiam narium criticam in peripneumonia se nunquam vidisse asserit; mihi quandoque occurrebat.

Nonnunquam peripneumonicis, maxime tempore humido, miliaria erumpunt, quæ quidem morbum levant, rarius tamen solvunt.

Nascuntur & abscessus ad aures, crura, hepar, lienem, &c. ut ex sequentibus patebit.

Cura in peripneumonia, ut in omni graviore inflammatione a larga venæ sectione est incipienda & pro necessitate repetenda, donec respiratio emendetur.

Evitanda vero est ad animi deliquium usque ob suffocationis periculum, cum ii, qui in id ex quacunque causa lapsi angantur, suspiria ducant & de obpressione pectoris conquerantur, dum reviviscunt.

Cum Cel. Morgagnio ex nimia venæ sectione in peripneumonia hydropem pectoris succedere vidi.

Crassi & obesi parciorem ferunt venæ sectionem, quam macilenti & musculosi.

Absurdum quoque est, ut bene monuit Huxhamus, tantum ex nano, quam ex gygante sanguinis detrahere.

Si in phthisico peripneumonia laborante phlebotomiæ necessitas sit, ligatura venæ tussæ, animadvertente Mortono, arcta sit. Sublatum intra chirurgi manus vidit nobilem virum phthisicum, qui amissa vix semi libra sanguinis sensim exstillantis nulla arte a morte eripi potuit.

Certis diebus venæ sectionis terminus circumscribendus non est. Huxham quandoque nona & decima die sanguinem detraxit. Idem vult Tissot, ubi febris fortis, respiratio difficilis, sputa aut nulla, aut nimis sanguinea.

Galenus præcipit (a): quod quocunque morbi die, etiam vigesimo, venæ sectio administranda sit, si indicationes eam exposcant.

Prima sæpe malum levat, brevi autem iterum symptomata priora redeunt; hinc denuo sanguis mittendus, qui non raro tenax & crasso glutine obductus est.

Ob solam crustam inflammatoriam venæ sectio repetenda non est, ut in capit. de pleuritid. dictum fuit.

Ubi malum adeo neglectum, ut pulsus celer & parvus, jactatio perpetua corporis, oculi caliginosi, anxietas ingens, respiratio erecto tantum corpore perficienda: sanguinis detractio mortem acceleraret.

Phle-

---

(a) Meth. med. L. IX. C. V.



Phlebotomia facta convenit spongiam lacte, aut aqua tepida repletam ante os tenere, vel vasa aqua bulliente referta in cubili decumbentis fervare.

Suadent nonnulli linteo & caput peripneumonici & vas aqua tepida repletum ita tegere, ut æger continuo aërem vaporibus aquosis repletum haurire cogatur.

Verum optime monet Illustris van Swieten (a): quod ubi uterque pulmo inflammatus a laxatione vasorum per balneum vaporis vix quidquam sperandum sit, cum tantis angustiiis premantur tales ægri, ut lintea, aqua calida madentia, ori & naribus adplicata ferre nequeant.

Præterea simili vaporis balneo in largissimum sudorem cogeretur æger, nocivum semper dum vi exprimitur; cum subtilissima dissipentur remanentibus fere irresolubilibus crassioribus.

Alvus adstricta clysmate ex decocto hordei, nitro & melle eluenda est; partim ut revulsio fiat, partim ut abdomine a fe-

cibus

---

(a) Tom. II. pag. 727.

cibus & flatibus liberato facilius sit descensus diaphragmatis. Hippocrates voluit: ut in peripneumonia primis diebus alvus aperta seruetur ad minuendam febrim. Monet autem: ne id post quintum diem fiat, cum copiosior dejectio sputa impediendo morbum periculosiorem redderet.

Ubi venæ sectionibus institutis, respiratio vel parum, vel nullo modo levatur, emplastrum vesicatorium cum duabus, tribus, quatuor emplastr. meliloti partibus adfecto lateri adponendum.

Hoc vix dolorem creat, neque calorem multum augeat, vesicas tamen æque magnas & revulsionem efficaciorē facit, ac solum vesicatorium, cum majori volumine adplicari possit: nonnunquam enim urgente necessitate fere totum pectus eodem involvebam summa cum utilitate.

Si vero pulsus jam celer & inæqualis, oculi caliginosi, vel convulsiones occurrant: vesicantia fortiora ad pectus, suras, brachia & nucham conveniunt.

Clar. Whyt non multum a vesicantibus in peripneumonia sperat; laudat ea tamen, ubi pulsus celer & debilis tangitur,  
æger

æger alias evacuationes non fert & morbus proventus est.

Magnum certe inter pulmones & cutim consensus intercedit; cum scabie, variolis, morbillis & ceteris exanthematibus retropulsis subito pectus adfligatur.

Celeberrimus Pringle in magna debilitate cum delirio majorem effectum sperat a sinapismis ad plantas pedum, quam a vesicatoriis.

Sinapismi locum habere videntur, ubi pulsus admodum celer, sed æqualis & satis plenus cum rubore capitis & magno calore conjunctus tangitur; tunc enim a cantharidibus febris, deliria &c. pessime augerentur.

Medicamenta interna in peripneumonia indicantur, quæ in pleuritide laudabantur, ut mixtura (Nro. 8.) ex rob sambuci oxymelle simplici, nitro, sale polychresto; decoctum (Nro. 66.) ex radice althææ & graminis.

Remedia in peripneumonia inflammatoria sæpius, sed parva copia sumenda: ne per ventriculum nimis distentum diaphragmatis descensu impedito major spirandi difficultas inducatur, vel ab his subito inge-

stis aucta humorum copia nimis gravetur infarctus pulmo.

Pro potu decoctum hordei cum oxymelle & emulsa conveniunt.

Decocta tepide sunt forbenda, quia per calorem augetur vis diluens aquæ & hæc per œsophagum transiens blando tepore fovet vicinas partes.

Si pulsus plenus & durus, post venæ sectionem unam aut alteram subito fiat mollior, debilis, tremulus, deliria subsultus tendinum accedant, vesicantia & camphora in usum vocanda.

Ubi ab his symptomata non emendantur: verum oculi caliginosi fiant, aut ægri convellantur; mixtura (Nro. 20.) cum spiritu cornu cervi & essentia castorei multos & desperatissimos levavit, continuando strenue diluentium usum, nisi potum recusent ægri.

Si pulsus fiat subdurus, ægri floccos carpant, convulsiones persistant &c. moschus ad tria vel quatuor grana omni bihorio exhibitus, mire prodest.

Plures Medici vix opem inde sperant, nisi largiori quantitate propinetur. Verum  
felicem



feliciem a parva etiam moschi dosi effectum multi alii mecum viderunt.

Depletionibus institutis, respiratione levata non raro febris remittentis species peripneumoniarum accedit. In hoc casu cortex peruvianus propinandus eo modo, ut in capit. de pleuritid. memini.

Crisis in peripneumonia, ut superius retuli, frequentissime per sputa contingit.

Hæc ab initio sunt tenuia. Tunc emollientibus & resolventibus ex radice graminis, althææ &c. continuandum.

In maxima obpressione pectoris & tussis sicca commendatur: ut sponsia, pauco aceto ac aqua tepida madida ante os & nares teneatur.

Clarissimus Tissot & Unzer (a) vapore folius aceti per aliquot horas continuato ægros ex suffocationis periculo eripuerunt.

Depletionibus factis & febre mitigata, si tussis valida urgeat: ad paregorica leviora descendi potest, ad spasmos sopiendos

U 2

&amp;

---

(a) Der Arzt, eine medicinische Wochenschrift. Fünfte  
ter Band. S. 312.

& irritationem minuendam. Si vero pulsus plenior, major calor observentur, pessime noceret opium; sed denuo sanguis mittendus.

Observavit Magnificus Störck (a) in similibus post opiata adeo vehementem subinde tussim, ut hæmoptoën fuerit minitata non nisi venæ sectione compescendam.

Oleosa, quæ commendantur, vix conveniunt: cum facile rancescant, vasa minima inhalantia ventriculi & intestinorum obturent & majori copia propinata alvum ut plurimum liquidiores faciant. Hinc mucilago seminum cydoniorum, gummi arabicum cum syrupo althææ merito præponitur (Nro. 74.).

Dum sanguis floridus excreatur cum pulsu duro & forti, venæ sectio necessaria est.

Si vero pulsus debilis, nec plenus: venæ sectio pessime noceret; sed sola emulsa & infusum ex floribus rhœados verbasci cum acidis mineralibus ad gratiam dilutis locum habent.

Indi-

---

(a) Ann. Medic. II. pag. 61.

Indicantur & hæc in peripneumonia, ubi ingens fitis & febris urgent. Cum acida mineralia, quamvis coagulum inflammatorium non solvant, putredini tamen resistent & calorem vires infringentem semper compescant, neque sanguinem cogant, testante Clarissimo Ludwig (a), licet id in lymphæ præstent.

Quæ de sputis crassioribus vel subpressis, diarrhœa, aut copiosiore urinæ profluvio, in capite de pleuritide dicta fuerunt: huc revocanda sunt.

Monet Cl. Cullen (b), quod scillitica non magnam efficaciam habeant & propter nauseam, quam nunquam non movent, sæpe incommoda sint, sed idem Cl. vir (c) progressu morbi nihil aptius esse ad excretionem sputorum promovendam judicat, quam minutis emeticorum dosibus nauseam cieri.

U 3

Caven-

---

(a) Instit. therap. general. pag. 25.

(b) Primæ Lineæ Prax. pag. 169.

(c) Pag. 167.

Cavendum quoque: ne fortiora excrementa in peripneumoniarum principiis dentur: tunc enim inflammationem, tussim & anxietatem augent.

Huxhamus post convenientes sanguinis detractiones vomitoria summe commendat, ubi a sputis subpressis magna respirandi difficultas & suffocationis periculum observatur.

Abstinentum a fortiori emetico, cum inter vomendum sanguis in pulmonibus accumuletur; hinc si glutinosum illud impactum concussibus non ejiceretur, suffocatio acceleraretur, ac infelix talis casus, ab adstantibus remedio adscriptus, famam Medici pessime deturparet.

Utilissimum simili in casu foret sulphur auratum antimonii, quod glutinosum incidit, expectorationem promovet & non raro levem vomitum ciet.

Prætendunt quidam sulphur auratum antimonii per se præcipitatum a Kermes minerali non differre. Diversitatem tamen inter duo hæc præparata quoad vires medicas manifestam esse Practici optime norunt.

Nam



Nam licet utrumque remedium hepatis sulphuris species sit partibus antimonii regulinis solutis, aut reconditis, simul constans; citior tamen & potentior vis emetica erit in eo medicamento, quod majorem quantitatem harum partium continet. Habetur id in sulphure aurato antimonii; hoc enim via sicca videlicet nuda calcinatione paratur, hinc hepar sulphuris violentius regulum agreditur, majoremque ejus copiam adsumit, quam via humida, seu sola in aqua coctione, qua Kermes minerale conficitur; hac enim methodo debilius hepar sulphuris multa aqua dilutum tardius in partes regulinas agere & minorem earum copiam solvere valet.

Constat ex prioribus metastasin fieri: ubi materies inflammatoria mobilis, cocta, puri analogi, intra pulmonales venas resorpta, ad varia loca deponitur.

Oportet, ut hic abscessus satis cito contingant, antequam pus vomitum pulmonis formet; hoc enim venis resorptum, ad alia loca delatum, vix magnam utilitatem faciet, cum in pulmone maneat ulce-

rosa diathesis, qua brevi novum pus in eodem loco colligetur.

Si ad interiores corporis partes, ut hepar, lienem, cerebrum fiant: subita mors plerumque sequitur; nisi bona fortuna materies, ad hæc loca delata, cito expellatur de corpore.

Laudabiles soli sunt abscessus, qui ad partes exteriores fiunt: & observatio medica docuit, illos plerumque in hoc morbo ad parotides vel crura nasci: rarius vel nunquam ad alia corporis loca.

Sed & hi evanescentes summum periculum portendunt, nisi alia evacuatio statim succedat.

Quare sollicita attentio monente van Swieten requiritur, ut prævideantur futuri abscessus: ne horum ignarus Medicus importuno artis molimine turbet quandoque futuram brevi, vel jam inceptam materiæ morbosæ metastasin; sed his prævisis ad loca, quæ critici tales tumores occupare possent, talia adplicet, quæ faciunt, ut ad hæc, minus resistentia, plus materiæ morbificæ feratur.

Præ-

Prævidentur hæc metastases, ex febre magna, diuturna, sed non nimis vehementi, absentibus signis resolutionis, aut criticæ evacuationis & si dictæ partes rubeant, dolcant.

Licet enim sputa quædam excernantur, ubi critici tales abscessus brevi jure expectantur: hæc tamen non tanta copia prodeunt, ut morbi materiæ excernendæ sufficiant; sed tantum indicium dant, quousque eâ mutata & cocta fuerit.

Pulsus quoque assiduo & mire vacillat, verum absque reliquis signis pravis comitantibus, alias mortem notat.

In metastasi circa crura signa levioris inflammationis ad hypochondria observantur, sive a materia morbi per cœliacam, mesentericam utramque ad viscera cylopoëtica & venæ portarum angustias delata, sive ab alia causa minus cognita: sufficiat, monente van Swieten, novisse Medico, quod inde præsagium habeatur, futuri circa crura abscessus.

Si ad aures fiant, hypochondria sunt mollia: nam & his adfectis magnum periculum subest; cum tantam materiæ morbosæ

copiam notet, ut loca innoxia illam capere nequeant, sed viscera simul saburra eadem graventur. Inde Hippocrates monuit anxietatem in hypochondrio sentientibus tumores circa aures ortos mortem inferre.

Metastasin ad hepar futuram urina subicteritia & color subflavus cutis notat. Nisi autem materia inflammatoria huc delata per ductus excretorios venæ portarum viam inveniatur, atque in intestinorum cava delapsa per alvum expellatur, vel in venam cavam redux ad alia minus periculosa loca deponatur, aliisve viis de corpore exeat: vomitum hepatis faciet, a qua raro emergunt ægri.

Abscessus ad partes dictas salutare esse docet respirationis emendatio, pulsus amplior & plenior, febris imminutio.

Oportet, ut copiam purulenti humoris fundant, aliquamdiu aperti maneant, & utcumque fistulosi fiant ob novam continuo huc delatam materiem, quæ impedit, ne tam cito latera cavi abscessus contigua fiant & inter se uniantur.



Ubi abscessus ad crura vel aures expectantur : emollientia , stimulantia , imo quandoque levissima vesicantia indicantur , ut in capite de febribus ardentibus & pleuritide dictum.

Abscessus mature aperiendi & aperti servandi sunt pergendo pro diversitate symptomatum usu decocti ex radice graminis , altææ , corticis peruviani , camphoræ , spiritus cornu cervi , moschi.

In quibus ulcera hæc multum puris manabant , cum magna virium prostratione , macie , febricula quasi lenta : decoctum ex cortice peruviano lichente islandico cum aqua & lacte profuit (Nro. 29.)

In metastasi ad hepar decocta ex taraxaco gramine cum melle , fomenta ad hypochondria ex emollientibus & sapone veneto conveniunt. Clysmata frequenter injicienda , ut resorpta venarum meseraicarum osculis in intestina patentibus directe & integris suis viribus ad hepar veniant.

Peripneumonia non tam vehemens , ut gangræna , aut suffocatio accedant , in suppurationem abit.

Hanc

Hanc futuram suadent pulsus mollis & debilis, doloris remissio absentibus signis resolutionis, aut criticæ evacuationis.

Primum signum inceptæ suppurationis est horripilatio vaga, nullo certo ordine, nulla manifesta causa, v. g. frigore admisso ortum ducens.

Causam hujus designare difficilius foret. Sufficiat, animadvertente van Swieten (a), observationes practicas docuisse eam semper adesse in suppuratione interna

Hac facta tussis pertinax ad pastum & motum aucta continuat, qua quidem aliquid muci ejicitur, sed nihil de loco adfecto educi potest, cum abscessus nondum ruptus sit.

Accedit dein respiratio difficilis, parum anhelosa, strepens, decubitus in sanum latus intolerabilis, febricula continua periodica a pastu & motu exacerbata, appetitus prostratus, &c.

Suppuratione facta multum discriminis subest, cum rupta talis vomica in pectoris cavum pus effundere possit & empyema lethale facere, vel totam sanguinis massam purulenta cacochymia sic inficere, ut funesta

---

(a) Tom. II. pag. 744.

ita sequatur phthisis. Nec minus periculum imminet, ne abscessus mole quotidie auctus vicina vasa adhuc libera comprimens suffocet ægrum, antequam maturatio perfecta & maturi abscessus ruptura fiat.

Si vomica formata sit, pondere suo vicina premit & suffocat.

Sic a pure thoracem angustante & præmente levioris apoplexiæ species, linguæ paralytes observarunt Celeberrimi Medici quæ symptomata sputis libere prodeuntibus minuebantur, aut cessabant: iis subpressis vel imminutis redibant, aut augebantur.

Omni ergo ope nitendum est, ut quam ocyssime fiat maturatio & hac facta, collectum pus citissime educatur.

Hinc ubi pus formatur, venæ sectio non convenit, cum vires debilitando maturationem retardet: nisi forte summa pectoris obpressio, aut ingens febris eam postulet.

Vidi nonnullos ægros, quorum peripneumonia minus bene tractata in suppurationem abiit: vomica vasa sanguinea vicina comprimendo novam iterum inflammationem creavit: febris, calor, respiratio-

nis

nis difficultas perpetuo augebantur: ad suffocationis periculum evitandum vena secabatur symptomata omnia ita levabantur, ut adstantes, imo ipsi Medici jam de felici morbi eventu lætarentur. Verum mansit tussis sicca, nonnisi spumosa, aquosa, cum exiguis flavis punctis intermixtis educens, nec ulla alia sequebatur crisis. Hinc infauſta, quam formavi, prognosis brevi confirmabatur & ægri poſt paucos dies, accedente fervore illo ingrato pectoris, frustra adhibitis omnibus remediis, perierunt.

Ad rumpendam vomicam vapor calentis aquæ commendandus, ad emolliendam aëream pulmonis superficiem, ut liberrime huc verſus ire poſſit collectum pus & ut membrana hoc continens citius & facilius rumpatur.

Continuanda ſimul ſunt interne emollientia.

Ubi abſceſſus rupturæ proximus eſt, quod ex plenitudine pectoris noſcitur, cum jam omnia tendantur, alimenta pingua, copioſa, ingerenda, ut a ventriculo diſſento deſcenſus diaphragmatis impediatur & abſceſſus magis comprimatur.

Meri-



Merito quoque laudatur clara lectio, injectio aceti tepidi per parvam syringam in fauces, vectio per strata lapidea; sed hæc cum circumspeditione commendanda, ne dum vomica rumpitur & æger in rhœda suffocaretur fama Medici patiatur.

Periculum enim suffocationis semper subest, sed hoc evitari nequit & quo diutius locus ille clausus erit, eo majus discrimen.

Rupto abscessu dubius adhuc manet morbi exitus, cum suppuratio hæreat in viscere vitali, aëri exposito & assidue moto.

Si sputum album, leve, instar cremoris lactis, subjectum juvenile ceteroquin sanum, si appetitus bonus, symptomata minuantur: spes est recuperandæ valetudinis.

Quo magis ab his qualitatibus recedit, eo pejus.

Vomica aperta decoctum ex hordeo, oryza, agrimonia; & si insignior sitis, calorque notentur: emulsa, serum lactis conveniunt.

Pure nimis crasso, diacodium cum oxymelle scillitico propinandum.

Si corpus extenuetur, decoctum ex lichene islandico & agrimonia prodest, cui ubi magna debilitas, cortex peruvianus addendus.

Difficilius ferunt corticem in substantia & frequenter inde pectore anguntur, ac sputa subprimuntur.

Noctes insomnes & tussis ad vespervas vehementior paregoricum petunt; ne ab hac ulcus denuo inflammetur & ab inflammatione nova iterum suppuratio oriatur.

Ubi nulla amplius febris, pilulæ ex olibano, styrace calamita, extracto liquiritiæ cum exigua dosi balsamorum nativorum conveniunt (Nro. 75); artificialia enim inflammante acrimonia potius nocent, quam profunt.

Antihecticum Poterii, quod a quibusdam laudatur, mihi infidum imo nocivum videtur remedium, cum stannum vulgare vix non semper plumbum, anglicum vero, quod ad hoc præparatum sumi jubetur, zincum, bismutum, item cuprum varie admistum habere soleat. Hinc cum nec plumbum nec cuprum hecticis conveniat, multo

ro minus horum metallorum calces, magis adhuc solubiles, propinari posse autumo.

Præterea purissimum ut vocant stannum ob maximam, quam cum arsenico habet affinitatem aliquid hujus perniciosi semimetalli sibi admistum habere & pervicaciter retinere, per experimenta demonstrarunt Henkel & Marggraf.

Victus ex lacticiiniis & oleribus molissimis, ut endivia, lactuca, spinachia eligendus. Alimenta pauca quantitate sed repetitis vicibus adsumenda, ne nimia humorum copia morbosus gravetur pulmo.

Gelatinæ ex extremis animalium partibus pessimo cum eventu vomica laborantibus & phthisicis a vulgo commendantur; cum tenax & viscidus inde nascatur chylus debilem pulmonem plus gravans, quam corpus nutriens.

Illustris van Swieten a decocto pedum vituli ingentes anxietates & tumentes inde ægros vidit.

Constat ex prioribus vomicam non raro in cavum pectoris rumpi & empyema formare.

Noscitur hoc ex signis vomicae dispa-  
rentibus, tussi sicca, gravitate, decubitu  
aut in dorsum, aut in latus adfectum tan-  
tum possibili; fluctuatione, strepitu puris  
ad motum corporis, nisi hoc crassum vel  
copiosum sit; demum genis rubentibus, fe-  
bre lenta, oculis cavis, unguibus recurvis.

Incerta est dies, qua vomica rumpi-  
tur. Hippocrates monet id quandoque vi-  
gesima, quadragesima, sexagesima die acci-  
dere. Simul notat illis ægris citius rum-  
pi vomicas, quibus dolor intensior fuit in  
principio morbi, uti & spirandi difficultas  
cum tussi & sputatione.

Dum empyema formatur, rupta vomica,  
symptomata ita minuuntur, ut quan-  
doque penitus abolita videantur.

Cavendum ergo est Medico, animad-  
vertente van Swieten, ne subito hoc leva-  
mine deceptus credat morbum finitum esse,  
cum adhuc anceps periculum supersit. Non  
quidem convenit tristi prognosi data eripe-  
re ægro blandam illam sanationis spem,  
quam conceperat, sed oportet amicos mo-  
nere, quod fallax illud levamen sit, sic  
famæ detrimentum cavebitur.

Pro-



Prognosis est pessima. Vel enim a corruptione puris febris hectica & phthisis, vel a puris copia respiratio suffocativa oritur; quod ex lateris adfecti protuberantia, tumore brachii, anima fætente, febre hectica, sudoribus nocturnis noscitur.

Habentur quidem exempla puris resorpti & per urinam aut alias vias excreti. Verum rarissime pus bonum, quod crassum est, absorbetur.

Hinc vix alia via superest, nisi paracenthesis. Hac facta vulnus nunquam consolidandum, nisi constet depuratam rite superficiem ulcerosam thoracis interni esse; quia novum fieret empyema, quod similem denuo operationem posceret.

Hac instituta indicantur remedia, quæ vomica rupta laudabantur: de quibus uberius in capite de phthisi.

Si empyema vetus, vires collapsæ, capilli jam cadant, alvi fluor colliquativus adsit, corpus contabescat; paracenthesis facta mortem accelerat.

Nam perforato thorace tabefactus pulmo, qui a pure collecto adhuc sustentabatur,

tur, diffluit ilico & subito moriuntur ægri.

Abit & peripneumonia in scirrhum, quem orthopnoea, molesta & sicca tussicula, symptomata a motu corporis, aut pastu aucta comitantur, maxime dum cruda & copiosa alimenta adsumuntur.

Distinguitur hic a vomica: quod symptomata in eodem statu maneant, in vomica vero increcant.

Ægre curatur, cum & in externis corporis partibus difficilis cura sit, ubi omnia artis adminicula immediate loco adfecto adplicari possunt.

In recenti scirrho pilulæ sequentes tentari possunt.

℞. Sapon. venet. unc. j.  
 gummi ammoniac. dr. ij.  
 extracti cicutæ dr. j.  
 f. l. a. pil. gr. iij.  
 sumat ter de die vij.

superbibendo aquam felteranam cum paucis lacte.

Ubi

Ubi inveteratus scirrhus, nihil movendum; sed omnia, quæ inflammant, aut crassum chylum generant prohibenda. Facile & in hoc morbo concreescunt pulmones cum pleura, dum siccæ & inperspirabiles hæ partes redduntur.

Parva adcretio vix notatur. A majori vero respirationis impedimentum & dolor fere immedicabilis.

Si peripneumonia curata appetitus prostratus & ingrati ructus notentur: purgans lene ex aqua laxativa viennensi convenit.

In hypochondriacis & hystericis post violentiores pectoris inflammationes non raro superest sat longo tempore obpressio pectoris & respiratio difficilis ob spasmos majores in corpore a venæ sectionibus & diluentibus plus debilitato. Cavendum: ne malum pro suppuratione, vel obstructione habeatur & resolventibus, vel lacticinii tractetur, cum pulsus in his sæpius fallat, ut in omnibus hystericis.

Sed id patet ex temperamento, symptomatibus prægressis, absentia febris, genis non rubentibus, urina pallidiore.

De diætâ & regimine ea notanda, quæ in methodo medend. febrium dicta fuerunt.

---

## PERIPNEUMONIA PUTRIDA.

---

**Q**uandoque pleuritides & peripneumoniæ occurrunt, ubi aut putridum inflammatorio junctum est, aut solum putridum dominatur.

In similibus pulsus minus durus & fortis est; sed calor acer, mordax, siccus; appetitus prostratus, lingua sordida; pondus in regione ventriculi, venter turgidus nausea, vomendi conatus; urina biliosa; sputa tenuiora & magis flava, quam in inflammatoria animadvertuntur.

In hac peripneumoniæ specie venæ sectio vitanda, aut parcior instituenda, quam in simpliciter inflammatoria. Tissot similis meminit, ubi omnes, quibus sanguis detrahebatur, monebantur.

Bian-



Bianchi (a), Vandermonde (b), Fothergill (c) a venæ sectione in morbis pectoris biliosis celebrata pessimos eventus notarunt.

Semper tamen ætatis, temperamenti, prægressorum, pulsus, constitutionis epidemicæ ratio habenda est.

Pleuritide, aut peripneumonia hac decumbentibus mixturæ sequentis unciam unam omni hora, aut bihorio propinabam, donec aliquoties inde purgarentur.

℞. Aqu. foenicul. unc. x.

Sal. mirab. Glauber. dr. vj.

Syrup. mannat. unc. jβ.

M.

Manna vel tamarindi foli haud suffi-  
ciunt ob glutinosum frequenter bilioso jun-  
ctum.

X 4

Purga-

(a) Histor. hepat. pag. 242.

(b) Recueil periodique d'observat. de Medicin. Tom.  
IV. pag. 130.

(c) Account of the putrid. sore throat. pag. 41.

Purgatis primis viis, decoctum ex radice graminis, althææ cum sale polychresto, oxymelle simplici, syrupo quinque radicum edulcoratum propinandum, addito ad gratum acetem spiritu vitrioli.

Occurrebant quandoque ægri, qui nec a dictis purgantibus, nec ab acidis dilutis levabantur; verum continuabat vomitus, nausea, ut licet ingenter sitirent, potum tamen omnem & gratissimum respuerent: iis præmissa debita sanguinis detractione lenne emeticum (Nro. 73.) summo cum successu exhibebatur.

In pleuritide quadam epidemica biliosa testante Schroëdero Medicus summo cum successu emetica dabat, quæ vero sæpenu-mero solummodo alvum solvebant & si vomitus non concitaretur, moriebantur fere semper ægri. Ad hoc præcavendum in regione epigastrii, priusquam vomitorium propinaret, vesicatorium imposuit, & in omnibus, quibus hoc applicatum erat, emesis civit ægris servatis. Symptoma hoc probabiliter a spasmodicis vomitum impedi-

dientibus oriebatur, quos vesicatorium aufererat (a).

Maxima tamen cautela opus est. Frequentissimi enim grassante anno 1773. peripneumonia in Nosocomio occurrebant ægri, quibus ob vomitorium ab imperitis datum aut gangræna aut immedicabilis suppuratio succedebat.

Hinc notavit Balonius: (b) quod magnæ prudentiæ sit observare in ægris, quibus venæ sectio & quibus purgatio potius conferat: ne peccetur in medendo.

Ubi his adhibitis morbus non levatur, sed diathesis putrida augetur, salina alvum apertam servantia, largiora acida mineralia, cortex peruvianus, vel camphora, moschus, spiritus cornu cervi propinanda sunt, ea ratione & iisdem cum cautelis, ut in capite de febre putrida dictum fuit.

Ab anni spatio plures sævissima pleuritide & peripneumonia corripiebantur, quibus ob febrim validam & respirationis

X 5

diffi-

(a) Wichnolt de inflammat. occult. pag. 27.

(b) Oper. om. Tom I. pag. 52. 121.

difficultatem sanguis largissima quantitate detrahendus erat, qui crustam lardaceam, densissimam, cultro resistentem exhibuit. Remediis antiphlogisticis, emollientibus morbus parum levabatur & sputa cocta educebantur; verum minuta phlogosi notabatur febris tertianæ duplicis typum servans; exacerbationis tempore sputa supprimebantur; pulsus in debilissimum mutabatur; accedebant aut sopor, aut deliria;angebantur pessime ægri & largiter tenuem urinam mingebant; vires adeo languebant, ut morti proximi viderentur. Ob summam debilitatem camphora leni dosi data profuit; sed brevi ad corticem transeundum erat, cujus usu expectoratio exacerbationis tempore facilius reddebatur & ægri adhibitis simul emollientibus, diluentibus, expectorantibus remediis brevi integræ sanitati restituebantur.

Erant eodem tempore alii, qui febre corripiebantur continua cum exacerbationibus quotidianis, ita tamen, ut una alteri tertiæ diei & tempore & gravitate symptomatum responderet; sub accessu tussis ingens, inanis, dolor punctorius lateris

reme-



remediis externis & internis non obediens observabatur; iis purgato prius corpore cortex dandus erat; hoc sumpto respiratio-  
nis difficultas & dolor brevi fugiebatur & decumbentes ut plurimum per sudorem lar-  
gum & sputa puriformia judicabantur. Ra-  
rissime phlebotomiæ locus erat ob vires  
fractas & pulsum, qui, licet tempore  
exacerbationis fortis esset, in remissione  
debilissimus & inæqualis tangebatur.

Vidi nonnullos periisse, quibus ad  
tussim compescendam opiata propinaban-  
tur & corticis usus negligebatur.

---

## PERIPNEUMONIA NOTHA.

---

**P**eripneumonia notha hyeme a frigore  
vel verno tempore oritur, dum superve-  
niente calore pituita solvitur, humoribus  
circulantibus miscetur, tenacitate sua vasa  
obstruit & pulmones sensim sensimque in-  
farcit.

Seni-

Senibus, otiosis, victu duriore abutentibus, pituitosis, frigidis, catarrhosis, spiritu vini abutentibus familiaris est morbus.

Rarior feminis & pueris, cum vasa facilius dilatentur.

Quæ humores magis ad pulmones determinant, morbum hunc producant: ut cursus, declamatio, cantus, ebrietas, æstus, subitum frigus calorem excipiens.

Diagnosis morbi est difficilis.

Incipientis signa sunt: temperamentum, prægressa levis defatigatio, major debilitas, hebetudo insolita, sensus torpentes, proclivitas ad somnum, facies rubra livescens, anhelatio, anxietas, pectoris obpressio. Abest febris, aut levissima solummodo ægros vexat. Sequuntur horriptiones, vicissitudines caloris & frigoris augentur anhelitus & debilitas. Urina quandoque pallet, quandoque intense rubet, emissæ statim turbatur, aut turbida mingitur, talis absque sedimine manet, conquassata spumam diu retinet. Accedit molestus dolor capitis inter tussendum & multa communia signa cum peripneumonia vera;

sed

sed levior longe febrilis insultus animadvertitur.

In senibus non raro hydrops pectoris succedit.

Cura est difficilis. Venæ sectio caute instituenda ob corpus laxum & senile. Adtenuantia summa cum prudentia quoque adhibenda, ne impetus humorum in vasa pulmonalia augeatur & obstructio irrefolubilis reddatur. Quod tristi sæpius exemplo patuit, dum ægri aëris frigus tamquam unicam causam accusantes, spiritibus fermentatis, aut aromaticis utentes brevi perierunt.

Cura nisi vires nimium prostratæ, aut pulsus inæqualis &c. a venæ sectione ex largo vulnere incipienda ne pituita gravatus sanguis id obstruat.

Sic tutius dein remedia adtenuantia in usum vocari possunt.

Parcius detrahendus est sanguis tempore humido & ætate admodum provectis.

Cavendum a nimia venæ sectione, cum hæc lentorem pituitosum augendo pessime noceat,

Clysmā

Clyisma quotidie injiciendum, donec pulsus fortior & respiratio faciliior reddatur.

Abstinendum ab enematibus, si nimium inde debilitentur ægri.

Vesicantia extremitatibus adponenda & corpus sale sedlizenfi, aut thermarum carolinarum purgandum.

Sydenhamus vult, ut alternis diebus purgans antiphlogisticum exhibeatur. Verum hoc pro diversitate subjecti & symptomatum est determinandum. Nam obesi, viribus magis valentes, laute antea nutriti plures ferunt alvi evacuationes, quam ætate provecti, aut viribus admodum fracti.

Decoctum & infusum ex radice bardanæ, hyssopo; floribus sambuci cum oxymelle simplici & scillitico edulcoratum addito pauco nitro sæpe prodest (Nro. 76.).

His non juvantibus Kermes minerale, & urgentiore casu sulphur auratum antimoni ad granum unum vel duo omni bihorio, aut trihorio exhibendum.

Si hisce in usum vocatis, absente febre sputa valde glutinosa ejiciantur, manente sat valida pectoris obpressione gummi ammoniacum aceto squillitico solutum,

aqua



aqua hyssopi dilutum convenit superbibendo infusum stiptum dulcamaræ (Nro. 77.) hyssopi &c.

Abstinendum ab omnibus oleosis.

Morbo jam debellato pilulæ (Nro. 78.) ex gummi ammoniaco, extracto enulæ exhibendæ ad hydropem pectoris præcavendam.

Si urina parcior, corpus magis inflatum, prioribus pilulis aliquot grana extracti scillæ utiliter admiscuntur.

Morbo durante victus tenuis; eo debellato diæta ex carnibus tenuioribus & facile digerendis imperanda est.

Moderatus vini & aromatum usus, frictiones, levis corporis motus, acidulæ, ut Ruitschenfes cum vino Austriaco, multum profunt.



## CAPUT XVIII.

DE

PARAPHRENITIDE,  
MEDIASTINI,

ET

## PERICARDII INFLAMMATIONE.

**F**requentius, ac creditur, mediastini & pericardii inflammatio contingit, notante Illustri van Swieten.

In mediastino inflammato æstus validus, angustia ad strenum, sputa colorata, pulsus durus observatur. Minor autem dolor, ac in pleuritide ægros vexat: cum inter inspirandum dilatato thorace non tam valide distrahatur mediastinum.

In inflammato pericardio pulsus perturbator & animi deliquia occurrunt.

Nonnunquam talis morbus phrenitidem & paraphrenitidem comitatur. Nam,  
mo-

monente Clarissimo Selle (a), haud raro accidit, ut plurimum partium inflammationes simul coëxistant, pro cujus complicationis diversitate alia atque alia phenomina adparent, quorum determinatio sat difficilis est.

Causæ & cura eædem sunt, ut in pleuritide, sed prognosis periculosior: nisi enim benigna resolutione morbus solvatur, mors subita, aut vix superabilia sequuntur mala.

Ubi abscessu nato sub sterno pus collectum, rarefactionem sterni laudant.

Paraphrenitis noscitur ex febre continua valde acuta; respiratione sublimi, parva, celeri, suffocativa, solo fere thorace peragenda; dolore ad præcordia, latera, dorsum in inspiratione aucto. Accedit tussis, nausea, vomitus; hypochondriorum introrsum revulsio; delirium & risus sardonius.

Falluntur vero, qui credunt cynicum spasmus pathognomicum inflammati diaphragmatis signum esse. Bina exempla

Y

vul-

---

(a) Rudim, pyretolog. method. pag. 119.

vulnerati diaphragmatis sine risu sardonio refert Illustris Morgagnius (a).

Sed & aliis imi ventris adfectionibus hic spasmus quandoque accedit. Sic Clarissimus van Dœveren risum sardonium in paroxysmo febris intermittens per emeticum dein fugatæ observavit. Et Clarissimus Strack multos in febre petechiali risu sardonio exanimatos vidit (b).

Juvenis recordor, qui febre putrida neglecta risu sardonio stipata decubuit. Cortice peruviano, acidis mineralibus, clysmatibus, spiritu cornu cervi cum essentia castorei propinato multum levabatur. Verum tertia die ob metum præsentis inflammationis diaphragmatis, licet pulsus debilis & celer esset, nec dolor in respiratione adficeret ægrum, me dissuadente venæ sectio instituta & oleosa exhibita fuerunt. Sed inde, ut prædixeram, post bidduum convulsus periit æger.

Ex quibus patet non ex diaphragmatis solum, sed cujuslibet visceris, quod a  
nervo

---

(a) De sed. & caus. morb. Epist. L. III. art. 3. & 6.

(b) Observ. de morb. cum petech. pag. 175.



nervo intercostali ramos habet, vitiis spasmus illum per consensum produci posse. \*

\* *Legi potest Henrici Rahn Dissertatio de miro inter caput & viscera abdominalia commercio Gættingæ edita.*

Prognosis est periculosior, ac in pleuritide ob motum perpetuum partis, ob consensum ejus cum corde & cerebro. Hinc tertio, quinto, sexto die moriuntur, Morbus ut peripneumonia judicatur.

Cura eadem ac in pleuritide.

Clysmata injecta plurimum profunt, cum intestinum colon, ubi circa hepar & lienem transit, diaphragmati vicinum est; hinc mollissimis decoctis, per clysmata injectis repletum adplicat fomentum blandum & resolvens inflammato diaphragmati.

Si abscessus nascatur, aut in cavum thoracis, aut in abdomen rumpitur. In priori casu empyema, in ultimo asciten purulentum creat,

---

## CAPUT XIX.

DE

## HEPATITIDE.

---

**H**epatitis in vena portæ, vel arteria hepatica locum habet.

Una nata, facile altera ob innumeras anastomoses sequitur.

Fridericus Hoffmannus & Illustris van Swieten rariorem hepatitisem veram esse docent, ob arteriæ hepaticæ parvitatem & minorem impetum sanguinis venæ portarum.

Frequentius hepar in parte exteriori inflammatur.

Signa hepatitis sunt : febris acuta continua, sitis, respiratio difficilis, tussis sicca, urina flammea, alvus adstricta, tensio dolorifica hypochondrii dextri, quæ quandoque pleuritidem mentitur & ad jugulum usque extenditur.

In extima hepatis membrana adfecta, singultus, tumor hypochondrii dextri, decubi-

cubitus in idem latus molestior, pulsus durior, celerior, dolor vehementior, præcipue in motu diaphragmatis.

In inflammatione partis concavæ major vomitus, anxietas, tensio & icterus.

Hepatitis causant omnia, quæ inflammationem generant & ad hepar determinant: ut bilis acris post æstates fervidas, calculus, obstructio, contusio, hæmorrhoides & menstrua subpressa, affectus animi validi, metastasis, rheumatismus, podagra.

A potu & balneo frigido hepatitis oriri valet: cum hepar magna sui parte ventriculo incumbat & ibi nudo peritonæo tangatur.

Ab hepate inflammato bilis generatio, secretio, excretio turbatur; inde icterus, putrefactio liquorum & viscerum abdominalium.

Morbus est periculosus, ob viscus friabile, perpetuo agitatum & bilem tam facile putrescibilem.

Minus discriminis est, si inflammatio hæreat in vasis venæ portarum, quam si occupet vasa arteriosa hepatica. Gibbosa

enim hepatis pars inflammata facile diaphragma simul adficit.

Ex materia atrabiliaria vix medelam admittit, vel ubi hepar antea scirrhum, aut calculosum fuit.

Vomitibus nigri, dejectiones alvi tetrici coloris & odoris, continuus singultus, fittis magna, extremitatum frigus, signa dant gangrænæ præsentis, mortisque instantis. Secus dejectiones tales absque malis signis salutare esse possunt, dum sanguis hæmorrhoidalis fecibus mixtus per anum excernitur.

Solvitur hic morbus benigna resolutione, criticis evacuationibus, metastasi, vel in suppurationem, scirrhum & gangrænam abit.

Criticæ evacuationes sunt: alvus biliosa cum paucis cruore; hæmorrhagia communiter ex nare dextra; urina acris, multa, crassa, cum sedimento subalbo, sudor continuans.

Sic Galenus observavit: ipsam bilem infarcto hepate in sanguinem regurgitantem per sudores amarus exivisse de corpore.



Atrabiliariis & quibus hæmorrhoides subpreſſæ, morbus & per hæmorrhoides ſolvitur.

Vidi quandoque ſputa flava, copioſa, morbum levantia, absque ullo adfectorum pulmonum ſigno, quandoque enim ut Sarcone (a), aliiſque obſervarunt, pectus & hepar ſimul inflammantur.

Amicum quoque ſcirrhis adominis inveteratis diu laborantem, inflammatione hepatis correptum ſputis copioſiſſimis cœnoſis ſuffocatum dolui; licet duodecim ante mortem horis nulla omnino pectoris labes ſe manifeſtaſſet.

Nascuntur & in hepatitis metaſtaſes ad crura.

Supervenit nonnunquam mitior lienis dolor, qui ubi ante ſigna ſuppurationis obſervatur, materiam in hepate ſtagnantem jam mobilem redditam per alias vias excretam iri. notat: in progreſſu morbi, ubi nulla ſpes reſolutionis, ſuppurationem & ſcirrhum indicat.

Y 4

Indi-

---

(a) Pag. 238.

Indicationes sunt, impetum humorum minuere, crassum adtenuare & solutum evacuare.

Venæ sectio parcior, ac in aliis inflammationibus instituenda, præcipue ubi malum in vena portarum hæret.

Si pulsus debilis, icterus gravior, vires prostratæ; pessime noceret.

Atrabiliariis, vel quibus hæmorrhoides subpressæ, hirudines & infessus super aquam calidam profunt.

Cataplasmata, fomenta ex speciebus emollientibus cum sapone veneto & urgente necessitate, suadente Pringle, vesicantia hypochondriis adplicanda sunt.

Clysmata maximæ sunt utilitatis, cum bibulis venis reforpta, directe & integris suis viribus ad locum adfectum perveniant, & tepida hæc intestinum colon, quod notabili parte secundum hepar decurrit, intrando, blandum fomentum hepati largiantur.

Remedia in hepatitide indicantur solventia, alvum moventia, sitim & calorem minuentia, ut decoctum ex radice graminis, acetosæ, cichorei, tamarindis, cum sale

fale polychresto & syrupo quinque radicum vel mixtura (Nro. 79.), vel electuarium ex rob sambuci pulpa tamarindorum & crystallis tartari.

Potulenta moderata dosi pro vice sumenda sunt, ne vomitus excitetur.

Crisi per alvum, aut sudorem sequente decoctum prius absque salibus mediis & tamarindis convenit; alvus enim ita moderanda, ne vires emungat.

Idem remedium addita drachma una aut altera nirri locum habet, ubi hepatitis per urinam, quod rarius, solvitur.

Morbum superatum scimus: si urina & feces naturales, si nulla flavedo in oculis nec ex pallido flavescens faciei color, nullus dolor circa hypochondrium dextrum, nulla anxietas præsertim repleto ventriculo, vel post majorem paulo corporis motum observetur & imprimis, si per aliquot septimanas nullum ex his signis redeat.

Magna enim cura cavendum est: ne quid maneat morbosum, cum gravia mala chronica a neglecta vel non integre curata hepatitis originem ducant.

Nonnunquam inflammatione fugata, præcipue in subjectis atrabiliariis ob causas leviores icterus vehementior & pertinacior redit.

His præter decocta solventissima pilulæ ex sapone veneto, gummi ammoniaco, extracto rhei & sale polychrestro præscribendæ (Nro. 80.) Abdomen unguento althææ inungendum.

Quandoque a diuturniori horum remedium usu diarrhœa sequitur, quæ ægros jam debiliores viribus exhaurit, quod ex pulsu debili, parvo, inæquali &c. noscitur.

His purgantium & solventium loco mixtura ex extracto corticis & aqua melissæ vel simplici, vel ubi vires multum languent, cum vino propinanda & decoctum hordei cum oxymelle simplici & syrupo rubi idæi pro potu dandum.

Non obest corticis peruviani usum in obstructionibus viscerum damnari: nam in hoc casu humores ab acri bile soluti & solida nimis laxa videntur; hinc cortex tamdiu continuandus, donec vires augeantur, dein eidem mixturæ aliquot drachmæ salis poly-



polychresti admiscendæ, donec alvus difficilior, robur firmatum priorum solventium remediorum ulteriorem usum continuandum suadeant.

Morbo debellato ad recidivam præcavendam, acidulæ Egranæ, vel Ruitschenfes utilissimæ sunt.

Suppuratio oritur, ubi nec resolutio nec critica evacuatio accessit, continuante febricula, horripilatione vaga, &c.

Abcessu nato vel totum hepar consumitur & inde icterus, tabes, tympanitis, diarrhœa colliquativa: aut in abdomen rumpitur & viscera consumendo, asciten, vel rupta vena portæ, subitaneam mortem infert. Utrumque malum insanabile est.

Vel materia purulenta per ductum hepaticum ad duodenum fertur & per alvum aut vomitum expellitur.

Magnum periculum, ubi bonæ notæ pus excernitur; sed ubi ichorosum & foetidum est, certa sequitur mors.

Remedia commendantur detergentia & putredini adversa: ut serum lactis cum spiritu vitrioli, aut acetosella paratum.

Ubi

Ubi maxima debilitas, parciori dosi extractum corticis propinari potest.

Fluit & pus per venam cavam in sanguinem.

Si id sensim fiat, nec materia penitus a conditionibus boni puris degeneraverit: per urinas, vel metastases salus fieri potest.

Sed metastases hæ raro bonæ sunt, cum pus ad pulmones delatum crassitie sua ægrum suffocare, vel acre factum functiones corporis pessime turbare valeat.

Commendantur serum lactis recentis cum acetosa coctum, juscula carniū cum succo citri vel aurantiorum, vinum Rhenanum, decoctum panis, oryzæ, avenæ cum spiritu nitri dulcis, liquore anodyno minerali.

Laudantur & aquæ minerales, quatenus per omnia fere vasa mobiles abstergunt, abluunt & per urinæ vias, quandoque per alvum educunt.

Verum magna plerumque debilitas comitari solet hunc morbum & observant omnes practici, aquas illas, ceteroquin adeo salubres, nihil prodesse, ubi tam parum  
de

de viribus vitalibus in corpore ægro superest.

Dum abscessus extrorsum formatur, is brevi aperiendus.

Si pus æquale, boni coloris, nullum odorem spirans exeat: spes adhuc superest; secus certe pereunt ægri.

Tumore adparente in illa regione, ubi vesicula fellis locatur, sedulo inquirendum, an abscessus ibi hæreat & an non a tumente vesicula fellea pars elevetur.


Signa distinctiva optime descripsit Illustrissimus van Swieten, quod suppurationem comitetur dolor pulsatorius; horrores vagi frequentiores & diuturniores; quod tumor ab abscessu factus non adeo limitatam figuram habeat, neque statim in eo fluctuatio adpareat & quod hæc primo percipiatur in centro tumoris omni reliquo ambitu adhuc duro.

Hepatitidem in scirrhum abiisse docet tumor, dūrities, pondus, icterus, respiratio difficilis, anxietas, quæ omnia ad partum augentur.

Teutari possunt solventia ex succo graminis, taraxaci, cichorei, si haberi possunt: fecus meracissima horum decocta conveniunt.

His non juvantibus vitæ regimen debitum commendandum. Sic per multos annos absque incommodo scirrhum ferunt ægri. Cavendum, ne ultro medicamentis solventibus irritetur & cancer sequatur.

Quandoque observatum fuit, post icterum diuturnum horrendos nasci in abdomine dolores, sanguinem magna copia sursum & deorsum exire: unde animi deliquium & mors. In his verosimile videtur, cancrum acrem ichorem vasa erosisse.





---

## CAPUT XX.

DE

### GASTRITIDE.

---

**V**entriculum inflammatum esse constat ex dolore ardente fixo in regione ventriculi, vomitu ad ingesta, anxietate ingenti circa præcordia, siti, singultu, febre acuta continua, quandoque tamen ut in gastritide a venenis nata ob syncopes & doloris vehementiam pulsus debilis & subpressus tangitur.

Inflammatiō partium vicinarum, ut hepatis, pancreatis dubiam formant prognosim maxime cum ventriculi situs mutetur in eodem homine, prout magis vel minus flatibus, aut ingestis distentus est & cum miræ varietates in situ ventriculi observentur.

Signum fere pathognomicum, animadvertente Illustri van Swieten, est exacerbatio

batio doloris ab ingestis parca copia sumptis & talibus, quæ ceteroquin facile fert ventriculus. Si enim in vicinis partibus inflammatio hæserit, illæ irritantur quidem a ventriculo distento, sed non illico sentiuntur doloris exacerbatio, si parum simul in ventriculum ingeratur.

Rarissimi enim casus sunt gastritidis absque vomitu observatæ (a).

A musculis epigastrii inflammatis ob loci viciniam, eadem fere, aut mitiora, excitantur symptomata, observante Clarissimo Sauvages (b); sed tumor est plus adparens, sensibilitas major ab attactu cutis, minor dolor ab ingestis parva copia sumptis. In gastritide tumor, tensio, dolor profundior notatur.

Licet hæ inflammationes confundantur; in curatione nullum damnum orietur, cum similis medela requiratur.

Causæ

---

(a) Haller Opusc. path. Observ. XIV. Hist. III.

(b) Nosol. Method. Tom. II, Part. 1, pag. 470.

Causæ gastritidis variæ sunt : ut inflammatio partium vicinarum; acria ingesta, vomitoria & purgantia drastica, venena; miasma variolosum, morbillosum, arthridis retropulsa; hæmorrhagiæ consuetæ subpressæ.

In cadaveribus febre putrida defunctorum neglecto vomitorio non raro levis inflammatio ventriculi reperitur.

Omnium forte frequentissima causa est potus gelidus, cum directe in ventriculum delabatur, maxime si copiam talis potus a laboribus æstuans homo simul & semel ingurgitaverit: a qua causa post intolerabiles anxietates intra paucas horas mortem vidit Illustris van Swieten.

Hoffmannus plures similes casus recenset gastritidis ab hac causa natæ.

Observavit idem vir Celeberrimus frequentem ventriculi inflammationem ab emetico vel purgante drastico post iram exhibitam, quo bilem ab ira, ut putarunt, commotam e ventriculi sinu exturbare voluerunt.

Morbus est valde periculosus, cum remedia vix ingeri possint.

Z

Discri-

Discrimen augetur pro magnitudine inflammationis & vehementia symptomatum.

Tollitur ut reliqui morbi inflammatorii resolutione benigna, vel in suppurationem, aut gangrænam abit, quæ non raro a spirituosis & stomachicis nascitur.

Cura a venæ sectione larga & audaci inchoanda & pro necessitate repetenda.

Ab ea abstinendum, ubi pulsus debilis, inæqualis, convulsiones, syncope, deglutitio sonora animadvertuntur.

Clysmata antiphlogistica sæpius injicienda. Fomenta emollientia & resolventia regioni ventriculi & factis depletionibus pulsu debili & parvo vesicantia adplicanda.

Commendantur & balnea; sed hæc vix ferent ægri ob anxietates & jactationes frequentes corporis.

Non incongruum erit hoc loco quædam adjicere, quæ morbum præcavent, cum præsens tam difficulter curetur.

Si a fungis venenatis vomitus observetur, subito emeticum propinandum, antequam inflammatio sequatur.

Hoc



Hoc neglecto, datis etiam copiosissimis diluentibus, convulsiones & mortem succedere vidi.

Ubi ab emetico vel purgante drastico vomitus, dolor ad regionem ventriculi observatur: lac cum aqua, jura tenuia, pingua largissime exhibenda sunt; ut hærens forte adhuc irritans in tunica ventriculi interiori eluatur: quod in homine a granis octo vitri antimonii in substantia exhibitis necato vidit Celeberrimus Fridericus Hoffmannus (a).

Ad præcavendam gastritidem a mercurio sublimato corrosivo sumpto commendat Macbride unciam salis tartari in libris octo aquæ dilutam & affatim haustam (b).

Gastritide præsentē decoctum hordei, avenæ, althææ, serum lactis cum paucō nitro convenit.

A majori nitri dosi, ab omnibus acidis, imo acidulis abstinendum: ne irritatio major sequatur.

Z 2

Pro

---

(a) Opusc. path. practic. decur. II. Dissert. VII. pag. 456.

(b) Systematische Anleitung in die Arzneikunde. Zwent. Theil. pag. 715.

Pro nutritione quidquam vitelli ovi admisceri potest.

Hæc sæpius, verum parcissima dosi ingerenda sunt: ne a ventriculo distento major dolor & vomitus oriatur.

Vitanda sunt paregorica in gastritide ad vomitum sistendum: tum quia nonnullis emesis inde cietur, tum quia in inflammatione opium non convenit ob rationes sæpius adductas.

In animalibus inde necatis ventriculus inflammatus erat, in cane per solutionem opii in jugularem injectam ventriculus & intestina valde inflammata reperiiebantur, testante Celeberrimo Tralles (a).

Fotte olim opium liberalius in inflammationibus propinabatur, quia remedium in quarto gradu frigidum censebatur.

Ubi inflammatio ventriculi a metastasi exanthematum orta, ea locum habent, quæ in capit. de miliar. dicebantur.

Illustris Vogel in simili casu vesicatorium latum regioni epigastricæ adplicare merito præcipit (b). Si

---

(a) Tom. III. pag. 184.

(b) De cognosc. & curand. præc. corp. hum. aff. pag. 159.

Si gastritis non tam vehemens, ut in gangrænam abeat, nec tam levis ut benigne resolvatur: in suppurationem abit, quæ ex remissione doloris, horripilatione, pondere in ventriculo noscitur.

Vomica rupta pus sursum & deorsum evacuatur quandoque cum levamine.

Aliquando, ubi ventriculus peritonæo adcrevit, abscessus per integumenta extrorsum rumpitur & fistulam relinquit, per quam dein toto reliquo vitæ tempore pars ingestorum prodire solet.

Nonnunquam ex ulcere hæmorrhagia lethalis & vomitus cruentus.

Ubi suspicio vomicæ natæ, ab initio emollientia conveniunt. Vomica rupta detergentia & consolidantia.

Sed & hæc parcissime propinanda, ut & alimenta ne a copiosis his ingestis ventriculus distendatur & partes, quæ coire inceperant, distrahantur.

Victus ex oryza, pane, hordeo, jure carnum imperandus: & clysmata nutritia similibus ægris utilissima sunt.


Scirrhus præsens noscitur ex tempore resolutionis & suppurationis elapso ma-

nente pondere in regione ventriculi & nonnunquam vomitu ab adsumptis.

Scirrhus talis diu manere potest: licet pondere & mole sua partes distrahendo plures molestias generet. Ubi vero diuturnitate temporis, vel acrium medicamentorum usu in cancrofam malignitatem vergere incipit: horrendi dolores inde fient.

Si scirrhus recens: binæ drachmæ saponis veneti per plures menses quotidie sumptæ quandoque profuerunt, cum summum dissolvens & mite remedium sit. Quamprimum vero dolor augeretur inde, abstinendum & extractum cicutæ tentandum, a quo non raro scirrhusæ indurationes feliciter solvuntur.

Profunt & aquæ medicatæ spadaneæ vel his similes, quæ mira vi solvendi concreta in corpore solvere valent, neque interim acrimoniam magnam habent.





## CAPUT XXI.

DE

## COLICA.

**O**mnis intestinorum dolor colica audit, quæ in varias species ratione symptomatum & causarum distinguitur.

Hinc alia est periodica, epidemica, inflammatoria, biliosa, pituitosa, flatulenta, spasmodica, stercoracea, pictonum. Demum ab hæmorrhoidibus, menstruis, herniis, vermibus & peregrinis tumoribus colica observatur.

Licet tantum de morbis inflammatoriis tractare in animo fuisset: tamen hic agam de colica flatulenta & biliosa, cum sæpe inflammatoria pro flatulenta habita pessime tractetur & non raro inflammatoria biliosam sequatur; maxime si non iusta medendi methodus adhibeatur. Sic Spigelius in omni-

bus colica defunctis intestinorum inflammationem reperiit.

---

## COLICA INFLAMMATORIA.

---

**H**æc a causis inflammationis ad intestina delatis oritur: ut ab aëre, balneo frigido, maximè æstuante corpori adplicato, a venenis, purgantibus drastrictis; evacuationibus sanguineis subpressis; spirituosis adsumptis; compressione intestinorum in herniis; materia acri, dysenterica, putrida &c.

Clarissimus Ludwig refert (a): quod sectiones cadaverum, febribus continuis malignis & exanthematicis extinctorum vix non semper partes quasdam intestinorum inflammatas sistant absque intenso dolore prægresso.

Inter

---

(a) Instit. Medic. Clinic. 155.

Inter colicæ causas non absurde omenti defectus numerandus est; cum ab hoc intestina tegantur, foveantur, ac lubrica ferventur.

Frequentius intestina tenuia, quam crassa, animadvertente van Swieten (a), inflammantur: cum hæc ita constituta esse videantur, ut minus facile adficiantur, quam tenuia; cum stercoreæ materiæ jam subputridæ & acriori servandæ inserviant. Præterea omnia acria ingesta, vel mora in ventriculo aut intestinis talia reddita, primo noxam inferunt tenuibus, antequam ad crassa pervenire possint.

Incipit enteritis cum horrore, succedit dolor ad tactu auctus, qui licet fixus maneat, per intervalla tamen immaniter auctetur, vel a contentis in intestinorum cavo, vel a flatibus ad locum inflammatum usque propulsis.

Abdomen sensim sensimque increfcit cum sensu ardoris fere ignei, pulsu duro & celeri, urina rubra, siti magna. Nonnunquam tamen tenuem materiam per anum

Z 5

excer-

---

(a) Tom. III. pag. 160.

excernunt ægri, sed frequentius alvi obstructio animadvertitur.

Inflammatis tenuibus, nausea & vomitus vehementius urgent.

Citius autem vel serius evomuntur adsumpta, prout inflammatio majori vel minori distantia a ventriculo sedem fixerit.

Colon inflammatum quandoque pleuritidem & hepatitidem mentitur, dum dolor ad costas usque ascendit.

In inflammatione intestini recti symptomata hæmorrhoidalia occurrunt: ut tenesmus, urinæ stillicidium, constrictio ani.

Enteritis a nephritide differt per alvi constipationem, per symptomata ab adsumptis aucta & quod in nephritide urina magis saturata spectetur.

Prognosis differt ratione subjecti, loci, vehementiæ morbi, symptomatum.

Facilius sanantur crassa, quam tenuia: cum eorum fabrica forte magis resistat; tum quod inde non tam facile & cito reliquorum intestinorum actio turbetur; tum quod per clysmata plus emolumenti sperari possit.

Quo



Quo fitis major, dolor acerbior &c. eo majus periculum.

Melior est alvus soluta, quam adstricta cum vomitu pertinaci.

Periculosissima est enteritis in gravidis ob metum abortus, alvi obstructionem, vomitum & cetera symptomata ut plurimum vehementiora; cum per extensum a foetu uterum omnia viscera abdominalia compri-  
mantur.

Pulsus debilis, inæqualis; sudor frigidus; doloris remissio absque resolutione aut critica evacuatione; excrementa tenuia, ichorosa, incio ægro abeuntia; lingua sicca; singultus; oculi caliginosi; animi deliquia mortem portendunt.

Solvitur enteritis benigna resolutione; diarrhoea blanda, subcruenta, biliosa.

Inflammatio intestinorum crassorum maxime recti per hæmorrhoides nonnunquam tollitur.

Abit & in suppurationem, gangrænam & scirrhum.

Cura a larga venæ sectione incipienda, pro ratione virium & symptomatum repetenda.

Soli

Soli pulsui in hoc morbo non fidentum: cum ob acerbitem doloris non raro parvus & debilis tangatur, licet vires exorbitent.

Si temperamentum, ætas, prægressa id suadeant: prima venæ sectio moderata esse potest; sed insurgente pulsu subito larga & audax instituenda est.

Hæmorrhoidibus tumentibus hirudines adplicandæ sunt.

Post venæ sectionem clysmata emollientia frequenter injicienda. Licet enim, si in tenuibus hæreat inflammatio, ad ea non perveniant enemata: crassa tamen intestina talibus remediis repleta, balneum quasi præbent omnibus vicinis partibus; adeoque & sic prodesse poterunt.

Rarius contingit tantam esse ani constrictionem: ut tubulum pro clysmate injiciendo non admittat. In simili casu molissimis unguentis anum illinire oportet: vel balneo vaporis, dum sellæ perforatæ infidet æger, fovere, donec laxetur.

Primo clysmati mel mercuriale, manna addenda: ut aliquoties purgetur æger

&

& intestina crassa, a fecibus & flatibus distenta evacuentur.

Reliqua enemata ex solis emollientibus parata sufficiunt.

Quæ & necessaria sunt, licet ægri alvo soluta gaudeant.

Præplacet decoctum seminum lini, radicis althææ (Nro. 81.) oleosis, quæ in plicis intestinorum retenta, calore loci rancescentia, acrimonia nocere possent.

Venæ sectio clysmata præcedere debet: cum observata doceant, lenissima tunc promptius operari, quam fortissima ante sanguinis missionem.

Inflammati intestinis crassis, enemata dimidiam libram non excedant. Sic diutius retinentur & minor metus est: ne inde magis distenta intestina plus doleant & patiantur.

Clysmata caute & non nimio impetu applicanda: cum intestina non raro a flatibus distenta sint, qui inde magis in flexuras coli urgentur & id distendendo tenuia plus comprimunt.

Fomen-

Fomenta ex speciebus emollientibus & sapone continuo adplicanda.

Cavendum, ne fomenta ponderosa sint & inde dolorem excitent.

Balnea & semicupia rarius adhiberi possunt: cum ægri ob acerbitatem doloris perpetuo situm mutant & frequenter a balneis plus angantur.

Pro remedio interno sufficiunt emulsa, decoctum ex radice graminis, radice althææ, syrupo althææ & symphyti edulcoratum. Mel enim & oxymel nonnullis nauseosum est; hinc iis facile vomitum crearet.

Dicto decocto paucum nitri addendum: ne majori dosi irritationem & emesin augeat.

Venæ sectionibus institutis, clysmatibus adplicatis, urgente vomitu, paregoricum per vices, sed prudenti manu, exhibendum est: ut spasmi minuantur, vomitus sistatur & locus detur retinendis decoctis emollientibus.

Nonnulli non immerito ab opio per anum injecto certiores sperant effectum: maxime, cum quibusdam ab opio ore sumpto emesis cieatur.

Pare-



Paregorica, monente Illustri van Swieten, haud conveniunt, nisi prius sanguinis missio & enemata adhibita fuerint: ut inflammationis augmentum impediatur. Secus facile contingit, ut gangræna inflammationi succedat.

Si depletionibus factis dolor continuetur; pulsus fiat tremulus, parvus, inæqualis: vesicantia abdomini & artubus adponenda sunt; moderata camphoræ dosis tentanda, quæ clysmatibus ex speciebus emollientibus & floribus camomillæ paratis quoque admisceri potest.

Inflammationem, quæ nec benigna resolutione, aut critica evacuatione solvitur, nec in gangrænam abit, suppuratio excipit, ex prægressis, horripilationibus vagis &c. noscenda.

Facilius curatur suppuratio intestini recti, cum manibus accessus detur.

Abscessu in aliis intestinis formato, diu clauso manente, pus mora tenuius redditum in massam humorum absorbetur & cacochymiam purulentam creat.

Si vomica in cavum abdominis rum-  
patur: diarrhœa ichorosa, aut febris lenta

ægrum

ægrum emedio tollunt. Si in cavum intestinorum: feratur diarrhœa purulenta sequitur, quæ pro diversa magnitudine abscessus, ejusque varia conditione, citius sanabitur, vel diutius protrahetur.

Contingit quandoque, ut per tumorem suppuratorium, in tunica cellulosa hærentem, secedat separata a reliquis tunica interior villosa & exeat per alvum referens figura sua cavum intestinale tubum, non sine ægrorum & adstantium insigni metu, qui ipsum intestinum sic egredi, nullamque sanationis spem superesse putant.

Ubi suppuratio nascitur, emollientia continuanda.

Pro nutrimento serum lactis, juscula carniū propinanda, cui radices scorzonæræ, fîsari, cichorei incoqui possunt.

Eadem & conveniunt abscessu rupto.

Percolanda sunt juscula, ne aliquid crassi per intestina transeat, antequam ulcus sanatum fuerit.

Copiosus dein usus infusorum vulnerariorum (Nro. 82.) ex agrimonia, veronica, virga aurea, hyperico indicatur: partim

dem ut humores ad intestina delati, maxime bilis diluantur, ne ulcus irritent; partim ut eluatur de sanguine quidquid de pure collectum hic resorptum fuerit.

Lac his ægris minus convenit, cum cito acescat & crassas copiosas feces generet: ut in infantibus solo lacte materno viventibus manifeste adparet.

Si magna puris quantitas excernatur, æger emacietur, aut viribus magis magisque labatur: decoctum ex cortice peruviano & agrimonia utilissimum est.

Cavendum a cortice in substantia, cum crassa & dura scybala formet.

Ulcere depurato aquæ minerales feratæ, ut Spadanæ exhibendæ, quæ leniter adstringendo cicatrizationem loci adfecti promovebunt.

Ubi jam per aliquot dies nullum pus per alvum exire observatur, nullusque dolor in abdomine superest: tunc sensim solidiores cibi dari poterunt ex hordeo, oryza, pane, carnibus juniorum animalium, &c. donec tandem ad consuetum in sanitate victum perveniatur.

Gangræna intestinorum raro vel nunquam medelam capit.

Verum quidem est pluribus observationibus constituisse insignem partem tubi intestinalis, gangræna corrupti, separatam fuisse superstitē, vitæ imo & sanitatē adhuc satis commoda fruentibus postea ægris. Semper enim tunc, animadvertente Illustri van Swieten, extrorsum patebat via ichori gangrænoso & manui chirurgi dabatur aditus, ut corrupta auferre posset & unire separata: vel saltem superiorem intestini partem adfigere externo ulceris margini, ut artificiosa ibi pateat excrementis via, quæ in hoc casu, separata parte gangrænosa, in abdominis cavum decidere necessario deberent.

Cortex peruvianus & camphora per os & anum ingesta locum habere possent: ut in capitibus aliorum viscerum inflammatorum dictum fuit.

Enteritis, quæ nec benigna resolutione, critica evacuatione, nec suppuratione terminatur, in scirrhum abit.

Diagnos̃ hujus ex prægressis; alvo tardiore; & manente gravitatis, ac distra-

ctio-



tionis sensu habetur, inprimis quando saltant, vel de gradibus celeriter descendunt ægri. Molestia augetur a durioribus & copiosioribus cibis ingestis.

Quo scirrhus in loco a pyloro remotiori hæserit, eo diutius malum fertur. Demum in volvulum & carcinoma abit.

Cura est difficillima. Si enim nascens scirrhus tepore blando corporis interni, saliva, succo pancreatico, bile utraque huc derivatis, resolvi non potuit: vix quidquam a remediis sperandum esse concludit Illustris van Swieten.

Vitanda scirrho adfectis sunt alimenta aromatica, spirituosæ, feces multas & duras generantia.

Vitellum ovi, spinachiam, endiviam, serum lactis, facillime ferent.

Alvus segnior manna cum pauca terra foliata tartari & clysmatibus sollicitanda.

Tentari possunt sapo, aquæ medicatæ, extractum cicutæ.

Curatis ex inflammatione intestinorum cibi tennes & facillimæ digestionis parce sed sæpius dandi: ut tempus concedatur distentis antea sæpius enormiter intestinis,

quo iterum contrahi possint & amissum robur sensim recuperare maxime cum morbus adeo pronus in recidivam sit.

Superata enteritide sæpe ægri dolorem obtusum in loco percipiunt, cavendum a solventibus & purgantibus; hoc enim incommodum vel balneis emollientibus tollitur.

---

## COLICA FLATULENTA.

---

**F**requentius hoc morbo laborant hypochondriaci, sedentarii, gravidæ & alimentis abutentes, ex quibus aër elasticus majori copia extricatur.

Similia sunt omnia in fermentationem & putredinem admodum prona, vel in actu fermentationis subpressa, ut vinum, cerevisia, maxime, quæ cantharis fortissimis reclusa tanta vi exsilit & Viennæ *Glaschen-Bier*, *Buttel-Bier* nuncupatur.

Inter alimenta flatulenta & referenda sunt legumina, farinacea, quia his copiosus aër communis elasticus intricari poterit inter manducandum, qui deinde calore ventriculi & intestinorum rarefactus inde iterum exit.

Cepæ, allia &c. copiosos flatus gignunt; quia & maximam quantitatem aëris continent & acri stimulo irritant primas vias, ut spasmodice contrahantur.

Ab uvis, præcipue in debilibus & quorum alvus clausa est, sæpe hic morbus oritur, cum multum aëris contineant. Celebrimus Zimmermannus casus refert hominis, chorea sancti Viti laborantis, qui post magnam quantitatem adsumptarum uvarum abdomine undique inflato periit.

Diagnosin ex prægressa diætâ, borborygmis & dolore habetur. Qui abdominis peripheriam occupat, a leviori pressione non augetur, sed per intervalla recrudescit.

Abdomen in colica flatulenta inæqualiter tumet & tumor locum mutat. Levamen a flatibus sentitur, sed frequentissime nec alvus, nec spiritus excernitur.

Quandoque urina subprimitur ; sed abest ejus ardor , color ruber , mingendi conatus , dolor renum , nec pulsus inflammatorius tangitur.

Nonnunquam levis icterus accedit ab impedita bilis in duodenum evacuatione.

Colica flatulenta raro pernitiola est. Si vero diu intestina flatibus distendantur , paralytica fieri possunt , ut vix ad contractionem naturalem redeant. In tali sacco accumulatur ingesta & varia inde nascuntur mala.

In actis Academiae Parisinae exemplum habetur hominis , qui cerevisiam non fermentatam ingurgitans omnibus remediis frustra tentatis periit , intestina incredibiliter distenta erant.

Leguntur & exempla gangraenae colicam flatulentam excipientis : dum inflammatio a spirituosius imprudenter exhibitis oritur , aut nervi vasaque comprimuntur.

Venae sectio non convenit , nisi metus inflammationis eam imperet.

Optimum auxilium sperandum a clymatibus.



Prima emollientia ex oleo, aqua & melle omni hora injicienda sunt : sequentibus uncia una salis gemmæ addi potest.

Minus conveniunt enemata ex carminativis : cum irritatis intestinis pertinacius nonnunquam flatus includantur.

Profunt postea inunctiones ex unguento calendulæ, oleo menthæ, camphora (Nro. 83.) & emplastra carminativa ut de cumino (Nro. 84.)

Interne vix præstantius est remedium, ac infusum saturatum semen quatuor calidorum theiformiter haustum : cum tepore spasmī solvantur & grata hæc aromata blando stimulo has partes in æquabilem contractionem irritent.

Helmontius jam semen anisi solamen intestinorum vocavit.

Sed oleum hujus ad guttas quadraginta vel centum exhibere, ut Allen cum saccharo suavit, periculosum videtur.

Omnia aromata, imprimis si cum vini spiritu destillati inde liquores propinentur, nisi ilico juvent, pessime nocent : cum a nimis valido vel sæpius repetito horum stimulo augeantur spasmī & inflammatio faci-

le sequatur, vel jam præsens plurimum augeatur.

Alvo adstricta, præcipue si ventriculus nimis oneratus fuerit, infuso (Nro. 85.) seminum quatuor calidorum uncia semis vel uncia una salis amari, Segnetti, thermarum Carolinarum cum effectu additur.

Ubi colicam flatulentam abusus carniū præcessit & ructus ova putrida redolentes eructantur: præter clysmata crebriora & ea, quæ de colica biliosa dicentur, guttæ triginta spiritus salis dulcis, aut liquoris anodynī mineralis, aliquoties ex aqua sumptæ profunt.

Hypochondriacos, hystericos medicamenta ex mentha, melissa &c. quandoque solantur (Nro. 86.)

Quibus periodice levior colica flatulenta redit, iis prodesse poterit pulvis carminativus Dispensatorii Brandenburgensis

℞. Semin. carv.

cumin. aa. unc. β.

zingib. alb. scrup. ij.

croc. austriac. scrup. β.

m. f. pulv. subtiliss. dosi scrup. j. gr. xxx.

Si

Si ægris alvus segnior, drachma radicis jalappæ toti massæ addenda.

In summo motuum impetu paregorica per os & anum cauta manu ingerenda: cum Baglivius & alii præstantissimi Practici a largiori & repetito opiatorum usu in colica paralyfin succedere viderint.

Monet & Celeberrimus Tralles (a): ut ii, qui ex tono debili inducto facile irritabiles sunt & ex levissima causa, ut diætæ errore, animi pathemate tormina experiuntur, opio non utantur, ne pauxillum, quod roboris superest, magis infringatur & peristalsis ac alvus segnior nascatur.

Si colicæ flatulentæ intestinorum resolutio, aut atonia juncta sit, quod ex cognita ægri natura, majori inflatione & pertinaciori alvi obstructione noscitur; abstinendum ab omnibus aquosis, oleosis, emollientibus: verum frictions, clysmata ex cortice peruviano, camomilla (Nro. 36.) pilulæ ex extracto corticis resinoso, marte, gummi ferulaceis, pipere contuso (Nro. A a 5 89.);

---

(a) Part. II. Pag. 235.

87.); vel vinum ex limatura martis, cortice peruviano (Nro. 37.) propinandum.

Frequenter nunc a quibusdam roborandi scopo exhibetur & aliis martialibus præparatis antepositur æthiops martialis dictus, qui terra martialis est ex vitriolo martis artefacto in aqua soluto ope salis alcalini fixi præcipitata, cui ex impastatione cum oleo lini aut olivarum, subsequutaque calcinatione moderata phlogiston ex restitutum fuit.

Est igitur crocus martis partibus oleosis dotatus; unde etiam niger evasit. Adtrahitur quidem hic pulvis a magnete, atamen ea nullatenus velocitate, ac ferri recens limati pulvis, ut vel ideo, dum recens, æthiopi huic præferendus sit.





---

## COLICA BILIOSA.

---

**C**olicæ biliosæ nomine duplicem morbum describunt Autores. Unum ubi bilis per calores &c. acrior facta, aut ex quacunque causa copiosus secreta in intestina tenuia effusa aut in duodeno diutius retenta dolores creat. Alterum, ubi dolores & spasmi a bile crassiori, vel a calculo felleo ductum choledochum obstruente, nascuntur.

De priori hic agam, de altero inter morbos chronicos sermo erit: cum testante Celeberrimo Tralles (a) ille dolor viæ jure colicæ biliosæ nomen gerat, qui a calculis felleis excitatur.

Colica biliosa maxime æstate invadit & ut plurimum viros, adolescentes, calore, ira excalefactos adgreditur.

Inglu-

---

(a) Tom. II. pag. 240.

Ingluvies, abusus carniū præcipue ferinarum, suillarum subrancidarum, tempus anni calidissimum, motus corporis & animi vehementior morbo huic generando favent.

Diagnosin præbent prægressa, urina pauca, ruffa, ructus foetentes, amarities oris, lingua fordida, nausea, vomitus biliosi, cum siti, calore majori, ac dolore præcipue in regione intestini duodeni.

Nonnullis alvus obstructa est, quidam dejectionibus biliosis foetidissimis laborant.

Prognosis differt pro ratione ætatis, vehementiæ morbi: senes enim & exhausti plus periclitantur.

Utplurimum majus discrimen, ubi alvus adstricta.

Denique morbus in choleram, aut male tractatus in febrem putridam abire valet.

Cura varia est pro diversitate temperamenti, virium, ac symptomatum.

Ætas juvenilis, hæmorrhagiæ subprefæ, spirituosorum abusus, violentia febris, doloris intensio sanguinis detractionem suadent.

Malo

Malo provento, viribus fractis, pulsu debili, venæ sectio vitanda.

Colica biliosa adfectis clysmata ex speciebus emollientibus addito melle frequenter injicienda sunt.

Medicamenta indicantur acidiuscula, leniter solventia, ac alvum moventia, putredini resistentia: ut serum lactis tamarindinatum, decoctum ex tamarindis, acetosa, cum terra foliata tartari, nitro, syrupo cerasorum acidorum &c. (Nro. 2.).

Decoctum hordei, avenæ, cum oxymelle simplici, syrupo rubi idæi aut acetositis citri edulcoratum, vel serum lactis cum spiritu vitrioli paratum largiter potandum.

De emeticis in colica biliosa dissentiunt Autores.

Mihi nociva videntur in malo ab animi pathemate, vel calore excessivo originem ducente. Ubi vero ex ingluvie, vel abusu carnum ferinarum, suillarum morbus natus: in principio ejus, præcipue si ingens anxietas & sensus ponderis in scrobiculo cordis notetur, lene emeticum ex  
ipeca-

ipecacuanha & rhabarbaro arridet (Nro. 88.).

In vomitu ita exorbitante, ut vires emungantur, mixtura Riveriana (Nro. 89.) tentanda: dein fomenta ex infuso vinoso menthæ, melissæ regioni ventriculi adplicanda.

Urgente necessitate emplastrum de crusta panis cum opio & camphora ad scrobiculum cordis convenit.

Demum paregorica per vices sed caute exhibenda.

His non proficientibus clysmata ex speciebus emollientibus & carminativis addito grano uno, aut altero opii injicienda. Verum hic magna cautela opus est, ne paralyfis succedat.

Vomitu per hæc remedia fugato decocta hordei, avenæ, acetosæ strenue haurienda: quibus, ubi alvus silet, vires redeunt, lingua tamen spurca, urina colorata, abdomen tensum & inflatum manet, tamarindi, crySTALLI tartari addi possunt, ut biliosum in cavo ventriculi & intestinorum adhuc contentum evacuetur.

Cum



Cum hæc colicæ species crebro revertatur, debellato morbo pinguis, aromatica, spirituosâ evitanda; alimentis alvum leviter moventibus, bilem corrigentibus utendum: ut fructibus horæis, spinachia, endivia, scorzonera &c.

Quandoque morbo superato appetitus imminutus, tensio quædam in regione ventriculi & duodeni notatur, ægri magis flavescunt. Iis decocta vel succi solventes & aquæ minerales utilissimæ sunt: ut Selteranæ, Ruitschenfes cum vino Austriaco.

Si vires magis langueant: pilulæ ex sapone veneto, extract. amoricantibus gummi ferulaceis, floribus salis ammoniaci martialibus, extracto rhei locum habent.



---

**C A P U T XXII.****DE****I L E O.**

---

**P**ertinacissima alvi obstructio cum vomitu Arabibus passio iliaca, recentioribus ileus & perperam volvulus audit; cum ileus absque convolutione vel introsusceptione & hæc absque ileo occurrat.

Morbus hic inter inflammatorios locum habere videtur: cum vel inflammationem ut causam agnoscat, vel illam brevi producat.

Willisus in omnibus ileo defunctis intestina inflammata & sphacelata reperit. Clarissimus Simson testatur (a) se magnum numerum aperuisse hoc morbo mortuorum, semperque invenisse validam inflammationem intestinorum.

Parum

---

(a) Medical essays Tom. V. Part. II, pag. 664.

Parum ad curam refert, an ab antiperistalsi, an a solo motu diaphragmatis & musculorum abdominalium dichrono & reciproco, ut Haguenot voluit, ileum repetamus.

Sufficiat, quod ea ileum producant, quæ diametrum canalisi a ventriculo ad anum usque multum minuunt, aut integre obturant.

Talia sunt intestinorum præcipue ilei, peritonæi, musculorum abdominalium inflammatio, tubi intestinalis callosa crassities, ejus angustatio a fecibus induratis, exsiccatis, nidis vermium, calculis vel ibi natis, vel ex hepate eo delatis, a glutine inspissato, indurato, abscessibus, scirrhis, carcinomate.

Denique anus non perforata in infantibus; hæmorrhoidum subpressio; colica saturnina, venena; parietum intestinalium post vulnera, ulcera concretio; tumores mesenterii, pancreatis, uteri, ovarii morbum hunc producere valent.

Vidit Friburgi supra laudatus Baaderus ante triennium in nobili virgine ileum lethalem ex tumore ovarii dextri intestinum

ileum cristæ ossis ejusdem nominis adprimentem & cavum intestini perfectæ thlipsi delentem.

Frequens causa ilei herniæ est. In gravidis non raro intestina tenuia in annulo, vel umbilico sine ullo tumore extus sensibili stringuntur.

Legitur & in Transactionibus Anglicanis ileus natus a spasmis motibusque convulsivis diaphragmatis & muscutorum abdominis, quibus intestini coli pars in illum hiatus urgebatur, qui inter muscutorum diaphragmatis appendices est & per quem naturaliter nervi intercostales descendunt.

Convolutionem intestinorum plurimi, ut & Illustrissimus van Swieten in dubium vocant, cum vix concipi possit: quomodo intestina mesenterio adnexa ita circumtorqueri valeant, ut cavum illorum inde clauderetur. Testatur quidem Ruyschius: quod id putrefacto prius mesenterio viderit, adeoque nexu illo soluto hoc fieri posset: verum tunc prius a gangræna mesenterii jam mortem sequi existimant, cum ejus læsiones adeo periculosæ sint. Interim similes casus  
apud



apud Platerum, Lazarum Riverium, Bar-  
bette leguntur.

Inter causas ilei numeratur & introsu-  
sceptio intestini, dum portio spasmo con-  
tracta, tenuis & angusta reddita in conti-  
guam ejusdem intestini partem sæpe ad no-  
tabilem longitudinem ingreditur, sicque li-  
berum transitum per cavum intestini inter-  
cipit.

Illustr. Hallerus innoxiam intestinorum  
introsusceptionem credit & huic degenera-  
tioni minime ileum tribuit (a).

Notat & Illustris van Swieten in bru-  
torum viventium intestinis incassum tenta-  
tum fuisse morbum hunc imitari & quod in  
cadaveribus difficulter efficere possimus, ut  
intestini pars proximam ingrediatur. Sub-  
jungit tamen idem Vir Celeberrimus: quod  
autopsia docuerit hoc factum fuisse, imo  
frequentius quam vulgo credi solet.

Neque semper superior pars inferio-  
rem ingreditur, sed & contrarium observa-  
tum fuit.

---

(a) Opusc. path. Obs. XXVII.

Incipit ileus cum obstructione alvi, dolore abdominis maxime circa regionem ilei, qui successive augetur, in principio per intervalla affligit, dein fixus urens in eadem parte persistit.

In loco dolente tumor quandoque adparet renitens, oblongus, chordam tensam referens: unde & chordapsus dicitur.

Accedit pertinacissima alvi obstructio, conatus ad vomitum, dein vomitus ipse alimentorum ultimo sumptorum, bilis, materiæ putridæ, demum clysmatum, fecum, subpositoriorum: ut Celeb. Gorter (a), Gaubius (b) & alii observarunt.

Multis difficile imo impossibile videtur, quomodo ex crassis contenta venire valeant in ileum intestinum, uti etiam quomodo locum illum, in quo volvulus hæret, superare potuerint. Verum si consideretur inverso hoc peristaltico motu ileum evacuari, cœci finem quam maxime urgeri & latera ejus distrahi: adparebit, & hoc fieri posse.

Cele-

---

(a) Prax. medic. system. pag. 216.

(a) Instit. pathol. Medicinal. pag. 440.

Celeberrimus de Haen exemplum refert tympanitici volvulo defuncti, in quo coli, cœci, ileique diameter adeo aucta fuit, ut valvula Bauhini ne tertiam forte aperturæ partem tegeret.

Ileus ab inflammatione ortus ex præcedenti capite intelligitur.

Scirrhum adesse suadent: si æger antea de ponderis sensu in loco fixo conqueratur; si per longius tempus vix alvum deponat; si summe angatur & revomat, quæ hoc tempore sumpserat absque stercoreo illo odore adparente in his, quæ vomitu rejiciebantur.

Signa intromissionis incerta sunt: eam vero suadent, si nulla alia causa præcessit; si dolor magnus, continuans diu in eodem loco immutatus hæreat & si ibidem major expansio cum aliquo motu notetur.

Prognosis semper anceps, maxime in exhaustis & ætate proVectis.

Recidiva, quæ frequens, periculosior.

Ileus ex inflammatione paucis diebus jam lethalis. Secus observata nos docent per plures septimanas durantem hunc morbum curatum fuisse.

Tremor, deliria, singultus, convulsiones, diarrhœa ichorosa, extremorum frigus infausti sunt ominis.

Iliaci ut plurimum gangræna pereunt. Sed non raro suffocati moriuntur: dum a dolore, spasmisque abdominis actio diaphragmatis & musculorum abdominalium impeditur & inde sanguis in pulmonibus accumulatur.

Aretæus quoque notavit, quod solus dolor in passione iliaca sæpius necet.

In infantibus acerbitate doloris convulsis, dum ab acri materia intestina irritantur, mors sequitur, antequam inflammatio aut gangræna nascatur.

Si alvus solvatur, bonum signum. Sed & hæc non semper superatum malum significat, cum ex loco magis inferiori eam excernere possint ægri.

Cura varia est pro ratione causæ &c.

Ileus ab inflammatione tractandus, ut in cap. de colica dictum.

Venæ sectio in omni fere ilei specie necessaria ob metum inflammationis.

Con-



Conveniunt quoque fomenta, balnea & clysmata emollientia. Dein ad enemata acriora descendendum.

Efficacissimus est fumus tabaci omni hora aut altera ano immissus.

Experientiæ & rationi contradicere videntur ii, qui hæc enemata rejiciunt & ea tantum fabris ferrariis ad sanandos equos concedunt (a).

Instrumentum optimum descripsit Clarissimus Schæffer (b).

Nonnunquam incassum adhibitis clysmatibus ex nicotiana tartarus emeticus ad quatuor vel sex grana ano injectus profuit.

Si forte obstaculum quoddam immissioni fumi sese offerret: videndum, num non feces obturent intestinum rectum, quæ convenienter removeri deberent.

Laudantur & purgantia interne sumpta.

Bb 4

Inter

(a) Encycloped. Tom. III. pag. 587.

(b) Der Gebrauch und Nutzen des Tabackrauches, siers nebst zweyen dazu bequemen Maschinen 1766.

Inter draſtica celebres olim fuere pilulæ iliacæ Rhafis, quæ colocynthidem, ſcammonium, ſagapenum recipiebant. Sydenhamus ſubſtituit maſſam pilularum cochiarum in aqua menthæ ſolutam.

Verum ſimilia vix propinanda ob inflammationem facile ſuccedentem.

Uncia ſalis amari in libris binis aquæ ſoluta, vel ſal thermarum Carolinarum ex juſculo ſumptus non raro cum ſucceſſu exhibetur: ſi ſingulis quinque aut ſex minutis duo cochlearia propinentur.

Si vomitus aut dolor admodum urgeat: venæ ſectiōe & clyſmatibus præmiſſis, ſuadente van Swieten ad paregorica conſugiendum.

Mead anodyna purgantibus mixta exhibenda vult. Verum melius eſt, obſervante Celeberrimo Tralles, opio purgans ſubjungere: neceſſitate poſtulante purganti iterum paregoricum ſubſtituere, ſicque alternis vicibus pergere ſub attentione debita, an, quando & qua doſi hoc vel illud exhibere expediat.

Merito quoque in ileo laudantur temperata veſicantia abdomini adplicata.

In

In mutuo intestinorum ingressu suadentur globuli plumbei deglutiendi.

Qui varios intestinorum gyros considerat, fatis intelliget: non tantum boni expectari posse in ileo a globulis plumbeis sclopetariis, ac quidem multi crediderunt.

A parvis globulis plumbeis (Schrott) inter plicas ilei morantibus sphacelus in illo loco observabatur, reliquis intestinis & ventriculo illæsis (a).

Commendatur & a claris in arte medica viris argenti vivi usus: licet eum improbaverit Sydenhamus.

Cum enim admodum penetrabile & post aurum ponderosissimum sit, poterit quandoque expedire vias animadvertente van Swieten.

Exhiberi solet præmisso & desuper hauriendo aut juscule pingui aut haustu oleoso; incipiendo a libra semis adscendendo ad libras duas, tres.

Tutissime majori copia sumitur, tunc enim collectus manet, facilius citius per alvum elabitur. Ubi diu hæret in corpore

Bb 5

&

---

(a) Act. natur. curios. Vol. X. pag. 22.

& per venas bibulas intestinorum sanguini miscetur: alia mala producere valet.

Fridericus Hoffmannus libram semis purissimi argenti vivi dato prius pingui jussculo & superpotato dein brodio carnis, cum aliquot unciiis olei amygdalarum exhibuit. Post quinque horas alvus solvebatur & simul uncia circiter argenti vivi exhibat cum levamine omnium symptomatum. Per quatuordecim dies & ultra fecibus alvinis permixta adparebat portio argenti vivi. Verum restauratis jam viribus tremor in artubus & impotentia in manibus ultra mensis spatium manebat (a).

In Anglia & Scotia (b) pañaceæ fere instar laudabatur: si mane uncia una aut altera argenti vivi sumeretur, quod multi fecerunt per plures hebdomadas absque ulla sensibili evacuatione aucta. Interim tamen constitit, quod licet non ilico nocuerit, postea tamen damna intulerit.

Miri

---

(a) Med. ratio Tom. IV. Part. II. pag. 335.

(b) Medical essays Tom. III. pag. 387.



Miri & insuperabiles morbi illorum, qui argentum vivum quotidie ad sua artificia adhibent, caute hic procedendum esse satis evincunt.

Cum signa pathognomica deficiant, ex quibus cum certitudine concludere possimus; an volvulus adsit & si adest, an pars superior in inferiorem, an inferior in superiorem intrusa sit: eventus horum remedium semper fallax erit, imo in eo casu, ubi pars superior intraverit, vix non semper lethalis; cum malum augeat protrudendo intestinum susceptum ulterius in proximam partem dilatatum.

Parum quoque ponderosum hoc fluidum efficere valet, si intricata aut nodosa in aliquo loco implicatio adsit. Et in ileo ab hernia incarcerata magis nocere, quam prodesse videtur.

Hinc omnia tendanda, antequam metalla hæc exhibeantur.

Extollitur a multis in ileo aurum fulminans, damnatur ab aliis. En paucis, quæ sentio.

Aurum in aqua regia solutum, mediante sale alcalino præcipitatum pulverem  
exhi-

exhibet, five calcem luteam metallicam exhibet, five calcem luteam metallico salinam, quæ sponte exsiccata leni ignis, radiorum solarium calore, aut solo adfrictu omnia ei resistentia summa cum explosione & adstantium periculo disjicit. Aqua regia ad hunc processum secundum Dispensatorium Viennense parata est spiritus nitri tantam continens salis ammoniaci copiam, quantam solvere, ac frigide solutam retinere valet.

Credebant nonnulli hanc auri calcem fulmine suo inferiora tantum concutere & theoria hac ducti id in pertinacissimis alvi obstructionibus exhibebant.

Verum constat remedium hoc non solum inferiora versus, sed in omnem partem æqualiter fulmineum ictum exercere, cunctaque corpora ei resistentia subito disjicere.

Dum inflammatur, majori quidem impetu in partes plus resistentes agit. Verum si in corpore nostro id præstaret, citius membranacea intestinorum structura creparet, quam ut impedimentum tolleretur.

Quare

Quare calcem hanc metallico salinam virtute diaphoretica, subinde etiam purgante præditam venenis quidem non æquiparandam, inefficacem vero ad pertinacissimam illam alvi obstructionem solvendam censeo.

Hinc cum tutiora, certiora & minus pretiosa pharmaca possideamus, hoc facile carere possumus.

Vidi hoc remedium sæpius ab aliis, sed semper frustra exhibitum.

Non sine voluptate recordor amici in Illustrissima domo decumbentis, qui systemate nervoso admodum mobili præditus ex leviori animi pathemate & diætæ errore, dolore circa & supra umbilicum correptus fuit cum validiori alvi obstructione, inappetentia, urina magis tincta &c. Dum vocarer, clyisma ano injiciendum & decoctum ex radice graminis, addito semine anisi cum sale mirabili Glauberi & syrupo quinque radicum aperientium summendum suasi. Inde nec symptomata minuebantur, nec alvus sollicitabatur. Altera die abdomen magis tensum, dolor vehementior, ructus frequentiores. Repetebantur [clysmata, abdomini

domini fomenta adplicabantur, aqua laxativa cum sale amaro exhibebatur. Verum augebatur dolor, sitis: hinc ad inflammationem præcavendam pulsu sat pleno vena bis secabatur & sanguis levi crusta tectus educebatur. Accedebat vomitus adsumptorum & materiæ biliosæ cum exacerbatione doloris. Recurrebam ad opium, cui purgantia subjungebam; balneo æger immergebatur, sed incassum. Proposueram binis Medicis in consilium vocatis enemata ex fumo nicotianæ. Annuebat unus horum, Vir in arte Clarissimus: alter vero solam spem in aurum fulminans collocabat.

Ne pertinaciæ arguerer, tentavi hoc remedium, sed symptomata omnia augebantur cum summa virium jactura. Adplicabantur demum & repetebantur enemata ex nicotiana, ita ut fumus per os prodiret, tandem pluries æger alvum copiosam excernebat cum malorum omnium levamine. Sed post triginta horas absque minima causa redibant dolor & vomitus vehementior longe ac antea.

Clysmata ex tabaco nihil juvabant, sed abdomen ad crepaturam usque extendebatur.



tur. A paregoricis sumptis emesis augebatur. Tulit quidem solutionem falis Sedlizenfis fumendo defuper drachnam unam vini Tokaviensis. Sed alvus pertinaciffime claufa manebat.

Balneo ex aqua & lacte fæpius utebatur. Post balneum fubpoſitoria & clysmata modo acerrima modo emollientiffima in uſum vocabantur, vapores aquæ calidæ per ſellam perforatam ano admittebantur, abdomen unguento althææ & artanitæ inungebatur, oleoſa interne tentabantur; ſed malum altas adeo radices agebat, ut pulſus jam tremulus, parvus, inæqualis eſſet, oculi caliginofi, vox deficiens, facies cadaveroſa. Accedebat ſingultus, extremorum frigus.

In lethali hoc ſtatu nullum mihi ſupererat remedium, quam cucurbitæ majores: ſed has media reperire nocte nemo ſciebat. Bona fortuna vafa fiſtilia (porcelaine) ex quibus abſinthiten haurire hic ſolent cucurbitis non abſimilia vidi, quæ urgente neceſſitate adplicari juſſi. Mox inde notabile ſenſit levamen æger & adpoſitis pluribus alvus copioſiſſima cum abolitione omnium ſympto-

symptomatum sequebatur. Continuabam tamen per aliquot dies enematibus & infuso camomillæ cum sale thermarum Carolinarum.

Morbo superato vox rauca manebat, quam colicæ frequenter succedere observavit Baglivius. Dein sputa purulenta copiosissima ejecit, quæ decocto corticis peruviani & lichenis islandici cum lacte cedebant. Amissum robur pilulis ex extracto corticis aquoso & resinoso, extracto martis & rhei brevi restaurabatur, ut hodieum integerrima gaudeat valetudine æger.

Felicissimos recenset effectus Experimentissimus Gallesky (a) ab oleo lini recenter presso, pellucido, parum citreo, non acri, aut profunde flavo. Omni hora vel bihorio cochlear hujus ex cerevisia calefacta, vel cum guttulis aliquot olei anisi mixtum exhibuit, præmissis ad vomitum sedandum opiatis, injectis simul clysmatibus. Quod si excretio alvi incepit dosin imminuit & dein bis vel ter cochlear continuandum jussit.

---

(a) Abhandlung vom Miserere.

jussit. Raro ultra octo uncias exhibuit: nonnunquam tertium cochlear jam voto respondit etiam in illis casibus, dum quasi feculenta jam ejiciebantur, maxime ubi morbus nephralgiæ calculosæ junctus erat.

Nostris olea hæc nauseosa sunt & ea vel non adsumunt, vel non ferunt, vel vomitus excitatur. In his ab hoc remedio abstinendum.

Suadent nonnulli, ut abdomen discindatur, intestina educantur, volvuli locus quærat, inventus digitis explicetur, dein intestina reponantur & abdomen consuatur.

Felicem similem casum Celeberrimus Nuckius refert. Verum optime monet van Swieten (a): quod non tam facile determinare quis possit, an volvulus adsit, vel non, neque tam facile cognosci locus possit, ubi hæreat; cum abdomen tensum turgeat & per totum doleat, ubi morbus in perniciem tendit.

C c

Qui-

Quidam ut Alexander Benedictus, Mercatus frigidaë potu ileum superatum referunt. Celeberrimus Home insperfectionem aquaë frigidaë in abdomen, femora & crura nuda suadet & alvum inde feliciter sæpe solvi [observavit. Sed multa in [præcipiti periculo recte fiunt, alias omittenda.

Idem de machina Clarissimi Joannis Videmar Medici Mediolanensis (a) existimo, qua liquida tanto impetu ano injiciuntur, ut vomitu rejiciantur.

Monente Celeberrimo Unzer omnia prius tentanda: cum hæc machina quandoque prodesse possit, crebrius vero certam inferre mortem videatur.

In ileo ab hernia repositio facienda. Si pars multum tumeat & inflammata sit: venæ sectiones fomenta & cum prudentia data clysmata ex nicotiana, opiata locum habent.

Laudantur quidem epithemata emollientia; sed Illustris Vogel ea plus obesse, quam prodesse credit, dum regressum intestini

---

(a) Giornale di Medicina Tom. II, pag. 245.



testini impediunt & flatuum vim ac contentorum putredinem in tumore augment. Hinc fomenta adstringentia ex majorana, abrotano, alumine & aceto vini parata tumori assiduo imponenda præcipit.

His omnibus incassum adhibitis herniotomia est adhibenda.

Sanavi nonnullos ileo ex hernia laborantes, ubi vix ulla spes supererat sanitatis recuperandæ, absque crudeli illa & sæpissime lethali operatione.

Necessitate urgente venæ sectiones repetitæ instituebantur, fomenta emollientissima parti affectæ admovebantur, uncia una salis amari in libris duabus aquæ solvebatur, solutionis hujus omni quarto aut quinto minuto uncia dimidia propinabatur; clysmata modo sola emollientia, modo addito sale amaro adplicabantur. His non sufficientibus tria aut quatuor grana tartari emetici aliquot unciis aquæ diluta ano injiciebantur. Felicior inde eventus erat, ac per clysmata ex fumo nicotianæ, a quibus quandoque nullam alvi solutionem, sed ventrem magis tensum & inflatum ob-

servavi. Demum urgente necessitate ad opitata, sed cauta manu confugi. Superato morbo sæpissime oportebat extracto corticis, aqua melissæ vires languentes ægrorum erigere, interposito aquæ amaræ usu ad constipationem alvi impediendam.

Vidit similem ægrum fere desperatum hac methodo restitutum Cl. Adolphus Murray Profess. Upsal.

Reconvalescentibus ex ileo frigus & alimenta, quæ duras feces generant, vitanda sunt.

Nec iis alvus aut mictus retinendus, monente Hoffmanno.

Herniosis perpetuo bracherium portandum est.



---

## C A P U T XXIII.

DE

### N E P H R I T I D E.

---

**I**n nephritide dolor ab initio obtusus, dein acutus pulsans percipitur versus lumbos ad trium circiter digitorum transversorum distantiam a spina dorsi infra tertiam costam ab ima numerando.

Familiaria sunt nephriticis nausea, vomitus, urina flammea, quandoque suppressa.

In malo graviore horror totius corporis, alvi constipatio, anxietas & constrictio præcordiorum, colica, ischuria, convulsio ægros adfligunt.

Stupor cruris, retractio testiculi in nephritide calculosa sæpius, quam in inflammatoria observantur.

Vidit illustris van Swieten quandoque inflammationem renum absque hoc symptomate.

Frequentiorem credit Celeberrimus Hoffmannus inflammationem renis sinistri: cum ob adjacentem flexuram coli flatibus, aut fecibus induratis distenti comprimi valeat.

Discernitur nephritis a lumbagine inflammatoria, quod in illa æger antrorsum flexus truncum sine notabili dolore erigat: in lumbagine vero id peragendo atrociter doleat.

Causæ præcipue nephritidis sunt: vis externa, equitatio, concussio in rhœda, hæmorrhagiæ subpressæ, aphrodisiaca, diuretica adhibita, calculus, materia arthritica, decubitus diuturnus in dorsum, nixus validus, dum renes a musculis dorsi comprimuntur.

Morbus benigna resolutione, hæmorrhoidibus, aut urina copiosa crassa potum cafe dilutiorem referente tollitur.

Non requiritur in nephritide ad iudicium formandum, ut urina subsideat. Sufficit sedimentum inæquale & divulsum, cum materies morbi, licet crudior sit, cum urina exire possit, nec opus habeat, ut antea, prout in aliis morbis acutis, sanguini misceatur.

Peri-



Periculum variat ratione symptomatum, subjecti &c.

Subitanea doloris remissio, excretio urinæ nigræ cum carunculis, sudor frigidus, pulsus inæqualis, debilis &c. lethalem formant prognosin.

Cura a venæ sectionibus repetitis inchoanda.

Si hæmorrhoides tumeant, ad hirudines recurrendum.

Indicantur & cataplasmata, fomenta, balnea, clysmata emollientia.

Si alvus adstricta & repletioris habitus æger sit: purgantia antiphlogistica ex tamarindis, manna conveniunt. Secus decoctum ex radice graminis, althææ cum paucō nitro, decoctum hordei cum oxymelle & emulsa sufficiunt.

Cavendum a diureticis fortioribus, lecto calidiore & decubitu in dorsum: cum hæc febrim & inflammationem augeant, urinam acriorem reddant & humores ad has partes determinent. Vesicantia, quæ in aliis inflammationibus minuto febrili impetu ad locum dolentem cum successu appli-

cantur in nephritide ob hanc rationem non conveniunt.

Ubi a calculo morbus ortus: vomitus urget, quo quandoque calculus ejicitur.

Hic aqua calida & mellitis promovendus, qua adsumpta facilius & minori cum anxietate vomunt ægri, ac vacuo ventriculo.

Urgente dolore, ut convulsionis metus, venæ sectionibus institutis & diluentibus præmissis ad opium confugiendum.

Celeberrimus Home in magna inflammatione viarum urinariarum per calculum symptomata aucta vidit, ubi sanguine crusta obducto laudanum exhibebatur.

Calculo excreto vel a diathesi humorum, vel a materia sabulosa in corpore remanente non raro alius novus iterum generatur & malum prius denuo metuendum.

Varia laudantur lithontriptica, Anglicanum ex sapone Hispanico & calce ostrearum, opercula limacum calcinata, uva ursi, aqua calcis ex ostracodermatum calce parata.

Vidi

Vidi quandoque unum, quandoque alterum ægris profuisse, frequentius tamen nullum ex his levamen tulisse.

Multis, qui arenulas, vel minores calculos per urinam cum molestia, strangu-  
ria & colica sæpius redeunte excernebant,  
sequenti pulvere profui, dum singulis vel  
alternis diebus drachmam absumerent.

℞. Olei cortic. aurantior. gut. vj.

f. cum sacchar. alb. unc. β oleo-  
sacch.

cui add.

uvæ urs. une. ℞.

pulv. gumm. arabic. dr. ij.

radic. jalap. dr. j.

m.

Ubi horripilationes prægressæ, pon-  
deris gravantis sensus, tensio magna vici-  
narum partium pus maturum in abscessu re-  
nali collectum hæere suadent: nitendum  
omni ope, ut vomica rumpatur, ne pus diu  
relictum putrescat, sinuosa ulcera produ-  
cat,

cat, vel resorptum cacochymiam purulentam & tabem faciat.

Hinc clysmata; cataplasmata & medicamenta emollientissima exhibenda: dein per tussim, sternutationem, vectiōem in rhœda ruptura abscessus quantocyus tentanda est.

Sæpe in pelvim rumpitur & pus per urinam exit, quod subito fundum vasis petit, cum non bene urinæ mistum sit.

Pus primo prodiens imprimis, si diutius vomica clausa fuerit, fere semper foetidum & quandoque sanguinolentum est.

Si subsequens leve, æquale, album sit: spes multa adfulget sanitatis recuperandæ.

Quo magis ab his qualitatibus recedit, eo pejus.

Dum pus per urinam excernitur, emulsa; serum lactis, lac asininum, decoctum agrimoniae, virgæ aureæ, aquæ Selteranæ cum anatica parte lactis largiter haurienda ut mitigetur urinæ acrimonia ulcus adluentis.

Conveniunt dein balsama nativa.

Meri-



Merito commendat Illustris van Swieten sequentes pilulas :

℞. Succ. glycyrrhiz. inspissat. unc. j.

Balsam. copayb. dr. j.

f. pilul. gr. iij. sumendæ num. viij.

omni quadrihor. superbibendo serum  
lactis vel decoctum vulnerarium.

Balsama largiori dosi & absque diluentibus datis nimis calefaciunt & stimulant, imo stranguriam molestant producunt & urinæ vias imprudenti usu inflammant.

Dictorum remediorum usu pergendum donec nullum amplius pus in urina appareat, tunc roborantia & consolidantia, ut mastiche, olibanum, sarcocolla in usum vocare convenit.

Memorabilem anno 1772 suppurationis renum curatæ casum habui in Chirurgo, cui munificentia Augustæ remedia exhibebantur.

Ex inflammatione renum ab hæmorrhoidibus subpressis in suppurationem incidit; pluribus mensibus varia incassum reme-

media sumpsit & malum altas adeo radices egit, ut eum accedens tabidum, summe febricitantem deprehenderem.

Excernebat quotidie cum urina magnam puris foetentis quantitatem. Siti, stranguria, tenesmo, alvo obstructa laborabat æger. Primo decoctum ex cortice peruviano & agrimonia exhibui. Decoctum lichenis islandici cum lacte & aqua pro potu erat. Clysmata emollientia ano injiciebantur. Ob noctes insomnes, anxietates & dolores colicos paregoricum propinabatur.

Minuebatur ab his febris & materiae purulentæ excretio: vires parum redibant.

Transivi ad pilulas ex sarcocolla, mastiche, gummi arabico, balsamo copaybæ; sed sub usu horum valida iterum incendebatur febris, quam omiſſis balsamicis, decocto corticis & emulsionibus largiter sumptis denuo debellavi. Verum continuabat æger magnam puris quantitatem excernere cum summa virium prostratione & corporis extenuatione. Hinc relictis his omni nycthemero sequentem mixturam adsumpsit.

R. Aqu.

℞. Aqu. flor. rhœad. lib. j.

extract. cort. peruv. resinof.

gumm. arab. aa. dr. ij.

pulver. uvæ ursi. dr. j.

syrup. papaver. alb. unc. ij.

m.

superbibendo aquam calcis cum tripla lactis portione.

His longo tempore usurpatis omnia symptomata minuebantur. Hinc pilulas ex mastiche, uva ursi, balsamo copyabæ & extracto corticis peruviani resinoso denuo præscripsi, quibus & aquis Spadanis integræ sanitati restitutus fuit.

Quandoque ubi ren intestino colo adcretus, hoc perforato pus per alvum exit. Ea tunc indicantur, quæ in suppuratione intestinorum laudabantur.

Nonnunquam abscessus versus exteriora fit, qui licet aperiatur, sæpissime fistulas relinquit.

Ante sex annos jnvenis febre lenta corpus depascente Nosocomium petiit, genæ ejus rubebant, sitis erat ingens, dolor in  
regio-

regione lumborum & per universas vias urinarias acerbis, qui mingendo valide augebatur; urinam excernebat paucam, ruffam, valde foetentem cum copiosissimo pure mox fundum vasis petente. Nullo modo aut causam aut historiam morbi ex agro stupido & leviter delirante expiscari licuit. Varia tentabantur remedia, decoctum salep, emulsa, decoctum corticis peruviani cum virga anrea, agrimonia, aqua calcis cum lacte &c. sed omnibus incassum datis periit.

Suspicabar suppurationem in viis urinariis, verum anatomico cultro subiectum cadaver nihil in iis morborum exhibuit, sed tela cellulosa universi fere corporis pressa pus fundebat.

Si post tempus maturationis elapsum dolor & febris cessant, atque tumor durus cum dolore pressorio remanet, urina pauca aquosa excernitur: scirrhum immedicabilem fere natum noscimus.

Inde claudicatio, paralysis pedis lateris adfecti a musculo psoas & nervis ad artus inferiores ex medulla spinali compressis.

Occur-



Occurrunt quidem aliorum adhuc viscerum inflammationes: ut lienis, mesenterii &c. Sed de his in separato agere superfluum videbatur, cum facile ex prioribus intelligantur.

---

## CAPUT XXIV.

DE

## RHEUMATISMO.

**R**heumatismi nomen rarius occurrit apud veteres Medicos: sed dolores omnes artuum, ac externi corporis arthriticos vocarunt.

Ipsæ Boërhaavius in prima aphorismorum suorum editione nullam rheumatismi mentionem fecit.

Recentiores cum definiunt dolorem atrocem, dilacerantem; ad minimum motum sævissime auctum; juncturas artuum obsidentem; genubus, lumbis & coxendici  
magis

magis infestum; quandoque cerebrum, pulmones & reliqua viscera excruciantem.

Periodicus itus & reditus, qui a Boërhaavio definitioni adjicitur, non semper animadvertitur.

Rheumatismus quandoque universum fere corpus adficit: quandoque partem tantum occupat.

Dolor ingens, fixus circa regionem lumborum ad os sacrum descendens, nonnunquam ipsos renes, ureteres & vesicam petens lumbago rheumatica audit. Similis dolor coxam occupans malum ischiadicum dicitur.

De sede rheumatismi differunt Auctores.

Fridericus Hoffmannus eam collocat in omnibus musculis, horum membranis, tendinibus, locis inter articulos mediis. Imo articulorum dolores ad rheumatismum referri posse judicat: si malum simul media inter articulos spatia occupet, ut musculos, membranas, periosteum.

Immortalis Boërhaavius in capit. de rheumatismo non meminit musculorum & eorum membranarum.

Cele-

Celeberrimus Pringle in rheumatismo dolentes articulos notat.

Verosimile est: quod hic morbus non solum articulos, sed & expansiones tendinosas, aponeuroticas dictas, obsideat, quibus muscoli v. g. colli, dorsi &c. teguntur.

Distinguitur rheumatismus in febrilem & apyretum.

De prima specie hoc tomulo tractare animus est: de altera inter morbos chronicos in capite de arthritide agam; cum arthritidis & rheumatismus permultas causas remotas tam internas quam externas inter se communes habeant & cum Viris in arte Clarissimis, ut Ludwig (a) & Vogel (b) existimem, rheumatismum ab arthritide parum & nonnisi loco adfectus differre.

Rheumatismus calidus distinguitur in inflammatorium & in eum, quem febris catarrhali similis comitatur.

In-

---

(a) Instit. Medic. Clinic. pag. 264.

(b) Pag. 367.

Inflammatorius sanguineos, adolescentes; viros, præcipue injuris aëriis expositos & inter mulieres agiliores adgreditur.

Vita lauta, spirituosorum abusus, hæmorrhagiæ subpressæ, transpiratio impedita morbo huic generando favent.

Vix videtur, quod a sola sanguinis copia oriatur. Metuendus tamen est: si in sanguinei temperamenti hominibus simul acris labes adsit. Ideo ab aëre frigido per rimas angustas, aut portas obpositas intrante facile hic morbus inducitur; dum constrictis partibus externis subposita vasa ab urgentibus plus humoribus distrahuntur & inde dolor nascitur, quod rubor ac tumor partis adfectæ docere videntur.

Hinc cum articuli & tendinosæ expansiones musculos tegentes in pluribus corporis locis non multum a cute remota ponantur, in quam subito admissum frigus agit; intelligitur ratio: quare toties in illis rheumatismus contingat.

Ob eandem rationem autumnus & vere frequentior hic morbus; dum calidos dies frigidæ excipiunt noctes.

Alii



Alii viscidam sanguinis densitatem rheumatismi inflammatorii causam existimant.

Inchoat rheumatismus inflammatorius cum rigore, febre, sequuntur dolores aut vagi, aut in uno loco sedem figentes, qui non raro intumescit & tactu dolet, quandoque nullus tumor notatur.

Pulsus horum ægrorum celer est, plenus, durior; fitis major; urina rubra, quandoque crassa, turbida, foetens, ardorem excitans.

In junioribus, animadvertente Illustri Vogel (a), adfectus rheumatici magis caput, pectus, scapulas, humeros, manus & dorsum petunt: in viris & senioribus dorsum & coxas cum femoribus. Sub reversionibus autem ad interiora tendentibus, in illis iterum magis caput, fauces & thoracem: in his hypochondria, intestina, renes & vesicam quærunt.

Rheumatismus fixus molestior, vagus periculosior est; cum subito quandoque pe-

D d 2 reant

---

(a) De Cogn. & cur. præc. corp. hum. aff. p. 369.

reant ægri, dum materia ad partes nobiliores ut cerebrum & pulmones fertur.

Majus discrimen & cura difficilior in senibus, quam in adolescentibus & mediæ ætatis hominibus.

Quo validior febris, a quo malum hoc incipit: eo plerumque acrior dolor & molestior totius morbi decursus.

Raro in abscessum abit: imo manifestæ fluctuationes observabantur, quæ post paucos dies dissipabantur.

Rheumatismus inflammatorius sæpe in chronicum desinit.

In partem, quæ sæpius & diutius rheumatismo adfecta fuit, morbus promptius postea revertitur. Quia vasa crebrius vel diutius distracta labefactantur & facilius cuilibet vi ingruenti cedunt.

Levior morbus transpiratione insensibili terminatur: gravior sudore, urina, alvo & hæmorrhagiis solvitur.

Morbus ischiaticus quandoque hæmorrhoidibus sponte fluentibus levatur.

Cura varia est ob diversas causas symptomata & indolem mali,

Levior

Levior morbus solis diluentibus, tepidis & moderato regimine calido sanatur.

Pulsus plenus, fortis venæ sectionem in parte maxime vicina petit, repetendam, donec mollior fiat & febris impetus minuitur.

Frequenter sanguis eductus, ut in pleuritide crusta inflammatoria tegitur.

Laudatur a quibusdam hirudinum ad limbum tumoris inflammatorii adplicatio.

Eam vix ferent sensiles & delicati; cum a minimo adtactu dolor sæpe immaniter augeatur.

Commendantur & fomenta emollientia, leniter solventia ex speciebus decocti emollientis addito sapone veneto. Verum si talia ob acerbitatem doloris sustinere nequeant: vapores aquæ bullientis ad partem adfectam determinandi.

Cavendum a spirituosiss, camphoratis, frigidis, quæ partes magis constringunt.

Alvus silens clysmata antiphlogistica petit.

Interne mixtura ex aqua florum sambuci, aceto, rob sambuci cum multo sale polychresto aut nitro largius exhibenda.

Expertissimus Brocklesby (a) in rheumatismo inflammatorio incipiente præmissa venæ sectione in libra una decocti avenæ drachmam unam nitri puri solvit, atque ægris sex, octo, duodecim libras de die propinavit. Continuato hujus remedii usu per tres, quatuor dies, copiosissimo orto sudore sanabantur.

In morbis acutis inflammatoriis largo usui nitri satis indulsit Illustrissimus van Swieten: unciam semis, imo drachmas sex intra viginti quatuor horas dedit sæpius; sed semper curam habuit, ut magnam diluentium copiam simul fumerent ægri. Nihil metuebat a vi refrigerante nitri, cum sciret illam tantum obtinere eo tempore, quo nitrum solvitur: evanescere satis cito, postquam nitrum solutum est.

In numerosis rheumatismo adfectis, qui in praxi mea occurrebant, sufficiebat uncia dimidia nitri nycthemero adsumpta. Neque alii Clarissimi Medici, ut Expertissimus Monro in exercitu Anglorum medici-

---

(a) *Oeconomic. and Medical observations.* p. 116.



dicinam faciens, ad largam adeo nitri copiam, ut supra laudatus Brocklesby, adscenderunt.

Præstantius in adfectibus rheumaticis non inveni remedium, ac rob sambuci, quod ad tres, quatuor uncias de die exhibitum humores absque motus augmento solvit & corpus ad diaphoresin, diuresin & alvi excretionem disponit.

Utiliter mixturæ priori aliquot uncix pulpæ tamarindorum adduntur; ut indies aliquoties alvus moveatur: cum spontanea diarrhœa non raro insigniter proficua in hoc morbo observata fuerit.

Ubi laute viventes rheumatismo inflammatorio corripiebantur, in principio mali vix levamen observavi, nisi a crebrioribus alvi dejectionibus.

Sydenhamus purgantia ab initio exhiberi noluit; sed id de fortioribus, corpus turbantibus & excretiones per sudorem, urinam impredientibus intelligendum, quæ sub finem morbi accedentes cum ut plurimum integre tollunt.

Ubi febris impetus minutus est : a purgantibus abstinendum , ne corpus nimium debilitetur.

Pro potu decoctum avenæ , hordei , radicis graminis cum oxymelle & serum lactis utilissima sunt.

Cavendum a stimulantibus , calidis , aromaticis , sudoriferis ; ne febre inde aucta nobilioris visceris inflammatio sequatur , vel subtilia educantur , crassa relinquantur & ita materies acris in parte adfecta magis figatur.

Hinc imitandus non est Cl. Dawson (a) , qui methodum improbat , qua febris minuitur & in acuto rheumatismo tincturam volatilem gummi quajaci commendat. Neque intelligo , cur Ill. van Swieten , qui contra rheumatismum inflammatorium in commentariis merito curam antiphlogisticam laudat , in libello de morbis militum (b) lapides cancrorum , infusum sassaphras suadeat & eccoprotica in quartum usque diem differat.

Cele-

(a) Cases in the acute rheumatisme, and the gout.

(b) Von den Feldkrankheiten. S. 54.

Celeberrimus Pringle observavit sudorem nunquam profuisse in calido rheumatismo.

Vitanda quoque opiata, quæ febrim incendunt, alvi excretionem impediunt, sudorem movent.

Vidi in rheumatismo febrem jam satismitem anodynis exhibitis tanta vi recrudesce-  
re: ut ad venæ sectionem largiorem de-  
nuo redeundum fuerit.

Boërhaavius rheumatismo laborans ob similitudinem doloris & propensionem in vomitum se calculo laborare credidit. Opio sumpto paulo post aberat omnis dolor, sed sequenti die immanis erat in lumbis, qui per plures menses duravit.

Conveniunt tamen paregorica iis, qui adeo sensibiles sunt, ut metus convulsionis a dolore nascitur.

Febre per venæ sectiones mitigata, dolore tamen & tumore articulorum persistente: sanguisugas loco, in quo inflammatio & tumor maxime notabantur, adplicandas vult Celeberrimus Pringle & præcipit, ut deciduis hirudinibus sanguini ex

vulnere exitus concedatur, donec sponte cessaret ille effluxus.

Si rheumatismus ex refrigerio vel spirituosorum abusu &c. partes externas deserat & internas petat: morbus nascitur periculo plenissimus. Noscitur id ex dolore subito evanescente, deliriis, obpressione pectoris & doloribus aliarum partium supervenientibus.

Omni opera studendum, ut materia rheumatica ad exteriora iterum ducatur.

Si febris magna, pulsus fortis, durus; audax venæ sectio instituenda; pediluvia imperanda; loca, quæ antea dolebant, tepidis & emollientibus perpetuo fovenda. His non proficientibus sinapismi acriores, demum vesicantia artubus, vel & urgente necessitate partibus antea adfectis adponenda.

Corpus moderate tegendum, decoctum ex radice graminis, floribus sambuci tepide largiter hauriendum.

Depletionibus factis & moderato febris impetu, levis camphoræ dosis cum paucō nitro utilissime exhibetur.



A majori camphoræ quantitate abstinendum esse, Celeberrimus Pringle monet: ne calor augeatur & sudor exprimatur.

Altera rheumatismi calidi species a catarrho differre videtur: quod hic in sola membrana Schneideriana hæreat, rheumatismus vero partes musculosas & membranaceas occupet.

Morbus tenerioribus & debilioribus familiarior.

Adgreditur cum horrore & lassitudine subsequuntur dolores vel in universo corpore, vel in una hujus parte, qui ad vespertas potissimum augentur. Pulsus celer & debilis tangitur. Accedit fitis, dolor capitis. Urina vel naturali similis est, vel nubeculam dispersam habet.

Incerto tempore terminatur & longius potissimum similis febris excurrit.

Solvitur sæpe miliaribus; urina cum sedimento mucoso; frequentissime sudore æquabili, copioso, non regimine aut medicamentis calidis expresso.

Levius malum, moderato corporis calore, tepidis exhibitis, ut decocto radicis graminis, florum sambuci cum syrupo de  
dua-

duabus & nitro facile debellatur; sed ob leves causas facile iterum redit.

In graviore morbo, ubi pars adfecta est, fomenta ex infuso florum sambuci & cicutæ profunt, vel suadente Sarcone (a) extractum cicutæ cum successu emplastri instar applicatur.

Minor necessitas sanguinem educendi est, ac in rheumatismo inflammatorio. Ubi vero hæmorrhagiæ suppressæ, caloris, ac doloris vehementia eam suadent: cruor educitus crustam multo fero innatantem exhibet.

Saburra in ventriculo aut intestinis hærens leni emetico vel cathartico eliminanda.

Ceterum purgantia minus conveniunt.

Pro medicamento decoctum ex radice graminis, fœniculi, floribus sambuci cum salibus mediis locum habet, cui, ubi magnus calor & sitis observantur, succus citri ad aliquot uncias addendus.

Sal

---

(a) Tom. I. pag. 107.

Sal polychrestum & nitrum minori dosi ac in rheumatismo inflammatorio propinanda: ne diarrhœa vires emungens subsequatur.

Diluentia ex. gr. decoctum hordei cum oxymelle vel syrupo de duabus &c. strenue potanda: ut naturæ vehiculum subministretur, quo per varias vias materiem morbi eliminare valeat. Ubi his adhibitis minuta etiam febre dolor acerbus urget: vesicantia temperata ad partem adfectam adponenda & tamdiu repetenda sunt, donec levamen sequatur.

Tentavit Magnificus Störck (a) ranunculi pratensis folia in pulvem contusa, quæ partibus dolentibus adplicuit vesicatorii loco. Magnum semper dolorem excitavit hoc remedium; dein epidermide in vesicam elevata magna feri copia effluxit, quo facto dolores rheumatici penitus dissipabantur, sed ulcus a ranunculi foliis productum longe diutius stillavit serum acre & difficilius curabatur, quam si vesicatorium adplicatum fuisset.

Si

---

(a) Ann. Medic. II. pag. 122, 123.

Si pulsus in inæqualem, intermittentem, aut valde debilem mutetur: moderata camphoræ dosis convenit & vesicantia ad femora, vel brachia adplicanda.

Subsultus tendinum, sopor, oculi caliginosi amplum vesicans ad nucham poscunt.

Ubi vires valde prostratæ & exacerbatio certo tempore animadvertitur: continuatis antea nominatis diluentibus & diaphoreticis, extractum corticis peruviani propinandum.

Secus a cortice peruviano nec febris, nec symptomata mitigantur, imo calor augetur & decumbentes de obpressione pectoris conqueruntur.

Observavit Magnificus Störck in ægris, qui tumore rheumatico universali adfiebantur & quorum cutis totius corporis tertio vel quarto die albo tumore elevari & acute dolore cœpit: quod fugata per pharmaca febre omnia membra subito detumuerint & materia per totum corpus dispersa in unum locum confluens ingentes tumores lymphaticos efformaverit.

Frustra tentata fuere remedia externa discutientia & interna sudorifera, aut diuretica:



retica: unde scalpello tumores aperiebantur, quo facto serum flavum, viscidum, leni calore facile inspissandum prodiit.

Vulnera relicta copiosissimum serum sudantia consolidationi pertinaciter resistebant.

Adstringentibus adplicatis ægri anxii reddebantur & nova oriebatur febris. Demum quater per diem lintea carpta infusocicutæ madida adplicabantur: unde post paucos dies labia cœperunt coire & intra unam alteramve septimanam firma inducebatur cicatrix.

Tres similes ægri mortui sunt, quibus serum per universam corporis superficiem antea dispersum, subito encephalon & pulmones petiit.

Rheumatismo febrili decumbentes diætâ tenui ex panatella, hordeo, oryza, fructibus horæis utantur.

Caveant a nimis stragulis vel cubilis calore: sed, ut singulis diebus suadente Sydenhamo aliquot horis a lecto abstineant, haud congruum videtur; cum transpiratio facile subprimatur.

Si

Si post rheumatismum debilitas, gravitas, aut rigiditas partium maneat: unguenta emollientia vel embrocatio conveniunt.

Utilissimum est balneum Badenense sulphureum, Vienna non longe distitum.

Munificentia Augustissimæ Imperatricis Mariæ Theresiæ in penultimo cruento bello domus exstructa fuit: ubi officiales & gregarii milites regiis sumptibus alebantur & balneo utebantur. Tubi ibidem variæ magnitudinis sunt, quibus balneum (douche) ad omnes corporis partes facile derivari potest. Ab initio satis propinque parti adfectæ tubus adplicandus est, dein sensim sensimque removendus, ut majori impetu irruat & sic adsueta absque doloris sensu ferant.

Qui vel ob debilitatem vel ob negotia thermas Badenses adire nequeunt, balneo artificiali ab Archiatrorum olim Comite de Sorbait multum laudato uti possunt.

Est vero Thermalis hujus balnei præscriptio:

R. Cal-

R. Calcis vivæ

Sulphuris apyreti ana lib. β.

Aquæ dulcis vel danubianæ lib. xxx.

præmissa unica ebullitione extrahatur per noctem lixivium, altera die fiat balneum plenum cum aqua fluente, ad cujus refrigerium lixivium factum decantetur remanente in fundo pulvere: & sic balneum factum est.

His speciebus, scilicet huic in ollæ fundo relicto pulveri denuo superaffundatur aqua ex balneo & calefacto reliquo pro refrigerio reaffundatur: atque ita idem balneum quater usurpari potest ante specierum renovationem. Hoc balneum, monente Clarissimo Crantz, naturali vix cedit, quin imo secundum indicationes pro hoc vel illo infirmo augeri, vel diminui potest.

Balnea similia quandoque longo tempore continuanda sunt & optime monet Celeberrimus Strack (a) thermas nostras Ba-

E e . . . . . denses

---

(a) De col. pict. maximeque ob arthritidem


Badenses sæpius non juvisse, cum non satis iis usi fuerint ægri.

Rheumatismo liberis largior vini usus vitandus & ab aromaticis, pinguibus, fumo induratis, verbo ab omnibus difficilioris digestionis abstineant.

Nonnulli morbo superato debiles & exhausti manent, ut metus tabis nascatur. His cortex peruvianus, lichen islandicus (Nro. 39.) cum lacte prodest.

Cum rheumatismus crebro revertatur; ad recidivam præcavendam frictiones leves universi fere corporis & indusium laneum immediate ad cutim portandum commendantur.

Ubi pars tantum adfecta fuit, hæc tempore frigidior cum successu pellis leporinæ frusto tegitur.







## FORMULÆ.

---

Nro. 1.

℞. **T**amar. indor. unc. ij.  
coq. in lib. jβ. aq. com. p. ȳ.  
colat. add.  
Succ. citr. unc. β.  
Mann. unc. ij.  
clarif. sum. omni ½ h. unc. liij.  
donec. purg.

Nro. 2.

℞. Tinct. purg. Disp. Vien.  
feu feri lact. tamarind. lib. j.  
Sal. Seignet. dr. vj unc. j.  
Syrup. rosar. solut. unc. jβ.  
m. sum. ut prius.

E e 2

Nro. 3.

## Nro. 3.

- ℞. Pulp. Tamar. unc. iij.  
Cryſtal. tart. dr. ij.  
Syrup. roſar. ſolut. dr. vj.  
Sumat ſæpius cochl. donec purgetur.

## Nro. 4.

- ℞. Aq. font. unc. viij.  
Nitr. dr. ij.  
Mel. mercur. unc. ij.  
m. pro clyſm.

## Nro. 5.

- ℞. Decoct. hord. unc. viij.  
Suc. citr. unc. j.  
Syrup. rub. id. unc. ij.  
Sal. polychr. dr. iij.  
Nitr. dr. j.  
m. ſum. omni bih. 2. cochl.

- ℞. Aq. rub. id. lib. j.  
Suc. citr. unc. j.  
Sal. mirab, Glaub, dr. vj,

Syrup.

Syrup. rub. id. unc. ii $\beta$ .  
m. sum. omni bih.  $\frac{1}{2}$ . vasc.

## Nro. 6.

R. Decoct. hord. lib. iv.  
Oxymel. simpl. unc. iij.  
Acet. unc. j.  
Nitr. dr. j.  
m. sum. pro libitu.

## Nro. 7.

R. Sem. melon. — amygd. dulc. a unc. j.  
f. c. aq. l. a. emuls. lib. j $\beta$ . add. Nitr.  
pur. dr.  $\beta$ .  
Sacchar. q. f. ad gratiam.

## Nro. 8.

R. Aq. fl. sambuc. unc. x.  
Roob. sambuc. unc. ij.  
Acet. unc. j.  
Sal. mirab. Glaub. unc.  $\beta$ .  
m. sum. omni bih. unc. j.

E c 3

Nro. 9.

## Nro. 9.

- ℞. Rad. gram. unc. iij.  
 coq. p.  $\frac{1}{2}$  h. in f. q. aq. comm.  
 decoct. ferv. infund. p.  $\frac{1}{8}$  h.  
 Flor. samb. unc. j.  
 colat. lib. jβ. add.  
 Sal. polych. dr. ij.  
 Succ. citr. unc. j.  
 Syrup. 5. radic. unc. ij.

## Nro. 10.

- ℞. Acetos. cum toto unc. iij.  
 coq. p.  $\frac{1}{4}$  h. in f. q. aq. col. lib ijβ.  
 add.  
 Syrup. acetos. unc. ij.  
 m. sum. pro libitu.

## Nro. 11.

- ℞. Ceras. matur. subacid. recent. lib. β.  
 inf. p.  $\frac{1}{8}$  h. in aq. ferv.  
 colat. lib. ij. add.  
 Syr. ceras. subacid. unc. ij.

m. cum aqua rosea aut aqua

## Nro. 12.



## Nro. 12.

- ℞. Ribes. matur. lib. β.  
inf. aq. conqual. colat. lib. iij. add.  
Syrup. ribes. unc. ij.

## Nro. 13.

- ℞. Ferm. pan. lib. β.  
Pulv. sem. sinap. unc. j.  
Acet. q. f.

## Nro. 14.

- ℞. Farin. fecal. unc. iv.  
Pulv. sem. sinap. unc. iij.  
Acet. q. f.

## Nro. 15.

- ℞. Aq. comm. lib. β.  
Succ. citr. unc. j.  
Extract. cort. peruv. unc. β.  
Sal. polychr. dr. jβ.  
Syr. acid. citr. unc. ij.  
m. sum. omni bih. 2. cochl.

## Nro. 16.

- ℞. Cort. peruv. rud. tus. unc. jβ.  
coq. in aq. com. lib. ij. ad rem.  
unc. xvj. colat. add.  
Syr. berb. unc. ij.  
Tart. vitriol. dr. jβ.

## Nro. 17.

- ℞. Mosch. gr. iv.  
Sacch. alb. scrup. ij.  
m. f. pulv.

## Nro. 18.

- ℞. Camphor. gr. xv:  
Pulv. gumm. arab. dr. j.  
mistis & in mortar. vitreo diu tritis add.  
Aq. melissæ unc. iv.  
Syr. kerm. unc. β.  
m. sum. omni bih. aut trih. cochl.

## Nro. 19.

## Nro. 19.

- ℞. Rad. serpentar. virg. unc. j.  
 Coccinell. gr. xx.  
 fund. defuper aq. ferv. lib. jβ.  
 stent infus. per diem in loco moder. ca-  
 lido, col. add.  
 Elæofacch. cinnam. unc. β.

## Nro. 20.

- ℞. Spirit. corn. cerv.  
 Effent. castor. a gutt. xx.  
 Aqu. cort. aurant. unc. jβ.  
 Syr. cort. aurant. unc. β.  
 m. sum. omni bih. aut trih.  $\frac{1}{2}$  coch.

## Nro. 21.

- ℞. Vitriol. alb. dr. β.  
 Solv. in unc. jβ, aq. comm.

## Nro. 22.

- ℞. Rad. alth. unc. ij.  
 Fol. — unc. j.  
 E e 5 coq.

coq. p.  $\frac{1}{4}$  hor. in aq. font.  
colat. lib. ij. add.  
Oxym. simpl. unc. ij:

## Nro. 23.

R. Kermes miner. gr. j:  
Sacch. alb. scrup. j.  
f. pulv.

## Nro. 24.

R. Bol. arm. unc. j.  
Gumm. arab. dr. j.  
Aq. flor. rhœad. lib. j.  
Diacod. unc. j.

## Nro. 25:

R. Rad. salep. dr. iij.  
coq. per  $\frac{1}{4}$  h. in aq. col. lib. jβ. add.  
Diacod. unc. j.

## Nro. 26.



## Nro. 26.

℞. Rad. fatyr. in pulv. red. unc. β.  
solv. in unc. x. aq. calid.  
add.  
Diacod. unc. j.

## Nro. 27.

℞. Rad. fatyr. exsic. scrup. j.  
Elæosacch. cinnam. gr. x.  
f. pulv.

## Nro. 28.

℞. Rad. alth. unc. β.  
Herb. malv. manip. j.  
coq. c. lib. j. aq. ad reman. unc. ix.  
add.  
Olei amygd.  
Mel. mercurial. aa unc. jβ.  
m. pro clysm.

## Nro. 29.

## Nro. 29.

℞. Cort. peruv. rud. tus.  
Lichen. island. aa unc. j.  
coq. p.  $\frac{1}{2}$  h. in aq. font.  
colat. lib. jβ. add.  
Diacod. unc. jβ.

## Nro. 30:

℞. Herb. salv. m. jβ.  
inf. unc. x. aq. ferv.  
teg. vas, donec infus. refrig.  
colat. add.  
Syrup. kerm. unc. β.

## Nro. 31:

℞. Rad. alth. unc. β.  
Herb. — m. j.  
coq. c. lib. j. aq. ad reman. unc. ix.  
add.  
Olei amygd. unc. jβ.  
Electuar. lenit. unc. j.  
m. pro clysm

## Nro. 32.

## Nro. 32.

℞. Aq. comm. lib. iv.  
Sacch. alb. unc. ij.  
Elæosacch. citr. unc. β.  
Spir. vitriol. q. f. ad gratiam.

m.

## Nro. 33.

℞. Aq. comm. lib. iv.  
Syr. rub. id. unc. iij.  
Spir. vitriol. q. f. ad fortiorem acid.

## Nro. 34.

℞. Cort. peruv. gros. modo tusi unc. j.  
coq. p.  $\frac{3}{4}$  h. in aq. sub fin. coct. Add.  
Alliariæ  
Scord. aa. m. j.  
Colat. lib. jβ. Add.  
Vini lib. β.  
Aq. theriac. unc. iv.  
m. lintea liq. hoc calid. madida parti gan-  
grænosa applicentur.

## Nro. 35.

## Nro. 35.

Ad parandum serum lactis difficulter quantitas spiritus vitrioli requisita determinatur tam ob differentiam lactis, quam ipsius acidi, cum serum non raro saporem amariusculem aut nauseosum ab acidis mineralibus aquirat.

## Nro. 36.

℞. Cort. peruv. rud. tuss. unc. j.  
 coq. in lib. jβ. aq. ad rem. unc. x. sub  
 fin. coct. Add.  
 Flor. chamom. pag. iij.  
 Col. exhib. pro clysm.

## Nro. 37.

℞. Cort. peruv. rud. tuss. unc. jβ.  
 Lim. mart. unc. β.  
 Cinnam. dr. ij.  
 vitro angusti colli immixtis adfunde vini  
 generosi lib jβ. colat. exhib.  
 Sum, bis aut ter de die unc. ij.

## Nro. 38.



## Nro. 38.

℞. Cort. peruv. in tenuis. pulv. red. unc. β.  
Extract. mart. pom. dr. ij.  
Syr. cinnam. q. s. ut f. el. valde moll.  
Sum. quater, quinquies de die cochl.

## Nro. 39.

℞. Herb. absynth.  
— — Cent. min. aa. dr. vj.  
inf. aq. ferv. lib. ij. Stent. infus. donec  
refruxer. col. Add.  
Syr. card. bened. unc. jβ.

## Nro. 40.

℞. Rad. ipec. dr. j.  
inf. per noct. in aq. unc. j;  
Col. mane factæ. Add.  
Elæosacch. cinnamom. dr. j.

## Nro. 41.

℞. Rad. gram. unc. iij.  
— — alth. unc. iβ.

coq.

coq. per  $\frac{1}{4}$  h. in aq. colat. unc. xx. Add.  
Terr. fol. tart. dr. ij.

Oxym. simpl. unc. ij.

Sum. omni bih. aut trih.  $\frac{1}{2}$  vascul. theat.

Nro. 42.

℞. Gumm. arab. unc. β.

Aq. fl. rhœad. lib. j.

Sum. omni bih. 2. cochl.

Nro. 43.

℞. Fl. maly. in pulv. gros. redact. lib. β.

Coq. c. f. q. lactis in pultem, sub fin.  
Add.

Flor. samb. rud. tufor. unc. j. β.

ut f. l. a. catapl.

Nro. 44.

℞. Bacc. junip. tuf. unc. ij.

inf. in aq. stil. junip. lib. ij.

dig. vas. claus. in loco moderate calido  
per 3. h. Add.

Roob

Roob. junip. unc. ij.  
colat. exhib.

## Nro. 45.

R̄. Tinct. aquos. rhei unc. iv.  
Ter. fol. tart. dr. iij.  
Oxym. scill.  
Syr. cinn. aa. unc. iβ.  
m. sum. 2. cochl. omni 3tia aut 4ta hor.

## Nro. 46.

R̄. Rad. cichor.  
Herb. tarax.  
Tamar. aa. unc. ij.  
coq. in aq. per  $\frac{1}{2}$  h. col. lib. ij. Add.  
Ter. fol. tart. dr. ij.  
Syr. 5. rad. unc. iij.  
Succ. citr. unc. j.  
Spirit. nitr. dulc. gutt. xxx.  
m.

R̄. Tarax. recent. c. toto part. iij.  
Acetof. part. j.

F f      Ex-

Exprim. inde succ. unc. iij.      Add.  
 Ter. fol. tart. dr. j.  
 Syrup. de cinnam. dr. vj.  
 m. sum. pro dosi.

## Nro. 47.

R. Gumm. ammoniac.      dr. iij.  
 — — galb.      dr. iij.  
 Extract. cent. min. aa. dr. ij.  
 — — rhei.  
 Sal. polychr. aa. dr. j.  
 f. l. a. pil. gr. iij.  
 Sum. ter de die v.

## Nro. 48.

R. Cort. peruv. alcohol. dr. vj.  
 Sal. polychr. dr. ij.  
 Syr. de cinn. unc. j.  
 Aq. calaminth. unc. viij.

## Nro. 49.

R. Pulv. cort. peruv. minutis. unc. j.  
 f. c. f. q. fyr. de cinnam.  
 Bol. nro. xij.      Nro.



## Nro. 50.

R. Cort. peruv. rud. tuf. unc. j.  
coq. in lib. jβ. aq. ad rem. unc. ix.  
d. pro clysm.

## Nro. 51.

R. Roob junip.  
— — Samb. aa. unc. ij.  
Oxym. scill. unc. j.  
Pulv. cent. min. unc. β.  
Sal. absinth. dr. ij.  
Syr. menth. q. f. ut f. el. vald. molle.  
Sum. ter de die cochl.

## Nro. 52.

R. Zingib. cond.  
Theriac. diates. aa. unc. j.  
Syr. de cinn. dr. vj.  
Sum. omni 4ta hor. dr. j.

## Nro. 53.

℞. Styrac. calamit.

Benzoes

Succin. aa. unc. β.

in frustula minora leniter contrita exhibe  
pro suffimigio.

## Nro. 54.

℞. Cremor tart. dr. ij.

bulliant in lib. iv. aq. comm. ad perfe-  
ctam solutionem. Add.

Sacch. unc. ij. vel quantum pro grata  
dulcedine sufficit.

Succ. citr. ex mal. decorticat,  
recenter press. unc. j.

Exhib.

## Nro. 55.

℞. Herb. acanth. moll.

— — alth. aa. m. j.

Flor. samb.

— — melilot. aa. m. β.

Rad. symphyt. maj.

Nucl.

Nucl. lappæ min. aa. unc.  $\beta$ .  
 bull. uno alterove min. in aq. lib. ij.  
 colat. Add.  
 Mell. rosac. unc. j.  
 m.

## Nro. 56.

R. Juris carn. unc. vj.  
 Nitr. pur. gr. v.  
 Spirit. sal. gutt. iij.  
 m.

R. Lact. recent. unc. vj.  
 Vitel. ovi nro. j.

## Nro. 57.

R. Herb. plantag. latif.  
 — — Sanguiforb. aa. m. j $\beta$ .  
 Flor. rosar. rubr. m. j.  
 coq. c. lib. j $\beta$ . aq. font.  
 facta una alterave ebull. cola & add.  
 Oxym. simpl. unc. j $\beta$ .

Nro. 58.

℞. Rad. gram. unc. iv.  
coq. in mens. j. aq. ad rem. lib. iij.  
infund. ferv. supra  
Flor. samb. m. jβ.  
post refrigerationem cola & ad.  
Oxym. simpl. unc. ij.  
— — Scill. unc. j.  
m.

Nro. 59.

℞. Herb. rut.  
— — scord.  
— — alliar. aa. m. β.  
inf. cum aq. ferv. lib. jβ.  
liq. refrig. col. ad.  
Mel. rosac. unc. j.  
Spirit. sal. acid. gutt. x. aut xv. pro-  
ut spiritus plus minus fortis de-  
prehenditur.

Nro.



## Nro. 60.

℞. Fol. salv. m. ij.

Flor. rosar. rubr. m. j.

inf. c. lib. ij. aq. ferv.

col. refriger. add.

Liquor. anod. min. gutt. xxx. ad xl.

## Nro. 61.

℞. Cort. lign. sanct. unc. j.

Ebull. in lib. iij. aq. ad consumpt. lib. j.

fervens decoct. inf. supra

Rasur. lign. sassafr.

— — Santal. citrin. aa. unc. β.

Sem. anis. stellat. dr. ij.

Cola postquam infusum refrixerit.

## Nro. 62.

℞. Baccar. juniper. tus. unc. ij.

inf. in aq. stillat. juniper. lib. ij. diger.

vase claus. in loco moder. calido

per 3. hor. add.

Roob juniper. unc. ij.

Oxym. scill. unc. jβ.

F f 4

Nro.

℞. Sumitat. absinth. vulg. unc. ij.

Rad. calam. aromat.

— — gentian.

— — imperator. aa unc. j.

Baccar. laur. unc. jβ.

— — juniper. unc. iij.

Sem. dauc. cret. unc. j.

scissa, tusa, mista

infund. calide vase clauso in vini bon. vel  
& hydromelitis lib. viij. per 24 hor.

℞. Scill. recent. unc. β.

Cortic. cinnam. unc. j,

infund. in lib. ij. vin. bon.

℞. Milleped. vivor. unc. j.

Scill. dr. jβ.

Vin. austriac. lib. j.

contus. infund. per 24 hor. sæpe vas agi-  
tando: add.

Syrup. cinnam. unc. ij.

sum. omni trih. aut quadrih. ij. cochl.

## Nro. 63.

℞. Resin. jalap. gr. xj.  
solv. in f. q spirit. vin. add.  
Elæosacch. aurant. q. f.

℞. Extract. panchymag. gr. x.  
Resin. jalap. pin. subact.  
Scammon. aa gr. vj.  
m. c. f. q. spirit. vin. f. pil. unc. viij.  
deargent.  
fum. pro una doss.

## Nro. 64.

℞. Rad. imperator. dr. ij.  
— — pyrethr.  
— — zingib.  
— — pimpinell. alb. aa dr. β.  
Piper.  
Caryoph. aa gr. xv.  
Mastich. unc. jβ.  
m. f. pulv. grossus, cujus gr. xv. aut xx. lin-  
teo obvolvi & pro masticatorio exhiberi  
possunt.

## Nro. 65.

℞. Gumm. ammoniac. pur. unc. β.  
Extract. enul. dr. ij.  
— — mart. pom. dr. j.  
m. f. pil. gr. ij. aut iij.

## Nro. 66.

℞. Rad. gram. unc. iij.  
— — alth. unc. ij.  
coq. per  $\frac{1}{4}$  h. in aq. font.  
colat. lib. ij. add.  
Nitr. pur. dr. j.  
Oxym. simpl. uñc. ij.

## Nro. 67.

℞. Flor. arnic. dr. jβ.  
infund. aq. ferv. per  $\frac{1}{2}$  hor.  
colat. lib. j. add.  
Syrup. de duab. unc. j.  
fum. omni bih. aut trih. 2 cochl.

## Nro. 68.



## Nro. 68.

℞. Flor. arnic. unc. j.  
coq. per  $\frac{1}{4}$  hor. in aq. font.  
col. lib. ij. detur pro fomento.

## Nro. 69.

℞. Olei amygd. recent. unc. jβ.  
solv. leni calore  
Spermat. cet. dr. jβ.  
add. demum  
Syr. papav. alb. aut rhœad. unc. j.  
& continuo agit. donec omnia simul refrigerata linctum æqualiter mixtum constituent.

## Nro. 70.

℞. Aq. fœnicul. unc. vj.  
Gumm. ammon. pur. c. vilel. ovi  
optime subact. dr. iij.  
Syrup. hyssop. unc. j.  
fum. omni bih. aut trih. 2 cochl.

## Nro. 71.

## Nro. 71.

℞. Lap. cancror. gr. xv.  
Kerm. mineral. gr. j.  
Camph. cum gr. xx. sacch. tritæ gr. β.  
m. pro dosi.

## Nro. 72.

℞. Camph. gr. xv.  
Pulv. gummi. arab. dr. j.  
mist. & in mortario vitreo diu tritis  
add.  
Aq. meliss. unc. vj.  
Extract. cort. peruv. unc. β.  
Syrup. kerm. aut syr. cort. peruv.  
pharmac. altenburg. unc. ij.  
sum. omni bih. aut trih. 2 cochl.

## Nro. 73.

℞. Rad. ipecacuan. gr. xij.  
Tartar. emet. gr. j.

## Nro. 74.

## Nro. 74.

℞. Pulv. gumm. arab. dr. j.  
solv. in f. q. aq. bull. quam evaporatione  
reduc in mucilag. spissioris consistentiæ ad-  
misc. dein

Mucil. sem. cydon. cum aq. rosar.  
extract. unc. j.

Syr. alth. unc. iij.

## Nro. 75.

℞. Extract. liquirit. dr. ij.  
Olib.

Styrac. calamit.

Balsam. copayb. aa dr. j.

m. f. pil. gr. iij.

## Nro. 76.

℞. Rad. bardan. unc. ij.  
coq. per  $\frac{1}{4}$  hor. add.

Hyssop.

Flor. samb. aa unc. j.

infund. per  $\frac{1}{8}$  hor.

colat. lib. ij. add.

Nitr.

Nitr. dr.  $\beta$ .

Oxym. scill. unc. j.

— — simpl. unc. ij.

Nro. 77.

R. Stipit. dulcamar. unc. ij.

sciss. & leviter tus.

infund. f. q. aq. ferv. per  $\frac{1}{2}$  hor.

dein momento ebull.

colat. libr. ij. add.

Oxym. simpl.

Syrup. flor. rhœad. aa unc. j.

m. sum. omni trih. unc. iij.

Nro. 78.

R. Gumm. ammoniac. unc.  $\beta$ .

Extract. trifol. fibrin. dr. ij.

— — enul. dr. j.

f. l. a. pil. gr. iij.

deargent.

sum. quater de die v.

Nro. 79.



## Nro. 79.

℞. Rad. gramin. unc. iv.

— — acetos.

Tamarind. aa. unc. ij.

coq. per  $\frac{1}{4}$  hor. in aq.

colat. lib. ij. Add.

Sal mirab. Glaub. unc. j.

## Nro. 80.

℞. Sapon. venet. unc.  $\beta$ .

Gumm. ammoniac. dr. ij.

Extract. rhei.

Sal. polychr. aa. dr. j.

f. l. a. pil. gr. iij.

fum. quater de die vj.

## Nro. 81.

℞. Rad. alth. unc.  $\beta$ .

Sem. lin. rud. tuf. dr. ij.

docoq. in lib. j. aq. font. ad rem, unc. viij.

Add.

Mel. dr. vj. vel unc. j.

pro clysm.

Nro.

## Nro. 82.

℞. Agrimon.

Virg. aur.

Sumitat. hyperic. aa. part. æqual.  
infund. aq. ferv. instar potus thee.

## Nro. 83.

℞. Unguent. calend. unc. j.

Camphor. dr. j.

Olei menth. destil. dr. β.

m.

## Nro. 84.

℞. Emplastr. stomach. ord.

— — de bacc. laur. aa. part. æqual.

m.

## Nro. 85.

℞. Sem. 4. cal. min. aa. unc. β.

inf. aq. ferv. per  $\frac{1}{8}$  hor.

colat. lib, ij. Add.

Sal. therm. carolin. unc. j.

Syrup, fœnic. unc. ij.

Nro.

## Nro. 86.

℞. Olei menth. gutt. x.

f. c. sacchar. unc. j. fiat l. a. clæosacch.

Add.

Aq. menth. unc. x.

fum. sæpius 2. cochl.

℞. Herb. menth.

— — meliss. aa. m. j.

inf. aq. ferv. lib. jβ.

operiatur vas

dein frigido infuso add.

Syrup. menth. unc. β. vel. dr. vj.

m.

## Nro. 87.

℞. Extract. cort. peruv. resin.

— — mart. pom.

Gumm. galban. aa. dr. ij.

Piper. contus. dr. β.

f. l. a. pil. gr. iij.

deargent.

Sum. ter. de die vj.

Nro. 88.


℞. Rad. ipecacuan.  
Rhei elect.  
Cryst. tartar. aa. scr. ʒ.

Nro. 89.

℞. Sal. absint. scr. ij,  
Succ. citr. q. s.  
m. sum. in actu effervescentiæ.









A. 324

